

Namo tassa bhagavato arahato sammāsambuddhassa

Abhidhammapīṭake

Dhammasaṅgaṇī-anuṭṭikā

Vīsatiḡāthāvaṇṇanā

1. Abhidhammasaṃvaṇṇanāya atthaṃ saṃvaṇṇetukāmo tassā ādigāthāya tāva payojanasambandhābhidhānapubbaṅgamam atthaṃ niddhārento uḷārajjhāsāyānaṃ nisammakārīnaṃ paṭipatti paresaṃ vividhahitasukhanipphādanappayojanāti ācariyassāpi dhammasaṃvaṇṇanāya ādimhi sathhari nipaccakārassa antarāyavisosanatthātā viya sathhari dhamme ca paresaṃ accantasukhappaṭilābhasaṃvattaniyasaddhāratanauppādanatthātāpi siyāti dassetuṃ “**dhammasaṃvaṇṇanāya**”ntiādimāha. Tatha yathānusiṭṭhaṃ paṭipajjamāne apāyesu apatamāne dhāretīti **dhammoti** sāmāññavacanopi dhamma-saddo saddantarāsannidhānena idha pariyaṭṭivisesavisayo. Saṃvaṇṇīyati attho etāyāti **saṃvaṇṇanā**, aṭṭhakathā.

Tividhayānamukhena vimuttidhammaṃ yathārahāmanusāsati **sathhā**. Paṇamaṇaṃ paṇāmo, kāyavācācettehi saththu guṇaninnatā. Kiriyaṃ karaṇaṃ, paṇāmassa karaṇaṃ **paṇāmakaraṇaṃ**, vandanāpayogo. So ca kiñcāpi “idāni adhippetam paṇāmaṃ karonto”tiādinā “tassa pāde namassivā”tiādikassa adhippetapaṇāmaḡbhāvaṃ dassessati, “karuṇā viyā”tiādikassa pana sabbassa thomanāvasena vuttassapi vasena veditabbo. So hi saththu mahākaruṇādiguṇavisesakittanavasena pavatto mahākaruṇādiguṇavisesāvinābhāvinā saṃvaṇṇīyamānasasaṃvaṇṇādhamaḡvibhāvitena **dhammassa svākkhātabhāvena** svākkhātdhamme sathhari anuppannasaddhānaṃ saddhājanāya, uppannasaddhānaṃca bhīyyobhāvāya hoti. Saththuno ca aviparītdhammadesanabhāvena avitathadesanābhūte dhammeti etena saththuno mahākaruṇādiguṇānaṃyeva ca phalavisesanipphādanasamatthātāya pasādāvahataṃ āha. Dhammena hi saththusiddhi, sathhārā ca dhammasiddhi, dhammasampattiyāpi saththuguṇātāya saththuguṇavibhāvanena sampajjati.

Evaṃ sathhari paṇāmakaraṇassa ekaṃ payojanaṃ dassetvā idāni sambandhaṃ vibhāveti “**tadubhayappasādā hī**”tiādinā. Na hi sathhari dhamme vā appasanno saṃvaṇṇīyamāne tadadhigantabbe ca dhamme sammā paṭipajjati, nāpi sīlādanupādāparinibbānantaṃ mahantaṃ atthaṃ sādheti, tasmā dhammasaṃvaṇṇanāsu paresaṃ sammāpaṭipattiākaṅkhāya tathārūpadhammapaṭiggāhakehi ca viniyojītena sathhari dhamme ca pasāduppādanaṃ sathhari paṇāmakaraṇaṃ vihitanti adhippāyo.

Bhagavato guṇasaṅkittanaṃ tassa dhammasaṅghānampi thomanā hotiyevāti vuttaṃ “**ratanaṭṭayapaṇānavacana**”nti. Tathā ca vakkhati “bhagavato thomanēvē”tiādi (dha. sa. mūlaṭī. 6). Vakkhamānaṃ vā “saddhammaṅcassa pūjetvā”tiādiṃ sandhāya vuttaṃ. Viññāpanatthaṃ paresaṃ viññūnanti vā sambandhaniyaṃ. Aviññūnaṃ appamāṇātāya abhājanātāya ca viññūnaṃ gahaṇaṃ. Te hi buddhādīsu sagāravassa pamāṇabhūtataṃ jānantā tassa vacanaṃ sotabbaṃ saddhāttabbaṃ maññanti, sammadeva ca naṃ anutiṭṭhantaṃ tadadhippāyaṃ pūrenti. Idhāpi purimanayēveva sambandho veditabbo pasādaviññāpanādimukhenapi sammāpaṭipattiākaṅkhāya paviditattā.

Ettha ca paṭhamo atthavikappo saddhānusārīnaṃ puggalānaṃ vasena vutto, dutiyo dhammānusārīnaṃ. Paṭhamo vā asaṃsiddhasatthudhammānaṃ vasena vutto, dutiyo saṃsiddhasatthudhammānaṃ. Tathā paṭhamo paṭhame ratane paṇāmakiriyaḡdassanaparo, dutiyo itaresupīti ayaṃ vīseso veditabbo.

Paṇāmo kariyati etāyāti paṇāmakaraṇaṃ, paṇāmakiriyaḡbhiniṃphādikā cetanā. Sā hi khettasampattiyā ācariyassa ca ajjhāsāyasampattiyā diṭṭhadhammavedanīyabhūtā yathāladhdhasampattinimittakassa kammaṃ balānuppadānavasena purimakkammaṃnippānassa vipākasantānassa antarā vemajjhe āyanti āpatantīti antarāyāti laddhanāmānaṃ rogādanatthānaṃ vidhāyakassa upapīlakassa upacchedakassa vā kammaṃ vidhāṃsanasamattho puññātisayoti imamattaṃ dasseti “**ratanaṭṭayapaṇāma...pe... vīsesabhāvato**”ti. Evaṅca katvā rāgādiṃpariyuṭṭhānābhāvavacanena antarāyassa kāraṇabhūtāya payogavipattiyā bhāvassa, atthālabhādivacanena anantarāyatāhetubhūtāya payogasampattiyā sabbhāvassa, “sabyāpajjhāya pajāya abyāpajjho viharatī”ti (a. ni. 6.10; 11.11) vacanena diṭṭheva dhamme sukhavihāritāya ca pakāsaṇaṃ **mahānāmasuttaṃ**eva udāhaṭaṃ.

Guṇavīsesadassanattanti etena satipi kāyamaṇopāṇāmaṇaṃ antarāyavisosanasaṃmatthabhāve tehi paṇāmaḡvīsesayassa paṇāmaḡrahābhāvavibhāvanena sātīsayo vacīpaṇāmo vihitoti dasseti. **Guṇavīsesavā** hītiādinā ācariyassa yuttapattakāritam dasseti. **Desanā vīnayaṭṭikā** ettha nanu vīnayaṭṭikāssapi desanābhāvato desanāvīnayaṭṭikānaṃ bhedavacanaṃ na yuttanti? No na yuttaṃ “tisupī cetesu ete dhammatthadesanāpaṭivedhā”ti (dha. sa. aṭṭha. nidānakathā; dī. ni. aṭṭha. 1. paṭhamamahāsāṅgītikathā; pārā. aṭṭha. 1. paṭhamamahāsāṅgītikathā) ettha viya samudāyadesanāya avayavadesanānaṃ ādhārabhāvato. Desanākāle vā manasā vavatthāpitāya vīnayaṭṭiyā vīnayaṭṭikābhāvato tadatthapaññāpanassa ca desanābhāvato bhedavacanaṃ. Atha vā desīyati etenāti **desanā**, desanāsamuṭṭhāpako cittuppādo, tassa ca vīnayaṭṭikāvisayo karuṇāpubbaṅgamo ca soti evamettha bhedavacanopapatti daṭṭhabbā. **Suttantaṭṭikā**tiādisupī eseveva nayo.

Kathaṃ pana bhagavato desanā vīnayaṭṭikā karuṇāppadhānā, suttābhidhammapīṭakesu ca paññākaruṇāpaññāppadhānāti

viññāyatīti? Yato ukkaṃsapariyantagatahirottappopi bhagavā lokiyasādhujanehipi pariharitabbāni “sikharaṇī”tiādīni vacanāni yathāparādhañca garahavacanāni vinayapaṭṭakadesanāyaṃ mahākaraṇāsañcoditamānaso mahāparisamajjhe abhāsi, taṃtaṃsikkhāpadapaññattikāraṇāpekkhāya veraññādīsu sārīrikañca khedamanubhosi, tasmā kiñcāpi bhūmantarapaccayākārasamayantarakathānaṃ viya vinayapaññattiyāpi samuṭṭhāpikā paññā anaññāsādhāraṇatāya atisayakiccavatī, tatopi karuṇāya kiccaṃ adhikanti adhippāyena vuttaṃ “**vinayapaṭṭake karuṇāppadhānā**”ti. Karuṇāyāpārādhikatāya hi desanāya karuṇāppadhānatā, suttantadesanāya mahākaraṇāsamāpattibahulo veneyyasantānesu tadajjhāsayaṇulomena gambhīramatthapadaṃ paṭiṭṭhapesīti karuṇāpaññāppadhānatā, abhidhammadesanāya pana sabbaññutaññāssa visayabhāvappahonako rūpārūpaparicchedo dhammasabhāvānurodhena pavattitoti paññāppadhānatā. **Teneva ca kāraṇenā**tiādīnā desanānurūpatamtaṃsaṃvaṇṇanāya thomañ ācariyassa pakatīti dasseti.

Kusalā rūpaṃ cakkhumā dasa dāḷimādi samūhavasena atthānavabodhanattho viya atthāvabodhanattho hi saddappayogo atthaparādhīno kevalo atthapadatthako, so padatthavipariyesakārīnā itī-saddena saddapadatthako jāyatīti āha “**karuṇā viyāti nidassanavacana**”nti. Nidassanañhi nāma nidassitabbadhamme tena ca sambandhe sati hoti, nāññathāti tassa nidassanabhāvaṃ vibhāvento āha “**yassa yathā...pe... pavattitthāti attho**”ti.

“Tattha karuṇā viyāti nidassanavacana”ntiādīnā nidassananidassitabbadhammānaṃ ādhāraṇavisaṃvāyāpārehi savisesanehi saha pakāsanavasena gāthāya atthattatvaṃ dassetvā avayavabhedavasena atthaṃ dassetuṃ “**kiratīti karuṇā**”tiādī vuttaṃ. Tattha nicchandarāgānaṃ bhūtapubbagatiyā vā sattatā veditabbā. Ekassapi dhammassa anekasāmaññākāravantatāya “**yathāsabhāvaṃ pakārehi**”ti vuttaṃ. Tathā hi vuttaṃ – “sabbe dhammā sabbākāreṇā”ti (mahāni. 156; cūḷani. mogharājamāṇavapucchānidessa 85; paṭi. ma. 3.5) dhammānaṃ aññeyyatam paṭikkhipati nātum asakkuṇeyyattābhāvato. Etena tassā paññāya akicchavuttitaṃ āha. Yatheva hi “ñeyyese sabbesu pavattitthā”ti ettāvātā adhippetatthe siddhe tesam attattaniyatāvīrahasaṃsūcanatthaṃ paresaṃ sattādimicchāgāhapaṭisedhanena **dhamma**-saddena ñeyyā visesitabbā, evaṃ “**dhammesu sabbesu pavattitthā**”ti ettāvātā ca adhippetatthe siddhe dhammesu tassā paññāya ākāṅkhaṇāpāṭibaddhatāya akicchavuttitaṃ dassetuṃ aññeyyattaṭṭhānaṃ **ñeyya**-saddena dhammā visesitāti. **Ñeyyadhamma**-saddā nīluppasaddā viya aññamaññāṃ bhedābhedayuttāti “**ñeyyā ca te dhammā cā**”ti vuttaṃ. **Yā yāti yathā**-saddassatthaṃ dasseti. Byāpanicchāyañhi ayaṃ **yathā**-saddo, tappabhedā paññā pavattitthāti sambandhoti.

Bhagavati pavattāvāti idaṃ yebhuyyena upamānopameyyatthānaṃ bhinnādhāratāya bhinnādhārassa ca upamānatthassa idha asambhavato vuttaṃ. Bhagavato karuṇāya aññehi asādhāraṇabhāvo satte saṃsāradukkhatto uddharitvā accantasukhe nibbāne paṭiṭṭhapaṭṭaṃ attano sarīrajīvitapariccāgenapi ekantahitajjhāsayatāvasena veditabbo, yato vineyyānaṃ kosohitavattaguyhapahūtajjivhāvidamānaṃ kataṃ, yañca yadime sattā jāneyyumaṃ, bhagavato sāsanena rahadamiva sīlaṃ sampajjalitaṃ aggikkhandhampi samogāheyya. Aññesaṃ passantānanti sambandho. **Uddhaṭṭāti** padaṃ apekkhitvā **mahoghappakkhandānaṃ sattānanti** kammatthe sāmivacanaṃ. Ayañhettha saṅkhepattho – kāmadimahoghappakkhande satte tato uddhaṭṭā natthāñño koci maṃ ṭhapetvāti passato yathā bhagavato karuṇāya āvisanaṃ hoti, na evaṃ aññesaṃ tathādasanasseva abhāvato. Atha vā **aññesaṃ passantānanti** yadipi pare passeyyumaṃ, tathāpi na tesam bhagavato viya karuṇokkamaṃ atthi appaṭṭipattito atthitamattapaṭṭipattito cāti attho.

Anāvarena tīsu kālesu sabbattha appaṭṭihata vuttitāya, **asādhāraṇā** sabbadhammānaṃ niravasesahetupaccayapariggahavasena tesañca sabhāvakkicciāvatthāvisesādi pari jānanena āyūhanavelāyameva taṃtaṃkammānaṃ taṃtaṃphalavisesahīnamajjhimaṇṇādivibhāgassa indriyabaddhesu anindriyabaddhesu ca atisukhumatirohita viduravuttitāññāgatādivibhāgādivisesassa rūpadhammānaṃ taṃtaṃkāraṇasaṃvāyāvibhāvaneneva taṃtaṃphalesu vaṇṇasaṇṭhānaṃ gāṇḍharasaphassādivisesassa niravasesato paṭivijjhanena veditabbā. Ayañca attho bhagavato anekadhātunādhātulokaṃ yathābhūtaṃ ñāṇādivasena veditabbo. **Yathā ca passantassāti** idaṃ rāgaggiādīhi lokasannivāsassa ādittatādiākāradassanaṃ bhagavato mahākaraṇokkamanupāyaṃ sandhāya vuttaṃ. Taṃ pana bahukehi ākārehi passantānaṃ buddhānaṃ bhagavantānaṃ sattesu mahākaraṇā okkamati. “Āditto lokasannivāso...pe... uyyutto...pe... payāto...pe... kummaggappaṭipanno...pe... upaṇiyati loko adhuvo...pe... atāno loko anabhissaro...pe... assako loko sabbam pahāya gamaṇīyaṃ...pe... ūno loko atitto tañhādāsoti passantānaṃ buddhānaṃ bhagavantānaṃ sattesu mahākaraṇā okkamati”tiādīnā (paṭi. ma. 1.117) paṭisambhidāmagge parosataṃ ākārehi dassitanti ganthavittthāraṃ pariharitum saṃvaṇṇayituñca upāyaṃ dassetuṃ āha “**taṃ sabbam paṭisambhidāmagge mahākaraṇāññāvibhāṅgavasena jānitabba**”nti. Indriyaparopariyatāsayānusaya yamakapāṭihāriya sabbaññūtānāvarenaññāni sesāsādhāraṇāññāni. Tesampi hi vibhāṅgo “idha tathāgato satte passati apparajakkhe”tiādīnā (paṭi. ma. 1.111) paṭisambhidāmagge nānappakāreṇa dassitoti purimanayeneva atidisati. **Ādi**-saddena tattha vibhattānaṃ paṭisambhidāsaññāñādināṃ saṅgaho katoti veditabbo.

Nippadesasappadesavisayā karuṇā viya bhagavato paññāpi idha nippadesasappadesavisayā niravasesā adhippetāti tassā katipayabhedadassanena nayato tadavasitthabhedā gahetabbāti dassento “**paññāggahaṇena cā**”tiādīmāha. Te pana sīlasamādhi paññāvīmuttīvimuttīñāpadassana, dvācattālisasatadukadhamma, bāvisatitīkadhamma, catusatipaṭṭhāna sammappadhāna iddhipāda sāmāññaphala ariyavaṃsādi, pañcagati pañcapadhāniyaṅgaṇaṅgikasamādhi indriya bala nissaraṇiyadhātu vimuttāyatana vimuttipariṇāyadhāmasaññādi, chasāraṇiyadhāma anussatiṭṭhāna agāravagāra nissaraṇiyadhātu satatavīhāra anuttariya nibbedhabhāgiyapaññādi, sattaaparīhāniyadhāma ariyadhāna bojjaṅga sappurisadhammanijjaravattu saññā dakkhiṇeyyapuggalakhīṇāsavabālādi, aṭṭhapaññāpaṭiḷlabhahetu micchatta sammatta lokadhamma ariyānariyavohāra ārambhavattu kusītavattu akkhaṇa mahāpurisavittakka abhibhāyatana vimokkhādi, navayonisomanasikāramūladhammapārisuddhipadhāniyaṅga sattāvāsa āghātavattu āghātapaṭivīnaya saññānānatta anupubbavīhārādi, dasanāthakaradhamma kaṣiṇāyatana akusalakammāpatha kusalakammāpatha micchatta sammatta ariyavāsa

dasabalañña asekhadhammādi, ekādasamettānisamsa sīlānisamsa dhammatā buddhihetu, dvādasāyatanaṭṭiccasamuppāda dhammacakkāra, terasadhutagaṇa, cuddasabuddhañña, pañcadasacaraṇavimuttipariṭṭhāyadhamma, soḷasañāpānassati saccākāra suttantapaṭṭhāna, aṭṭhārasa buddhadhammadhātu bhedakaravattu, ekūnavīsatiṭṭhāyadhamma, catuṣṣatiṭṭhāyadhamma, aṭṭhāvīsatisuttantapaṭṭhāna, pañṇāsaudayabbayadassana, paropañṇāsakusaladhamma, dvāsaṭṭhiḍḍhigata, aṭṭhasatatanhāvicarītādivibhedānaṃ dhammānaṃ paṭivijjanadesanākārapavattā, ye ca catuṣṣatiṭṭhāyadhammasahassasamāpattisañcārīmahāvajiraññaṃ appabhedā, ye ca anantanayasamantapaṭṭhānapavicayadesanākārapavattā, ye ca anantāsu lokadhātūsu anantānaṃ sattānaṃ āsayānuyacaritādivibhāvanākārapavattāti evampakārā bhagavato paññāpabhedā, sabbe pi idha ādi-saddena nayato saṅgayhantīti veditabbaṃ. Ko hi samatto bhagavato paññāya pabhede anupadaṃ niravasesato dassetuṃ. Teneva bhagavantaṃ ṭhapetvā paññavantaṃ aggabhūto dhammasenāpatisāriputtattheropi buddhagaṇaparicchadanaṃ patianuyutto “apica me, bhante, dhammanvayo vidito”ti (dī. ni. 2.146) āhāti.

Samsāramahoghapakkhandānaṃ sattānaṃ tato santāraṇatthaṃ paṭipanno tehi payojito nāma hoti asatipi tesam tathāvidhe abhisandhiyanti vuttaṃ “**sattā hi mahābodhiṃ payojenti**”ti. **Etena sabbenāti mahābodhimulādīdassanena**. Apagamaṇaṃ nirupakkilesanti yojetabbaṃ. Jātasamvaddhabhāvadassanena “anādi anidhano ca satto”ti evampakārā micchāvādā paṭisedhitā hontī. **Samaññā...pe... dasseti** satte paramatthato asatipi sattaṃ paññātivohārasūcanaṃ. **Karuṇā ādipaññā pariyoṣanti** idaṃ sambharaṇaṇipphattikālaṅkheyya vuttaṃ, na paricchadavantaṃ. Tenevāha “**tannidānabhāvato tato uttarikaraṇīyabhāvato**”ti. **Sabbe buddhagaṇā dassitā hontī** nayato dassitā. Eso eva hi anavasesato buddhagaṇadassanupāyo yadidaṃ nayaggāhaṇaṃ. Paradhanaraṇādītopi virati paresaṃ anattaparīharaṇavasappavattiyā siyā karuṇāpanissayāti **karuṇānidānaṃ sīlaṃ**. Tato eva “**tato pañātipātādiviratippavattito**”ti vuttaṃ.

2. Yassā samvaṇṇanantiādinā “dayāyā”tiādīdhamāyā sambandhaṃ dasseti. Payoṇaṃ pana vuttanayena veditabbaṃ. **Abbhantaṃ** niyakajjhantaṃ, tato bahibhūtaṃ **bāhiraṃ**. **Dayāti karuṇā adhippetāti dayā-saddassa mettākaraṇānaṃ** vācakattā vakkhamānañca anuyogaṃ manasi katvā vuttaṃ. Tāya hi samussāhito, na mettāyāti adhippāyo. **Pubbe vuttassa paṭiniddeso hotīti ta-saddassa atthaṃ āha**. Tanti paññaṃ **visesetvā** upamābhāvena **vinivattā** caritattatāya. **Paṭiniddesaṃ nārahati** padhānāpadhānesu padhāne kiccadassanato. **Dvinaṃ padānaṃ...pe... vatoti** karuṇāvācinā **dayā-saddena** ekādhikaraṇabhāvena vuccamāno **ta-saddo** tato aññadhāmmavisayo bhavītuṃ na yuttoti adhippāyo. Apariyāyasaddānaṃ samānādhikaraṇabhāvo visesanavisesitabbabhāve sati hoti, nāññāhāti āha “**samānā...pe... hotīti**”ti. Samānādhikaraṇabhāvena hettha visesanavisesitabbabhāvo sādhiyati, sā ca samānādhikaraṇatā viṣiṭṭhāvibhikkhānaṃ na hotīti samānavibhikkhāyapi tameva sādhiyati “**dayā...pe... cida**”nti idaṃ dayāya visesitabbabhāve kāraṇavacanaṃ. Padhānatāya hi sāmāññatāya ca sā visesitabbā jātā. Tatha bhagavato tadanñesañca karuṇānaṃ vācakattā sāmāññatā veditabbā. **Tassa cāti dayā-saddassa**. “Padhānañca pañña”ntiādinā kiñcāpi purimagāthāya paññāpadhānā, “tāyā”ti pana kevalaṃ avatvā dayāvisesanabhāvena vuttattā appadhānāyapi karuṇāya paṭiniddeso yuttoti dasseti. Appadhānatā ca karuṇāya purimagāthāya vasena vuttā, idha pana padhānā eva. Tathā ca vuttaṃ “dayāsamussāhinīti padhānā”ti (dha. sa. mūlaṭī. 2).

Kathaṃ pana...pe... nātābbāti vakkhamānaññeva atthaṃ hadaye ṭhapetvā codeti. **Yadi evanti** yadi aṭṭhakathāya adhippāyaṃ aggahevā vacanamattameva gaṇhasi. **Mettāti ca na yujjeyāti** yathā “mettacittataṃ āpanno”ti etissā aṭṭhakathāya vasena na dayā karuṇā, evaṃ “nikkaruṇataṃ āpanno”ti etissā aṭṭhakathāya vasena na dayā mettāti vacanamattaggahaṇe aṭṭhakathānampi virodhaṃ dasseti. “Adhippāyavasena yojetabbo”ti vatvā tameva adhippāyaṃ **dayā-saddo hītiādinā** vivarati. Akkharacintakā hi **dayā-saddaṃ** dānagatirakkhaṇesu paṭhanti. Anurakkhaṇaṃca mettākaraṇānaṃ hitūpasamhāradukkhāpanayanākāravuttīnaṃ samānāciccaṃ, tasmā ubhayattha **dayā-saddo** pavattati vuttaṃ. **Antonīanti** antogadhaṃ, rukkhatho viya dhavakhadirādīnaṃ anurakkhaṇattho mettākaraṇānaṃ sāmāññanti attho, adhippāyo pana “dayāpanno”ti ettha sabbapāṇabhūtāhitānukampīti anantaraṃ karuṇāya vuttattā **dayā-saddo** mettāpariyāyoti viññāyati. Mettāpi hi karuṇā viya pañātipātaviratīyā kāraṇanti. “Adayāpanno”ti ettha pana kāruṇiko avihīṃ sajjhāsayaṭṭā paresaṃ vihesamattampi na karoti, ko pana vādo pañātipātāneti nikkaruṇatāya pañātipātītā dassitāti veditabbā. Etevatthaṃ sandhāya “**evañhi aṭṭhakathānaṃ avirodho hotīti**”ti āha. Yadi dayā-saddo mettākaraṇānaṃ vācako, evampikathaṃ pana karuṇā “dayā”ti jānitābbāti anuyogo tadavatto evāti codanaṃ manasi katvā **karuṇā ca desanāyātiādinā** karuṇāya eva gahaṇe kāraṇamāha.

Nanu tāyātiādinā sāmattiyatopi pakaraṇaṃ balavanti pakaraṇavaseneva karuṇāvisayassa nātataṃ dasseti. **Yathārucci pavattitthāti** etaṃ purimagāthāya sappadesanippadesasattavisayāya karuṇāya gahitabhāvassa kāraṇavacanaṃ. Yathāruccipavattī hi ekasmiṃ anekesu ca icchānūrūpappavattīti. “**Idha pana nippadesasattavisayataṃ gahetu**”nti etena siddhe sati ārambho nāpakattho hotīti puna “sattesu”ti vacanaṃ imamatthavisesaṃ bodhetīti dasseti. **Na devesuyevātiādināpi** dayāsādhanaṃ samussāhanassa sattavisayabhāve sāmattiyaladdhepi “sattesu”ti vacanaṃ tassa nippadesasattavisayabhāvo adhippetoti imaṃ visesaṃ nāpetīti dasseti.

Kāladesadesakaparīsādīparīdīpanaṃ bāhirañidānanti kālādīni niddhārento “**yasmīṃ kāle**”tiādīmāha. **Avasānamhi vasanto tidasālayeti vacanatoti** etena tassa paṭihāriyassa saddantarassannidhānena avacchinnataṃ dasseti. **Tattha pavattavohārena ca na sakkāti** puthujjanasantānēpi rāgādīpaṭipakkhaharaṇassa bhāvato nicchandarāgesu sattavohāro viya puthujjanasantānē rāgādīpaṭipakkhaharaṇavasena pavattaṃ tadabhāvepi bhagavato santānē ruḥhīvasena paṭihāriyantveva vuccatīti na sakkā vattuntī adhippāyo. **Diṭṭhiharaṇavasena** ye sammādiṭṭhikā jātā acelakakassapādāyo viya, **diṭṭhippakāsane asamatthabhāvena** appaṭibhānabhāvādivatpattiyā saccakādayo viya.

3. Sītapabbatā nāma “sineruṃ parivāretvā ṭhītā yugandharo...pe... giri brahā”ti (visuddhi. 1.137; pārā. aṭṭha. 1.1

veraṅjakaṇḍavaṇṇanā) evaṃ vuttapabbatā.

4-5. Sabbaso cakkavāḷasahashehi sabbaso āgamma sabbaso sannisinnenāti sambandhavasena tayo vikappā yuttā, sabbaso cakkavāḷasahashehi dasahi dasahīti pana aṇiṭṭhasādhanato paṭisedhito. **Vajjitabbeti** ye vajjetuṃ sakkā “atisammukhā atisamīpaṃ unnatappadeso”ti, etc. Itare pana tassā parisāya mahantabhāvena na sakkā pariharitum.

“Sabbāṇeyya...pe... samatthā”ti vatvā **tesaṃ desetabbappakārajānanasamatthāti** vacanaṃ attanā paṭividdhākārassa dhammasāmināpi paresaṃ desetuṃ asakkuṇeyyattā vuttaṃ. Aññatthā sabbepi sattā diṭṭhasaccā eva bhaveyyuṃ. Sabbāṇeyyadhammānaṃ yathāsabhāvājānanasamatthātādiyeva **yathāvuttabalaṃ. Tesaṃ gahaṇasamatthataṃ dīpeti**, adhikavacanamaññamatthaṃ bodhetīti adhippāyo.

6. Tathāgato vandanīyotiadinā “namassitvā”tiādikiriyāvisesānaṃ taṃtaṃsuttānurodhena pavattitamāha. **Sarīrasobhaggādīti ādi**-saddena kalyāṇavākkaraṇatāādhipaccaparivārasampattiādi saṅgayhati.

7. Antaradhāpetvāti nirodhetvā. Nirodhanañcettha uppādakahetupariharaṇavasena tesaṃ anuppattikaraṇanti vedittabbaṃ. **Atthaṃ pakāsaiyissāmīti sambandhoti** “sosetvā”ti pubbakālakiriyāya aparakālakiriyāpekkhatāya vuttaṃ.

8. Dukkarabhāvaṃ dīpetunti adukkarassa tathāabhiyācetabbatābhāvato adhippāyo. Pārājikasāṅghādisesānaṃ sīlavipattibhāvato thullaccayādīnañca yebhuyyena ācāravipattibhāvato ācārasīlānaṃ tathā yojanā katā, tathā cārittasīlāna ācārasabhāvattā itaraṃ sabhāveneva gahetvā dutiyā. **Asakkuṇeyyanti** visuddhācārādiguṇasamannāgatena sabrahmacārīnā saddhammaciraṭṭhitatthaṃ sādaraṃ abhiyācītena tena ca abhidhammatthappakāsane samatthoti yāthāvato pamāṇitena tabbimukhabhāvo na sukaroti adhippāyo.

9. Devadeva-saddassa attho paṭṭhānaṃvaṇṇanāṭīkāyaṃ vipaṇcitoti na vitthārayimha.

13. Paṭhamasaṅgītiyaṃ yā aṭṭhakathā saṅgītāti vacanena sā bhagavato dharmānakālepi aṭṭhakathā saṃvijjati, tena pāṭho viya bhagavaṃmūlikāvāti viññāyati. “Abhidhammassā”ti padaṃ “atthaṃ pakāsaiyissāmī”ti etadapekkhanti “kassa pana sā aṭṭhakathā”ti pucchitvā adhikārasena tameva abhidhammapadaṃ ākaḍḍhati. Āvuttiādivasena vā ayamatto vibhāvetabbo.

16. Ariyamaggassa bojjhaṅgamaggaṅgajhānaṅgavisesaṃ pādakajjhānameva niyameṭītiādinayappavatto **tipītakacūḷanāgatttheravādo ādi**-saddena vipassanāya ārammaṇabhūtā khandhā niyamenti, puggalajjhāsayo niyameṭīti evamādayo **moravāpivāsīmahādattattheratipītakacūḷabhayatttheravādā**dayo saṅgayhanti. **Tappakāsanevāti** abhidhammassa atthappakāsaneva. **Soti** mahāvihāravāsīnaṃ vinicchayo. **Tathāti** asammissānākulabhāvena. Asammissānākulabhūto vā vinicchayo mahāvihāravāsīnaṃ santakabhāvena, etena abhidhammassa atthappakāsaneva mahāvihāravāsīnaṃ vinicchayo idha abhinipphādīyati dasseti. Atha vā **tappakāsanevāti** asammissānākulabhāvappakāsaneva. **Soti** pakāsīyamāno abhidhammattho. **Tathāti** mahāvihāravāsīnaṃ vinicchayabhāvena. Imasmiṃ atthavikappe “asammissaṃ anākulaṃ atthaṃ pakāsaiyissāmī”ti sambandhanīyaṃ.

17. Aññāñca sabbam atthappakāsanaṃ hotīti tosaṃ hotīti attho. Tenevāha “**sabbena tena tosaṃ kataṃ hotī**”ti. Uttarūpā yojanā.

Vīsatiḡāthavaṇṇanā niṭṭhitā.

Nidānakathavaṇṇanā

Paricchedo sattappakaraṇabhāvo. **Sanniveso** sattannaṃ pakaraṇānaṃ tadavayavānañca vavattthānaṃ. **Sāgarehi tathā cintāti** “imassa abhidhammassa gambhīrabhāvavijānanatthaṃ cattāro sāgarā vedītabbā”tiādinā nayena jalasāgarādīhi saha nayasāgaravicāro. “Satabhāgena sahasabhāgena dhammantarā dhammantaraṃ saṅkamitvā saṅkamitvā desesī”tiādinā desanābhedehi abhidhammassa gambhīrabhāvakathā **desanāhi gambhīratā**.

“Evaṃ temāsaṃ niraṇṭaraṃ desentassā”tiādinā desanākāle bhagavato sarīrassa yāpitākāravīcāro **desanā...pe... gahaṇaṃ. Tathā therassa...pe...pi cāti** “abhidhamme vācanāmaggo nāmā”tiādinā abhidhamme vācanāmaggassa sārīputtattherasambandhitatā tassa ca teneva uppādītā. Yo hi bhagavatā devatānaṃ desitākāro, so aparicchinnavāranayatantīyā ananto aparimāṇo na bhikkhūnaṃ vācanāyoggo, yo ca therassa desitākāro, so atisaṃkhitatāya. Nātisankhepanātivithārahūto pana pāṭhanayo therappabhāvito vācanāmaggoti.

Vacanaṭṭhaviḡānanenātiādinā kusalā dhammātiādi padānaññeva atthavaṇṇanaṃ akatvā abhidhamma-saddavicārasa sambandhamāha. “Ye te mayā dhammā abhiññā desitā. Seyyathidaṃ – cattāro satipaṭṭhānā...pe... sikkhitā sikkhiṃsu dve bhikkhū abhidhamme nānāvādā”tiādisuttavasena kiñcāpi bodhipakkhiyadhammā “abhidhammo”ti vuccanti, dhamma-saddo ca samādhīdīsu diṭṭhappayogo, pariyaṭṭidhammo eva pana idha adhippetoti dassento “**suttantādhikā pāḡīti attho**”ti āha. Tattha dhammabyabhicārābhāvena viśesato abhidhammo viya suttantopi “dhammo”ti vuccati. “Yo vo, ānanda, mayā dhammo ca vinayo ca desito paññatto”tiādisu (dī. ni. I.216) aññattha ca sambhavato abhi-saddena nivattetabbatthaṃ dīpetuṃ “suttantā”ti

vuttaṃ. Nanu ca atirekavisesaṭṭhā bhinnasabhāvā yato te yathākkamaṃ adhikavicittapariyāyehi bodhitā, tasmā “dhammāṭirekadhammavisesaṭṭhehī”ti bahuvacanena bhavitabbaṃ, na ekavacanenāti anuyogaṃ manasi katvā āha “**dvinnampi...pe... ekavacananiddeso kato**”ti.

Payogameva nārahati upasagga-saddānaṃ dhātu-saddasseva purato payojanīyattā. **Athāpi payujjeyya** atimālādīsu **ati-**saddādayo viya. Evampi yathā “atimālā”ti ettha samāsavasena anāvibhūtāya kamanakiriyāya visesako **ati-**saddo, na mālāya, evamidhāpi **abhi-**saddo na dhammavisesako yuttoti adhippāyo. **Aññassapi hi upasaggassāti** idaṃ ruḥhīvasena, atthe upasajjattī vā upasaggassa anvatthasaññataṃ gahetvā vuttaṃ. Atichattādīsu hi **ati-**saddo idha upasaggoti adhippeto. Tattha yathā kalyāṇo pūjito vā puriso atipurisoti bhavati, evaṃ atirekavisesaṭṭhānampi kalyāṇapūjitatthabhāvasambhavato kalyāṇaṃ vā pūjitaṃ vā chattaṃ atichattanti saddanayo veditabbo. Kalyāṇapūjitaḥhāvā hi guṇavisesayogena icchitabbā. Guṇaviseso cesa yadidaṃ pamāṇātireko ca vicittarūpatā ca. Evañca pana katvā “akiriyāyapī”ti vacanaṃ samatthitaṃ bhavati. Yathā ca atichattādīsu, evaṃ abhidhamma-saddepi daṭṭhabbaṃ. Anekathā hi nipātāti. **Tabbhāvadīpakattāti** atirekavisesabhāvadīpakattā.

Ekato anāgatattāti idaṃ suttante ekato āgatānaṃ khandhāyatanādīnaṃ suttantabhājanīyassa diṭṭhattā “cha imāni, bhikkhave, indriyāni”tiādīnā (saṃ. ni. 5.495-496) cakkhādīnaṃ channaṃ itthindriyādīnaṃ tiṇṇaṃ sukhindriyādīnaṃ pañcannaṃ saddhindriyādīnaṃ pañcannaṃ anaññātaññassāmītindriyādīnañca tiṇṇaṃ vasena visuṃ visuṃ suttantabhāvena āgatattā ekasuttabhāvena anāgatānaṃ bāvīsatiyā indriyānaṃ suttantabhājanīyassa adīṭṭhattā ca vuttaṃ, na suttante ekato āgamanassa suttantabhājanīyassa kāraṇattā. Suttante ekato sabbenā sabbañca anāgatā hi bhūmantaraparicchedapaṭisambhidā suttantabhājanīyavasena vibhattā dissanti, ekato āgatāni ca sikkhāpadāni tathā na vibhattāni. Veramañīnaṃ viya pana sabhāvakkicādivibhāgavinimutto bāvīsatiyā indriyānaṃ samāno vibhajanappakāro natthi, yo suttantabhājanīyaṃ siyāti **indriyavibhaṅge suttantabhājanīyaṃ natthīti** yuttaṃ siyā.

Yadipi paccayadhammavinimutto paccayabhāvo nāma natthi, yathā pana pavatto paccayadhammo paccayuppannadhammānaṃ paccayo hoti, so tassa pavattīkāraviseso hetuādībhāvo tato añño viya paccayadhammassa paccayabhāvoti vutto, so ca “avijjāpaccayā saṅkhārā sambhavanti”tiādīsu padhānabhāvena vutto. Tattha ca guṇibhūtā hetuhetuphalabhūtā avijjāsaṅkhārādayoti vuttaṃ “**paccayabhāvo uddiṭṭho**”ti. **Uddiṭṭhadhammānantīdi** uddesena paricchinnaṃyeva khandhādīnaṃ khandhavibhaṅgādīsu pañhapucchakanayo dassito, na ito aññathāti katvā vuttaṃ.

Suttante saṅgītisuttantādike. **Pañca sikkhāpadāni** pañātipātā...pe... pamādaṭṭhānā veramañīti evaṃ uddiṭṭhāni. **Añño pana veramañīnaṃ vibhajitabbappakāro natthīti** idaṃ atītāniccādivibhāgo veramañīnaṃ khandhāyatanādīsu antogadhattā tabbasena vijānitabbo, tato pana añño abhidhammanayavidhuro veramañīnaṃ vibhajitabbappakāro natthīti adhippāyena vuttaṃ. Tathā ca **paṭisambhidāmagge** “cakkhū aniccaṃ...pe... jarāmaṇaṃ anicca”nti anupadadhammasammasanakathāyaṃ na veramañīyo uddhaṭṭā.

Nanu dhammasaṅgañīdhātukathādīnampi vasena abhidhammapāḷiyā atirekavisesabhāvo dassettabboti? Saccametaṃ, so pana ekantaabhidhammanayanissito avuttopi siddhoti katvā na dassito. Etena vā nidassanena sopi sabbo netabbo. Abhidhammanayasāmaññena vā abhidhammabhājanīyapañhapucchakehi so vutto evāti na vuttoti daṭṭhabbo.

Pañhavārāti pucchānavissajjanavasena pavattā pālinayā. **Etthevāti** dhammahadayaavibhaṅge eva. Apekkhāvasikkatā appamahantabhāvassa yato appamattikā mahādātukathātanti dhammahadayaavibhaṅgavacanavasena avasesā, taṃ dassanattaṃ “**dhammahadayaavibhaṅge anāgantvā mahādhammahadaye āgatantitō**”ti vuttaṃ. Dhammahadaya...pe... āgatantitō rūpakaṇḍadhātuvibhaṅgādīsu anāgantvā mahādātukathāyaṃ āgatantī appamattikāvāti sambandho. Atha dhātukathāya vitthārakathā mahādātukathā dhammahadayaavibhaṅge anāgantvā mahādhammahadaye āgatantitō dhātukathāyaṃ anāgantvā mahādātukathāya āgatantī appamattikāvāti yojetabbaṃ.

Upalabbhatīti anulomapaccanīyapañcakassa, **nupalabbhatīti** paccanīyanulomapañcakassa upalakkhaṇavasena vuttaṃ. **Saccikaṭṭhaṃ nissayanti** “sabbatthā”tiādīnā desādiānāmasanena rūpādisattapaññāsadhammappabhedāṃ saccikaṭṭhameva nissayabhūtaṃ. **Sabbatthāti** etthāpi “upalabbhati nupalabbhatīti paṭiññāya gahitāya paṭikkheppaggaṇattha”nti ānetvā sambandhanīyaṃ, tathā **sabbadā sabbesūti** etthāpi. Yadi khandhāyatanādayo gahitā aṭṭhakathāyaṃ āgatanayena, atha pana vuttanti sambandho. **Yo saccikaṭṭhoti** saccikaṭṭhanissayaṃ upalakkheti. **Etehīti** etehi vacanehi. Saccikaṭṭhadesakālapadesehi kathaṃ saccikaṭṭhādīnaṃ padeso ekadesabhūto sabboti vuccati? Padesānaṃ puthuttā. “Sabbesu padesesū”ti paccemaṃ bhedāmasanavasena cāyaṃ pañho pavattoti na purimehi avaseso.

Upalabbhati...pe... micchāti ekanti upalabbhatīti paṭiññāggahaṇapaṭikkheppaggaṇanīggaṇhanānaṃ anulomapaṭilomato paṭiññāṭhapananīggaḥapāpanāropanānañca vasena pavattā tanti paṭhamapañcakassa ekaṃ aṅgaṃ eko avayavoti attho. Evam sesesupi netabbaṃ. **Niggahassa suniggahabhāvaṃ icchato** sakavādino “tvaṃ ce pana maññasi vattabbe kho puggalo nupalabbhati”tiādīnā (kathā. 3) **paṭiññāṭhapanena**, tena “tava tattha hetāya paṭiññāya hevaṃ paṭijānanto hevaṃ niggahetabbe atha taṃ niggāṇhāma suniggāhito ca hotī”ti vatvā “hañci puggalo nupalabbhati”tiādīnā (kathā. 2) paravādino attano paṭikammaṃ yathā sakavādī na nibbeṭheti, evaṃ karaṇaṃ **paṭikammaveṭhanaṃ**. Paravādino **paṭikammassa duppaṭikammabhāvaṃ icchato** sakavādino **taṃnidassanena** “eso ce dunniggāhito heva”nti paṭikammanidassanena, “vattabbe kho puggalo upalabbhati...pe... paramatthenāti (kathā. 1). No ca mayam tayā tattha hetāya paṭiññāya hevaṃ paṭijānanto hevaṃ niggāhetabba. Atha amhe niggāṇhāsi dunniggāhito ca homā”ti vatvā “hañci puggalo upalabbhati”tiādīnā (kathā. 5) **niggahassa dunniggāhitabhāvadassanena** aniggāhitabhāvakarāṇaṃ **niggāhanibbeṭhanaṃ**. “Tena hi yaṃ

niggaṇhāsi hañci puggalo upalabbhatī”tiādim vatvā “tena hi ye kate niggahe se niggahe dukkaṭe sukate paṭikamme sukata paṭipādanā”ti sakavādinō niggaḥassa, aniggaḥabhāvāropanena attano paṭikammassa supaṭikammabhāvakaraṇena ca sakavādinō niggaḥassa **chedo** vināsanam puggalavādanisedhanavasena samuṭṭhitattā. Dhammatāya anulomanavasena uṭṭhahitvā tabbīlomanavasena pavatto **anulomapaccanīkapañcako** vuttavipariyāyena dutiyapañcako vedītabbo.

Tadādhāroti te saccikaṭṭhāparamatthā rūpādayo ādhārā etassāti tadādhāro. Etena “rūpasmiṃ attā”ti evaṃpakāro puggalavādo dassito hoti. **Tesaṃ vā ādhārābhūto**ti etena “attani rūpa”nti evaṃpakāro. **Aññatra vā tehi**ti tehi rūpādīhi vinā. Ādhārādheyyādībhāvena asaṃsaṭṭho viṣuṃyeva vinā. Tena sattādīgūnehi avokiṇṇo purisoti evamādikō. Tamsāmbhūtatāya vā tadadhīnabhāvena “aññatra vā tehi”ti vuttanti “rūpavā attā”ti evaṃpakāro puggalavādo dassitoti vedītabbo. **Anaññoti** etena “rūpaṃ attā”ti evaṃpakāro. **Ruppanādisabhāvo** rūpakkhandhādīnam viṣesalakkhaṇam, **sappaccayādisabhāvo** sāmāññalakkhaṇam. Rūpādīto añño **anāñño vā** aññatte ca tadādhārādībhūto **upalabbhamāno āpajjātī anuyūñjati** sakavādī pakārantarassa asambhavato. Puggalavādī **puggalassa rūpādīhi na aññattam icchati** rūpādī viya paccakkhato anumānato vā gāhayitum asakkūneyyattā tassa ca kārakavedakabhāvassa ayujjamānakattā. **Nāpi anaññattam** ruppanasappaccayādisabhāvappasaṅgato puggalasseva abhāvappasaṅgato ca. Yatheva hi na vinā indhanena aggi paññāpiyati, na ca aññam indhanato aggiṃ sakkā paṭijānitum, nāpi anaññam. Yadi hi añño siyā, na uṇham indhanam siyā. Atha anañño, niddahitabbamyeva dāhakaṃ siyā. Evameva na vinā rūpādīhi puggalo paññāpiyati, na ca tehi añño, nāpi anañño sassatucchedabhāvappasaṅgatoti laddhiyam ṭhatvā puggalavādī “na hevā”ti paṭikkhipatī. Tatha aggindhanopamā tāva yadi lokavohārena vuttā, apalīttam kaṭṭhādīindhanam niddahitabbañca, palīttam bhāsuruṇham aggi dāhakañca, tañca ojaṭṭhamakarūpaṃ purimacchimakālikam aniccam saṅkhatam paṭiccasamuppannam, yadi evam puggalo rūpādīhi añño anicco ca āpanno. Atha paramatthato, tasmīmyeva kaṭṭhādīke palītte yam usumam so aggi, taṃsahajātāni tīni bhūtāni indhanam, evampi siddham lakkhaṇabhedato aggindhanānam aññattanti aggi viya indhanato rūpādīhi añño puggalo anicco ca āpannoti byāhatāti vedītabbam.

Puggalo upalabbhatīti paṭijānantassa pakārantarassa asambhavato vuttasu pakāresu ekena pakārena upalabbhamāno upalabbhatīti “āpanna”nti vuttam “**paṭiññāya ekattāpanna**”nti. Ekattāpannatā eva **appaṭikkhipitabbam**, puggale paṭisiddhe tadabhinivesopi ayāthāvato puggalavādinō gahitākārasuññatāvībhāvanena sakaṭṭhānato cāvito paṭisedhito eva nāma hotīti vuttam “**puggaladīṭṭhim paṭisedhento**”ti. Puggaloyeva vā tathā passitabbattā dīṭṭhi. “Sāmī nivāsī kārako vedako nicco dhuvo”ti abhinivesavisayabhūto hi parikkappamattasiddho puggalo idha paṭikkhipiyati, “na cattārome, bhikkhave, puggalā”tiādinā vuttavohārapuggaloti **ananuyogo** ākāsakusumassa rattanīlādībhāvavicāraṇā viyāti attho. Pubbe “nupalabbhatī”ti paṭijānitvā viṣesacodanāya anāpajjanato puna “na hevā”ti paṭikkhepo **paṭiññāya āpajjanaleso**. Vañjhāputtakassa dīgharassatānuyogassa viya sabbena sabbam paramatthato anupalabbhamānassa puggalassa rūpādīhi aññānaññatānuyogassa ananuyogabhāvo eva idha **aviparītattho**.

Yamkāraṇāti etena “yatoniḍāna”nti ettha vibhāttialopo daṭṭhabboti dasseti. **Ajjhācarantīti** abhibhavanti. Abhinandanādayo taṇhādīhi yathāsaṅkhyam yojetabbā, taṇhādīṭṭhihi vā abhinandanajjhosānāni, tīhipi abhivadanaṃ avisesena vā tīhipi tayo yojetabbā. **Ettha ce natthi abhinanditabbanti**ādinā abhinandanādīnam abhāvasūcanena phalūpacāro abhinandanādīnam samucchadapaṭippassaddhibhūtam maggaphalam vuccati, tam paccāmasanañca esevāti idanti katvā vuttam “**abhi...pe... phalam vā**”ti.

“Nāyatīti jāna”nti ukkaṃsagativijānanena niravasesam ñeyyajātam pariggayhatīti tabbisayāya **jānātīkiriya**ya sabbāññūtaññānameva karaṇam bhavitumarahatīti “**sabbaññūtaññāṇena jānitabbam jānātī**”ti vuttam. Atha vā pakaraṇavasena, “bhagavā”ti saddantarasañnidhānena vā ayam attho vibhāvetabbo. **Passam passatīti** etthāpi eseva nayo. **Jānantāpi vipallāsavasena jānanti** titthiyā paṭhamajjhānaarūpajjhānehi kāmarūpaparīññāvādinō. **Jānanto jānātiyeva bhagavā** anāgāmarahattamaggehi taṃparīññāvādītāya. Ayañca attho **dukkhakkhandhasuttavasena** (ma. ni. 1.163, 175 ādayo) vibhāvetabbo. Paññācakkhunā uppannatā vā **cakkhubhūto**. **Nāṇabhūto**tiādisupi eseva nayo. Atha vā dibbacakkhuādīkam pañcavidhampi cakkhum bhūto pattoti **cakkhubhūto**. Evam **ñāṇabhūto**tiādisupi daṭṭhabbam. Sāmuksāyā dhammasānāya sātīsayo bhagavato vattuādībhāvoti vuttam “**catusaccadhamme vadatīti vattā**”tiādi. “Pavattā”ti ettha pakārasa pakaṭṭhattham dassetum “**ciram...pe... pavattā**”ti āha. Niddhāretvā netā **nīnnetā**.

“**Ekūnanavutī cittāni**”ti vuttā cittasahacariyāya yathā “kuntā pacarantī”ti. Tesañca pālīpadesānam ekekaṃ padaṃ uddharitvāpi kiñcāpi kusallatikapadāniyeva uddharitvā cittuppādakaṇḍe cittāni vibhātāni, kusallatikena pana sabhāvadharmasaṅgahitānam sesattikadukapadānam asaṅgahitānam abhāvato kusallatikapaduddhārena nayadassabhūtena itarattikadukapadāni uddhātānevāti vuttam. Evañca katvā mātīkāggahaṇam samatthitam bhavati.

So ca dhammoti “tayo kusalahetū”tiādisu (dha. sa. 1060) purimāya purimāya pālīyā pacchimā pacchimā atthaniddesoti vuttam. “Samānentī”tisaddassa paṭapaṭayati-saddassa viya saddanayo daṭṭhabboti dassetum “**samānam karontī**”ti vuttam. Samānakaraṇāñca ūnapakkhipanena adhikāpanayanena vā hoti, idha ūnapakkhipanentī dassetum “**pūrentī**”ti vuttam. **Samānetabbanti etthāpīti** “paṭṭhānam samānetabba”nti ettha.

Balavatā nāṇavegena abhidhammapaccavekkhaṇavasappavattena. **Balavato nāṇavegassa** sabbakīlesakkhepanavasappavattassa. **Gambhīrameva gambhīragatam** dīṭṭhigatantiādisu viya. **Niravasesenāti** na kañci avasesetvā. **Pañcakhīlarahitenāti** pañcacetokhīlarahitena.

Ekādhikesu aṭṭhasu kilesasatesūti ‘‘jātimado’’tiādinā ekakavasena āgatā tesattati, ‘‘kodho ca upanāho cā’’tiādinā dukavasena chattim̄sa, ‘‘tīṇi akusalamūlānī’’tiādinā tikavasena pañcādhikam̄ satam̄, ‘‘cattāro āsavā’’tiādinā catukkavasena chappaññāsa, ‘‘pañcorambhāgiyāni saṃyojanāni’’tiādinā pañcakavasena pañcasattati, ‘‘cha vivādamūlānī’’tiādinā chakkavasena caturāsīti, ‘‘satta anusayā’’tiādinā sattakavasena ekūnapaññāsa, ‘‘aṭṭha kilesavattūnī’’tiādinā aṭṭhakavasena catusaṭṭhi, ‘‘nava āghātavattūnī’’tiādinā navakavasena ekāsīti, ‘‘dasa kilesavattūnī’’tiādinā dasakavasena sattati, ‘‘ajjhakkassuppādāya aṭṭhārasa taṇhāvicarītānī’’tiādinā aṭṭhārasakavasena aṭṭhasatanti evam̄ ekādhikesu aṭṭhasu kilesasatesu. **Sesā** tenavutādhikam̄ chasatam̄ kilesā. Te brahmajālasuttāgatāhi dvāsattīhiyā dīṭṭhīhi saha pañcapaññāsādhikam̄ sattasatam̄ honti.

Atha vā cuddasekantākusalā, pañcavīsati kusalābyākatasādhāraṇā, cuddasa kusalattikasādhāraṇā, upacayādivvayam̄ ekam̄ katvā sattavīsati rūpāni cāti ime asīti dhammā, imesu bhāvadvaye ekam̄ ṭhapetvā ajjhakkā ekūnāsīti, bāhirā ekūnāsītīti sabbepi aṭṭhapaññāsādhikam̄ satam̄ honti. Imesu ekekasmim̄ dasannaṃ dasannaṃ kilesānaṃ uppajjanato **asītiadhikam̄** **diyaḍḍhakilesasahassam̄** honti.

Atha vā tepaññāsa arūpadhammā, aṭṭhārasa rūparūpāni, ākāsadhātu, lakkhaṇarūpāni cāti pañcasattati dhammā ajjhatabhahiddhābhedato paññāsasatam̄ honti. Tattha ekekasmim̄ dasa dasa kilesātipi diyaḍḍhakilesasahassam̄. Tathā ettha vedanaṃ sukhindriyādivasena pañcavidham̄ katvā sattapaññāsa arūpadhammā, aṭṭhārasa rūparūpāni cāti pañcasattati vipassanūpagadhammā ajjhatabhahiddhābhedato paññāsasatam̄ honti. Etesu ekekasmim̄ dasa dasa kilesātipi **diyaḍḍhakilesasahassam̄**.

Aparo nayo – dvādasaakusalacittuppādesu paṭhame cha kilesā, dutiye satta, tatiye cha, catutthe satta, pañcame cha, chaṭṭhe satta, sattame cha, aṭṭhame satta, navame pañca, dasame cha, ekādasame pañca, dvādasame cattāroti sabbe dvāsattati, ime pañcadvārikā pañcasu rūpādīsu ārammaṇesu ekekasmim̄ dvāsattatīti saṭṭhiadhikāni tīṇi satāni, manodvārikā pana chasu ārammaṇesu ekekasmim̄ dvāsattati dvāsattatīti katvā dvattiṃsādhikāni cattāri satāni, sabbānipi dvānavutiadhikāni sattasatāni, tāni ajjhatabhahiddhāvisayatāya **caturāsītiadhikam̄ diyaḍḍhakilesasahassam̄** hontīti veditabbam̄.

Atha vā rūpārammaṇādīni pañca, avasesarūpavedanāsaññāsañkhārāvīññāvasena pañca dhammārammaṇakā sesā cāti dasa, te ajjhatabhahiddhābhedato vīsati, paññatīti cāti ekavīsatiyā ārammaṇesu dvāsattati dvāsattati kilesāti dvādasādhikam̄ **diyaḍḍhakilesasahassam̄** honti.

Atha vā dvādasasu akusalacittuppādesu paṭhame vīsati dhammā, dutiye dvāvīsati, tatiye vīsati, catutthe dvāvīsati, pañcame ekūnavīsati, chaṭṭhe ekūnavīsati, sattame ekūnavīsati, aṭṭhame ekavīsati, navame ekūnavīsati, dasame ekavīsati, ekādasame soḷasa, dvādasame soḷasāti sabbe akusaladhammā chattim̄sādhikāni dve satāni, ime chasu ārammaṇesu paccekam̄ chattim̄ sādhikāni dve satāni, sabbe soḷasādhikāni cattāri satāni ca saḥassam̄ hontīti evampi **diyaḍḍhakilesasahassam̄** veditabbam̄.

Itaresanti taṇhāvicarītānaṃ ‘‘atītāni chattim̄sā’’tiādinā atītādibhāvāmasanato. **Khepaneti** ariyamaggena samucchindane. ‘‘Diyaḍḍhakilesasahassam̄ khepetvā’’ti hi vuttam̄. Paramatthato atītādīnaṃ maggena appahātabbattā **‘‘atītādibhāvāmasanā agghaṇam̄ khepane’’**ti vuttam̄. Yaṃ pana paṭṭhāne ‘‘dassanena pahātabbo dhammo dassanena pahātabbassa dhammassa anantarapaccayena paccayo’’tiādinā tike, tathā dassanena pahātabbāttatikatike ‘‘atītā dassanena pahātabbā’’tiādinā ca tīsu kālesu dassanātipahātabbavacanam̄ katam̄, tam̄ atītādīnaṃ saṃkiliṭṭhatāya apāyagamanīyatāya ca dassanapahātabbehi nirasīyattā vuttanti daṭṭhabbam̄.

Na bhāsitatthavacananti idam̄ ‘‘hitapariyāyavacana’’nti etena nivattitassa ekadesakathanam̄. Yathā hi ayam̄ **attha**-saddo na bhāsitatthavacanam̄, evam̄ visayappayojanādivacanampi na hotīti. **Yathāvuttassāti** hitapariyāyassa. ‘‘Na haññadattatthipasaṃsalābhā’’ti padassa niddese ‘‘attattho vā parattho vā’’tiādinā (mahāni. 69) kiñcāpi suttanirapekkham̄ attatthādayo vuttā suttatthabhāvena aniddiṭṭhattā, tesu pana ekopi atthappabhedo suttana dīpetabbatam̄ nātikamatīti āha **‘‘te suttam̄ sūceti’’**ti. Imasmim̄ vikappe **attha**-saddo bhāsitatthavacanampi hoti. Purimakā hi pañca atthappabheda hitapariyāyā, tato pare cha bhāsitatthappabheda, pacchimakā pana ubhayasabhāvā. Tattha duradhigamatāya vibhāvene aladdhagādho **gambhīro**, na vivaṭo **guḷho**, mūludakādayo viya paṃsunā akkharasannivesādīnā tirohito **paṭicchanno**, niddhāretvā ñāpetabbo **neyyo**, yathārutavaseneva veditabbo **nīto**. **Anavajjanikkilesavodānā** pariyaṇavasena vuttā, kusalavipākakiriyaḍḍhamavasena vā. **Paramattho** nibbānaṃ, aviparītasabhāvo eva vā. **Sātisayam̄ pakāsītāni** tapparabhāvena pakāsītattā. ‘‘Ettakam̄ tassa bhagavato suttāgatam̄ suttapariyāpanna’’nti (pāci. 1242), ‘‘sakavāde pañcasuttasatāni’’ti (dha. sa. aṭṭha. nidānakathā; kathā. aṭṭha. nidānakathā) ca evamādīsu **sutta**-saddo upacariṭoti adhippāyenaḥa **‘‘idameva atthānaṃ sūcanato suttanti vutta’’**nti. **Ekantahitapaṭilābhasam̄vattanikā suttantadesanāti** idampi vineyyānaṃ hitasampāpane suttantadesanāya tapparabhāvānyeva sandhāya vuttam̄. Tapparabhāvo ca vineyyajjhāsāyānulomato daṭṭhabbo, tathā **attatthādhīpakāsanapadhānatāpi**. **Itarehīti** vinayābhidhammehi.

Rattīdīsūti rattirājavīnivesu visayabhūtesu. Nanu ca ‘‘abhirattī’’ti avuttattā rattiggahaṇam̄ na kattabbam̄, ‘‘abhiññātā abhilakkhitā’’ti ca ñāṇalakkhaṇakiriyaḍḍhesako **abhi**-saddoti? Na, ‘‘abhiññātā abhilakkhitā’’ti **abhi**-saddavisīṭṭhānaṃ ñāṇalakkhitasaddānaṃ rattisaddena samānādhikaraṇatāya rattivīsattā. Ettha ca vācakasaddasannidhāne nipātānaṃ tadatthajotakamattattā lakkhitasaddatthajotako **abhi**-saddo lakkhaṇe vattatīti vutto. Abhilakkhitasaddapariyāyo ca abhiññātasaddoti daṭṭhabbo, abhivīnayasaddassa pana abhipurisassa viya samāsasiddhi daṭṭhabbā. Anekathā hi nipātā, anekatthabhedo ca saddānaṃ payogavisayoti.

Kiñcāpi desanādayo desetabbādīnirapekkhā na santi, ānādayo pana visesato desakādiadhīnāti taṃtaṃvisesayogavasena tesam bhedo vutto. Yathā hi ānāvīdhānaṃ visesato ānārahādīnaṃ tattha kosallayogato, evaṃ vohāraparamatthavidhānāni ca vidhāyakādīhīnānīti **āṇādivīdhīno desakāyattatā** vuttā. Aparādhajjhāsāyānurūpaṃ viya dhammānurūpampi sāsanaṃ visesato tathāvinetabbapuggalāpekkhanti vuttaṃ **“sāsītappa...pe... tabbabbhāvenā”**ti. Saṃvarāsaṃvaranāmarūpanāṃ viya viniveṭhetabbāya dīṭṭhiyāpi kathanāṃ sati vācāvattusmiṃ, nāsātīti visesato tadadhīnanti āha **“kathetabbassa...pe... kathā”**ti. **Upārambhādīti** upārambhanissaraṇadhammakosarakkhaṇāni. **Pariyāpuṇanādīti** pariyāpuṇanasuppaṭipattiduppaṭipattīyo.

Tantisamudāyo avayavatantiyā ādhāro yathā **“rukkhe sākāhā”**ti. **Na codetabbametam** samukhena, visayavisayimukhena vā vinayādīnaṃyeva gambhīrabhāvassa vuttatāti adhippāyo. Dhammo hi vinayādayo, tesāca visayo attho, dhammatthavisayā ca desanāpaṭivedhāti. **“Paṭivedhassā”**tiādīnā dhammatthānaṃ duppaṭividdhattā desanāya uppādetuṃ asakkuṇeyyattā paṭivedhassa uppādetuṃca paṭivijjhītuṃca asakkuṇeyyattā dukkhogāhatam dasseti.

Dhammānurūpaṃ **yathādhhamanti** ca attho yujjati. Desanāpi hi paṭivedho viya aviparītaṃ svavisayavibhāvanato dhammānurūpaṃ pavattati yato **“aviparītabhīlāpo”**ti vuccati. **Dhammaniruttiṃ dasseti** etena desanāsaddasabhāvāti dīpeti. Tathā hi niruttīpaṭisambhīdāya parittārammaṇādībhāvo pāliyaṃ vutto, aṭṭhakathāyañca **“taṃtaṃsabhāvaniruttisaddam ārammaṇam katvā”**tiādīnā saddārammaṇatā. Imassa atthassa ayaṃ saddo vācakoti vacanavacanīyaṃ vavatthapetvā taṃtaṃvacanīyavibhāvanavasena pavattīto hi saddo desanāti. Nanu ca **“dhammo tantī”**ti imasmiṃ pakkhe dhammassapi saddasabhāvattā dhammadesanānaṃ viseso na siyāti? Na, tesam tesam atthānaṃ bodhakabhāvena ñāto uggahitādivasena ca pubbe pavattito saddappabandho dhammo, pacchā paresam avabodhanattham pavattīto tadatthappakāsanaṃ saddo desanāti. Atha vā yathāvuttasaddasamuṭṭhāpako cittuppādo desanā musāvādādayo viya. **Vacanassa pavattananti** ca yathāvuttacittuppādamaḥa. So hi vacanaṃ pavatteti, tam vā etena pavattīyatīti **pavattanaṃ**. Desīyati attho etenāti **desanā**. Pakārehi ñāpīyati etena, pakāro ñāpetīti vā **paññattīti** vuccatīti. Tenevāha **“adhippāyo”**tiādi. Abhisameti, abhisamīyati vā etenāti **abhisamayoti** evampi abhisamayattho sambhavati. Abhisametabbato pana abhisamayoti dutyavikappe paṭivedhoyevāti.

Vuttanayena veditabbāti avijjāsāṅkhārādīnaṃ dhammatthānaṃ duppaṭivijjhātāya dukkhogāhatā, tesam paññāpanassa dukkarabhāvato taṃdesanāya paṭivedhanasāṅkhātassa paṭivedhassa uppādanavisayikarāṇaṃ asakkuṇeyyātāya dukkhogāhatā veditabbā.

Kāraṇe phalavohārena te dhammā dukkhāya saṃvattantīti vuttanti āha **“upārambha...pe... hetubbhāvenā”**ti. **Aññaṃ atthanti** upārambham nissaraṇāñca. **Niṭṭhāpetvāti** kathanavasena pariyoṣāpetvā. Tassa **“āraddha”**nti etena sambandho. **Uddānasaṅgahādībhedo saṅgītoti** pāṭho yutto, **“saṅgītiyā”**ti pana likhanti. Purimaṃ vā **saṅgītiyāti** bhāvena bhāvalakkhaṇe bhumbaṃ, pacchimaṃ adhikāraṇe. **Piṭakādīti** piṭakanikāyaṅgadharmakkhandhāni.

Tattha aṅgesu suttāṅgameva na sambhavati **“sagāthakaṃ suttaṃ geyyaṃ, nigāthakaṃ suttaṃ veyyākaraṇa”**nti (dī. ni. aṭṭha. 1.paṭhamamahāsaṅgītikathā; pārā. aṭṭha. 1.paṭhamamahāsaṅgītikathā; dha. sa. aṭṭha. nidānakathā) vuttattā, maṅgalasuttādīnañca suttāṅgasaṅgaho na siyā gāthābhāvato dhammapadādīnaṃ viya, geyyaṅgasaṅgaho vā siyā sagāthakattā sagāthāvaggassa viya, tathā ubhatovibhaṅgādīsu sagāthakapadesānanti? Vuccate –

Suttanti sāmāññavidhi, visesavidhāyo pare;
Sanimittā niruḷhattā, sahatāññena nāññāto. (netti. aṭṭha. saṅgahavāraṇṇanā);

Sabbassapi hi buddhavacanassa suttanti ayaṃ **sāmāññavidhi**. Tenevāha āyasmā mahākaccāyano **nettiyaṃ** **“navavidhasuttantapariyēṭṭhī”**ti (netti. saṅgahavāra). **“Ettakaṃ tassa bhagavato suttāgataṃ suttapariyāpanaṃ (pāci. 1242) sakavāde pañca suttasatāni”**ti (dha. sa. aṭṭha. nidānakathā; kathā. aṭṭha. nidānakathā) evamādi ca etassa atthassa sādhammaṃ, tadekadesesu pana geyyādayo **visesavidhāyo** tena tena nimittena paṭiṭṭhitattā. Tathā hi geyyassa sagāthakattam tabbhāvanimittam. Lokepi hi sasilokaṃ sagāthakaṃ vā cuṇṇiyagantham **“geyya”**nti vadanti. Gāthāvirahe pana sati puccham katvā vissajjanabhāvo veyyākaraṇassa. Pucchāvissajjanañhi byākaraṇanti vuccati. Byākaraṇameva veyyākaraṇanti.

Evaṃ sante sagāthakānampi pañhavissajjanavasena pavattānaṃ veyyākaraṇabhāvo āpajjati? Nāpajjati veyyākaraṇādīsaññānaṃ anokāsabhāvato **“gāthāvirahe pana satī”**ti visesitattā ca. Tathā hi dhammapadādīsu kevalam gāthābandhesu sagāthakattepi somanassaññāmayikagāthāpaṭisāmyuttesu **“vuttañheta”**ntiādivacanasambandhesu abbhutadhammapaṭisāmyuttesu ca suttavisesesu yathākkamaṃ gāthāudānaitivuttakaabbhutadhammasaññā paṭiṭṭhitā, tathā satīpi gāthābandhabhāve bhagavato atīṭṭsu jāṭīsu cariyānubhāvappakāsakesu jātakasaññā. Satīpi pañhavissajjanabhāve sagāthakatte ca kesuci suttantesu vedassa labhāpanato vedallasaññā paṭiṭṭhitāti evaṃ tena tena sagāthakattādīnā nimittena tesu tesu suttavisesesu geyyādīsaññā paṭiṭṭhitāti visesavidhāyo suttāgato pare geyyāṅgādayo. Yaṃ panettha geyyāṅgādinimittarahitam, tam suttāṅgam visesasaññāparihārena sāmāññasaññāya pavattanatoti.

Nanu ca sagāthakaṃ suttaṃ geyyaṃ, nigāthakaṃ suttaṃ veyyākaraṇanti suttāṅgam na sambhavatīti codanā tadavattāti? Na, sodhitattā. Sodhitañhi pubbe gāthāvirahe sati pucchāvissajjanabhāvo veyyākaraṇabhāvassa nimittanti. Yañca vuttaṃ **“gāthābhāvato maṅgalasuttādīnaṃ suttāṅgasaṅgaho na siyā”**ti, tam na, **niruḷhattā**. Niruḷho hi maṅgalasuttādīsu suttābhāvo. Na hi tāni dhammapadabuddhavaṃsādayo viya gāthābhāvena paññātāni, kintu suttābhāveneva. Teneva hi aṭṭhakathāyaṃ suttānāmakanti nāmaggahaṇam katam. Yaṃ pana vuttaṃ **“sagāthakattā geyyāṅgasaṅgaho vā siyā”**ti, tadapi natthi. Yaasmā **sahatāññena**. Saha gāthāhīti sagāthakam, sahabhāvo ca nāma attato aññena hoti, na ca maṅgalasuttādīsu gāthāvinimutto koci

suttappadeso atthi, yo ‘‘saha gāthāhī’’ti vucceyya, na ca samudāyo nāma koci atthi. Yadapi vuttam ‘‘ubhatovibhaṅgādīsu sagāthakappadesanāṃ geyyaṅgasāṅgaho siyā’’ti, tadapi na, **aññato**. Aññā eva hi tā gāthā jātakādīpariyāpannattā. Ato na tāhi ubhatovibhaṅgādīnaṃ geyyaṅgabhāvoti evaṃ sutādīnaṃ āṅgānaṃ aññamaññasāṅkarābhāvo veditabbo.

Jinasāsanam abhidhammo. **Paṭividdhaṭṭhānaṃ** paṭivedhabhūmi paṭivedhāvattā, paṭivedhahetu vā. ‘‘So evaṃ pajānāmi sammādiṭṭhipaccayāpi vedayita’’nti (saṃ. ni. 5.11-12) vuttam. Pāliyaṃ pana ‘‘so evaṃ pajānāmi micchādiṭṭhipaccayāpi vedayitam. Sammādiṭṭhipaccayāpi vedayita’’nti āgataṃ (saṃ. ni. 5.11-12). **Paccayādīhīti** paccayasabhāvavūpasamatadupāyādīhi. **Paravādicodanam** patvāti aṭṭhakathāyaṃ āgataṃ paravādicodanam patvā. **Adhiga... pe... rūpenāti** adhigantabbo ca so desetabbo cāti adhigantabbadesetabbo, so eva dhammo, tadanurūpena. Ettha ca yathādharmasāsanattā yathādhigatadhammadesanābhāvato abhidhammassa abhisambodhi adhigamanidānaṃ. Desakālādiyeva desanānidānaṃ. Yaṃ pana aṭṭhakathāyaṃ ‘‘desanānidānaṃ yāva dhammacakkappavattanā’’ti vuttam, taṃ abhidhammadesanāvisesena dhammacakkappavattananti katvā vuttam. Dhammacakkappavattanasutte vā desitehi ariyasaccehi sakalābhiddhammapadatthasaṅgahato, paramatthato abhidhammabhūtānaṃ vā sammādiṭṭhiādīnaṃ tattha desitattā vuttam. Tattakānaṃyeva desanārulhatāya aḍḍhachakkesu jātakasatesu paripācanaṃ vuttanti daṭṭhabbaṃ. Na hi ettakāsu eva jātīsu puññādisambhārasambhāraṃ, kiṃ pana kāraṇaṃ ettakā eva jātiyo desitāti? Tadaññesaṃ aṭṭhuppattiyā abhāvato.

Sumedhakathāvaṇṇanā

Uppanne buddhe tato attānaṃ seyyato vā sadisato vā dahanto jhānābhīññāhi parihāyati, na tathā sumedhapaṇḍito aṭṭhāsīti tassa jhānābhīññāhi aparihāni daṭṭhabbā. Tenevāha ‘‘tāpasehi asamo’’ti. Yathā nibbānaṃ, aññāṃ vā niccābhimitaṃ aviparītavuttitāya sabbakālaṃ tathābhāvena ‘‘sassata’’nti vuccati, evaṃ buddhānaṃ vacananti tassa sassatā vuttā. Tenevāha ‘‘aviparītamevā’’ti. Upapāramīdivibhāgena **anekappakāratā**. **Samādānādhīṭṭhānanti** samādānassa adhiṭṭhānaṃ pavattanaṃ karaṇanti attho. **Ñāpatejenāti** pāramīpavicayañāpabhāvena. Mahānubhāvañhi taṃ ñāpaṃ bodhisambhāresu anāvāraṇaṃ anācariyakam mahābodhisamuppattiyā anurūpapubbanimittabhūtaṃ. Tathā hi taṃ manussapurisabhāvādiādīdhārameva jātaṃ. Kāyādīsu asubhasaññādivibhāvena **suddhagocarā**. ‘‘Aññāthā’’ti padassa pakaraṇaparicchinnam attham dassento ‘‘līnatā’’ti āha. Līnatāti ca saṅkoco vīriyahāni vīriyārambhassa adhippetattā. Tenāha ‘‘esā me vīriyapāramī’’ti.

Nidānakathāvaṇṇanā niṭṭhitā.

1. Cittuppādakaṇḍam

Tikamātikāpadavaṇṇanā

1. Tenāti vedanāsaddena. **Sabbapadehīti** tīhi padehi laddhanāmo hoti avayavadhammenāpi samudāyassa apadisitabbato yathā ‘‘samam cuṇṇa’’nti. Codako yathādhīppetamattham appaṭipajjamāno vibhattiantasseva padabhāvaṃ sallakkhetvā ‘‘**nanu sukhāyā**’’tiādīnā codeti. Itaro ‘‘**adhippetappakāratthagamakassā**’’tiādīnā attano adhippāyaṃ vivarati. Tena ‘‘vākyam idha padanti vutta’’nti dasseti. **Hetupadasahetukapadādīhīti** ādi-saddena nahetupadaahetukapadahetusampayuttapadāni hetuvippayuttapadampi vā saṅgaṇhāti.

Ubhayekapadavasenāti ubhayapadavasena hetudukasambandho, ekapadavasena sahetukadukasambandho. **Tathāti** ubhayekapadavasena. Ettha ca sahetukahetusampayuttadukātiādīnā yathā hetugocchake paṭhamadukasambandhā dutiyatatiyadukā, paṭhamadukadutiyaadukasambandhā catuttachattadukā, paṭhamadukatatiyadukasambandho pañcamo duko, evaṃ āsavagocchakādīsupīti nayaṃ dasseti. Sakkā hi imināva nayaṃ tesupi dukantarāsambandho viññātum, kevalam pana āsavagocchakādīsu dutiyadukatatiyadukasambandho osānaduko, kilesagocchake ca dutiyacattutthadukasambandhoti. Dhammānaṃ sāvasesaniravasesabhāvena tikadukānaṃ sappadesanippadesatā vuttāti yehi tikadukā sāvasesāti padissanti apadissanti, te asaṅgahitadhammāpadeso. Evaṃ sati ‘‘asaṅgahito’’ti visesaṃ kimatthiyanti? Etassevatthassa pākātakaraṇattham daṭṭhabbaṃ. Atha vā padissati etena samudāyoti padeso, avayavo. ‘‘Sāmaññajotanaṃ visese avatiṭṭhatī’’ti yathādhīpetam visesaṃ dassento ‘‘**asaṅgahito**’’ti āha.

Anavajjattho avajjavirahattho. **Nāmaṃ** saññā, **kiriya** karaṇaṃ, **payojanaṃ** ratharathaṅgavibhāvanena tesam pakārato yojanaṃ. Kusena ñāṇena lātabbāti kusalāti ayamattho ñāṇasampayuttānaṃ tāva hotu, ñāṇavippayuttānaṃ kathanti āha ‘‘**ñāṇavippayuttānampi**’’tiādi. Ñāṇavippayuttāpi hi ñāṇeneva pavattiyanti hitasukhahetubhūtāya pavattiyā paññavantānaṃ paṭipattibhāvato. Na hi antarena yonisomanasikāraṃ kusaluppatti atthīti. ‘‘Yadi kusalassa ubhayabhāgatam saṃkilesalavanaṃ pākātam siyā, kusā viya lunantīti kusalāti ayamattho yutto siyā’’ti koci vadeyyāti āsānkāya āha ‘‘**sammappadhānadvayaṃ viyā**’’ti.

Na cātiādīnā ‘‘sabhāvaṃ dhārentī’’ti ettha paramatthato kattukammassa ca bhedo natthi, kappanāsiddho eva pana bhedoti dasseti. Tattha **nāmasasena viññātāvīññātetī** yesam ‘‘dhammā’’ti iminā pariyāyena aviññātā sabhāvā, ‘‘sabhāvaṃ dhārentī’’ti iminā ca pariyāyena viññātā, tesam vasena evaṃ vuttam. Ettha ca paṭhamo attho saṅkhatāsaṅkhatadhammavasena vutto, dutiyo saṅkhatavasena, tatiyo saṅkhatāsaṅkhatapaññātidhammavasenāti daṭṭhabbaṃ.

Kusalapaṭisedhanaṃ kusalābhāvo eva. Abhāvo hi sattāpaṭisedhoti. **Dhammoti** sabhāvadhammo. **Akusalavacanena na**

koci attho sabhāvadhammassa abodhakattāti adhippāyo. Atha siyā akusalavacanena koci attho asabhāvadhammabodhakattepi “paññattidhammā”tiādīsu viya, evaṃ sati “anabyākata”ti ca vattabbaṃ siyā, tato cāyaṃ catukko āpajjati, na tiko. **Tasmā**ti yasmā dukacatukkabhāvo anabyākatavohāro ca natthi, so ca vuttanayena abhāvamattavacane āpajjati, tasmā. **Sabhāvadhāraṇādīti ādi**-saddena “dhārīyanti paccayehi”ti ayamatto saṅgahito. Ñeyyapariyāyena pana **dhamma**-saddenāyaṃ dosoti nanu añeyyapariyāyepi **dhamma**-sadde na koci dosoti? Na, vuttadosānavattanato.

Pārisesenāti ettha nanu ayamakāro na-atthattayasseva jotako, atha kho “ahetukā dhammā, abhikkhuko āvāso”ti taṃyoganivattiyā, “appaccayā dhammā”ti taṃsambandhibhāvanivattiyā. Paccayuppannañhi paccayasambandhīti appaccayuppannattā asambandhitā ettha jotiyati. “Anidassanā dhammā”ti taṃsabhāvanivattiyā. Nidassanañhi daṭṭhabbatā. Atha cakkhuvīññāṇaṃ nidassanaṃ, taggayabhāvanivattiyā, tathā “anāsavā dhammā”ti. “Appaṭighā dhammā anārammaṇā dhammā”ti taṃkiccanivattiyā. “Arūpino dhammā acetasikā dhammā”ti tabbhāvanivattiyā. Tadaññatā hi ettha pakāsīyati. “Amanusso”ti tabbhāvamattanivattiyā. Manussattamattaṃ natthi aññaṃ samānanti sadisatā hettha sūciyati. “Asamaṇo samaṇapaṭiñño aputto”ti taṃsambhāvanaguṇanivattiyā. Garahā hi ettha ñāyati. “Kacci nu bhoto anāmayā, anudarā kaññā”ti tadappabhāvanivattiyā. “Anuppannā dhammā”ti taṃsadsabhāvanivattiyā. Atīṭānañhi uppannapubbattā upādīdhammānañca paccayekadesanippattiyā āradhuppādabhāvato kālavinimuttassa ca vijjamaṇattā uppannānukūlatā, pageva paccuppannānanti tabbidhurabhāvo ettha viññāyati. “Asekkhā dhammā”ti tadapariyosānanivattiyā. Taṃñiṭṭhānañhettha pakāsīyatīti evamanekesaṃ atthānaṃ jotako, tattha kiṃ vuccate atthadvayameva vatvā pārisesenāti? Itaresaṃ ettha suvidūrabhāvato. Na hi kuslavippayuttādīnaṃ dhammānaṃ akusalabhāvo yujjati.

Akusalasaddassa uccāraṇānantaraṃ viṇeyyānaṃ kusalaṭaṭipakkabhūte atthe ṭaṭipattibhāvato tattha **nirulhatā** daṭṭhabbā. “**Viruddhasabhāvattā**”ti vuttaṃ kiccavirodhādīnaṃpi tadantogadhattā, viruddhasabhāvattepi vināsakavināsītabbabhāvo kusalākusalesu niyatoti dassetuṃ “**tappaheyyabhāvato**”ti āha. Itarathā kusalānaṃpi akusalehi pahātābbabhāve accantaṃ samucchinna kusalamūlattā apāyapūrakā eva sattā siyuṃ. Yaṃ pana “dhammāpi vo, bhikkhave, pahātābbā”ti (ma. ni. 1.240) vuttaṃ, taṃ “rūpaṃ, bhikkhave, na tumhākaṃ, taṃ pajahathā”tiādīsu (saṃ. ni. 3.33) viya tadārammaṇasaṃkilesappahānavasena pariyaṇena vuttaṃ. Yathāha “na hi kusalā akusalehi pahātābbā”ti (dha. sa. mūlatī 1).

Phassādivacanehi taṃniddesabhūtehi. **Tabbacanīyabhāvenāti** tehi “sukhāya vedanāya sampayuttā dhammā”tiādīvacanehi abhidheyyabhāvena. Yathā anavajjasukhavipākādiatthā kusalādivacanehi, evaṃ avipākathā abyākatavacanena bodhitā evāti āha “**abyākatavacaneneva cā**”ti. **Kāraṇaṃ avatvāti** idha vuttabhāvena anuvattamaṇattāti kāraṇaṃ avatvā. **Aññā...pe... nivāretabboti** etena kusalākusalasaddā viya kusalākusalasabhāvānaṃ tadubhayaviparītasabhāvānaṃ dhammānaṃ abyākatasaddo bodhakoti dasseti. Na hi avipākavacanaṃ vuttaṃ, akusalavacanañca avuttaṃ. Yato avipākavacanassa adhikatabhāvo akusalassa ca tabbacanīyabhāvena akathitabhāvo siyā, tasmā na akusalānaṃ abyākatatāti ayaṃ akusalānaṃ anabyākatābhāve yojanā.

Taṃ pariharitunti abyākatanivattanamāha. Yadi evaṃ “sukhavipākānavajjā”ti vattabbaṃ. Anavajjā hi byabhicāritāya visesitābbāti? Na, sukhavipākavacanassa visesanabhāvena aggahitattā. Sukhavipākavacanena hi kusalābhāve samatto viññāyati, anavajjavacanaṃ panettha kusalānaṃ agarahitabbatāsaṅkhātāṃ kañci visesamāha. Teneva ca tassa visesanabhāvena vuttassa pavattisukhatādidassanabhāvaṃ sayameva vakkhatīti. Manosamācāravisabhūtā phaladharmā visesena ṭaṭippassaddhāvajjā nāma hontīti samācārattayasena tasmīṃ sutte anavajjadhammānaṃ vuttattā ca te anavasesato saṅgahetvā dassetuṃ “**virahitāvajjamattā**”ti vuttaṃ. **Avajjavināsanabhāvo dassito** kaṇhasukkadhammānaṃ vajjhaghātakabhāvassa niyatattā. **Savipākātā** vipākadammatā. **Sukho vipāko etesanti sukhavipākāti** iminā samāseṇa kusalānaṃ sukhavipākavantatā vuttā. Sā ca nesaṃ na taṃsamāṅgītāya asahavattanato taduppādanasamatthātīti viññāyatīti vuttaṃ “**sukhavipākavipaccanasabhāvam dasseti**”ti. **Yuttametanti** paramatthato bhedābhāvepi yathāvuttavacanavacanīyabhāvasaṅkhāto bhedo tasmīṃ abhidheyyatthabhūte vatthusmiṃ upacārena hotīti yuttamettha lakkhaṇalakkhitābbabhāvena bhedavacanaṃ. Bhavati hi saddatthavisesamattenapi abhinne vatthusmiṃ bhedavacanaṃ yathā “silāputtakassa sarīra”nti.

Vināpi bhāvābhīdhāyinaṃ saddena bhāvappadhāno niddeso hotīti vuttaṃ “**anavajjavacanena anavajjattaṃ āhā**”ti. Evañcetta padaviggaho gahetabbo – na avajjaṃ anavajjaṃ, avajjapaṭipakkhatāya agarahitabbasabhāvo. Sukho vipāko assāti sukhavipākaṃ, sukhavipākavipaccanasamatthātā. Anavajjañca taṃ sukhavipākañcāti anavajjasukhavipākaṃ, taṃ lakkhaṇaṃ etesanti **anavajjasukhavipākālakkkhaṇā**. Atha vā pubbe viya anavajjaṃ, vipaccanaṃ vipāko, sukhasa vipāko sukhavipāko, anavajjañca sukhavipāko ca anavajjasukhavipākaṃ ekattavasena. Taṃ lakkhaṇaṃ etesanti **anavajjasukhavipākālakkkhaṇā**. Kiṃ panettha kāraṇaṃ padadvayapariggāhe, nanu ekeneva padena iṭṭhappasiddhi. Yadi “avajjarahitaṃ anavajja”nti imasmīṃ pana pakkhe abyākatanivattanattaṃ sukhavipākaggahaṇaṃ kattabbaṃ siyā, sukhavipākaggahaṇe pana kate anavajjaggahaṇaṃ na kattābameva. “Avajjapaṭipakkhā anavajjā”ti etasmīṃ pana pakkhe sukhavipākaggahaṇaṃcāti codanaṃ manasi katvā āha “**tattha anavajjavacaneṇā**”tiādī. Tena pavattisukhasukhavipākātāattasuddhivissuddhivipākātāakusalaabyākatasabhāvanivattirasappaccuṭṭhānapadaṭṭhānavisesadīpanato evaṃ vipulappayojanatto padadvayapariggahoti dasseti. **Sukha**-saddassa iṭṭhāpariyāyatā viya “nibbānaparamaṃ sukhaṃ (dha. pa. 203-204), sukhā virāgatā loke (udā. 11), tesam vūpasamo sukho”tiādīsu (dī. ni. 2.221, 272) saṅkhāradukkūpasamapariyāyatāpi vijjati, taṃavipākātāya pana idha sukhavipākabhāvo na sakkā vattunti dassento āha “**saṅkhā...pe... natthi**”ti. Idam vuttaṃ hoti – tebhūmakakusalānaṃpi vivaṭṭasannissayabhāvena pavattisabhāvattā kiñcāpi sabbe kusalā saṅkhāradukkūpasamasukhanippādakā sambhavanti, yathāvuttasukhasa pana avipākabhāvato na etena padena kusalānaṃ sukhavipākātā sambhavatīti. Vipākabhāvamāpannesu arūpadhammesu nirulhattā **vipāka**-saddassa “**yadi panā**”ti sāsānaṃ vadati.

Yathāsambhavanti saha avajjenāti sāvajjā, garahitabbabhāvayuttā. Tena nesam garahitabbasabhāvaṃ dasseti. Aññepi atthi dukkhabhāvena garahitabbasabhāvā akusalavipākāti sāvajjavacanamattena tesampi akusalatāpattidosam disvā tam pariharitum **dukkhavipākavacanamāha**. **Avajja**-saddo vā rāgādīsu ekantākusalesu nirulhoti tamsahavattidhammānaṃ eva sāvajjabhāve kusalābyākatehi akusalānaṃ viseso sāvajjavacaneneva dassito. Abyākatehi pana visiṭṭhaṃ kusalākusalānaṃ sādharmaṇaṃ savipākātālakkhaṇanti tasmim lakkhaṇe visesadassanattam dukkhavipākalakkhaṇaṃ vuttam. Ito param “dukkho vipāko etesanti dukkhavipākā”tiādīnā sukhavipākaanavajjakusalapadānaṃ thāne dukkhavipākasāvajjaakusalapadāni thapetvā yathāvuttanayena attho vedītabbo. Yojanā ca sāvajjavacanena akusalānaṃ pavattidukkhatam dasseti, dukkhavipākavacanena vipākadukkhatam. Purimāñhi attano pavattisabhāvavasena lakkhaṇavacanam, pacchimaṃ kālantare vipākuppādanasamattatthāyāti. Tathā purimena akusalānaṃ avisuddhasabhāvataṃ dasseti, pacchimena avisuddhavipākataṃ. Purimena ca akusale kusalasabhāvato nivatteti, pacchimena abyākatasabhāvato savipākattadīpakattā pacchimassa. Purimena vā avajjavantatādassanato kiccatthena rasena antthajananarasataṃ dasseti, pacchimena sampattiatthena anīṭṭhaviṭṭhakarasaṭam. Purimena ca upaṭṭhānākāraṭṭhena paccupaṭṭhānaena samkilesapaccupaṭṭhānataṃ, pacchimena phalaṭṭhena dukkhavipākapaṭṭhānataṃ. Purimena ca ayonisomanasikāraṃ akusalānaṃ padaṭṭhānaṃ pakāseti. Tato hi te sāvajjā jātīti. Pacchimena akusalānaṃ aññesaṃ padaṭṭhānabhāvaṃ vibhāveti. Te hi dukkhavipākassa kāraṇaṃ hotīti. Ettha ca **dukkha**-saddo anīṭṭhaviṭṭhāvavacananti vedītabbā. Anīṭṭhacattukkhādhavipākā hi akusalā, na dukkhavedanāvipākāva. **Vipāka**-saddassa phalaparīyāyabhāve pana nissandavipākena anīṭṭharūpenapi dukkhavipākātaṃ yojetabbā. Vipākadhammatāpaṭṭhānaṃ avipākalakkhaṇāti lakkhaṇaṃ vuttanti tadattham dassento “**avipākārahasabhāvā**”ti āha. **Evampakārānanti** abhiññādikē saṅgaṇhāti.

Chahi padehi tikesu, catūhi dukesu yathākkamaṃ cha cattāro atthā vuttā. **Chakkabhāvo na bhavissatīti** etena catukkhabhāvabhāvo dassitanayattā coditoyevāti daṭṭhabbā. **Atthabhedo upapajjati** kasmā evaṃ vuttam, nanu tīhi dhammasaddhehi vuccamāno sabhāvadhāraṇādīatthena abhinno eva so atthoti? Na, jātiādībhedenā bhedasabhāvato. Bhedakā hi jātiādāyo. **Māsapadatthāyāti** māsa-saddābhīdheyabhāvena. **Tabbacanīyabhinnaṭṭhānanti** tehi kālasaddādīhi vattabbānaṃ visiṭṭhatthānaṃ. Idam vuttam hoti – “yathā kālasaddādībhīdheyānaṃ kālādīatthānaṃ bhinnasabhāvānaṃ māsa-saddābhīdheyabhāvena abhedo, evaṃ jātiādībhedenā bhinnānaṃ tesam tiṇṇaṃ dvinnānaṃ atthānaṃ dhamma-saddābhīdheyabhāvena natthi bhedo”ti. **Vini...pe... mānāti** dhamma-saddassa rūpābhedeḍi bhedakāraṇamāha. Bhinnajātiyathavacanīyatāya hi tassevatthabhedoti.

Sādhētunti bodhetum. Hotu asambandho, kā no hānīti kadāci vadeyyāti āsaṅkāya āha “**pubbā...pe... nāma hontī**”ti. **So cāti** sabhāvadhāraṇapaccayadhariyamānatāsaṅkhāto attho na sakkā vattunti yathāvuttassa abhāvassa apekkhāvuttitāya vuttam. Na hi apekkhāvuttino antarena apekkhitabbā labhanti. Satipi sabhāvadhāraṇādīatthasāmaññe kusala-jātiādīvisiṭṭhasseva tassa idha adhippetattā ekatthātaṃ na anuññātīti vuttam, vacanasīsesavasena vā. **Atha vātī**ādīnā tiṇṇaṃ dhammasaddānaṃ abhāvattam asampācchānto nānatthābhāvadosam pariharati.

Ñāpakahetubhāvato upapatti idha kāraṇanti vuttāti āha “**kāraṇaṃ nāma yuttī**”ti. **Punaruttī**ādīnā nanu “kusalādīnaṃpi ekattam āpajjati”ti vuttattā ekattāpattipi vattabbāti? Saccam vattabbā, sā pana abhāvāpattiyam eva antogadhā nānatthābhāvācodanāsāmaññena. Bhedābhedanibandhanattā visesanavisesitabbabhāvassa so accantamabhinnesu niyāmena natthīti visesanavisesitabbābhāvena accantābhedaṃ dasseti, na pana accantam abhinnesuyeva visesanavisesitabbābhāvaṃ. Atha vā accantam abhinnesu avivaṭṭasaddatthavivaraṇattham pavattā. Kasmā? Visesanavisesitabbābhāvato evaṃ yojanā kātabbā. Amittam abhībhavitum sakkuṇātīti **sakko**, indatīti **indo**, purime dadātīti **purindadoti** evaṃ kiriyāguṇādi-pariggahavisesena.

Bhedābhedavantesūti visesasāmaññavantesu. **Nīla**-saddo hi uppālasaddasamāyogo rattuppālasatuppālādīuppālajātīsāmaññāto vinivattetvā nīlaguṇayuttameva uppālajātīvisesaṃ joteti. **Uppāla**-saddopi nīla-saddasamāyutto bhamaṅgārakokilādīgatanīlaguṇasāmaññāto avacchinditvā uppālavatthugataṃ nīlaguṇam pakāsetīti visesatthasāmaññatthayuttatā padadvayassa daṭṭhabbā. Iminā nayena itaratrāpi bhedābhedavantatā yojetabbā. **Tāya tāya anumatiyāti** tena tena saṅketena. **Te te vohārāti** accantam abhinne atthe parīyāyabhāvena accantam bhinne yathāsakaṃ atthavivaraṇabhāvena bhedābhedavante visesanavisesitabbābhāvena tā tā samaññā paññattīyo siddhāti attho. **Samāneti** ekasmiṃ. **Kusalādībhāvanti** kucchitasalanādībhāvaṃ. Abhīdhānatthopi hi anavajjasukhavipākādībhīdheyattho viya sabhāvadhāraṇādīsāmaññattham visesetīti.

Etthāha “kiṃ pana kāraṇaṃ tikā eva paṭṭhamaṃ vuttā, na dukā, tikesupi kusalattikova, na añño”ti? Vuccate – sukhaggahaṇato appabhedato ca tikā eva paṭṭhamaṃ vuttā. Yasmā tikehi bodhite kusalādībhede tabbībhāgabhinnaṃ hetuādāyo vuccamānā suviññeyyā hontī. Tathā hi “tayo kusalahetū”tiādīnā kusalādīmukhena hetuādāyo vibhattā, katipayabhedā ca tikā dvāvīsatiparimāṇattā.

Tesu pana sabbasaṅgahaasaṅkaraādīkalyāṇabhāvena paṭṭhamaṃ kusalattikaṃ vuttam. Niravasesā hi rūpārūpadhammā kusalattikena saṅgahitā, na tathā vedanāttikādīhi. Nanu vipākattikādīhipi niravasesā dhammā saṅgahitāti? Saccametam, tesu pana anavajjasāvajjadhammā na asaṅkarato vuttā yathā kusalattike. Nanu ca samkiliṭṭhasamkilesikkattikādīsipi te asaṅkarato vuttāti? Evametam, te pana akalyāṇabhūte pāpadhamme ādiṃ katvā vuttā, na evamayam. Ayam pana kalyāṇabhūte pujjabhavapariniṭṭhāpādake puññadhamme ādiṃ katvā vutto. Iti bhagavā saṅhasukhamaṃ rūpārūpadesanaṃ ārabhanto sabbasaṅgahaasaṅkaraādīkalyāṇaguṇayogato paṭṭhamaṃ kusalattikaṃ deseti, kiṃca tadanīṭṭhānaṃ sukhaggahaṇato. Tathā hi kusalattikamukhena “kāmaṃvacaṅkusalato cattāro somanassasahagatacituppādā”tiādīnā vedanāttikādāyo vibhattāti.

Kusalattikepi ca padhānapāsaṃsaubhayahitabhāvato kusalā dhammā paṭṭhamaṃ vuttā. Kusalā hi dhammā sukhavipākattā

sabbasaṅkhatadhammānaṃ uttamā avajjavidhamaṇato viññuppasatthā idhalokaparalokesu atthāvahā nissaraṇāvahā ca, tasmā padhānādibhāvena paṭhamāṃ vuttā, tappaṭipakkhattā tadanantaraṃ akusalā, tadubhayaviparītasabhāvā tadanantaraṃ abyākatā vuttā. Kusalavasena vā assādo, akusalavasena ādīnavo, abyākatadhammesu nibbānavasena nissaraṇanti iminā assādādikkamena, kusalesu paṭiṭṭhāya paṇḍitā akusale pajahantā abyākatadhammabhūtamaggaphalaṃ nibbānañca sacchikarontīti iminā vā paṭipattikkamena ayamanupubbī ṭhapitāti veditabbā.

Kasmā panettha sekkhattikādīsu viya sarūpato purimapadadvayaṭipakkhepavasena tatiyapadaṃ na vuttaṃ “nevakusalā nākusalā”ti? Visesaḍipanaṭṭhaṃ. Yathā hi sekkhāsekkhasabhāvesu dhammesu kocipi dhammo tadubhayasabhāvena kenacipi pariyaēyena kadāci abyākaraṇīyo nāma natthīti sekkhattike padadvayaṭipakkhepavasena “nevasekkhā nāsekkhā”tveva vuttaṃ, na evaṃ idha. Idha pana kusalasabhāvā eva dhammā aggaphaluppattiyā tathā na byākaraṇīyā hontīti imassa visesassa dīpanattham “abyākatā”ti vuttaṃ. Vacanamatte eva vā idaṃ nānākaraṇam “abyākatā nevakusalā nākusalā”ti byākata-saddena kusalākusalānaṃ bodhitattāti.

Ettha ca akusalesu taṅhāya sabbākusalehi, tebhūmakakusalākusalehi vā samudayasaccaṃ, taṃtaṃavasiṭṭhatebhūmakadhammehi dukkhasaccaṃ, lokuttarakusalena maggasaccaṃ, avasiṭṭhaabyākatavisesena nirodhasaccaṃ dassitaṃ hoti. Tattha samudayena assādo, dukkhena ādīnavo, magganirodhehi nissaraṇam. Kiñcāpi nāmarūpaparicchedabhāvato sabhāvadhammaniddhāraṇapadhānā abhidhammakathā, tesam pana kusalādivisesa niddhārite tassa upasampādetabbatādipi atthato vuttameva hoti. Akusalānaṃ dhammānaṃ pahānāya kusalānaṃ dhammānaṃ upasampādāya “sabbapāpassa akaraṇam, kusalassa upasampādā”ti (dha. pa. 183; dī. ni. 2.90) evamādivacanato hi kusalādinam upasampādanādīdassanaparam bhagavato sāsanam, tasmā kusalānaṃ upasampādanam akusalānaṃ pahānañca upāyo, abyākatavisesassa sacchikiriyā phalaṃ, kusalādinam upasampādanādīatthā desanā āṇattīti ayaṃ **desanāhāro**.

Ārogyaṭṭhena anavajjaṭṭhena kosalyasambhūtaṭṭhena ca kusalā, tappaṭipakkhato akusalā, tadubhayaviparītato abyākatā, sabhāvadhāraṇādīatthena dhammāti anupadavicinanam **vicayo hāro**.

Pujjabhavaphalapariniḅbutinipphatti kusalehīti yujjati sukhavipākattā, apāyadukkhasaṃsāradukkhuṇṇapatti akusalehīti yujjati anīṭṭhaphalattā, tadubhayaphalānaṃ anuppatti abyākatehīti yujjati avipākadhammatṭāti ayaṃ **yutti hāro**.

Kusalā dhammā sukhavipākassa padaṭṭhānaṃ, akusalā dukkhavipākassa, abyākatā kusalākusalābyākatadhammānanti ayaṃ **padaṭṭhāno hāro**.

Kusalaggahaṇena ye anavajjasukhavipākā sukhāya vedanāya sampayuttā adukkhamasukhāya vedanāya sampayuttā vipākadhammadhammā anupādinupādāniyā anupādinnaanupādāniyā...pe... araṇā dhammā, te bodhitā bhavanti kusalalakkhaṇena ekalakkhaṇattā. Tathā akusalaggahaṇena ye sāvajjadukkhavipākā sukhāya vedanāya sampayuttā dukkhāya vedanāya sampayuttā adukkhamasukhāya vedanāya sampayuttā vipākadhammadhammā anupādinupādāniyā saṃkiliṭṭhasaṃkilesikā...pe... saraṇā dhammā, te bodhitā bhavanti akusalalakkhaṇena ekalakkhaṇattā. Tathā abyākataggahaṇena ye avipākārahā sukhāya vedanāya sampayuttā dukkhāya vedanāya sampayuttā adukkhamasukhāya vedanāya sampayuttā vipākā dhammā neva vipākanavipākadhammadhammā upādinupādāniyā anupādinupādāniyā anupādinnaanupādāniyā...pe... araṇā dhammā, te bodhitā bhavanti abyākatalakkhaṇena ekalakkhaṇattāti ayaṃ **lakkhaṇo hāro**.

“Kucchite pāpadhamme salayantī”tiādinā nirutti veditabbā, kusalādimukhena rūpārūpadhamme pariggahetvā visuddhiparamparāya “kathaṃ nu kho sattā anupādisesanibbānabhāgino bhaveyyu”nti ayamettha bhagavato adhippāyo, nidānaṃ asādhāraṇato kusalādibhedena bujjhanakasattā. Sādhāraṇato pana pākāṭameva. Paṭhamam kusalattikassa desanā vicāritāyevāti ayaṃ **catubyūho hāro**.

Kusalaggahaṇena kalyāṇamittapariggaho yonisomanasikārapariggaho ca. Tattha paṭhamena sakalam brahmacariyamāvattati, dutiyena ca yonisomanasikāramūlakā dhammā. Akusalaggahaṇena vuttavipariyaēyena yojetabbaṃ. Abyākataggahaṇena pana sakalasamkilesavodānapakkho yathārahamaṅvattatīti ayaṃ **āvatto hāro**.

Tattha kusalā bhūmito catudhā vibhattā, sampayuttapavattīkāradīto pana anekadhā. Akusalā bhūmito ekadhā vibhattā, sampayuttādīto anekadhā. Abyākatā pana vipākakiriyarūpanibbānavasena catudhā bhūmisampayuttādīto anekadhā ca vibhattāti ayaṃ **vibhatti hāro**.

Kusalā dhammā akusalānaṃ tadanāgādippahānāya vītikamādippahānāya ca saṃvattanti, akusalā dhammā kusalānaṃ anupasampajjanāya, abyākatesu asaṅkhatadhātu sabbasaṅkhatanissaraṇāyāti ayaṃ **parivatto hāro**.

Kusalā anavajjā puññānīti pariyaēyavacanam, akusalā sāvajjā apuññānīti pariyaēyavacanam, abyākatā avipākārahā nevaācayagāmi naapacayagāmiṇoti pariyaēyavacananti ayaṃ **vevacano hāro**.

Kusalādayo “yasmim samaye”tiādinā pabhavabhūmivevacanapaññattivasena yathāsambhavaṃ pariññādīpaññattivasena ca paññattāti ayaṃ **paññatti hāro**.

Akusalānaṃ kucchitānaṃ pāpadhammānaṃ salanaṃ kusānaṃ viya kusānaṃ vā rāgādīnaṃ lavanaṃ evaṃdhammatṭāti ayaṃ

paṭiccasamuppādamukhena avataraṇaṃ, tathā kusena lātabbā kosallasambhūtā cāti paccayaapaṭibaddhavuttitāya paṭiccasamuppāda...pe... avataraṇaṃ, paccayaapaṭibaddhavuttitāya vā ādiantavantā aniccantikā cāti aniccatāmukhena avataraṇaṃ, aniccatā eva udayabbayaapaṭipīṭatāya dukkhāti dukkhatāmukhena avataraṇaṃ, nissattanijjīvaṭṭhena dhammāti abyāpārato suññatāmukhena avataraṇaṃ, evaṃ kusalāti cattāro khandhā dvāyatanāni dve dhātuyotiādīnā khandhāyatanadhātādimukhenapi avataraṇaṃ veditabbaṃ. Iminā nayena akusalābyākatesupi avataraṇaṃ dassetabbanti ayaṃ **avataraṇo hāro**.

Kusalāti ārambho, dhammāti padasuddhi, no ārambhasuddhi. Tathā akusalā dhammā abyākatāti, dhammāti pana padasuddhi ārambhasuddhi cāti ayaṃ **sodhana hāro**.

Dhammāti sāmāññato adhiṭṭhānaṃ, taṃ avikappetvā visesavacanaṃ kusalākusalābyākatāti. Tathā kusalā dhammāti sāmāññato adhiṭṭhānaṃ, taṃ avikappetvā kāmavacanaṃ somanassasahagatantiādi visesavacanaṃ. Akusalā dhammātiādisupi eseva nayoti ayaṃ **adhiṭṭhāno hāro**.

Kusalānaṃ dhammānaṃ navamo khaṇo cattāri ca sampatticakkāni yonisomanasikāro eva vā hetu, vuttavipariyāyena akusalānaṃ dhammānaṃ hetu, kusalākusalā dhammā yathāsambhavaṃ abyākatānaṃ dhammānaṃ hetūti ayaṃ **parikkhāro hāro**.

Kusalāti pariññeyyaggahaṇaṇceva bhāvetabbaṃ gahaṇaṇca. Akusalāti pariññeyyaggahaṇaṇceva pahātabbaṃ gahaṇaṇca. Abyākatāti pariññeyyaggahaṇaṇceva sacchikātabbaṃ gahaṇaṇca. Dhammāti pariññādīnaṃ pavattanākāraggaṇaṃ. Tena pariññeyyappahānabhāvanāsacchikaraṇāni dīpitānti tadaṅgādivītikamādippahānāni lokiyalokuttarā ca bhāvanā dassitāti ayaṃ **samāropano hāro**.

Kāmañcetaṃ avisesato sabhāvadhammakathanāṃ, visesavanto pana dhammā visesato niddhāritā. Tathā hi citteneva samayo niyamito, tasmā kusallaggahaṇena visesato sādhiṭṭhāno samatho vipassanā ca dassitāti. Tathā tappaṭipakkhato akusalaggahaṇena sādhiṭṭhānā taṇhā avijjā ca, abyākataggahaṇena saparivārā cetovimutti paññāvimutti cāti ayaṃ **nandiyāvattassa nayassa bhūmi**.

Tathā kusallaggahaṇena mūlabhāvavisesato tīṇi kusalamūlāni, tesu ca adosena sīlakkhandho, alobhena samādhikkhandho, amohena paññākkhandho nīyati. Tathā akusalaggahaṇena tīṇi akusalāmūlāni, tesu ca lobhena tadekaṭṭhā akusalā dhammā. Tathā dosamohehi taṃtadekaṭṭhā. Abyākataggahaṇena appaṇihitānimittasuññatā nīyantīti ayaṃ **tipukkalassa nayassa bhūmi**.

Tathā kusallaggahaṇena yato kosallato sambhūtā kusalā, taṃ paññindriyaṃ. Taṃsahajāta tadupanissayā ca saddahanussahanāpīlāpāvikkhepā saddhindriyādīni. Tehi ca sabbe saddhammā bodhitā bhavanti. Akusalaggahaṇena akosallaapaṭicchādītādīnavesu kāyavedanācittadhammesu subhasukhaniccaattābhinivesabhūtā cattāro vipallāsā. Abyākataggahaṇena yathāvuttaindriyapaccayāni yathāvuttavipallāsappahānabhūtāni ca cattāri sāmāññaphalāni bodhitānti ayaṃ **sīhavikkīṭitassa nayassa bhūmiti** ime tayo atthanayā.

Tehi ca siddhehi dve kammanayāpi siddhā hontīti. Ayaṃ tiko sabbadhammasaṅgahitasabbabhāgiyo veditabboti idaṃ **sāsanapaṭṭhānaṃ**.

Ayaṃ tāva nettinayena kusalattikavaṇṇanā.

Evaṃ vedanāttikādisupi yathāsambhavaṃ catusaccaniddhāraṇādividhinā soḷasa hārā pañca nayā niddisitabbā, ativittārabhayena pana na vitthārayāma. Sakkā hi iminā nayena tesu tesu tīkadukesu taṃtaṃhāranayayojanānurūpadhammaniddhāraṇavasena te te hāranayā viññunā niddisitunti.

2. Tañca sukhindriyaṃ **sukhavedanā eva hoti** sāmāññassa bhedapariyādānato, bhedassa ca sāmāññapariccāgatoti adhippāyo. Yasmā pana visesasāmāññāni avayavasamudāyā viya aññamaññato bhinnāni, tasmā “**na pana...pe... samānatthattā**”ti vuttaṃ. Idāni tameva nesam bhinnatavā “**ayaññhi**”tiādīnā vivarati. **Tanti** sukhahetūnaṃ kāraṇaṃ. Tena sukhasa kāraṇaṃ sukhahetu, sukhasa kāraṇakāraṇaṃ sukhāmūlanti dasseti. **Sukhahetūnanti** ettha **hetu**-saddena kāraṇabhāvasāmāññato hetupaccayā saṅgahitāti āha “**puññapassaddhiādīna**”nti. Ettha ca sukhāmūlasukhahetūsu phalūpacāreṇa, sukhārammaṇasukhapaccayaṭṭhānesu sukhasahacariyāya, abyāpajjanibbānesu dukkhāpagamabhāvena sukhapariyāyo vuttoti daṭṭhabbo. **Iṭṭhāsūti** sukhupekkhānaṃ vipariṇāmāññānaṃ saṅkhārādukkhatāya aniṭṭhāvopi atthīti viseseti. Upekkhameva vā apekkhitvā visesanaṃ kataṃ. Sā hi akusalavipākabhūtā aniṭṭhāpi atthīti. **Eva mādisūti ādi**-saddena “sovaggaṃ sukhavipāka”nti (dī. ni. 1.163) evamādiṃ saṅgaṇhāti. Iṭṭhapariyāyo hi ettha sukha-saddoti.

Saṅkhārādukkhādīsūti ettha **ādi**-saddena “ṭṭhisukhaṃ vipariṇāmadukkhāṃ, akusalaṃ kāyakammaṃ dukkhudrayaṃ dukkhavipāka”ntiādi ke saṅgaṇhāti. Yathākkamaṃ sukhavedanā dukkhaaniṭṭhapariyāyo hi ettha dukkha-saddoti. Dukkavedanādukkhavatthūādisu dukkhasaddappavatti vuttanayeneva yojetabbā. Vipākāvipākabhedāya sabbāyapi sukhavedanāya vasena lakkhaṇassa vuttattā tadubhayānukūlamatthaṃ vivaranto “**sabhāvato**”tiādīmāha. Tattha vipākā sabhāvato iṭṭhassa anubhavanalakkhaṇā. Itarā sabhāvato saṅkappato ca iṭṭhassa iṭṭhākārassa vā anubhavanalakkhaṇāti daṭṭhabbaṃ.

Asamānapaccaye hi ekajjhaṃ uppattito samānapaccaye hi ekajjhaṃ uppatti sātisayāti ukkaṃsagativijānāvasena “**samānapaccaye hi saḥuppattikāti attho**”ti vuttaṃ. Atha vā uppajjanaṃ uppādo, uppajjati etasmāti uppādoti duvidhopi uppādo ekuppādāti ettha ekasesanayena saṅgahitoti iminā adhippāyena “**samā...pe... attho**”ti vuttaṃ siyā. **Tena tāni ekavattukānāni** etassa ca “kappentassā”tiādīnā sambandho. Tattha purimavikappe ekaṃ vatthu nissayo etesanti yojanā, na ekaṃyeva vatthūti. Ekekabhūtaṃ bhūtattayanissitattā catubhūtanissitattā ca upādārūpanaṃ. Dutiyavikappe pana ekaṃyeva vatthu etesu nissitanti yojanā. Nissayanissitāsaṅkhātaupakāropakattabbabhāvadīpanaṃ ekavattukavacanaṃ dutiyavikappe mahābhūtavasena yojanā katā. Itarathā **ekaṃ vatthu etesūti** samāsattabhāvena upādārūpanampi pariggaho vattabbo siyā. **Pañcaviññāpasampañchanānanti** idaṃ nidassananti daṭṭhabbaṃ. Kiriyamanodhātucakkhaviññādayopi hi ekārammaṇābhinnavattukā cāti pākaṭoyamatthoti. **Santīraṇādīnanti ādi-**saddena voṭṭhabbanajavanatadārammaṇāni saṅgahanti, etāni ca sampañchanādīni cutiāsannāni idhādhippetanīti daṭṭhabbaṃ. Tāni hi taduddhaṃ kammajarūpassa anuppattito ekasmiṃyeva hadayavattusmiṃ vattanti, itarāni pana purimapurimacittakkhaṇuppanne hadayavattusmiṃ uttaruttarāni pavattantīti. Chasu vā vatthūsu ekaṃ hadayavattuyeva vatthu etesanti evaṃ pana atthe satī cutiāsannato itaresaṃ sampañchanādīnaṃ gahaṇaṃ siyāti nītabbaṃ.

Etthāha – “kasmā panettha kusallattikānantaraṃ vedanāttikova vutto”ti? Kismiṃ pana vuccamāne ayamanuyogo na siyā, apica avayavānaṃ anekabhedatādassanattā tikantaradesanā. Sammāsambuddhena hi kusallattikena sabbadhammaṃ tidhā vibhāgaṃ dassetvā puna tadavayavānaṃ kusallādīnampi anekabhedabhinnataṃ dassentena tesam vedanāsampayogavibhāgavibhāvanatthaṃ “sukhāya vedanāya sampayuttā”ti vuttaṃ. Kusallā hi dhammā siyā sukhāya vedanāya sampayuttā, siyā adukkhamasukhāya vedanāya sampayuttā. Akusallā dhammā siyā sukhāya vedanāya sampayuttā, siyā dukkhāya vedanāya sampayuttā, siyā adukkhamasukhāya vedanāya sampayuttā, tathā abyākatā sampayogārahātī. Evaṃ kusallādīdhammaṃ paccekā vedanābhedenā vibhāgadassanattā kusallattikānantaraṃ vedanāttikam vattvā idāni sukhasampayuttādīnaṃ paccekā vipākādībhedabhinnataṃ dassetuṃ vedanāttikānantaraṃ vipākattiko vutto. Sukhasampayuttā hi dhammā siyā vipākā, siyā vipākadhammadhammā, siyā nevavipākanavipākadhammadhammā. Tathā adukkhamasukhasampayuttā, dukkhasampayuttā pana siyā vipākā, siyā vipākadhammadhammāti iminā nayena avasesattikānaṃ dukkānaṃ tassa tassa anantaravacane payojanaṃ vibhāvetabbaṃ.

3. Vipākaniruttīna labhanīti tesu vipākasaddassa niruḥataṃ dasseti. **Sukkakaṇhādīti ādi-**saddena akaṇhaasukkaphassādībhāvo pariggahito. Sati pana pāka-saddassa phalaparīyāyabhāve rūpaṃ viya na nihīno pakkaṃ viya viṣiṭṭho pākoti **vipākoti** evaṃ vā ettha attho daṭṭhabbo. **Sabyāpārātīti** saussāhatā. **Santāne sabyāpārātīti** etena cittaṃ payogasaṅkhātena kiriyābhāvena vipākadhammaṃ santānavisesamāha ‘yato yasmīṃ cittuppāde kusallakusallā cetanā, taṃsantāne eva tassā vipākuppattī’ti. Ettha ca “sabyāpārātī”ti etena āvajjanadvayaṃ vipākānaṃ nivatteti, “anupacchinnāvijjātaṇhāmāne”ti iminā avasiṭṭhaṃ kiriyāṃ nivatteti. Ubhayenapi anusayasahāyasaussāhatālakkaṇā vipākadhammadhammāti dasseti. Lokuttarakusallānampi hi anusayā upanissayā honti, yato “katame dhammā kusallā? Yasmīṃ samaye lokuttaraṃ...pe... tasmīṃ samaye avijjāpaccayā saṅkhārā”tiādīnā (vibha. 342) ariyamaggacetanāya avijjāupanissayātaṃ paṭiccasamuppādavibhaṅge pakāsītā. Nirussāhasantabhāvalakkaṇā vipākā, ubhayaviparītalakkaṇā nevavipākanavipākadhammadhammāti.

Abhiññādīkusallānanti ādi-saddena “ahosi kammaṃ nāhosi kamma vipāko”ti (paṭi. ma. 1.234) iminā tikena saṅgahitaṃ gatiupadhikālapayogābhāvena avipākāṃ diṭṭhadhammavedanīyaṃ upapajjavedanīyaṃ saṅgahātī. Aparāparīyavedanīyaṃ pana saṃsārapavattīyaṃ ahoṣikkamādībhāvaṃ na bhajati. **Bhāvanāya pahātabbādīti ādi-**saddena dassanena pahātabbaṃ saṅgahātī. Ubhayampi “vipākānuppādane”ti vacanato gatiupadhikālapayogābhāvena anuppānavipākameva adhippetāṃ bhāvanāya pahātabbassapi pavattivipākassa anujānanato. Yesaṃ pana bhāvanāya pahātabbā avipākā, tesāṃ matena **ādi-**saddena dassanena pahātabbassa ahoṣikkamanti evaṃ pakārasseva pariggahoti veditabbaṃ.

4. “Kathamādīnā”ti ayampi pañho labbhati. “Phalabhāvenā”ti hi ādānappakāravacanaṃ. Kesañci gotrabhupaccavekkaṇādīnaṃ upetakiriyabhūtaṃ taṃkattubhūtaṃ atthānaṃ upetabbasambandhabhāvo tadabhidhāyinoṃ saddā sambandhā evāti “**upetasaddasambandhinā**”ti vuttaṃ. **Upetanti** hi upetabbatthe vuccamāne avassaṃ upetakiriyā upetā ca nīyatīti. “Rūpadhātuyā kho pana, gahapati, yo chando yo rāgo yā nandī yā taṇhā ye upayupādānā, cetaso adhiṭṭhānā abhinivesā anusayā”tiādīsū “upayo”ti taṇhādīṭṭhiyo adhippetāti āha “**upaya...pe... diṭṭhīhi**”ti. **Yathāsambhavanti** “ārammaṇakaraṇavasenā”tiādīnā aṭṭhakathāya vuttaatthesu yo yo sambhavati yojetuṃ, so sotī attho. **Na vacanānupubbenāti** “kiṃ pana taṃ upeta”ntiādīnā vuttavacanānupubbenā na yojetabbo. **Sabbapaccayuppannānanti** sabbatebhūmakapaccayuppannānaṃ. **Nāpajjati** sāmaññajotānāya visese avaṭṭhānato visesatthīnā ca viseso anupayujjātīti taṃ pana visesaṃ vuttappakāraṃ niyametvā dassetuṃ “**bodhaneyyā**”tiādī vuttaṃ.

Upetaṃ dīpetīti yathā “pācariyo”ti ettha pagato ācariyo pācariyoti **pa-**saddo pagataṃ dīpetī, evaṃ **upa-**saddo upetaṃ dīpetī eva, na cettha gatādīatthānaṃ ekantena paccattavacanayogo icchitoti. **Atisaddo viyāti** ca idaṃ sasādhanakiriyādīpanasāmaññena vuttanti daṭṭhabbaṃ. **Paccayabhāvenāti** etena purimanibbattiṃ viseseti. Tena saḥajātassapi upādānassa saṅgaho kato hotī. Saḥajātopi hi dhammo paccayabhūto purimanipphanno viya voharīyati yathā “ekaṃ mahābhūtaṃ paṭicca tayo mahābhūta”ti, “ekaṃ khandhaṃ paṭicca tayo khandhā”ti (paṭṭhā. 1.1.53) ca. **Dhātukathāyaṃ pakāsītanti** “upapattībhavo pañcahi khandhehi ekādasahāyatanehi sattarasahi dhātūhi saṅgahito. Katīhi asaṅgahito. Na kehici khandhehi ekenāyatane ekāya dhātuyā asaṅgahito”ti (dhātu. 67) evamādiṃ sandhāyāha. **Tasmā evāti** upādīnāsaddānapekkhattā eva. **Avisesetvāti** upādīnānupādīnnavisesaṃ akatvā. Upādānānaṃ ārammaṇabhāvanativattanato upādānehi upādātābbāti vā **upādānīyā**, upādātuṃ vā arahantīti **upādānīyā**, upādāne niyuttāti vā **upādānīyā ka-**kārassa **ya-**kāraṃ katvāti evamettha attho

daṭṭhabboti.

5. Vibādhanam pīḷanam kilamanam **upatāpo** pariḷāho appassaddhibhāvo. **Vidūsitā malinā** ca yato keci akilesasabhāvāpi anitṭhaphalā gārayhā ca jāta.

6. “Sīlamattakam, param viya mattāyā”tiādīsu mattā-saddassa pamānavācakatā daṭṭhabbā. Mariyādavācako vā mattā-saddo. Vicāro hettha jhānaṅgesu heṭṭhimamariyādo, na paṭhamajjhānaupacārajjhānesu viya vitakko. Sā pana vicāramariyādatā vitakkābhāvena etesaṃ jātāti avitakkaggahaṇam katam. Idam vuttam hoti – avitakkā hutvā vicāramariyādajjhānaṅgesu vicāraheṭṭhimakoṭīkāti. Atha vā īsadattho **mattā**-saddo “mattāsukhapariccāgā”tiādīsu (dha. pa. 290) viya. Ayañhettha attho – vitakkarahitā bhāvanāya atisukhumabhūtavacārattā īsam vicārā ca avitakkavicāramattāti. Na hi ito param vicāro atthīti. Yadi vitakkavisesarahitā vicāramattā, evaṃ sante avitakkavacanaṃ kimatthiyanti āha “**vicāramattavacanenā**”tiādi. Yadi vicāramattato aññeṇampi avitakkānaṃ atthibhāvajotanattham avitakkavacanaṃ, avitakkā ca vicāramattā avicārāti nivattetabbā gahetabbā ca, evaṃ sati vicāramattā visesaṃ, avitakkā visesitabbāti vicāramattāvitakkāti vattabbanti codanaṃ manasi katvā āha “**visesanavisestabbabhāvo**”tiādi. **Yathākāma**nti vattuicchānurūpaṃ. Yena yena hi pakārena dhammesu nivattetabbagahetabbabhāvā labbhanti, tena tena pakārena visesanavisestabbabhāvo sambhavatīti. Padānaṃ anukkamo **padānukkamo**.

Avitakkā savitakkā ca savicārā avicārā cāti avitakkāsavicārā savitakkā avicārāti yojetabbaṃ. Ubhayekadesadassanampi ubhayadassananti adhippāyena “**yadi savitakkasavicārā**”tiādi vuttam. **Itarampi pakāsetunti** idam yathā savitakkasavicāresu cittuppādesu vitakko avitakkasavicārātāya “avitakkavicāramatto”ti vutto, evaṃ yathāvuttacittuppādesu vicāro “savitakkaavicāro”ti sakkā viññātunti imamattham sandhāya vuttam. **Vitakkābhāvena ete vicāramattāti** ayampi attho visesanivattiatthamyeva **mattā**-saddam gahetvā vutto. **Vicāramattāti** hi vicāramattavantoti viññāyamānattā tadanñāvisesavirahasāmaññato nivattetvā vitakkavisesavirahasānkhāte **avitakka**-saddo sannidhāpito viseseti dutiyajjhānadhammeti. Yathāha “**na vicārato**”tiādi.

7. **Vedayamānāti** anubhavamānā. **Sukhākāreti** iṭṭhākāre, iṭṭhānubhavanākāre vā. **Udāsināti** natiapanatirahitā. **Sukhadukkhānaṃ aviruddhā** tesam byavadhāyikābhāvato. Sukhadukkhāni viya hi sukhadukkhānaṃ anantaram pavattanato byavadhāyikābhūtā na tehi virujjhati, na pana sukhadukkhāni anantarāpavattito. “Upapattito ikkhatīti upekkhā”ti ayam panattho idha **upekkhā**-saddassa sabbupekkhāpariyādānato na vutto. Na hi lobhasampayuttādiupekkhā upapattito ikkhatīti. **Tasmāti** yasmā pītisahagatāyeva na sukhasahagatā, sukhasahagatāpi na pītisahagatā evāti pītisahagatā sukhasahagatā ca aññamaññam bhinnā, tasmā. Satipi sukhasahagatānaṃ yebhuyena pītisahagatabhāve yena sukhena samannāgatā sukhasahagatā eva honti, na pītisahagatā, tam sukham nippītikasukhanti ayam viseso iminā tikena dassitoti imamattham vibhāvento “**pītisahagatāti vatvā**”tiādimāha.

Siddhoti sāvasesam niravasesaṇca sukhapītiyo saṅgahetvā pavattehi paṭhamadutiyaṇḍehi yo pītisahagato dhammaviseso, tam sukham, yo ca sukhasahagato dhammaviseso, sā pīṭīti satipi aññamaññam saṃsaṭṭhabhāve padantarasaṅgahitabhāvadīpanatosiddho nāto viditoti attho. “Catutthajjhānasukham atipaṇītasukhanti oḷārikaṅgato nīharitvā tassa paṇītabhāvaṃ dassetuṃ ayam tiko vutto”ti keci vadanti, tadetam sabbesaṃ sukhavedanāsampayuttadhammānaṃ idha “**sukhasahagatā**”ti vuttatā vicāretabbaṃ. Tathā hi “sukhabhūmiyam kāmāvacare”tiādinā (dha. sa. 1283) “kāmāvacarakusalato cattāro somanassasahagatacittuppādā”tiādinā (dha. sa. 1598) ca niddeso pavattoti.

8. **Nibbānārammaṇatam sandhāyāha**, na nibbānapaṭivijjanaṃ, itarathā gotrabhussa dassanabhāvāpatti acodanīyā siyāti adhippāyo. Nanu ca disvā kattabbakiccarāṇena sotāpattimaggova dassananti ukkaṃsagativijjānena nibbānassa paṭivijjhanameva dassananti gotrabhussa dassanabhāvāpatti na codetabbāvatī? Na, dassanasāmaññasseva suyyamānattā dassanakattabbakiccarāṇānaṃca bhedenā vuttatā. Tattha yadipi “paññāya cassa disvā āsavā parikkhīṇā hontī”tiādīsu (ma. ni. 2.182) viya abhinnakālassapi bhinnakālassa viya bhedopacāradassanato bhedavacanaṃ yuttam, dassanaviseso pana adhippete dassanasāmaññavacanaṃ na kattabbanti dassanasāmaññamattham gahetvā codanā katāti “**nibbānārammaṇatam sandhāyāha**”ti vuttam. Dutiyatatiyamaggānampi dhammacakkhupariyāyasabbhāvato “**bhāvanābhāvaṃ appatta**”nti vuttam. Tattha **bhāvanā** vaḍḍhanā. Sā ca bahulaṃ uppattiyā hotīti āha “**punappunam nibbattanena**”ti. **Tathā hi saṭṭī** “ubhayapaṭikkhepavaseṇā”ti padassa dassanabhāvanāpaṭikkhepavaseṇāti atthe sati. Nanu lokiyasamathavipassanāpi yathābalaṃ kāmācchāndādīnaṃ pahāyakā, tatra kathamidam vuttam, na ca añño pahāyako atthīti codanaṃ sandhāyāha “**aññehī**”tiādi.

9. **Appahātabbahetumattesūti** appahātabbahetukamattesu. Sabbo kusālābyākatadhammo **yathādhippetattho**. **Samāso na upapajjati** asamatthabhāvato. **Yesanti** ye tatiyarāsibhāvena vuttā dhammā, attho tesam. **Ubhinnanti** viṣuṃ viṣuṃ yojetabbatāya dve pahātabbahetusaddāti katvā vuttam. **Etanti** “nevadassanena nabhāvanāya pahātabbo hetu etesaṃ atthī”ti etaṃ vacanaṃ. **Tehi** dassanabhāvanāpadehi **yuttena** pahātabbahetukapadena. **Evañca katvāti** evaṃ dassanabhāvanāpadehi pahātabbahetukapadassa viṣuṃ viṣuṃ yojanato. Evañhi purimāpadadvaya...pe... dassanametaṃ hotīti. **Evanti** dassanabhāvanāhi napahātabbo hetu etesanti evaṃ atthe sati. “Hetu...pe... siyā”ti etassa “purimasmiñhi atthe”tiādinā ahētukānaṃ aggahitabhāvadassanavasena attham vatvā idāni “atha vā”tiādinā dutiyasseva atthassa yuttabhāvaṃ vibhāvento “**gahetabbatthassevā**”tiādimāha. So hi “evamattho gahetabbo”ti vuttatā gahetabbattho.

10. **Aññathāti** ārammaṇakaraṇamatte adhippete. Katham panetaṃ jānitabbaṃ “**ārammaṇam katvāti** etena catukiccasādhakam ārammaṇakaraṇam vuccatī”ti? Sāmaññajotanāya viseso avatṭhānato ariyamaggadhammānaṃyeva ca

cittacetāsikānaṃ uttaruttaresu viśesādhānaṃ bhāvanāpubbābhisaṅkhāroti. **Anuvattayamānoti** garukārayamāno. **Udāharaṇavasenā**ti nidassanavasena, na niravasesadassanavasena. **Yasmā panā**tiādīnā yathāvuttamā atthamā pāṭhantarena sādheti. Tattha hi adhipatipaccayassa paccanīye tṭhitattā maggo adhipatī maggādhipatīti ayamatto labbhatīti. **Samānasaddatthavasenā**ti satīpi aññapadattasamānādhikaraṇasamāsatthabhede maggādhipatisaddatthabhedābhāvaṃ sandhāya vuttamā.

17. Uppanna-saddo uppādādiṃ paṭipajjamāno, patvā vigato cāti duvidhesu atthesu ubhayesampi vācako, na purimānaṃyevāti tamatthamā dassetuṃ “**anuppannā**”tiādīmāha. Tattha **uppannabhāvo** uppādādiṃpattatā. Tena atīti paṭi saṅgahitā honti. Tenevāha “**sabbo uppannabhāvo**”ti. **Uppannadhammabhāvo** “uppannā dhammā”ti padena gahitadhammabhāvo, vattamānadhammabhāvoti attho. Yo vā uppādādiṃpattatō attano ca sabhāvaṃ dhāreti paccayehi ca dhāriyati, so uppannadhammoti paccuppannabhāvo **uppannadhammabhāvoti** evamettha attho daṭṭhabbo. Uppannadhamme vatvā “anuppannā”ti vacanaṃ na yathādhigatapaṭisedhananti kathamidamā paccetabbanti āha “**yadi hi**”tiādi. Keci panettha “uppannāti padena atīti paṭi saṅgahitā. Yadi na saṅgahitā, nibbānaṃ viya tepi navattabbāti vattabbaṃ siyā, na ca tathā vutta”nti vadanti, tamā pana tesamā matimattameva. Ayamā pana tiko dvinnamā addhānaṃ vasena pūretvā dassitoti atṭhakathāyamā vakkhatīti. Evamā sante kasmā atīti navattabbāti na vuttāti? Dhammavasena asaṅgahitattābhāvato. Dhammavasena hi asaṅgahitamā nibbānaṃ tattha navattabbamā jātamā, na ca niyogato atīti nāma dhammā keci atthi, ye idha asaṅgahitattā navattabbā siyunti. Phalanibbattito kāraṇassa pūretaramā nibbatti idha pariniṭṭhitasaddena vuccati, na tassa hutvā vigatabhāvoti āha “**anāgate vā**”ti. Yato metteyyassa bhagavato uppajjanakaphalampi “uppādī”ti vuccati.

20. Yassa jhānā vuṭṭhahitvātiādīnā “tenānandā”tiādiṃpāliyaṃ hetṭhāpāliṃ atthavasena dasseti. Ayañhi tattha pāli –

“Kathañcānanda, bhikkhu ajjhattameva cittaṃ saṅghapeti sannisādeti ekodiṃ karoti samādahati. Idhānanda, bhikkhu vivicceva...pe... catutthamā jhānaṃ upasampajja viharati. Evamā kho...pe... samādahati. So ajjhattamā suññatamā manasi karoti, tassa ajjhattamā suññatamā manasikaroto suññatāya cittaṃ na pakkhandati...pe... muccati. Evamā santametamā, ānanda, bhikkhu evamā sampajānāti ajjhattamā kho me suññatamā manasikaroto ajjhattamā suññatāya cittaṃ na pakkhandati...pe... muccatīti, itiha tattha sampajāno hoti. So bahiddhā suññatamā...pe... ajjhattabahiddhā suññatamā...pe... so āneñjamā manasi karoti, tassa āneñjamā manasikaroto āneñjāya cittaṃ na pakkhandati...pe... muccatīti, itiha tattha sampajāno hoti. Tenānanda, bhikkhunā”ti (ma. ni. 3.188).

Tattha **ajjhattasuññatādisūti** ajjhattamā bahiddhā ajjhattabahiddhā ca suññatāya āneñje ca.

Paṭhamajjhānādisamādhinimitteti pādakabhūtapathamajjhānādisamādhinimitteti. Apagūnapādakajjhānato vuṭṭhitassa hi ajjhattamā suññatamā manasikaroto tattha cittaṃ na pakkhandati. Tato “parassa santāne nu kho katha”nti bahiddhā manasi karoti, tatthapi na pakkhandati. Tato “kālena attano santāne, kālena parassa santāne nu kho katha”nti ajjhattabahiddhā manasi karoti, tatthapi na pakkhandati. Tato ubhatobhāgavimutto hotukāmo “arūpasamāpattiyamā nu kho katha”nti āneñjamā manasi karoti, tatthapi na pakkhandati. “Idāni me cittaṃ na pakkhandati”ti vissatṭhavāriyena na bhavitabbaṃ, pādakajjhānameva pana sādhuṃ punappunamā manasi kātabbaṃ, evamassa rukkhamā chindato pharasumhi avahante punappunamā nisitanisitamā kāretvā chindantassa chijje pharasu viya kammaṭṭhāne manasikāro vahaṭīti dassetuṃ “**tasmīmyevā**”tiādi vuttanti.

Atthato ca asamānattāti idamā kasmā vuttamā. Nanu yesu atthesu ajjhatta-saddo vattati, te sabbe dassetvā idhādhīpetatthaniddhāraṇatthamā atthuddhāravasenatamā vuttamā. Cakkhādīsū ca ajjhattika-saddo ajjhattānaṃ abbhantaratāvisesamupādāya pavattati, yato te ajjhattāajjhattāti vuccanti. Apica “cha ajjhattikānā”ti idamā ajjhattika-saddassa cakkhādīnamā ajjhattabhāvavibhāvanasabbhāvato idha udāharaṇavasena vuttamā. Teneva hi atṭhakathāyamā ajjhattikaduke “ajjhattāya ajjhattikā”ti vuttamā. Evañca satī na ettha saddato asamānattāpi siyā, tasmāyeva yathāvuttacodanamā visodhento “**ayamā panetthā**”tiādīmāha. **Tenā**ti tasmā. **Tamvācakassā**ti ajjhattāajjhattāvācakassa **sakkā vuttamā** tadatthassa ajjhattabhāvasabbhāvato.

“Na kho, ānanda, bhikkhu sobhati saṅgaṇikārāmo saṅgaṇikārato saṅgaṇikārāmatamā anuyutto”tiādīnā (ma. ni. 3.186) pabbajitāsārūpassa nekkhammasukhādīnikāmalābhītāya abhāvassa ca dassanena saṅgaṇikārāmatāya, “nāhamā, ānanda, ekamā rūpampi samanupassāmi, yattha rattassa yathābhīratassa rūpassa vipariṇāmaññathābhāvā na uppajjeyyūṃ sokapari...pe... upāyāsā”ti (ma. ni. 3.186) evamā rūpādiratīyā ca ādīnavamā vatvā sace koci duppaññājatīko pabbajito vadeyya “sammāsambuddho khetṭe pavīṭṭhā gāvīyo viya amheyyeva gaṇato nīharati, ekībḥāve niyojeti, sayamā pana rājarājamahāmatādīhi parivuto viharati”ti, tassa vacanokāsupacchedanattamā cakkavālapariyantāya parisāya majjhe nisinnopi tathāgato ekakovāti dassanattamā “ayamā kho panā”ti desanā āradhātī āha “**tappaṭipakkhāvihāradassanattā**”nti. Tattha **sabbanimittānanti** rūpādīnamā saṅkhatanimittānamā. **Ajjhattanti** visayaajjhattamā. **Suññatanti** anattānupassanānubhāvanibbattaphalāsamāpattimā. Tenevāha “**ajjhatta**”ntiādi. Tattha dutīye vikappe **thāna**-saddo kāraṇapariyāyo daṭṭhabbo. **Saccakasuttenā**ti mahāsaccakasuttēna. Tattha hi –

“Abhijānāmi kho panāhamā, aggivessana, anekasatāya parisāya dhammamā desetā, apissu mamā ekameko evamā maññāti ‘mamevārabba samaṇo gotamo dhammamā desetī’ti. Na kho panetamā, aggivessana, evamā daṭṭhabbamā. Yāvadeva viññāpanatthāya tathāgato paresamā dhammamā desetīti. So kho ahamā, aggivessana, tassāyeva kathāya pariyośāne tasmīmyeva purimasimā samādhinimitteti ajjhattameva cittaṃ saṅghapemi sannisādemī, ekodiṃ karomī, samādahāmi ‘yena sudamā niccakappamā viharāmi’”ti (ma. ni. 1.387) –

Āgatanti.

22. Aññehi anidassanehi aññaṃ viya katvā yathā “silāputtakassa sarīra”nti. **Dhammasabhāvasāmaññenā**tiādīnā kiñcāpi rūpāyanato añño nidassanabhāvo nāma natthi, dhammasabhāvo pana atthi. Tato ca rūpāyanassa vireso nidassanabhāvena katoti tadanñhadhammavisesakaro nidassanabhāvo rūpāyanato anaññopi añño viya katvā upacaritoti dasseti. **Atthaviseso** sāmāññavisesatthabhedo. **Sayaṃ sampattānaṃ** phoṭṭhabbadhammānaṃ, **nissayavasena sampattānaṃ** ghānājavhākāyānaṃ gandharasānañca, itaresaṃ asampattānaṃ. **Aññaṃaṃāpatanaṃ** aññaṃaṃāssa yogyadesa avatṭhānaṃ, **yena** paṭihananabhāvena. **Byāpārādīti** cittakiriyaṃvāyodhātuvipphārasena akkhipaṭalādīnaṃ hetṭhā upari ca saṃsīdanalañghanādippavattimāha. **Vikāruppatti** visadisuppatti, visayassa iṭṭhāniṭṭhabhāvena anuggaho upaghāto cāti attho.

Tikamātikāpadavañṇanā niṭṭhitā.

Dukamātikāpadavañṇanā

1-6. **Samānadesaggahañānaṃ** ekasmiṃyeva vatthusmiṃ gahetabbānaṃ, ekavattuvisayānaṃ vā. Atha vā samānadesānaṃ ekavattukattā samānagahetabbabhāvānaṃ ekuppādītoti attho. Ye dhammā hetusahagatā, te hetūhi saha saṅgayhanti. Yo ca tesam sahetukabhāvo, so sahajātādīhi hetūhi katoti katvā vuttaṃ “**samā...pe... sabbhāva**”nti. **Ādi**-saddena cettha suppaṭiṭṭhitabhāvasādhanādīhetubyāpāre pariggaṇhāti. **Ekībhāvūpagamananti** ekakalāpabhāvena pavattamānānaṃ cittacetāsikānaṃ saṃsaṭṭhatāya samūhaghanabhāvena duviññeyyanānākaraṇatāmyeva sandhāya vuttaṃ.

Dhammanānattābhāvepiti sabbhāvattabhedābhāvepi. **Padatthanānattenā**ti nānāpadābhidheyyatābhedenā. Etena pakārantarāpekkhaṃ dukantaravacananti dasseti. Anekappakārā hi dhammā. Teneva “sabbe dhammā sabbākārena buddhassa bhagavato ñāṇamukhe āpāthaṃ āgacchantī”ti (mahāni. 156; cūḷani. mogharājamaṇavapucchānidessa 85) vuttaṃ. Ayañca attho tikesupi daṭṭhabbo. Yesaṃ vineyyānaṃ yehi pakāravisesehi dhammānaṃ vibhāvane kate paṭivedho hoti, tesam tappakārabhedehi dhammānaṃ vibhāvanaṃ. Yesam pana yena ekeneva pakārena vibhāvane paṭivedho hoti, tesampi taṃ vatvā dhammissarattā tadanñāniravasesappakāravibhāvanañca desanāvīlāsoti āha “**desetabbappakārajānana**”ntiādi. Nanu ekena pakārena jānantassa tadanñāppakāravibhāvanaṃ aphaḷaṃ hotīti? Na hoti paṭisambhidāppabhedassa upanissayattā. Te pakārā etesanti tappakārā, tabbhāvo **tappakārātā**. Iminā dhammānaṃ vijjāmanasseva pakāravisesassa vibhāvanaṃ desanāvīlāsoti dasseti.

Aññatthāpīti “ahetukā ceva dhammā na ca hetū”tiādīsu. Yathā paṭhamadukekadese gahetvā dutiyatatiyadukehi saddhiṃ chaṭṭhadukanaye yojanā “hetū dhammā sahetukāpi ahetukāpī”tiādayo tayo dukā labbhanti, evaṃ dutiyatatiyadukekadese gahetvā paṭhamadukena saddhiṃ yojanāya “sahetukā dhammā hetūpi na hetūpi, ahetukā dhammā hetūpi na hetūpi, hetusampayuttā dhammā hetūpi na hetūpi, hetuvippayuttā dhammā hetūpi na hetūpi”ti cattāro dukā labbhanti, te pana vuttanayeneva sakkā dassetunti na dassitāti daṭṭhabbā. Atha vā pāḷiyaṃ vuttehi catutthapañcamehi aṭṭhakathāyaṃ dassitehi purimehi dvīhi ninnānākaraṇato ete na vuttā. Sannivesavisesamattameva hettha visesoti. Teneva hi ninnānatthattā pāḷiyaṃ āgatadukesu yathānidhāritadukānaṃ yathāsambhavaṃ avarodhanena avuttataṃ dassetuṃ “**etesu paṇā**”tiādīmāha.

Atha vā “etena vā gatidassanenā”tiādīnā vakkhamānanayena “hetū ceva dhammā ahetukā cā”tiādīnaṃ sambhavantānaṃ dukānaṃ saṅgahe satī etesampi saṅgaho siyā. Yato vā dukato padaṃ niddhāretvā dukantaram vuccati, tena satī ca nānatte dukantaram labbhati, na cettha koci vireso yathāvuttadukehīti saṃvañṇanāsu na dassitanti daṭṭhabbaṃ. Ettha ca yathā sahetukadukato hetusampayuttadukassa, hetusahetukadukato ca hetuhetusampayuttadukassa padatthamattato nānattaṃ, na sabbhāvattatho. Evaṃ santēpi sahetukahetusahetukaduke vatvā itarepi vuttā, evaṃ hetusampayuttahetuhetusampayuttadukādīhi sabbhāvattathānattābhāvepi padatthanānattasambhavato dhammanānattābhāvepi padatthanānattena dukantaram vuccatīti vuttattā “hetusahagatā dhammā, na hetusahagatā dhammā, hetusahajātā dhammā, na hetusahajātā dhammā. Hetusaṃsaṭṭhā dhammā, hetuvisaṃsaṭṭhā dhammā. Hetusaṃuṭṭhānā dhammā, na hetusaṃuṭṭhānā dhammā. Hetusabhūno dhammā, na hetusabhūno dhammā”tiādīnaṃ, tathā “hetū ceva dhammā hetusahagatā cā”tiādīnaṃ, “na hetū kho pana dhammā hetusahagatāpi, na hetusahagatāpī”tiādīnañca sambhavantānaṃ anekesaṃ dukānaṃ saṅgaho anuññāto viya dissati. Tathā hi vakkhati “etena vā gatidassanenā”tiādi. Evaṃ āsavagocchakādīsūpi ayamatto yathāsambhavaṃ vattabbo. Dhammānaṃ vā sabbhāvakkiccādiṃ bodhetabbākārañca yāthāvato jānantena dhammasāminā yattakā dukā vuttā, tattakesu ṭhātabbaṃ. Addhā hi te dukā na vattabbā, ye bhagavatā na vuttāti vedītabbaṃ. Na hetuhetusampayuttaduko chaṭṭhadukena ninnānatthoti adhippāyo. **Tesūti** paṭhamadukatiyadukesu. Yadi dukantarehi dukantarapadehi ca samānatthattā etesaṃ dukānaṃ dukantarapadānañca avacanaṃ, evaṃ satī chaṭṭhaduke paṭhamapadampi na vattabbāṃ catutthaduke dutiyapadena samānatthattā. Tathā ca chaṭṭhadukoyeva na hotīti codanaṃ sandhāyāha “**catutthaduke**”tiādi. **Dukapūraṇatthanti** idaṃ samānatthataṃyeva sandhāya vuttaṃ, desanāvīseso pana vijjatiyeva. Atthantaratābhāvepi pakārabhedahetukaṃ dukantaravacananti dassito hi ayamattohoti. **Etena gatidassanenā**ti atthavisesābhāvepi chaṭṭhadukapūraṇasañkhātena nayadassanena. **Paṭhamaduke...pe... dassito** pāḷiyaṃ vuttehi catutthapañcamehi, aṭṭhakathāyaṃ dassitehi purimehi dvīhi, idha dassitehi catūhi. **Tesūti** dutiyatatiyadukesu. **Paṭhamadukapakkepena dassito** pāḷiyaṃ chaṭṭhadukena itaratra ca itaradukehīti vedītabbaṃ.

7-13. **Paccayabhāvamattena...pe... atthitanti** etena na paṭiladdhattatāsāñkhātā sasabhāvatāva atthitā, atha kho paṭipakkhena anirodho appahīnatā anipphādītapalātā kāraṇāsamuggāhātena phalanibbattanārahātā cāti imamatthaṃ dasseti. Tathā hi “imasmīṃ satī idaṃ hotī”ti ettha “satī”ti iminā vacanena yena vinā yaṃ na hoti, taṃ atīdīpi kāraṇaṃ saṅgahitamevāti. Tenevāha “**na sahetu...pe... kālānamevā**”ti. **Same...pe... dīpeti** samecca sambhūya paccayehi katanti sañkhatanti. **Ayametesam visesoti** ayaṃ paccayanibbattānaṃ paccayavantatā anekapaccayanipphādītā ca dukadvaye

purimapadattānaṃ bhedo, itaresaṃ pana purimapadasaṅgahitadhammavidhurasabhāvatāyāti. **Avini...pe... ṭhapanatoti** “ettakā”ti pabhedaparicchedaniddhāraṇavasena abhidhammamātikāyaṃ dhammānaṃ avuttattā vuttaṃ. Suttantamātikāyaṃ pana niddhāritasarūpasāṅkhāvisesattā vinicchitatthaparicchedāyeva avijjādayo vuttāti. “**Pathaviādi rūpa**”nti etasmiṃ atthavikappe anekahetukesu cittuppādesu hetūnaṃ sahetukabhāvo viya sabbesaṃ pathavīdīnaṃ rūpihāvo siddhoti āha “**purima...pe... pajjati**”ti. Na hi tesu niyato katthaci saṃsāmihāvoti. Aniccānupassanāya vā lujjati chijjati vinassatīti gahetabbo lokoti taṃgahaṇarahitānaṃ lokuttarānaṃ natthi lokatā. **Tenevāti** dukkhasaccabhāvena pariññeyyabhāvenāti attho.

Dukabahutā āpajjatiti kasmā vuttaṃ, nanu vīsati dukā vibhattā, “avuttopi yathālābhavasena veditabbo”ti ca vakkhatīti dukabahutā icchitā evāti? Saccametaṃ, taṃyeva pana dukabahutaṃ anicchanto evamāha. Apica dukabahutā āpajjati, sā ca kho viññābhadedānusārīni, tatrāpi kāmāvacarakusalato ñāṇasampayuttāni, tathā mahākiriyaṃ manodvārāvajjananti evampakārānaṃ sabbadhammāraṃmaṇaviññāṇānaṃ anāmasanato na byāpīnīti dasseti “**dukabahutā**”tiādinā. Abyāpihāve pana dosaṃ dassento “**tathā ca...pe... siyā**”ti āha. **Niddesena ca viruddhanti** “ye te dhammā cakkhuvīññeyyā, na te dhammā sotaviññeyyā”tiādinā rūpāyatanādīnaṃ paccakacakkhuvīññādinā kenaci viññeyyatam, sotaviññādinā kenaci navīññeyyataṃca dassentena nikkheparāsīniddesena “dvinnampi padānaṃ atthanānattato duko hoti”ti idaṃ vacanaṃ viruddham, tathā atthuddhāraniddesena atthato na sametīti attho. **Tatthāti** tassaṃ nikkheparāsisaṃvaṇṇānaṃ. Yo ca paṭisedho kato atthanānattato dukam dassetunti adhippāyo. **Na hi sama...pe... sedhetunti** etena “ye te dhammā cakkhuvīññeyyā, na te dhammā sotaviññeyyā”ti ettakesu niddesapadesu dukapadadvayappavattīti pāḷito eva viññāyatīti dasseti.

Tathevāti ubhinnaṃ kecina-saddānaṃ aniyamato cakkhusotādinissayavohārena cakkhusotaviññāṇādiko bhinnasabhāvoyeva dhammo natthoti dassanavasena. Rūpāyatanameva hi cakkhusotaviññāṇehi viññeyyāvīññeyyabhāvato “kenaci viññeyyā kenaci navīññeyyā”nti ca vuccatīti. Yadi evaṃ imasmimpi pakkhe dukabahutā āpajjati codanaṃ manasi katvā āha “**na cetthā**”tiādi. **Viññātabbhedanāti** viññātabbavisesena, viññeyyekadesenāti attho. **Dukabhedoti** dukaviseso, kenaci viññeyyaduko, tappabhedoyeva vā. **Samatto** pariyatto paripuṇṇoti attho. **Yattakā viññātabbā tattakā dukāti** dukabhedāpajjanappakāradassanaṃ. **Evañca satīti**ādinā imissā saṃvaṇṇānāya laddhaguṇaṃ dasseti. “Ye te dhammā cakkhuvīññeyyā, na te dhammā sotaviññeyyā”ti rūpāyatanasseva vuttattā atthabhedābhāvato kathamaṃ duko hotīti āha “**viññāṇānānattena**”tiādi. Yadi pana sabbaviññātabbasāṅgahe dukosamatto hoti, nikkheparāsīniddeso kathaṃ nīyatīti āha “**etassa panā**”tiādi.

Ettha pana yathā viññāṇānānattena viññātabbaṃ bhinditvā duke vuccamāne satipi viññātabbānaṃ bahubhāve yattakā viññātabbā, tattakā dukāti natthi dukabahutā dukasaṅgahitadhammekadesu dukapadadvayappavattidassanabhāvato. Evaṃ dvinnampi padānaṃ atthanānattena duke vuccamānēpi yattakāni viññāṇāni, tattakā dukāti natthi dukabahutā dukasaṅga...pe... bhāvato eva. Na hi ekaṃyeva viññāṇaṃ “kenaci kenaci”ti vuttaṃ, kintu aparampīti sabbaviññāṇasaṅgahe duko samatto hoti, na ca katthaci dukassa paccchedo atthi indriyaviññāṇaṃ viya manoviññāṇassaṃpi visayassa bhinnattā. Na hi atīṭāraṃmaṇaṃ viññāṇaṃ anāgatādiāraṃmaṇaṃ hoti, anāgatāraṃmaṇaṃ vā atīṭādiāraṃmaṇaṃ, tasmā yathālābhavasena visiṭṭhesu manoviññāṇabhedesu tassa tassa visayassa ālambanānālambanavasena dukapadadvayappavattīti sakkā nivāretuṃ. Teneva ca aṭṭhakathāyaṃ “manoviññāṇena pana kenaci viññeyyācēva aviññeyyācātī ayamatto atthi, tasmā so avuttopi yathālābhavasena veditabbo”ti bhūmibhedavasena yathālābhaṃ dassessati. “Vavatthānābhāvato”ti idampi anāmaṭṭhavasasaṃ manoviññāṇasaṃmaññameva gahetvā vuttaṃ. Pāḷi pana indriyaviññāṇehi nayadassanavasena āgatāti daṭṭhabbaṃ. Evañca katvā imissāpi atthavaṇṇānāya “kenaci”ti padaṃ aniyamena sabbaviññāṇasaṅgāhakanti siddham hoti, niddesena ca na koci virodho. Cakkhuvīññeyyanasotaviññeyyabhāvehi dukapadadvayappavattīti dassitā, na pana cakkhuvīññeyyācakkhuvīññeyyabhāvehi visesakāraṇābhāvato. Kiñca “ye vā panā”ti padantarasaṃpiṇḍanatopi “ye te dhammā cakkhuvīññeyyā...pe... na te dhammā cakkhuvīññeyyā”ti (dha. sa. 1101) ettāvattā dukapadadvayappavattīti dassitāti viññāyati. Padantarabhāvadassanatto hi yevāpana-saddo yathā “ye kecī kusalā dhammā, sabbe te kusalamūlā. Ye vā pana kusalamūlā, sabbe te dhammā kusalā”tiādisu (yama. 1.mūlayamaka.1). Aññathā “ye te dhammā cakkhuvīññeyyā, na te dhammā sotaviññeyyā. Ye te dhammā sotaviññeyyā, na te dhammā cakkhuvīññeyyā”ti pāḷi abhaviṣsa. Yaṃ pana vadanti “ye te dhammā cakkhuvīññeyyā...pe... na te dhammā cakkhuvīññeyyāti iminā atthato dve dukā vuttā hontī”ti, tadapi cakkhuvīññeyyācakkhuvīññeyyatam sotaviññeyyā sotaviññeyyātaṃca sandhāya vuttaṃ, na pana “cakkhuvīññeyyanasotaviññeyyatam sotaviññeyyanacakkhuvīññeyyātaṃcā”ti daṭṭhabbaṃ. Etena pāḷipaṭisedhanañca nivāritam daṭṭhabbaṃ paṭisedhanasseva abhāvato. Tathā yassa āraṃmaṇassa vijānanabhāvena yo attho vuccamāno aniyamadassanattam “kenaci”ti vutto, soyeva tato aññassa avijānanabhāvena vuccamāno aniyamadassanattam puna “kenaci”ti vuttoti tadatthadassane tenevāti ayaṃ padattho na sambhavatīti na sakkā vattunti. Evamettha yathā aṭṭhakathā avatṭhitā, tathā attho yujjati veditabbaṃ.

14-19. Santānassa ajaññamalīnabhāvakaraṇato kaṇhakammavipākahetuto ca aparissuddhattā “**asucibhāvena sandanti**”ti vuttaṃ. **Tatthāti** vaṇe. **Paggharaṇaka...pe... saddoti** etena āsavo viya āsavoti ayampi attho dassitoti daṭṭhabbaṃ. **Gotrabhu...pe... vuttānīti** etena gotrabhuggahaṇaṃ upalakkhaṇaṃ yathā “kākehi sappi rakkhitabba”nti dasseti. Gotrabhusadisā gotrabhūti pana atthe sati guṇappadhānattānaṃ ekena saddena avacanīyattā vodānādayova vuttā bhavēyyuṃ. Atha vā **gotrabhūti** ekasesena sāmaññena vā ayaṃ niddesoti veditabbaṃ. Abhividhivisaṃyaṃ avadhinti vibhattim pariṇāmetvā vattabbaṃ.

Sampayuttehi āsavehi **taṃsahitatā** āsavasahitatā. Idaṃ vuttaṃ hoti – yathā sahetukānaṃ sampayuttehi hetūhi sahetukatā, na evaṃ sāsavāti vuttadhammānaṃ sampayuttehi āsavehi sāsavatā, atha kho vippayuttehīti. Dukantare avuttapadabhāvoyevettha dukayojanāya nīyāgatā. Yadi evaṃ hetugocchake kathanti āha “**hetugocchake panā**”tiādi. **Paṭhame duke dutiyassa pakkhepe ekoti** catutthadukamāha. **Paṭhame duke tatiyassa pakkhepe dveti** “āsavā ceva dhammā āsavavippayuttā ca, āsavavippayuttā ceva dhammā no ca āsavā”ti iminā saddhiṃ pañcamadukamāha. **Paṭhamassa dutiye duke pakkhepe ekoti**

“no āsavā dhammā sāsavāpi anāsavāpi”ti ayameko. **Tatiye paṭhamassa pakkhepe dveti** “āsavā dhammā āsavasampayuttāpi āsavavippayuttāpi, no āsavā dhammā āsavasampayuttāpi āsavavippayuttāpi”ti ime dve. **Tatiye dutiyassa pakkhepe ekoti** “sāsavā dhammā āsavasampayuttāpi āsavavippayuttāpi”ti eko. **Dutiye tatiyassa pakkhepe ekoti** chaṭṭhadukamāha. **Tihīti** catutthapañcamachaṭṭhehi. **Itareti** tadavasitṭhā pañca. Te pana paṭhame tatiyadukadutiya padapakkehe eko, dutiye paṭhamadukadutiya padapakkehe eko, tatiye paṭhamassa ekeka padapakkehe dve, tatiye dutiyadukapaṭhamapadapakkehe ekoti evaṃ vedittabbā. “Sāsavā dhammā āsavāpi no āsavāpi. āsavasampayuttā dhammā āsavāpi no āsavāpi. āsavavippayuttā dhammā āsavāpi no āsavāpi”ti etesampi, “āsavasahagatā dhammā no āsavasahagatā dhammā”ti evamādināna aggahaṇe kāraṇaṃ gahaṇanayo ca pubbe vuttanayeneva vedittabbam.

Esa nayoti yo esa paṭhamaduke dutiyadukapakkhepādiko upāyo idha āsavagocchake vutto, esa nayo saṃyojanagocchakādisu dukantaraniiddhāraṇeti attho. Tattha pāliyaṃ anāgatadukā saṃyojanagocchake tava “saṃyojanā ceva dhammā saṃyojanavippayuttā ca, saṃyojanavippayuttā ceva dhammā no ca saṃyojanā, saṃyojanā dhammā saṃyojanasampayuttāpi saṃyojanavippayuttāpi, no saṃyojanā dhammā saṃyojanasampayuttāpi, no saṃyojanā dhammā saṃyojanavippayuttāpi, no saṃyojanā dhammā saṃyojanavippayuttāpi, no saṃyojanā dhammā saṃyojanasampayuttāpi saṃyojanavippayuttāpi”ti pañca. Evam ganthaoghayogaupādānagocchakesu paccemaṃ pañca. Nīvaraṇagocchake pana nīvaraṇānaṃ nīvaraṇavippayuttābhāvābhāvato “no nīvaraṇā dhammā nīvaraṇiyyāpi anīvaraṇiyyāpi, no nīvaraṇā dhammā nīvaraṇasampayuttāpi nīvaraṇavippayuttāpi, nīvaraṇiyyā dhammā nīvaraṇasampayuttāpi nīvaraṇavippayuttāpi”ti tayo. Tathā parāmāsagocchake “no parāmāsā dhammā parāmaṭṭhāpi aparāmaṭṭhāpi, no parāmāsā dhammā parāmāsasampayuttāpi parāmāsavippayuttāpi, parāmaṭṭhā dhammā parāmāsasampayuttāpi parāmāsavippayuttāpi”ti. Kilesagocchake “no kilesā dhammā saṃkilesikāpi asaṃkilesikāpi, no kilesā dhammā saṃkiliṭṭhāpi asaṃkiliṭṭhāpi, no kilesā dhammā kilesasampayuttāpi kilesavippayuttāpi, saṃkilesikā dhammā saṃkiliṭṭhāpi asaṃkiliṭṭhāpi, saṃkilesikā dhammā kilesasampayuttāpi kilesavippayuttāpi, asaṃkiliṭṭhā dhammā saṃkilesikāpi asaṃkilesikāpi”ti cha dukāti evaṃ vedittabbā. Sesam vuttanayameva.

20-25. Paccayabhāvenāti saṃyojanatthaṃ dasseti. Yathāsakaṃ paccayabhāvo eva hi kāmarāgādīnaṃ vaṭṭasaṃyojananti. Yadi evaṃ kathaṃ kāmarāgādīnaṃyeva saṃyojanabhāvoti āha “**satipi**”tiādi. **Aññesanti** saṃyojananehi aññesaṃ kilesābhisaṅkhārādīnaṃ. **Tappaccayabhāveti** tesam kilesakamma vipākavaṭṭānaṃ paccayabhāve. Orambhāgiyuddhaṃbhāgiyabhāvena saṅgahitā paricchinnā **ora...pe... saṅgahitā**, tehi kāmarāgādīhi visesapaccayabhūtehi. Kāmakammabhavādīnaṃ kāmūpapattibhavādīnipphādanepi niyamoti katvā āha “**taṃtaṃ...pe... hoti**”ti. Tena saṃyojanānaṃ bhāve yathāvuttaniyamānaṃ kāmūpapattibhavānaṃ bhāvaṃ dassetvā tadabhāve abhāvaṃ dassento “**na cā**”tiādimāha. **Bandhanaṃ** aseribhāvakaraṇaṃ andubandhanādayo viya. **Ganthakaraṇaṃ** avacchinnatākaraṇaṃ. **Cakkalakaṃ** pādapuñcharajjumaṅḍalaṃ. **Na codetabbanti** paññākakkhunā pacurajanassa passituṃ asakkuneyyattā yathāvuttavisesassa saddheyattaṃ āha. Tividho hi attho koci paccakkhasiddho yo rūpādīnamānaṃ paccattavedanīyo aniddisittabbākāro, sabbadhammānaṃ sabhāvalakkhaṇanti vuttaṃ hoti. Koci anumānasiddho yo ghaṭṭādisu paṭādisu ca pasiddhena paccayāyattābhāvena ghaṭṭaṭṭa-saddādīnaṃ aniccatādīkāro, koci okappanasiddho yo pacurajanassa accantamadiṭṭho saddhāvisayo sagganibbānādi. Tattha yassa satthuno vacanaṃ paccakkhasiddhe anumānasiddhe ca atthe na viṣaṃvādeti aviparīṭappavattiyā, tassa vacanena saddheyattasiddhīti tathārūpo ca bhagavāti “**dhammānaṃ sabhāva...pe... na codetabba**”nti vuttaṃ. Esa nayo ito paresupi evarūpesu.

26-37. Yathā sarabhehi atikkamittabbā pabbatarāji sarabhaniyā, evaṃ oghaniyāti saddasiddhīti āha “**tenā**”tiādi.

50-54. Vipariyesaggāho parāmasananti “parato”ti ettha na dhammasabhāvato aññathāmatthaṃ paranti adhippettaṃ, atha kho tabbipariyāyoti āha “**paratoti niccādito**”ti.

55-68. Yadi sabhāvato avijjamānaṃ, kathamārammaṇabhāvoti āha “**vicittasāññāya saññita**”nti, parikkapamattasiddhanti attho. Duviññeyyanānattatāya niranterabhāvūpagamaṇaṃ saṃsaṭṭhabhāvoti “**suviññeyyanānattatā na saṃsaṭṭhatā**”ti vuttaṃ. **Tesaṃ** arūpakkhandhānaṃ. **Itarehi** rūpanibbānehi. Kiṃ pana kāraṇaṃ samānuppādanīrodhānaṃ ekakalāpabhūtānaṃ arūpadhammānameva aññamaññaṃ saṃsaṭṭhatā vuccati, na pana tathābhūtānampi rūpadhammānanti āha “**esa hi tesaṃ sabhāvo**”ti. Tena yadipi keci arūpadhammā visuṃ ārammaṇaṃ honti, dandhappavattikattā pana rūpadhammānaṃyeva suviññeyyanānattaṃ, na arūpadhammānanti tesaṃ saṃsaṭṭhabhāvo tadabhāvo ca itaresaṃ sabhāvasiddhoti dasseti. Samūhaghaṇatāya vā dubbibhāgatarattā natthi arūpadhammānaṃ visuṃ ārammaṇabhāvoti duviññeyyanānattatā tesaṃyeva saṃsaṭṭhatā. **Amuñcitvā** tadadhīnavuttitāya **gahetabbato** buddhiyā.

83-100. Kāmataṇhā **kāmo** uttarapadalopena yathā rūpabhāvo rūpaṃ. Evam sesesupi. **Ārammaṇakaraṇavasena**ti etena kāmarūpārūpataṇhānaṃ visayabhāvo yathākkamaṃ kāmarūpārūpāvacarāyā kāraṇanti dasseti. Avassāñcetamevaṃ sampaṭicchitabbam, aññathā kāmāvacarādībhāvo aparipuṇṇavisayo siyā. Yadi hi ālambitabbadhammasena bhūmiparicchedo, evaṃ sati anārammaṇānaṃ saṅgaho na siyā. Atha vipākādānavasena, evampi avipākānaṃ saṅgaho na siyā, tasmā ārammaṇakaraṇavasena pariyaṇānaṃ bhūmiparicchedo kātabbo. Evañhi sati kāmāvacarādībhāvo paripuṇṇavisayo siyā. Tenevāha “**evañhi sati**”tiādi. Apariyaṇānaṃ pana lokato uttiṇṇabhāvena anuttarabhūmitā. **Akāmāvacarādītā nāpajjatīti** abyāpitadosaṃ pariharati, **kāmāvacarādītā nāpajjatīti** atibyāpitadosaṃ. Nanu ca imasmiṃ pakkhe kāmataṇhā katamā, kāmāvacaradhammārammaṇā taṇhā, kāmāvacaradhammā katame, kāmataṇhāvisayāti itarītanissayatā dosoti? Na, avicādiekādasokāsaninātāya kiñci taṇhaṃ kāmataṇhābhāvena gahetvā taṃsabhāvāya visayabhāvena kāmāvacaradhammānaṃ upalakkhetabbatā.

Idāni yathāvuttamatthaṃ pāṭhena samatthento “**nikkhepakaṇḍepi**”tiādimāha. Tattha hi kāmataṇhāya ālambitabbattā kāmadhātupariyāpannadhammā ca kāmabhavasāṅkhāte kāme ogāḷhā hutvā caranti, nāññatthāti **etthāvacarāti** vuttanti. Viśesatthiṇā viśeso anupayujjati imamatthaṃ dassento āha “**lokassa vasena pariyāpannicchayato**”ti. Tena lokiyadhammesu pariyāpanna-saddassa niruḷhatam dasseti bhagavato taduccāraṇānantaram vineyyānam tadatthapaṭipattito. Paricchedakāpekkhā paricchinnatāti “**paricchedakārikāya taṇhāyā**”ti vuttam. Sā hi dhammānam kāmāvacarādibhāvam paricchindati. **Pari**-saddo cetha “upādinnā”tiādīsu upa-saddo viya sasādhanaṃ kiriyam dīpetīti ayamatto vuttoti daṭṭhabbam.

Niyyānakaṇaṣilā **niyyānikā** yathā “apūpabhakkhanasīlo apūpiko”ti, niyyānasilā eva vā. Rāgadosamohāva gahitāti ñayati, itarathā pahānekaṭṭhatāvacaṇam nippayojanaṃ siyā. “Raṇohatā na jotanti, candasūriyā satārakā”tiādīsu raṇa-saddassa reṇupariyāyatā daṭṭhabbā. Sampahārapariyāyattā yuddha-saddassa sampahāro ca paharitabbādhāroti akusalasena vā “saraṇā”ti vuttā. **Dukkhādinanti** phalabhūtānam dukkhaviḅhātāpāyāsaparilāhānaṃ sabhāgabhūtāya ca micchapaṭipadāya. **Tannibbattakasabhāvānam akusalānanti** etena sabbesampi akusalānaṃ saraṇataṃ dasseti.

Abhidhammadukamātikāpadavaṇṇanā niṭṭhitā.

Suttantikadukamātikāpadavaṇṇanā

101-108. Vijjāsabhāgatāya, na saṅkappādayo viya vijjāya upakārahābhāvato. “**Abhejjam...pe... ruhati**”ti ubhayampi anavaśesappahānameva sandhāya vuttam. Kiñcāpi hi heṭṭhimamaggehipi pahīyamānā kilesā tena tena odhinā anavaśesameva pahīyanti, ye pana avasiṭṭhā bhinditabbā, te lobhādīkilesabhāvasāmaññato puna viruḷhā viya honti. Arahattamagge pana uppanne na evaṃ avasiṭṭhābhāvato. **Tadupacārena** nissayavohārena. Kusalehi tāpetabbāti vā **tapaniyā**, tadanāgādivasena bādhitabbā pahātabbāti attho. **Samānatthāni** adhivacanādīnaṃ saṅkhādībhāvato. “Sabbeva dhammā adhivacanapathā”tiādīnā adhivacanādīnaṃ viśayabhāve na koci dhammo vajjito, vacanabhāvo eva ca adhivacanādīnaṃ vakkhamānena nayena yujjati adhippāyenaṃha “**sabbañca vacanaṃ adhivacanādībhāvaṃ bhajati**”ti.

109-118. Aññaṃ anapekkhitvā sayameva attano nāmakaraṇasabhāvo nāmakaraṇaṭṭhoti, tena arūpadhammānaṃ viya opapātikanāmatāya pathaviādīnampi nāmahāvo siyāti āsaṅkāya nivattanatthaṃ “**nāmantarānāpajjanato**”ti āha. Na hi vinā pathaviādīnāmenapi rūpadhammā viya kesādīnāmehi vinā vedanādīnāmehi aññaṃ nāmena arūpadhammā piṇḍākāroto voharīyanti. Yaṃ pana parassa nāmaṃ karoti, tassa aññaṃpekkham nāmakaraṇanti nāmakaraṇasabhāvatā natthīti sāmaññaṇāmadīkaraṇānaṃ nāmahāvo nāpajjati. Yassa caññehi nāmaṃ karīyati, tassa nāmakaraṇasabhāvatāya abhāvovoyevāti natthi nāmahāvo. Ye pana anāpannānāmantarā sabhāvasiddhanāmā ca, te vedanādayova nāmaṃ nāmāti dassento “**attanāvā**”tiādīmāha. Phassādīnaṃ ārammaṇābhīmukhatā taṃ aggahetvā appavattiyevāti dassetum “**avinābhāvato**”ti vuttam. **Adhivacanasamphasso** manosamphasso, so nāmantarāna gahetum asakkuṇeyyatāya pākāṭoti nidassanabhāvena vutto. **Ruppanasabhāvenāti** nidassanamattaṃ daṭṭhabbam. Pakāśakapakāśitabbabhāvenapi hi vināpi nāmena rūpadhammā pākāṭā hontīti. Atha vā pakāśakapakāśitabbabhāvo viśayiviśayabhāvo cakkhurūpādīnaṃ sabhāvo, so ruppanasabhāve sāmaññaṇe antogadhoti daṭṭhabbam.

119-123. Ito pubbe parikkammantiādīnā samāpattivuttānakusalatā viya samāpattikusalatāpi jhānalābhīnaṃyeva hotīti vuttam viya dissati. “Itaresampi anussavavasena samāpattīnaṃ appanāparicchedapaññaṃ labbhati”ti vadanti. “Evaṃ sīlavisoḍhanādīnā samāpattīnaṃ appetīti jānanakapaññaṃ saha parikkammāna appanāparicchedajānanakapaññaṃ”ti keci. **Vuttāne kusalahāvo** vuttānavasitā. **Pubbeti** samāpajjanato pubbe.

124-134. Sobhane rato surato, tassa bhāvo soraccanti āha “**sobhanakammaratā**”ti. Suṭṭhu vā orato virato sorato, tassa bhāvo soraccanti. Ayaṃ panattho aṭṭhakathāyaṃ vutto eva. **Appaṭisaṅkhānaṃ** moho. **Kusalabhāvanā** bodhipakkhiyadhammānaṃ vadḍhanā. **Saññaṇaṃ** upalakkhaṇaṃ. **Saviggahaṃ** sabimbakaṃ. **Upalakkhetabbākāraṃ** dhammajātaṃ, ārammaṇaṃ vā. **Avikkhepoti** cittavikkhepapaṭipakkho. Ujuvipaccanīkatāya hi pahānavuttānena ca avikkhepo vikkhepaṃ paṭikkhipati, pavattitum na detīti.

135-142. Kāraṇasīlaṃ lokiyaṃ. **Phalasīlaṃ** lokuttaraṃ tena sījhatīti katvā, lokiyassapi vā sīlassa kāraṇaphalabhāvo pubbāparabhāvena daṭṭhabbo. **Sampannasamudāyassa** paripuṇṇasamūhassa. **Akusalā sīlā** akusalā samācārā. **Sīlasampadā** sīlasampatti sīlaguṇāti attho. **Sahottappaṃ ñānaṃ** ottappassa ñānapadhānataṃ āha, na pana ñānaṃ ottappasahitāmatam. Na hi ottapparaitaṃ ñānaṃ atthīti. **Adhimuttatā** abhirativasena nirāsaṅkāpavatti. **Nissaṭatā** viśayuttatā. Ettha ca adhimuttatānissaṭatāvacaṇehi tadubhayapariyāyā dve vimuttiyo ekasesanayena idha “vimutti”ti vuttāti dasseti. Tathā hi vuttam “cittassa ca adhimutti nibbānañcā”ti. Uppajjati etenāti uppādo, na uppādoti **anuppādo**, tabbhūte anuppādapariyosāne vimokkhante anuppādassa ariyamaggassa kilesānaṃ vā anuppajjanassa pariyośāneti ṭhānaphalehi ariyaphalameva upalakkhiyati daṭṭhabbam.

Mātikāpadavaṇṇanā niṭṭhitā.

Kāmāvacarakusalapadabhājanīyavaṇṇanā

1. **Appetunti** nigametum. “Padabhājanīyaṃ na vutta”nti padabhājanīyāvacaṇena appanāvarodham sādhetvā

padabhājanīyāvacanassa kāraṇaṃ vadanto “**sarūpenā**”tiādimāha. Tattha “phasso hoti”tiādīsu hoti-saddo atthi-saddena anānatthoti adhippāyena vuttaṃ “**dutiyaena hoti-saddena**”ti. Pubbe aṭṭhakathādhippāyena vatvā yathāvuttassa pālippadesassa appanāvarodho samatthitoti attano adhippāyaṃ dassento “**saṅkhepenā**”tiādimāha.

Ñātum icchitoti lakkhaṇassa pucchāvisayatāṃ dassetuṃ vuttaṃ. **Yena kenacīti** dassanādivisesayuttana, itarena vā. Avatthāviseso hi ñāṇassa dassanatulanatīraṇāni. “**Adiṭṭhata**”ntiādīsu āhāti yojetabbaṃ, sabbattha ca lakkhaṇassāti. Tañhettha adhiakatanti. **Adiṭṭhaṃ jotiyati etāyāti** etena diṭṭhaṃ saṃsandati etāyāti diṭṭhasaṃsandana. Vimatiṃ chindati etāyāti vimaticchedanāti etāsampi saddattho nayato dassito, atthato pana sabbāpi tathāpavattaṃ vacanaṃ, taduppādako vā cittuppādoti veditabbaṃ.

Aññamaññato pabhijjātī pabhedo, viseso, tena **pabhedena**. **Dhammānaṃ desananti** kiñcāpi samayabhūmijātīraṃmaṇasabhāvādivasena anavesappabhedapariggahato niddesadesanāva vattuṃ yuttā, tathāpi kusalādimātikāpadasaṅghatavisesoyeva idha pabhedoti adhippetoti vuttaṃ “**pabhedā...pe... desanaṃ āhā**”ti. Tenevāha **aṭṭhakathāyaṃ** “kusala...pe... dīpetvāti phasso hoti...pe... avikkhepo hoti”ti (dha. sa. aṭṭha. dhammuddesavāra phassapañcamakārāsivaṇṇanā). “Phasso phusanā”tiādinā ca pabhedavantova sātisayaṃ niddiṭṭhā, na pana mātikāyaṃ vuttappabhedoti pabhedavantadassanaṃ niddeso. **Idaṃ vuttaṃ hotīti**ādinā “pabhede...pe... dassanattha”nti imassa vākyassa piṇḍatthamāha. Yadi dhammā eva pucchitabbā vissajjetabbā ca, kasmā kusalāti pabhedavacananti āha “**te panā**”tiādi. Na hi pabhedehi vinā pabhedavanto atthīti. “Ime dhammā kusalā”ti etena “phasso hoti”ti, “phasso phusanā”ti ca ādinā uddiṭṭhaniddiṭṭhānaṃ dhammānaṃ kusalabhāvo vissajjito hotīti iminā adhippāyena “**ime dhammā kusalāti vissajjanepī**”ti āha. **Imasmiñhīti hi**-saddo kāraṇattho. Tena yasmā dhammāva desetabbā, te ca kusalā...pe... bheda desetabbā, tasmāti evaṃ vā yojanā. **Dhammānamevāti** avadhāraṇaphalaṃ dasseti “**avohāradesanāto**”ti. **Atthānañcāti ca**-saddena “phasso phusanā”ti evamādisabhāvaniruttim yathāvuttadhammādiññāna saṅgaṇhāti. “Iti evaṃ ayaṃ pavattetabbo nivattetabbo cā”ti tathā tathā vidhetabbabhāvo itikattabbatā, tāya yutto **iti...pe... yutto**, tassa vidhetabbassāti attho, **visesanattā** pabhedassāti adhippāyo.

Itikattabbatāyuttassa visesitabbatā **uddeso dhammappadhāno**, tasmā tattha dhammassa visesitabbatā “kusalā dhammā”ti ayaṃ padānukkamo kato. **Pucchā saṃsayitappadhānā** anicchitanicchayanāya pavattetabbatā. Tena sabbadhammesu samugghāṭitavicikicchānusayānampi pucchā desetabbapuggalagatasāmsayāpattim attani āropetvā saṃsayāpannehi viya pavattiyātīti dasseti. Kāmāvacarādibhedo viya kusalādibhāvena kusalādibhedo dhammabhāvena niyatoti dhammāti vutte nicchayābhāvato “kusalā nu kho akusalā nu kho”tiādinā saṃsayo hotīti āha “**kusalādibhedo pana saṃsayito**”ti. Dhammabhāvo pana kusalādisu ekantikattā nicchitoyevāti vuttaṃ “**na ca dhammabhāvo saṃsayito**”ti. Tena saṃsayito nicchetabbabhāvena padhāno ettha kusalabhāvo, na tathā dhammabhāvoti dhammā kusalāti vuttanti dasseti.

Cittuppādasamayeti cittassa uppajjanasamaye. “Atha vijjānāne”ti ettha atha-saddassa atthamāha “**pacchā**”ti. Bhojanagananādihi samayekadesanānattāṃ dassetvā avasesanānattāṃ dassetuṃ “**samavāyādī**”ti vuttaṃ. **Visesitāti** etena “niyamitā”ti padassa atthaṃ vivarati, tasmā yathāvuttacittavisesitabbato samayatoti attho. **Yathādhippetananti** kāmāvacarādivisesayuttānaṃ. “Tasmiṃ samaye”ti cittuppattiyā visesitabbopi samayo yena cittaṃ uppajjānāna visesiyati, tasseva cittassa “yasmim samaye”ti ettha sayāṃ visesanabhāvaṃ āpajjati. Tathā “tasmiṃ samaye”ti ettha visesanabhūtaṃ cittaṃ attanā visesitabbasamayassa upakāratthaṃ “yasmim samaye...pe... citta”nti visesitabbabhāvaṃ āpajjati. Upakāroti ca aññamaññāṃ avacchedakāvachhinditabbabhāvoti daṭṭhabbaṃ. Purimadhammānaṃ bhaṅgasamakālaṃ, bhaṅgānantarameva vā pacchimadhammānaṃ uppatti **purimapacchimānaṃ niranantarā** kenaci anantaritā. Yāya bhāvapakkhassa balavabhāvena paṭicchādito viya hutvā abhāvapakkho na paññāyatīti tadevetanti gahaṇavasena pacurajano vipariyesito, soyamattho alātacakkena supkāṇo hoti. Tenevāha “**ekībhūtānamivā**”ti. Ekasamūhavasena ekībhūtānamiva pavattī **samūhaghanatā**, dubbhiññeyyakicchedavasena ekībhūtānamiva pavattī **kiccaghanatā**ti yojanā. Ettha ca paccayapaccayuppannabhāvena pavattamānānaṃ anekesaṃ dhammānaṃ kālasabhāvavyāpārārammaṇehi dubbhiññeyyabhedatāya ekībhūtānamiva gahetabbatā yathākkamaṃ santatighanātadayoti daṭṭhabbaṃ.

Sahakārīkāraṇasannijjhaṃ sametīti **samayo**, samavetīti atthoti **samaya**-saddassa samavāyatthataṃ dassento “**paccayasāmaggi**”nti āha. Sameti samāgacchati ettha maggabrahmacariyaṃ tadādhārapuggalehīti **samayo**, khaṇo. Samenti ettha, etena vā, samāgacchanti dhammā sahaṅgādammehi uppādādihi vāti **samayo**, kālo. Dhammappavattimattatāya atthato abhūtopi hi kālo dhammappavattiyā adhiharaṇaṃ karaṇaṃ viya ca parikappanāmatasiddhena rūpena vohariyatīti. Samaṃ, saha vā avayavānaṃ ayaṃ pavattī avatṭhānanti **samayo**, samūho yathā “samudāyo”ti. Avayavasahāvattṭhānameva hi samūho. Paccayantarasaṃgāme eti phalaṃ etasmā uppajjati pavattati cāti **samayo**, hetu yathā “samudāyo”ti. Sameti sambandho eti savisaye pavattati, sambandhā vā ayanti etenāti **samayo**, diṭṭhi. Diṭṭhisamyojanena hi sattā ativiya bajjhantīti. Samayaṃ saṅgati samodhānanti **samayo**, paṭilābho. Samassa nirodhassa yānaṃ, sammā vā yānaṃ apagamo appavattīti **samayo**, pahānaṃ. Abhimukhabhāvena sammā etabbo abhisametabbo adhigantabboti aviparīto sabhāvo **abhisamayo**. Abhimukhabhāvena sammā vā eti gacchati bujjhatīti **abhisamayo**, avirādhavā dhammānaṃ aviparītasabhāvāvabodho. Ettha ca upasaggānaṃ jotakamattatā tassa tassa atthassa vācako **samaya**-saddo evāti saupasaggopi vutto. **Tānevāti** piṇādinēva. **Vipphārikatā** seribhāvena kiriyāsu ussāhanapariniṭṭhāno.

Kesucīti akusalavipākādīsu. Khaṇassa asambhavo tena vinābhāvoti āha “**nanū**”tiādi. **Dhammenevāti** visesantararहितena. Taṃyeva hi avadhāraṇena nivattitaṃ visesaṃ dasseti “**na tassa pavattitṭhā**”tiādinā. **Yathā vā tathā vāti** kālena loko pavattati nivattatīti vā kālo nāma bhāvo vattanalakkaṇo bhāvānaṃ pavattiokāsadāyako vā yena tena pakārena. Idha uttamahetuno sambhavo eva natthīti hetuhetusādhāraṇahetūyeva paṭisedheti. **Tappaccayatāṃ** anekapaccayatāṃ.

Pakattissaravādaggaṇaṇaṃ nidassanamattaṃ daṭṭhabbaṃ. Pajāpatipurisakālavādādayopi “**ekakāraṇavādo**”ti. Vā-saddena vā tesampi saṅgaho daṭṭhabbo. **Avayava...pe... dāyo vutto** avayavadhammena samudāyassa apadisitabbattā, yathā “samaṃ cuṇṇaṃ, alaṅkato devadatto”ti ca. **Anipphādanam** nipphādanābhāvo ahetubhāvo. Nipphādetuṃ asamattassa pana paccayantarānaṃ sahassepi samāgate nattheva samatthātāti āha “**nipphādanasamatthassā**”ti. Ettha ca sahakārikāraṇāyattā phaluppādanā paccayadhammānaṃ aññaṃaññāpekkhāti vuttāti apekkhā viyāti apekkhā daṭṭhabbā.

Nibyāpāresu abyāvaṭesu. **Ekekasminti** aṭṭhakathāyaṃ āmedītavacanassa luttaniddiṭṭhataṃ dasseti. Sati ca āmedīte siddho bahubhāvoti. Andhasataṃ passatīti ca paccattavacanāṃ niddhāraṇe bhummavasena pariṇāmetvā “**andhasate**”ti āha. Tathā ekekasminti iminā visuṃ asamattatā jotitāti andhasataṃ passatīti samuditaṃ passatīti atthato ayamatto āpannoti āha “**andhasataṃ sahitaṃ passatīti adhippāyo**”ti. **Aññathāti** yathārutavasena atthe gayhamāne. Yasmā **asā...pe... siddho** sivikubbahanādīsu, tasmā nāyamatto sādhetabbo. Idāni tassatthassa supākaṭabhāvena asādhetabbataṃ dassento “**visu**”ntiādimāha.

Etenupāyenāti yoyaṃ khaṇasaṅkhāto samayo kusalluppattiyā dullabhabhāvaṃ dīpeti. **Attano dullabhatāyāti** ettha khaṇatto vā samaya-saddo khaṇasaṅkhāto samayoti attho vutto. Etena upāyabhūtena nayabhūtena. **Yojanā kātabbāti** etthāyaṃ yojanā – **samavāya...pe... vuttim dīpeti** sayam paccayasāmaggibhāvato, samavāyatto vā samaya-saddo samavāyasāṅkhāto samayo. So yāya paccayasāmaggiyā satīti imassa atthassa pakāsanavasena dhammānaṃ anekahetuto vuttim dīpeti. **Kāla...pe... parittataṃ dīpeti** attano atiparittatāya. **Samūha...pe... sahuppattim dīpeti** sayam dhammānaṃ samudāyabhāvato. **Hetu... pe... vuttitaṃ dīpeti** sati eva attani attano phalānaṃ sambhavatoti. Atthapakke ca saddapakke ca yasmim atiparitte kāle yasmim dhammasamudāye yamhi hetumhi satīti etassa atthassa nīpanavasena tadādhārāya tadadhīnāya ca kusalladhammapattiyā duppaṭivijjhatam anekesaṃ sahuppattim parādhīnappattiṅca dīpetīti.

Dalhadhammā dhanuggahāti dalhadhanuno issāsā. **Dalhadhanu** nāma dvisahassathāmaṃ vuccati. **Dvisahassathāmanti** ca yassa āropitassa jiyābaddho lohasisādīnaṃ bhāro daṅḍe gahetvā yāva kaṇḍappamāṇā ukkhittassa pathavito muccati. **Sikkhitāti** dasadvādasavassāni ācariyakule uggahitasippā. **Katahatthāti** dhanusmim ciṇṇavasībāhvā. Koci sippameva uggaṇhāti, katahattho na hoti, ime pana na tathāti dasseti. **Katupāsānāti** rājakulādīsu dassitasippā. **Catuddisā ṭhitā assūti** ekasmimyeva padese thambhaṃ vā rukkhaṃ vā yaṃ kiñci ekamyeva nissāya catuddisābhimukhā ṭhitā siyunti attho. **Evaṃ vuttajavanapurisassāti** na evarūpo puriso koci bhūtapubbo aññatra bodhisattena. So hi javanahaṃsakāle evarūpamakāsi. Sutte pana abhūtaparikappanavasena upamāmatam āhaṭam. **Tapparabhāvāti** tapparabhāvato hetusaṅkhātassa samayassa parāyattavuttidīpane ekantavyāvātasabhāvato attho. Ye pana “tapparabhāvo”ti paṭhanti, tesam paccayāyattavuttidīpanato tapparabhāvo hetusaṅkhātassa samayassa, tasmā tassa parāyattavuttidīpanatā vuttāti yojanā. Samudāyāyattatādīpane tapparo, tadekadesāyattatādīpane tapparo na hotīti āha “**atapparabhāvato**”ti.

Nanu ca tam tam upādāya paññatto kālo vohāramattako, so katham ādhāro tattha vuttadhammānanti āha “**kālopi hi**”tiādi. Yadi kiriyāya kiriyantaralakkhaṇaṃ bhāvenabhāvalakkhaṇaṃ, kā panettha lakkhaṇakiriyāti āha “**ihāpi**”tiādi. **Lakkhaṇabhūtabhāvayuttoti iti**-saddo hetuatto. Idam vuttam hoti – yasmā sattāsaṅkhātāya lakkhaṇakiriyāya yutto samayo, tasmā tattha bhūminiddesoti.

Uddānatoti yadi saṅkhepatoti attho. Nanu ca avasiṭṭhakilesādayo viya kilesakāmopi assādetabbatāya vatthukāme samavaruddho nānaṃ viya nēyyeti saṅkhepatto ekoyeva kāmo siyāti anuyogaṃ sandhāyāha “**kilesakāmo**”tiādi. **Sahitassāti** visayavisayibhāvena avatṭhitassa. “Uddānato dve kāmā”ti kiñcāpi sabbe kāmā uddiṭṭhā, “catunnaṃ apāyāna”ntiādinā pana visayassa visesitattā orambhāgiyakilesabhūto kāmārāgo idha kilesakāmoti gahitoti “**tenā**”tiādimāha. Codako tassa adhippāyaṃ ajānanto “**nanu cā**”tiādinā anuyujāti. Itaro pana “**bahalakilesassā**”tiādinā attano adhippāyaṃ vivarati.

Kāmāvacaradhammesu vimānakapparukkhādippakāresu parittakusalādīsu vā. Nanu ca “catunnaṃ apāyāna”nti visayassa visesitattā rūpārūpadhātuggaṇaṇassa asambhavoyevāti? Na, “uddānato dve kāmā”ti niravasesato kāmānaṃ uddiṭṭhattā. Uddiṭṭhepi hi kāmasamudāye yathā tadekadesova gayhati, tam dassetuṃ “**duvidho**”tiādimāha. **Kāmārāgo** pañcakāmaguṇiko rāgo. **Kāmataṇhā** kāmāvacaradhammavisayā taṇhā. **Nirodhataṇhā** ucchedadiṭṭhisahagato rāgo. **Idhāti** ekādasavidhe padese. Yadi anavasesappavatti adhippetā, “duvidhopeso”ti na vattabbaṃ vatthukāmekadesassa idha appavattanatoti anuyogena yebhuyabhāvato anavaseso viya anavasesoti vā attho gahetabboti dassento “**vatthukāmopi**”tiādimāha. Anavasesasadisatā cettha sabhāvabhinnassa kassaci anavasesato. **Evañca katvāti** kilesakāmavattukāmānaṃ anavasesaparipuṇṇabhāvena abhilakkhitattāti attho. **Cāsaddassa rassattam katanti** kāmāvacarasadde hetukattuatto antonītoti dasseti.

Visayeti vatthusmim abhidheyyattheti attho. **Nimittaviraheti** etena ruḥīsū kiriyā vibhāgakaṇāya, na attakiriyāyāti dasseti. **Kusalabhāvanti** jātakabāhitikasuttaabhidhammapariyāyena kathitam kusallattam. **Tassāti** sukhavipākabhāvassa. **Tassa paccupaṭṭhānatam vattukāmatāyāti** etena “anavajjasukhavipākakalakkhaṇa”nti ettha sukhāsaddo iṭṭhāpariyāyo vuttoti dasseti. Saññāpaññākkiccam saññānākarāṇapaṭivijjanāni, tadubhayavidhurā ārammaṇūpaladdhi “vijānātī”ti iminā vuccatīti āha “**saññā...pe... gahaṇa**”nti. Nanu ca phassādikkatopi visiṭṭhakiccam cittanti? Saccametaṃ, so pana viseso na tathā duravabodho, yathā saññāpaññāvīññānanti saññāpaññākkiccavisīṭṭhalakkhaṇatāya viññāṇalakkhaṇamāha. Anantaradhammānaṃ paguṇabalavabhāvassa kāraṇabhāvena pavattamāno santānaṃ cinoti nāma. Tathāpavatti ca āsevanapaccayabhāvoti āha “**āsevanapaccayabhāvena cinoti**”ti.

Cittakatamevāti abhisāṅkhāraviññānakatameva. **Nānattādīnaṃ vavattānanti** ettha vavattānaṃ paccekam yojetabbaṃ.

Vavatthānaṃ paricchedo asaṅkarabhāvo. Tena ca dhammo nicchito nāma hotīti āha “**nicchitatā**”ti. **Liṅganānattādīnī** ettha itthipurisasaṅghānavasena liṅganānattā. Devamanussatiracchānādivasena itthiliṅgassa puthuttaṃ, tathā purisaliṅgassa. Devādibhede itthiliṅge paccakaṃ nānattakāyatasaṅkhātassa aññamaññavisadisasabhāvassa desādibhedabhinnassa ca visesassa vasena pabhedo veditabbo. Tathā purisaliṅge. Liṅganibbattakassa vā kammassa yathāvuttanānattādivasena liṅgassa nānattādīni yojetabbāni. Liṅganānattādīsu pavattattā saññādīnaṃ nānattādīni. Tenevāha “kammanānattādīhi nibbattāni hi tānī”ti. Apadādinānākaraṇadassanena liṅganānattāṃ dassitaṃ. Tasmīṅca dassite saññānānattādayo dassitā evāti āvattati bhavacakkanti dassento āha “**anāga...pe... ghaṭento**”ti. Itthiliṅgapurisalīṅgādi viññādhītiṅgassa rūpakkhandhassa sannivesaviseso. Saññāsīsena cattāro khandhā vuttā. Vohāravacanena ca pañcannaṃ khandhānaṃ voharitabbabhāvena pavatti dīpitā, yā sā taṇhādītiṅgabhīnivesahetūti imamattaṃ dassento “**liṅgādi...pe... yosānāni**”ti āha.

“Ye keci, bhikkhave, dhammā akusalā akusalabhāgiyā, sabbete manopubbaṅgamā”ti (a. ni. 1.56-57), “manopubbaṅgamā dhammā”ti (dha. pa. 1, 2) ca evamādivacanato cittahetukaṃ kammanti āha “**kammañhi cittato nibbatta**”nti. **Yathasaṅkhyanti** kammato liṅgaṃ liṅgato saññāti attho. Na purimavikappe viya kammato liṅgasaññā liṅgato liṅgasaññāti ubhayato ubhayappavattidassanavasena. “Bhedam gacchanti itthāyaṃ purisoti vā”ti bhedassa visesitattā itthādibhāvena voharitabbabhāvo idha bhedoti “**itthipurisādivohāraṃ gacchantī**”ti vuttaṃ. **Addhadvayavasenāti** atītapaccuppannaddhadvayavasena. Guṇābhibyāpanaṃ kittīti āha “**patthaṭayasata**”nti. Kammanānākaraṇena vinā kammanibbattanānākaraṇābhāvato “**kammajehi...pe... nānākaraṇa**”nti vuttaṃ. **Avipaccanokāso** atthānabhūtā, gatikālopi vā. Kāmāvacaraṃ abhisāṅkhāraviññānaṃ rūpadhātuyā cakkhuvīññānādīm janetvā anokāsātāya tadārammaṇaṃ ajanentaṃ ettha nidassetabbaṃ. Ekaccacittakaraṇassa adhippetattā cakkhādivekallena cakkhuvīññānādīnaṃ ajanaṃ kammavīññānaṃ avasesapaccayavikale anogaḍhaṃ daṭṭhabbaṃ. Tadapi **kālagatipayogādīti ādi**-saddena saṅgahitanti. Ettha ca “sahakārīkaraṇavikalāṃ vipākassa accantaṃ okāsameva na labhati, itaraṃ vipākekadesassa laddhokāsanti, idametesam nānatta”nti vadanti, taṃ vipākassa okāsalābhe sati saḥāyakāraṇavikalatāva natthīti adhippāyena vuttaṃ.

Bhavatu tāva bhavitvā apagataṃ bhūtāpagataṃ, anubhavitvā apagataṃ pana kathanti āha “**anubhūtabhūtā**”tiādi. Tena **anubhūta**-saddena yo attho vuccati, tassa **bhūta**-saddoyeva vācako, na **anu**-saddo, **anu**-saddo pana jotakoti dasseti. Sākhābhāṅgasadisā hi nipātopasaggāti. Kiriyāvisesakattaṅca upasaggānaṃ anekatthattā dhātusaddānaṃ tehi vattabbavisesassa jotānabhāveneva avacchindananti yattakā dhātusaddena abhidhātābhā atthavisesā, tesam yaṃ sāmāññaṃ aviseso, tassa visese avaṭṭhāpanaṃ tassa tassa visesassa jotanamevāti āha “**sāmāñña...pe... visesīyati**”ti. **Anubhūta**-saddo bahulaṃ kammattaṃ eva dissatīti tassa idha kattuatthavācītaṃ dassetuṃ “**anubhūtasaddo cā**”tiādimāha. Satipi sabbesaṃ cittupādānaṃ savedayitabhāvato ārammaṇānubhavane, savipallāse pana santāne cittābhisaṅkhāravasena pavattito abyākatehi viṣiṭṭho kusalākusalānaṃ sātīsayo visayānubhavanākāroti ayamattaṃ idhādhippetoti dassento “**vattum adhippāyavasena**”ti āha. **Bhūtāpagatabhāvābhīdhānādhippāyena**ti kusalākusalassa ākaḍḍhanupāyamāha.

Uppatitakiccanippādanato uppatitasadisattā “**uppatita**”nti vuttaṃ. **Uppajjituṃ āradhoti** anāgatassapi tasseva uppanna-saddena vuttatāya kāraṇamāha. Ettha ca rajjanādivasena ārammaṇarasānubhavanaṃ sātīsayanti akusalaṅca kusalaṅca uppajjivā niruddhatāsāmāñña “sabbasaṅkhatam bhūtāpagata”nti vuttaṃ. Sammohavinodaniyaṃ pana “vipākānubhavanavasena tadārammaṇaṃ. Avipakkavipākassa sabbathā avigatattā bhavitvā vīgatattāmatavasenakammaṅca bhūtāpagata”nti vuttaṃ. Teneva tatha okāsatuppannanti vipākamevāha. Idha pana kammampīti. ārammaṇakaraṇavasena bhavati ettha kilesajātanti **bhūmīti** vuttā upādānakhandhā. **Aggiāhito viyāti** bhūmiladdhanti vattabbatāya upāyaṃ dasseti. **Etenāti** kammaṃ. **Etassāti** vipāko vuttoti daṭṭhabbaṃ.

Avikkhambhitattāti avinoditattā. **Sabhūmiyanti** sakabhūmiyaṃ. **Vicchinditvāti** puna uppajjituṃ adatvā. **Khaṇattayekadesagataṃ khaṇattayagatanti vuttanti** yathāvuttassa udāharaṇassa upacārabhāvamāha. Tena uppannā dhammā paccuppannā dhammāti idametta udāharaṇaṃ yuttanti dasseti. **Padhānenāti** padhānabhāvena. **Desanāya cittaṃ pubbaṅgamanti** lokiyadhamme desetabbe cittaṃ pubbaṅgamaṃ katvā desanā bhagavatā ucitāti dasseti. **Dhammasabhāvaṃ vā sandhāyāti** lokiyadhammānaṃ ayaṃ sabhāvo yadidaṃ te cittaṃjettakā cittaṃpubbaṅgamā pavattantīti dasseti. Tena tesam tathādesanāya kāraṇamāha, sabbe akusalā dhammā cittavajjāti attho. **Kecīti** padakārā. **Phassādayopīti pi**-saddena rāgādayo sampiṇḍeti. Kālabhedābhāvepi paccayabhāvena apekkhito dhammo purimanipphanno viya voharīyātīti āha “**paṭhamaṃ uppanno viyā**”ti. Anupacaritamevassa pubbaṅgamabhāvaṃ dassetuṃ “**anantarapaccayamana**”ntiādi vuttaṃ. “Khīṇā bhavanetti”tiādivacanato (dī. ni. 2.155; netti. 114) nettibhūtāya taṇhāya yuttaṃ cittaṃ nāyakanti āha “**taṇhāsampayuttaṃ vā**”ti.

“Yaṃ tasmim samaye cetasikaṃ sāta”nti niddiṭṭhattā somanassavedanā sātāsabhāvāti āha “**sabhāvavasena vutta**”nti. Nippariyāyena **madhura**-saddo rasavisesapariyāyo, iṭṭhabhāvasāmāñña idha upacārena vuttotiāha “**madhuraṃ viyā**”ti. Paramatthato taṇhāvinimutto nandirāgo nandirāgabhāvo vā natthīti “**na ettha sampayogavasena sahagatabhāvo atthi**”ti, “**nandirāgasahagatā**”ti ca vuccati. Tena viññāyati “sahagatasaddo taṇhāya nandirāgabhāvaṃ joteti”ti. Avatthāvisesavācako vā saha-saddo “sanidassanā”tiādisu viya, sabbāsūpi avatthāsu nandirāgasabhāvāvijahanadīpanavasena nandirāgabhāvaṃ gata nandirāgasahagatāti taṇhā vuttā. Gata-saddassa vā “**dīṭṭhigata**”ntiādisu viya atthantarābhāvato nandirāgasabhāvā vā taṇhā “**nandirāgasahagatā**”ti vuttā, nandirāgasabhāvāti attho. **Idhāpīti** imissaṃ atthakathāyaṃ. **Imasmimpi padeti** “somanassasahagata”nti etasmimpi pade. **Ayamevatthoti** saṃsaṭṭho eva. **Yathādhassitasamsaṭṭhasaddoti** atthuddhārapasaṅgena pālīto atthakathāya āgatasamsaṭṭhasaddo. **Sahajāteti** saḥajātatthe.

Kālavisesānapekkho kammāsādhano **abhāṭṭha**-saddo bhāsitapariyāyoti dassento āha “**abhāsitabbatā anābhāṭṭhatā**”ti.

Pāliyanti imissā paṭhamacittupādapāliyaṃ. **Abhāsittā evāti** asaṅkhārikabhāvaṃ avuttatā eva. Kāraṇapariyāyattā vatthusaddassa paccayabhāvasāmaññato dvārabhūtaḍḍhammānampi siyā vatthupariyāyoti āha “**dvāraṃ vatthūti vutta**”nti. Tena vatthu viya vatthūti dasseti. Manodvārabhūtaḍḍhammā yebhuyyena hadayavatthunā saha carantīti **dvārena...pe... hadayavatthu vuttanti** āha yathā “kuntā pacaranti”ti. **Sakiccabhāvenāti** attano kiccabhāvena, kiccasaḥitaṭṭāya vā. **Aññāsādhāraṇoti** sa-saddassa atthamāha. Sako hi raso sarasoti.

Anantaracittahetukattā cittassa ekasamuṭṭhānatā vuttā, saḥajātacittaphassahetukattā cetasiḥitaṭṭāya dvisamuṭṭhānatā. “Cittasamuṭṭhānaḍḍhammā, phuṭṭho bhikkhave vedeti, phuṭṭho sañjānāti, phuṭṭho ceteti”ti (saṃ. nī. 4.93) hi vuttam.

Sukhumarajādirūpanti aṇuttajjārīrūpamāha. Paramānurūpe pana vattabbameva natthi. **Vatthuparittatāyāti** etena anekakalāpagatāni bahūniyeva rūpāyanāni samudittāni saṃhaccakāritāya sivikubbahanaññāyena cakkhuvīññāṇassa ārammaṇapaccayo, na ekaṃ katipayāni vāti dasseti. Nanu ca evaṃ sante cakkhuvīññāṇaṃ samudāyārammaṇaṃ āpajjati? Nāpajjati samudāyasseva abhāvato. Na hi paramatthato samudāyo nāma koci atthi. Vaññāyatanameva hi yattakaṃ yogyadesse avaṭṭhitaṃ, sati paccayantarasaṃyoge tattakaṃ yathāvuttena ñāyena cakkhuvīññāṇassa ārammaṇapaccayo hoti avikappakattā tassa. Tadabhinihaṭṭaṃ pana manovīññāṇaṃ anekakkhattuṃ uppajjamānaṃ purimasiddhakappaṇavasena samūhākārena saññānādiakārena ca pavattati kiṃ cakkhuvīññāṇassa ekaṃ vaññāyatanam ārammaṇam, udāhu anekānti na codetabbametam. Na hi paccakkhavisaye yuttimagganā vuttā. Kiñca bhīyo accharāsaṅghātakkaṇena anekakoṭisaṅkhāya cittupattiyā pavattanato cittassa lahuṇarivattitāya samānēpi ghaṭasarāvādivaṇṇānaṃ yogyadesāvattāhāne purimamanasikāraṇurūpaṃ “ghaṭo”ti vā “sarāvo”ti vā paṭhamaṃ tāva eko manovīññāṇasantānena paricchijjati, pacchā itaro cakkhuvīññāṇavīthiyā byavahitenāti avisesavidutāya pana ghaṭasarāvādivuddhiyā abhedāpattiparikkappaṇāti. Idisīpettha codanā acodanāti datṭhabbā. **Khaṇaparittatāyāti** pabandhakkhaṇassa ittaratāya. Pabandhavasena hi paccekaṃ rūpārūpadhammā virodhivirodhipaccayasamāyoge lahuṃ dandhañca nirujjhanato parittakālā dīghakālā ca honti, sabhāvalakkaṇavasena pana ekaparicchedā evāti. Yathā ca rūpāyanam, evaṃ itarānīpi. Saddādayopi hi vatthuparittatādibhāvena labbhantīti. **Accāsannāditāyāti ādi**-saddena anāvajjanaṃ kenaci paṭicchannatāti evamādiṃ saṅgaṇhāti. Visayidhammaṃ visesato sinoti bandhatīti visayoti anaññatthabhāvēpekkho visayoti āha “**visayo anaññatthabhāvenā**”ti. Na hi cakkhuvīññāṇādayo rūpāyanādito aññasmiṃ ārammaṇe pavattantīti. Gāvo caranti etthāti gocaro, gocaro viyāti gocaroti sambahulacāritāpekkho gocaroti āha “**gocaro tatha caraṇenā**”ti. Bahulañhi cakkhuvīññāṇādīhi rūpādayo gayhanti, na tathā manovīññāṇenāti. **Tesanti** manovīññāṇena gayhamānānaṃ rūpāyanādīnaṃ. “Vacanassa anupattito”ti kasmā vuttam, nanu pañcadvāre pavattamanovīññāṇadhātuṃ sandhāya tesam gocaravisayam paccanubhotīti vacanam upapajjatiyevāti? Na, niyamābhāvato. Na hi pañcadvārābhinihaṭṭameva mano idha “mano”ti vuttanti niyamahetu atthīti, etaṃyeva vā codanam manasi katvā dībbacakkhuññāḍiggahaṇam katam. **Evaṃvaṇṇoti**ādivacanato pubbenivāsaatītānāgataṃsaññādayopi idha sambhavanti. **Itarathāti** rūpaṃ saddantiādīnaḍḍhammā.

Bhojana ...pe... ussāhādīhīti idaṃ yāya kammaññatāya rūpakāyassa kallatā hoti, tassā paccayanidassanam. Bhojane hi sammāpariṇate sappāye ca utubhojane sammupayutte sammāpayogasaṅkhāte kāyikacetasiḥitāya ca samāradde lahuṭṭādisabbhāvena kāyo kammakkhamo hoti sabbakiriyaṇukūloti. Atha vā **bhojana...pe... ussāhādīhīti** idaṃ kāyassa kalyatāya viya upaddutātāyopi kāraṇavacanam. Visamabhojanāpariṇamādito hi kāyassa upaddavakarā vātādayo uppajjantīti. **Anuvattantassāti** padaṃ “jāyam veraṃ pasavatī”tiādīsu (dha. pa. 201) viya hetuatthavasena veditabbam. Jāgaraṇanimittañhi idha anuvattanam adhippetanti. Atha vā **anuvattantassāti** idaṃ pakatiyā dīṭṭhādivasena āpāthagamānupanissayānaṃ kalyatādinibbattānaṃ kāyikasukkhādīnaṃ sambhavadassanam. Kāyakalyatādiṃ anuvattantassa hi yathāvuttapānissayābhogābhāvena vuttappakāram āpāthagamānaṃ na siyāti. Yathānubhūte rūpādivisaye cittassa ṭhapanam āvajjanaṃ cittapaṇidahanam. Yathānubhūtena rūpādīnaḍḍhammā sadisaṃ asadisaṃ sambandhañca sadisāsadisāsambandham, tassa dassanādi sadisāsadisāsambandhadassanādi, cittapaṇidahanānaḍḍhammā sadisāsadisā...pe... dassanādi ca **citta...pe... dassanādayo** te paccayāti yojetabbam. **Dhātukkabhādhīti ādi**-saddena devatūpasamhārādiṃ saṅgaṇhāti. **Tamsadisatā** dīṭṭhasutasadisatā. **Tamsampayuttatā** dīṭṭhasutapaṭibaddhatā. **Kenaci vutteti** iminā saddhāya anussavanibbattatam āha. **Ākāravīcāraṇanti** tesam tesam atthānaṃ upaṭṭhānākāravīcāraṇam. **Katthaci** atthe.

Niyamitassāti kusalameva mayā uppādetabbanti evaṃ niyamitassa. Pasādasinehābhāvo dosabahulatāya hotīti **lūkhapuggalā dosabahulāti** āha.

Āyatanabhāvatoti kāraṇabhāvato.

Vijjāmanavattusminti etena “vināpi deyyadhammapariccegena cittupādāmatteva dānamayaṃ kusalam upacitam hoti”ti kesañci atidhāvanam nivattitam hotīti.

Dhammasavanassa ghoṣanam **dhammasavanaghosanam**. **Tassāti** “saddadānam dassāmī”ti saddavatthūnam ṭhānakaraṇabherīādīnaṃ sasaddappavattikaraṇassa. **Cintanam** tathā tathā cittupādānam. **Aññatthāti** suttesu. **Aparatthāti** abhidhammapadesu. **Apariyāpannāti** padassa atthavaṇṇanā “paribhogaraso”tiādīkāya atthavaṇṇanāya parato bahūsu potthakesu likhīyati, yathāṭhāneyeva pana ānetvā vattabbā. Tattha paramatthato avijjāmanattā lakkhaṇapaññātiyo aññāyatanattā cha ajjhātikāyatanāni asaṅgahitā dhammāyatanenāti yojetabbam.

“Ekadvārikakammaṃ aññasmiṃ dvāre uppajjati”ti kasmā vuttam, nanu rūpādīsu ekārammaṇam cittam yathā na aññārammaṇam hoti cittavisesassa adhippetattā, evaṃ kammavisesse adhippete kāyadvārādīsu ekadvārikakammaṃ aññasmiṃ

dvāre na uppajjati tattheva pariyoṣitattā, atha kammaṣāmaññaṃ adhippettaṃ, rūpādīsu ekārammaṇanti idaṃ udāharaṇaṃ na siyāti? Na, asadisabhāvavibhāvanavasena udāhaṭattā, itarathā manoviññābhūtaṃ idaṃ cittaṃ chasupi viṣayesu pavattanato anibaddhārammaṇanti ārammaṇaṃ sadisūdāharaṇabhāvena vucceyya ārammaṇaṃ viya dvāraṃpi anibaddhanti. Yasmā pana satipi kammānaṃ dvārantaracaraṇe yebhuyyena vuttīyā tabbahulavuttīyā ca dvārakammānaṃ aññaṃaññaṃ vavattānaṃ vakkhati, tasmā pāṇātipātādibhāvasāmaññaṃ kammaṃ ekattanayavasena gahetvā tassa vacīdvārādīsu pavattisabbhāvato kammaṃ anibaddhattāti vuttanti āha “**kāyadvārādīsu ekadvārikakammaṃ aññaṃ dvāre na nuppajjati**”ti. Rūpādīsu pana ekārammaṇaṃ cittaṃ tenevārammaṇena paricchinnaṃ visiṭṭhameva gahitanti ārammaṇameva nibaddhanti vuttanti cittaviseso eva gahito, na cittaṣāmaññaṃ. “Nanu ca rūpārammaṇaṃ vā...pe... dhammārammaṇaṃ vā yaṃ yaṃ vā panā”ti ārammaṇampi aniyameneva vuttanti? Saccametaṃ, tattha pana yaṃ rūpādīsu ekārammaṇaṃ cittaṃ, taṃ tena vinā nappavattati, kammaṃ pana kāyadvārikādibhedaṃ vacīdvārādīsu na nappavattati imassa viṣesassa jotanaṭṭhaṃ pāliyaṃ ārammaṇameva gahitaṃ, dvāraṃ na gahitanti imamatthaṃ dasseti “**ārammaṇameva nibaddha**”ntiādinā. **Vacīdvāre uppajjamānampi pāṇātipātādīti attho.**

Kāmāvacarakusalaṃ

Kāyakammadvārakathāvaṇṇanā

Kammadvārānantiādinā pakāsetabbassa sarūpaṃ pakāsanupāyaṅca dasseti. **Niyatarūparūpavasena**ti dhammasaṅgahe niddiṭṭhaniyatarūparūpavasena. Aññathā kammaṣamuṭṭhānikakāye hadayavattuppi gahettabbaṃ siyā. Ekasantatipariyāpanno upādinnakakāyo idha gahitoti cakkhāyatanādīti vuttetu eko bhāvo hadayavattuppi ca gahitanti na sakkā vattuppi “**cakkhāyatanādīni jīvitapariyantāni**”ti sannivesassa vibhāvītattā.

Vipphandamānavāṇṇaggaṇānantaraṃ viññattiggahaṇassa icchittā calanākārāva vāyodhātu viññattivikārasahitāti kadāci āsaṅkeyyāti tannivattanatthaṃ “**paṭhamajavanasaṃmuṭṭhitā**”ti āha. **Desantaruppattihetubhāvena cāletunti** etena desantaruppatti calanaṃ, taṃnimitte ca kattubhāvo upacaritoti dasseti, aññathā khaṇikatā abyāpārātā ca dhammānaṃ na sambhaveyyāti. **Tadabhimukhabhāvavikāravatīti** taṃdisambhimukho tadabhimukho, tassa bhāvo tadabhimukhabhāvo, so eva vikāro, taṃsamaṅginī vāyodhātu tadabhimukhabhāvavikāravatī. Idāni tadabhimukhabhāvavikā rassa viññattibhāvaṃ dassento āha “**adhippāyasahabhāvī**”tiādi. **Evaṅca katvātiādinā** imissā atthavaṇṇanāya laddhaggaṇaṃ dasseti. Tattha **āvajjanassāti** manodvārāvajjanassa. **Yato bāttimsātiādinā** tassa viññattisamuṭṭhāpakatā na sakkā paṭisedhetunti dasseti.

Paccayo bhavitum samatthoti etena yathāvuttavāyodhātuyā thambhanacalanasaṅkhātakiccanipphādane tassa ākāravisesassa sahakārikāraṇabhāvamāha. Anidassanasappaṭiṅhatādayo viya mahābhūtānaṃ avatthāvisesamatthaṃ so ākāravisesoti paramatthato na kiñci hotīti “**paramatthato abhāvaṃ dasseti**”ti āha. Paramatthato cittaṣamuṭṭhānabhāvo paṭisedhito. Kammaṣamuṭṭhānādibhāvassa pana sambhavoyeva natthīti yathāvuttavikārasa paramatthato sabbhāve nakutocisamuṭṭhitattā appaccayatthaṃ āpannaṃ. Na hi rūpaṃ appaccayaṃ atthi, appaccayatte ca sati niccabhāvo āpajjati, na ca nibbānavajjo attho sabbhāvadhammo nicco atthi. **Cittasamuṭṭhānabhāvo viyāti** viññattiyā cittaṣamuṭṭhānapādārūpabhāvo upacārasiddhoti dasseti.

Viññattiyā karaṇabhūtāya. **Yaṃ karaṇanti** yaṃ cittaṅkiyaṃ cittaṅkiyāpāraṃ. **Viññattiyā viññātattanti** idamesa kāretīti yadetaṃ adhippāyavibhāvaṃ, etaṃ viññattivikārarahitesu rukkhacalanādīsu na diṭṭhaṃ, hatthacalanādīsu pana diṭṭhaṃ, tasmā vipphandamānavāṇṇavinimutto koci vikāro atthi kāyikakaraṇasaṅkhātassa adhippāyassa nāpakoti viññāyati. Nāpako ca hetu nāpetabbamatthaṃ sayāṃ nātoyeva nāpeti, na sabbhāvamattenāti vaṇṇaggaṇānantaraṃ vikāraggaṇānampi viññāyati. Tathā hi viṣayabhāvamāpanno eva saddo atthaṃ pakāseti, netaro. Tenevāha “**na hi viññatti**”tiādi. Yadi pana cittaṅkiyāpāraṃ calanākāro viññatti, cakkhuvīññāssa vipphandamānavāṇṇārammaṇattā tenapi sā gahitā siyāti āsaṅkāya nivattanatthaṃ āha “**cakkhuvīññāssa**”tiādi.

Tālapaṇṇādirūpanītiādināpi viññattiyā viññātattantaṃ manoviññāneva ca viññātattantaṃ dasseti. Sañjānāti etenāti saññānaṃ, tassa udakādīno saññānaṃ taṃsaññānaṃ, tassa ākāro taṃsaññānākāro, udakādisahacārippakāro ca so taṃsaññānākāro cāti **udakā...pe... kāro**, taṃ **gahetvā** jānitvā. **Tadākārassāti** udakādīnāpanākārassa. Yadi yathāvuttavikāraggaṇāmyeva karaṇaṃ adhippāyaggaṇāssa, atha kasmā aggaṇāsaṅketassa adhippāyaggaṇaṃ na hotīti? Na kevalaṃ vikāraggaṇāmeva adhippāyaggaṇāssa karaṇaṃ, kiñcarahīti āha “**etassa panā**”tiādi.

Atha panātiādinā viññattiyā anumānena gahettabbataṃ dasseti. **Sādhippāya...pe... nantaranti** adhippāyasahitavikārena saṅghātavāṇṇāyatanaṅgaṇāsaṅkhātassa cakkhuvārikaviññāsaṅgāntānassa anantaraṃ. **Adhippāyaggaṇāssa**ti adhippāyavavattāpakassa tatiyavāre javanassa. **Adhippāyasahabhū vikārabhāve abhāvato**ti etena yathāvuttavikāraṃ adhippāyaggaṇānaṃ anumānanti. **Evaṃ satītiādinā** yathānumānatthaṃ nigamanavasena dasseti. Tattha **udakādiggahaṇenevāti** tālapaṇṇādināṃ vaṇṇaggaṇānantarena purimasiddhasambandhānuggahitena udakādīnaṃ tattha atthibhāvavijānaneneva. Yathā tālapaṇṇādināṃ udakādisahacārippakāratā saññānākāro viññātoyeva hoti nānantariyakattā, evaṃ vipphandamānavāṇṇaggaṇānantarena purimasiddhasambandhānuggahitena gantukāmatādiadhippāyavijānaneneva viññatti viññātā hoti tadabhāve abhāvato upamāyojanā.

Sabhāvabhūtanti anvatthabhūtaṃ. **Dvidhāti** viññāpanato viññeyyato ca. Kāyaviññattiyā tathāpavattamānāya cetanāsaṅkhātassa kammaṃ kāyakammabhāvo nipphajjati taya upalakkhitabbattā, na pana catuvīsatiyā paccayesu kenaci

paccayabhāvatoti dassento “**tasmiṃ dvāre siddhā**”tiādimāha. Tena vacīdvārappannāpi pāṇātipātādayo saṅghitāti tesam saṅghitabhāvaṃ dasseti. Atha vā kāyadvārappannāya kāyakammabhūṭāya cetanāya vasena “**tena dvārena viññātabbhāvatō**”ti vuttaṃ, tassāyeva dvārantarappannāya vasena “**tena dvārena nāmalābhato**”ti. Manodvārāvajjanassapi viññattisamuṭṭhāpakabhāvo nicchitoti “**ekādasannaṃ kiriyacittāna**”nti āha.

Dvārantaracārīnōti dvārantarabhāvena pavattanakā. **Dvārasambhedāti** dvārānaṃ saṅkaraṇato. Dvārānañhi dvārantarabhāvappattiyā sati kāyadvārassa vacīdvārādibhāvo, vacīdvārassa ca kāyadvārādibhāvo āpajjati tāṃtāṃdvārappannakammānampi saṅkaro siyā. Tenāha “**kammasambhedopi**”ti. Evaṃ sati kāyakammaṃ...pe... vavattānaṃ na siyā. Yadi kammāni kammantaracārīni honti, kāyakammādikassa vacīkammādikabhāvāpattito “**kammasambhedā dvārasambhedopi**”ti kāyakammaṃ kāyakammadvāranti aññamaññāvavattānaṃ na siyāti imamatthamāha “**kammānampi kammantaracāraṇe eseva nayo**”ti. Kammantaracāraṇaṃ kammantarūpalakkhaṇatā. Tenevāha “**dvārabhāvena**”ti. **Dvārantaracāraṇaṃ** dvārantaruppatti. **Dvāreti** attano dvāre. **Aññasminti** dvārantare. **Kammāniti** tāṃtāṃdvārikakammāni. **Aññāniti** aññadvārikakammāni. **Dvāre dvārāni na carantīti** dvārantarabhāvena nappavattanti, dvārantaraṃ vā na saṅkamanti. Kiñcāpi viññattiyā catuvīsatiyā paccayesu yena kenaci paccayena cetanāya paccayabhāvo natthi, tathā pana viññattiyā pavattamānāya eva pāṇātipātādi hoti, nāññathāti siyā viññattiyā hetubhāvo cetanāyāti vuttaṃ “**dvārehi kāraṇabhūtehi**”ti. Kāyakammaṃ vacīkammanti kammavavattānasseva vā kāraṇabhāvaṃ sandhāya “**dvārehi kāraṇabhūtehi**”ti vuttaṃ. Yadi “**dvārehi kammāni**”ti vuttaṃ, “**aññamaññaṃ vavattitā**”ti pana vuttatā kammehipi dvārāni vavattitānīti ayamattthopi siddhoyevāti dassetuṃ “**na kevala**”ntiādi vuttaṃ. **Advārācārīhīti** dvārānaṃ sayam vavattitabhāvamāha, na pana avavattānaṃ, vavattānamevāti adhippāyo. Idāni taṃ vavattānaṃ vibhāveti **kammānapekkhātī**tiādinā. Tattha samayaniamitena cittena samayo viya dvārānyamitehi kammehi dvārāni niyamitānīti ayam saṅkhepattho.

Evaṃsabhāvattāti dvārabhūtehi kāyādīhi upalakkhaṇiyasabhāvattā. **Āṇatti...pe... mānassāti** kāyavacīkammānaṃ vacīkāyaviññattīhi pakāsetabbataṃ āha. **Kāyādīhīti** kāyavacīviññattīhi. **Tasmāti** yasmā dvārantare carantānīpi kammāni sakena dvārena upalakkhitāneva caranti, tasmā. **Nāpi kammaṃ dvārassāti** yasmīṃ dvārantare kammaṃ carati, tassa dvārassa anattaniyassa. **Tāṃtāṃdvārāmevāti** sakadvārāmeva. **Kammassāti** sakasakakammassa. Yadi kammehi dvārāni vavattitāni, “**kammassa anibaddhattā**”ti idaṃ katham nīyatīti āha “**pubbe panā**”tiādi.

Sāti viññatti. **Tassāti** kammassa. **Kenaci pakārenāti** catuvīsatiyā paccayappakāresu kenaci pakārena. **Tāṃsahajātāti** etena kāyaviññattiyā sabbhāveya kāyakammassa sabbhāvo, nāññathāti pariyāyena viññattiyā kammassa kāraṇabhāvaṃ vibhāveti. Tenevāha “**uppattitṭhānabhāvena vuttā**”ti. **Yathāvuttaniyamenāti**tiādinā kammassa uppattitṭhānabhāve byabhicārābhāvamāha. Tattha **yathāvuttaniyamenāti** aṭṭhakathāyaṃ vuttappakārena vavattānāyuttisankhātena niyamena. **Dvārācāraṇeti** aññadvārācāraṇe.

Kāyakammadvārakathāvaṇṇanā niṭṭhitā.

Vacīkammadvārakathāvaṇṇanā

Catūhi aṅgehīti ettha “**subhāsitaṃyeva bhāsati, no dubbhāsitaṃ. Dhammaṃyeva, piyaṃyeva, saccamaṃyeva bhāsati, no alika**”nti (saṃ. nī. 1.213; su. nī. subhāsitasutta) yāni aṅgāni sutte vuttāni, tesam cetanāsabhāvaṃ dassetuṃ “**subhāsitaḥāsana**”tiādi vuttaṃ. **Tathāpavattāti** subhāsitaḥāsanaṃdibhāvena pavattā. **Saha sambhūtattāti** saheva uppannā. Na hi vacīviññatti saddarahitā atthi. Tathā hi “**yā tāya vācāya viññatti**”ti vuttaṃ. “**Vācāgirā byapatho**”tiādinā (dha. sa. 636) nātisukhamaṃyeva saddavācaṃ vatvā “**yā tāya vācāya viññatti**”ti, tāya saddhiṃ yojetvā vacīviññattiyā vuttatā rūpāyatanam viya vatthuparittatādinā saddāyatanampi anindriyagocarō atthīti ca adhippāyena “**yā tāya...pe... viññāyati**”ti āha.

Idāni avisesena cittasamuṭṭhānasaddassa sotaviññāṇārammaṇatā pāliyaṃ vuttāti vitakkavipphārasaddo na sotaviññeyyoti mahāaṭṭhakathāvādassa pāliyaṃ virodham dassetuṃ “**cittasamuṭṭhāna**”ntiādi vuttaṃ. Evaṃ saṅghakārassa adhippāye ṭhatvā mahāaṭṭhakathāvādassa paṭisedhetabbataṃ dassetvā idāni attano adhippāye ṭhatvā taṃ pariharitum “**mahāaṭṭhakathāyaṃ panā**”tiādimāha. Saṅghaṭṭanākārena pavattānaṃ bhūtānaṃ saddassa nissayabhāvato saṅghaṭṭanena saheva saddo uppajjati. **Tappaccayabhāvoti** upādinnakaghaṭṭanassa paccayabhāvo. Cittajapathavīdhātuyā upādinnakaghaṭṭane paccayo bhavitum samattho cittasamuṭṭhānamahābhūtānaṃ eko ākāraviseso atthi. Tadākārattā hi tesam pathavīdhātu upādinnakam ghaṭṭetīti imamattham vuttānūsārena veditabbatā “**vuttanayeneva veditabbo**”ti vatvā tameva vuttanayaṃ “**tabbikārāna**”ntiādinā vibhāveti. Tattha aññamaññaṃ paccayabhāvo tappaccayabhāvo vuttoti attho. **Aññampi sabbam vidhānanti** “**na cittasamuṭṭhānāti** etena paramatthato abhāvaṃ dasseti”tiādinā attanā vuttavidhānaṃ. Aṭṭhakathāyaṃ pana vuttavidhānaṃ “**heṭṭhā vuttanayeneva veditabba**”nti aṭṭhakathāyaṃ vuttamevāti.

Attano attano paccayuppannassa desantare pārampariyena uppādanam **desantaruppādanaparamparatā. Laddhāsevanenāti** laddhapubbābhisaṅkhārena. **Cittenevāti** paṭhamacitteneva. “**Satta javanāni satta akkharāni nibbattenti vādaṃ paṭikkhipitvā ekajavanāvārapariyāpannāni cittāni ekamakkharaṃ nibbattenti**”ti vadanti. Kiñcāpi paṭhamacittēnapi ghaṭṭanā nipphajjati, ekasseva pana bahuso pavattanena atthi koci visesoti purimajavanāsamuṭṭhitāhi ghaṭṭanāhi paṭiladdhāsevanena sattamajavanena samuṭṭhitā ghaṭṭanā paribyattamakkharaṃ nibbatteti upatthambhanaṃ natthīti na sakkā vattum. Laddhābhisaṅkhārena pana paṭhamacittēnapi ghaṭṭanā balavatī hotīti aṭṭhakathāyaṃ “**upatthambhanakiccaṃ natthī**”ti vuttaṃ siyā, sabbametaṃ vīmaṃsitvā gahetabbam.

Vacīkammadvārahakathāvaṇṇanā niṭṭhitā.

Manokammadvārahakathāvaṇṇanā

“Sabbāyapi kāyavacīviññattiyā kāyavacīdvārahāvo viya sabbassapi cittassa manodvārahāvo sambhavatī”ti dassanattamaṃ aṭṭhakathāyaṃ “ayaṃ nāma mano manodvāraṃ na hotīti na vattabbo”ti vatvā taṃdvāravantadhammadasanattamaṃ “ayaṃ nāma cetanā”tiādi vuttanti āha “**yassa dvāraṃ mano, taṃ dassanattamaṃ vutta**”nti. Yathā pana tividhacatubbidhakāyavacīkammānaṃ dvārahāvato kāyakammadvāravacīkammadvārāni vuttāni, evaṃ manokammanti vuttaabhijjhādīnaṃ dvārahāvato vaṭṭahetubhūtalokiyakusalākusalasampayuttamano eva manokammadvāranti sannitṭhānaṃ katanti daṭṭhabbaṃ. Cetanāya attano kiccaṃ āradhāya sampayuttāpi taṃ taṃ sakiccaṃ ārabhantīti sā ne sakicce pavatteti nāma, tathā pavattenti ca sampayutte ekasmiṃ ārammaṇe avippakiṇṇe karoti byāpāreti cāti vuccati, tathā sampayuttānaṃ yathāvuttamaṃ avippakiṇṇakaraṇaṃ sampiṇḍanaṃ āyūhanaṃ byāpārapādanaṃ byāpāraṇaṃ cetaṇanti āyūhanacetānaṃ nānattaṃ dassento “**phassādīdhammehī**”tiādimāha. **Tathākaraṇanti** yathā phassādayo sakasakacicce pasutā bhavanti, tathā karaṇaṃ. Teneva yathāvuttana avippakiṇṇabyāpāraṇākārena sampayuttānaṃ karaṇaṃ pavattananti daṭṭhabbaṃ. **Kammakkhayakarattāti** kammakkhayakaramanassa kammadvārahāvo na yujjati adhippāyo. Yato “kammapathakathā lokiyā evā”ti vadanti.

Manokammadvārahakathāvaṇṇanā niṭṭhitā.

Kammakathāvaṇṇanā

Samānakālāpi karaṇaphalakiriyaṃ pubbāparakālā viya vattaṃ yuttāyeva. Seyyathāpi paṭiccasamuppāde “cakkhuñca paṭicca rūpe ca uppajjati cakkhuvīññāna”nti dassetuṃ “**atha vā**”tiādimāha. **Copanakiriyaṃ** viññattidvayaṃ āha. Tassa hi cittasamuṭṭhānakāyavacīkammānaṃ kāyavacīviññattīhi eva vā purimapurimāhi pavattetabbattā “kāyavacīhi copanakiriyaṃ karoti”ti vuttaṃ tabbikāraṇaṃ bhūtaṇaṃ tathāpavattanato. Atha vā **kāyavacīhi** kāyavacīviññattīhi. **Copanakiriyaṃ** rūpakāyassa thambhanacalanakiriyaṃ upādinnaḥhaṭṭanakiriyaṃ. Esā hi kiriya “rūpakāyaṃ thambhetuṃ cāletuṃ paccayo bhavituṃ samattho”ti, “upādinnaḥhaṭṭanassa paccayabhūto”ti ca vuttatā kāyavacīviññattīhi nipphajjati. Evañca katvā “copanakiriyaṇissayabhūtaṃ kāyavacī”ti, “kāyādīhi karaṇabhūtehi copanābhijjhādīkiriyaṃ karonti vāsīdīhi viya chedanādi”nti ca idampi vacanaṃ samatthitaṃ bhavati. Na kevalaṃ dharmānāva sabbhāvo, atha kho maggena asamucchinnatāpīti dassento “**anīroddhitevā**”ti āha. Asamucchinnatā ca kāyādīnaṃ tadupanissayakilesāsamucchedenevāti daṭṭhabbaṃ. “Kāyādīhi karaṇabhūtehi copanābhijjhādīkiriyaṃ karonti”ti etena copanābhijjhādīkiriyaṇibbattidvārena cetanābhattiyeva vuttāti iminā adhippāyena “**evañca...pe... yujjanti**”ti āha. Evañca katvā **kāye sati vācāya satīti**divacanaṃ anulomitaṃ hoti. **Yāya cetanāyāti** karaṇaniddeso pana kāyādīnaṃ copanābhijjhādīkiriyaṃ ca cetanāhetukattadassanattamaṃ vuttoti.

Sabhāvato upakārakato magge sati sabbhāvato ca bojjhaṅgā magge antogadhāti āha “**na ca na sakkā**”tiādi.

Kammapathaṃ appattānampi taṃtaṃdvāre saṃsandananti yathā kammapathaṃ pattānaṃ, evaṃ kammapathaṃ appattānampi satipi dvārantaruppattiyā yathāsakaṃ dvāreheva nāmaggaṇanti vadanti, evaṃ sati aṭṭhakathāya virodho. Dutiyatthassa ca abhāvo siyā, tasmā **taṃtaṃdvāre saṃsandananti** yasmim yasmim dvāre kammapathaṃ appattā akusalacetānādayo pavattā, tāsamaṃ tena teneva dvārena nāmaggaṇaṃ. Taṃ pana taṃtaṃdvārapakkhikabhāvakarānato tatha avarodhananti vuttaṃ. Yathā hi kammapathaṃ pattā kāyakammādisaṅkhātā cetanā dvārantare uppannāpi kāyakammādināmeva labhanti, na evaṃ kammapathaṃ appattā. Tā pana yattha yattha dvāre uppajjanti, tena teneva dvārena kāyaducaritaṃ vacīduccaritaṃtiādināmaṃ labhanti. Evaṃ nāmaggaṇameva hi tesamaṃ taṃtaṃdvārapakkhikakarānaṃ vuttaṃ. Teneva hi **aṭṭhakathāyaṃ** “kiñcāpi vacīdvāre copanappattaṃ kammapathaṃ, appattatāya pana kāyakammaṃ na hoti, kevalaṃ vacīduccaritaṃ nāma hoti”ti vuttaṃ.

Satipi pāṇātipātādicetanāya vacīdvārādisu pavattiyā yathāvuttayebhuyyatabbahulavuttiyā kāyakammādhāvavavattāpanaṃ kāyādikassa taṃtaṃdvārahāvavavattāpanaṃ **kammadvārābhedaṇaṃ**. Tañhi kammadvārānaṃ asaṃkiṇṇabhāvena patiṭṭhānaṃ. Yaṃ sandhāya “āṇattisamuṭṭhitesū”ti **aṭṭhakathāyaṃ** vakkhati. Keci pana “ekekasmiṃ dvāre anekesaṃ kammānaṃ pavattidassanampi dvārasaṃsanaṃ”nti vadanti. Yathā pavatto byāpādo kammapatho hoti, taṃ dassetuṃ “**ime sattā haññantū**”ti pavatti byāpādassa dassitā. Kāyadvārikacetānāya saḥakārīkaraṇabhāvato **kāyakammavohārālabhā**, abhijjhādīnaṃ parasantakassa attano pariṇāmanavasena “ime sattā haññantū”tiādinā ca appavattatā **manokammavohārārahā**, acetanāsabhāvato vā pāṇātipātādivasena abbohārikā, pāṇātipātādhāvavavattā attho. **Etthāti** abbohārikabhāve.

Dasavidhā iddhi...pe... tabbā vitthārenāti adhippāyo.

Tenādhīpetanti “akusalaṃ vacīkammaṃ manodvāre samuṭṭhātī”ti vadantena adhippetaṃ. “**Na uposathakkhandhake vutta**”nti kasmā vuttaṃ, nanu tena uposathakkhandhakato suttaṃ āhaṇanti? Kiñcāpi āhaṇaṃ, tatha avuttōyeva pana so tena vuttoti gahitoti dassento “**tatha avuttamevā**”tiādimāha.

“Sugatiduggatīsu upapajjanaṃ sukatadukkaṭakammato na hoti, khandhasivādīhi pana hoti gahetvā ‘natthi dinna’ntiādinā parāmasantassa vasena “**micchādīṭṭhi...pe... paribhaṇḍādīni karotī**”ti vutta”nti vadanti. **Abhijjhādīpadhānattāti** etena vijjāmanesupi byāpādādisu yadā kāyavacīdvāresu cetanā balavatī hoti, na tathā itare, tadā padhānabhāvato cetanā kāyakammaṃ

vacīkammanti ca vohāraṃ labhati. So kho panassā padhānabhāvo pāṇātipātādisiddhiyā viññāyati. Yādā pana tesuyeva dvāresu abhijjhādayo balavanto honti, na tathā cetanā, tadā tathā vijjamānāpi cetanā apadhānabhāvato kāyakammaṃ vacīkammanti ca vohāraṃ na labhati. Abhijjhādayo pana padhānabhāvato satipi kāyaṅgavācaṅgacopane sakena vavatthānena manokammantveva vuccantīti dasseti. Ye pana “tīsupi dvāresu kammaṃ pathabhāvena appattiyā dvārattayepi kammaṃ pathappattamanokammena saha pavattiyā ca cetanā ettha kammanti na vuccatī”ti vadanti, tehi abhijjhādīnaṃ padhānasabhāvaṃ yeva sandhāya vuttaṃ siyā. Atha vā cetanāya nippariyāyakammabhāvato pariyāyakamme anavarodhetabbatā “**abbohārikā**”ti vuttaṃ. Attano sabhāveneva pana sā etthāpi kammanti vuccati. Yathāha “cetanāhaṃ, bhikkhave, kammaṃ vadāmi”tiādi (kathā. 539). **Atthakathāyañca** “tasmim dvāre siddhā cetanā”tiādinā cetanāyeva padhānaṃ katvā vuttaṃ. Tenevāha “**sabhāveneva sā manokamma**”ntiādi. Atha vā kammaṃ pathappattaabhijjhādīhi kāyavacīdvāre saha jātā cetanā kāyavacīkammavasena abbohārikā cetanāsaṅkhātamanokammattāti. Yadi abhijjhādayo padhānā, na cetanā, evaṃ sati abhijjhādayo cettha kammaṃ, na cetanā, abhijjhādīpakkhikā vā sā siyāti anuyogaṃ manasi katvā āha “**tividhā, bhikkhave**”tiādi. “Cetanāpi...pe... manodvāre eva samuṭṭhahantī”ti idaṃ manodvāre cetanāya abhijjhādīhi manokammabhāve nibbisesabhāvadassananti katvā “**cetanā...pe... adhippāyo**”ti āha. Cetanā cetanākammaṃ, abhijjhādayo cetanāsampayuttakammanti ettakameva hi ettha visesoti. Ettha ca cetanāya kāyavacīkammabhāvo siyāti āsankāya abhāvato manodvāre akusalakāyavacīkammānaṃ anuppattīti ca abbohārikāti na vuttanti daṭṭhabbaṃ.

Virativisiṭṭhāti viratito cetanāya padhānabhāvamāha. Tattha “tividhā, bhikkhave, kāyasañcetanā”tiādinā (kathā. 539) āgamamhi “**pāṇātipātādiपापिपक्कहभूता**”ti yuttim dasseti. Yasmā ca paṭṭhāne cetanāya “kammaṃ pathappaccayo”ti vuttā, na viratī, abhijjhādayo vā, tasmā nippariyāyena kammaṃ “cetanā”ti anabhijjhādayo “cetanāpakkhikā vā”ti vuttāti veditabbam. Asaṅkarato kammaṃ dvārāni vavatthapento “**rakkhatī**”ti, vipariyāyena “**bhindatī**”ti vuttoti rakkhaṇabhindanāni anāsetvā nāsetvā ca kathananti vuttāntīti.

Kammakathāvaṇṇanā niṭṭhitā.

Tatiyo vikappo paṭhamacatutthaviññānavāresuyeva labbhati, na itarattha “sotaṃ ghāna”ntiādinā avuttattā, itarathāpi vā avibhattike niddese labbhati. Yato saṃvaravasena pātimokkhasīlaṃ pavattati, taṃ dussīlyanti āha “**dussīlyam pāṇātipātādicetanā**”ti. Itarā saṃvaravinimuttā abhijjhādomanassayuttā tappadhānā vā akusaladhammā **satipaṭipakkhā akusalā dhammā**. Ārammaṇe cittavossaggavasena pavatto akusalacittuppādo **pamādo**. Vīriyapanodanabhāvato thinamiddham “**kosajja**”nti vuttaṃ, thinamiddhappadhāno vā cittuppādo.

Asuddhatīti akevalatā aññena sammissatā. Dvārāni dvārantarikakammaṃ dvāraṃ hontaṃ tena missitaṃ viya hoti. Tenevāha “**musāvādādinopi kāyadvāre pavattisabbhāvā**”ti. Keci pana “aviññeyyamānantarānaṃ dvārantaracittānaṃ antarantarā appavattito suddhanti vutta”nti vadanti, taṃ anekassapi javanavārassa kāyakammādībhāvena pabandhanavasena pavatti atthīti katvā vuttaṃ. **Aviruddham hotīti** akusalakāyakammādībhāvena avadhāretvā asaṃvaraṃ vatvā puna tasseva vācāsaṃvaradvārādīsū uppattivacanaṃ kāyadvārūpalakkhito asaṃvaro dvārāntare pavattopi kāyadvārīko evāti evaṃ saṃvaṇṇanāya sati na virujjhatīti attho. Idāni taṃ avirujjhanākāraṃ “**asaṃvaro hī**”tiādinā vibhāveti. **Sadvāreti** attano dvāre. **Asaṃvaro dvārāntare uppajjamānopi sadvāravasena uppannoti vuccatīti** etena vācāsaṃvaradvāre uppannopi kāyiko asaṃvaro copanakāyaasaṃvaradvāravasena uppannotveva vuttoti daṭṭhabbaṃ. Esa nayo itarathāpi. **Kammaṃ aññadvāreti** kammaṃ dvārāntaracāraṇaṃ pākānti katvā vuttaṃ.

Evaṃ satīti copanasāṅkhāte kāyasaṃvaradvāre asaṃvaroti ettake eva gahite. Kammaṃ pathabhāvappattasseva kammabhāvo atthakathāyaṃ vuttoti āha “**kammaṃ pathabhāvappattatāya vacīmanokamma**”nti. **Sesanti** dvārāntarānupalakkhitaṃ. **Tathā na vuccatīti** kāyakammanti na vuccatīti attho. **Tattheva vakkhāmāti** kammaṃ pathasaṃsandane vakkhāma. “So hi kāyadvāre copanappatto akusalaṃ kāyakammaṃ hotī”tiādinā (dha. sa. atṭha. kammaṃ pathasaṃsandanakathā) “copanakāyasaṃvaradvāravasena uppanno akusalaṃ kāyakammameva hotī”tiādinā ca vacīkammādīnañca kammaṃ pathappattānaṃ asaṃvarabhūtānaṃ kāyakammādībhāve āpanne “catubbidham vacīduccaritaṃ akusalaṃ vacīkammameva hotī”tiādinā apavādena nivatti daṭṭhabbāti evaṃ vakkhāmanataṃ sandhāyāha. **Antogadhatā daṭṭhabbā** paccayasannissitājīvapārisuddhisīlānaṃ ṇāṇavīriyehi sādhetabbatīti adhippāyo.

Akusalakammaṃ pathakathāvaṇṇanā

Sarasena attano sabhāvena. Yāya cetanāya pavattamānassa jīvitindriyassa paccayabhūtesu mahābhūtesu upakkamakaraṇaṃ hetu taṃ mahābhūtapaccayā uppajjanakamahābhūtā nuppajjissanti, sā tādisapayogasamuṭṭhāpikā cetanā pāṇātipāto nāma. Laddhupakkamāni hi bhūtāni na purimabhūtāni viya visadāntī samānā jātīyānaṃ bhūtānaṃ kāraṇaṃ na hontīti. Ekassapi payogassa sahasā nippādānavasena kiccāsādhikāya bahukkhattuṃ pavattajavanehi laddhāsevanāya ca sannīṭṭhāpakacetanāya vasena payogassa mahantabhāvo. Satipi kadāci khuddake ceva mahante ca paṇe payogassa samabhāve mahantaṃ hanantassa cetanā tibbatarā uppajjātīti vatthussa mahantabhāvoti tadubhayaṃ cetanāya balavabhāveneva hotīti āha “**payoga...pe... bhāvato**”ti. **Yathāvuttapaccayavipariyāyepīti** payogavattuādi paccayānaṃ amahattepi. **Taṃtaṃ paccayehīti** guṇavantaṭādi paccayehi. Ettha ca hantabbassa guṇavantaṭāya mahāsāvajjātaṃ vatthumahantaṭāya viya daṭṭhabbā. Kilesānaṃ upakkamānaṃ dvinnānaṃ mudutāya tibbatāya ca appasāvajjātaṃ mahāsāvajjātaṃ ca yojetabbā. Pāṇo pāṇasaññitā vadhakacittañca pubbhāgasambhārā, upakkamo vadhakacetanāsamuṭṭhāpito, pañcasambhāravatī pāṇātipātacetanāti sā pañcasambhāravanimuttā daṭṭhabbā. Esa nayo adinnādānādīsūpi.

Mantaparijappanena parassa santakaharaṇaṃ **vijjāmayo**, vinā mantena parasantakassa kāyavacīpayogehi ākaḍḍhanaṃ tādīsiddhiyogena **iddhimayo** payogoti adinnādānassapī cha payogā sāhatthikādayo veditabbā.

Abhibhavitvā vītikkamane micchācāro mahāsāvajjo, na tathā ubhinnaṃ samānacchandaḥbhāve. “**Cattāro sambhārāti** vuttattā abhibhavitvā vītikkamane satīpi maggenamaggapaṭṭipattiadhiḥvāsane purimuppannasevanābhisandhipayogābhāvato micchācāro na hoti abhibhuyamānassā”ti vadanti. Sevanacitte satī payogābhāvo na pamāṇaṃ itthiyā sevanappayogassa yebhuyena abhāvato. Purisasseva hi yebhuyena sevanappayogo hotīti itthiyā puretaraṃ sevanacittaṃ upaṭṭhāpetvā nipannāyapī micchācāro na siyāti āpajjati, tasmā purisassa vasena ukkaṃsato cattāro sambhārā vuttāti daṭṭhabbaṃ. Aññathā itthiyā purisakiccakaraṇakāle purisassapī sevanappayogābhāvato micchācāro na siyāti. Keci pana “attano ruciyā pavattitassa tīṇi aṅgāni, balakkārena pavattitassa tīṇīti sabbāni aggahitaggahaṇena cattārī”ti vadanti, vīmaṃsitvā gahetabbaṃ.

Duṭṭhacittassa amaraṇādhippāyassa pharusakāyavacīpayogasamuṭṭhāpikā pharusacetanā **pharusavācā**. Maraṇādhippāye pana satī atthasiddhitadabhaḥvesu pāṇātipātā byāpādā ca honṭīti. Yaṃ pati pharusavācā payujjati, tassa sammukhāva sīsaṃ eti. “Parammukhepi pharusavācā hotī”ti vadanti.

Yadi cetanāya sabbadā kammaṭṭhābhāvābhāvato aniyato kammaṭṭhābhāvoti kammaṭṭhābhāvoti tesampi kammaṭṭhābhāvoti avacanaṃ, nanu abhijjhādīnampi kammaṭṭhābhāvoti appattānaṃ atthitāya aniyato kammaṭṭhābhāvoti tesampi kammaṭṭhābhāvoti avacanaṃ āpajjati? Nāpajjati, kammaṭṭhābhāvato pāṇātipātā byāpādā tatha vuttattā. Yadi evaṃ cetanāpi tatha vuttattā siyāti? Saccametāṃ, sā pana pāṇātipātādīkāti pākaṭo tassā kammaṭṭhābhāvoti na vuttā siyā. Cetanāya hi “cetanāhaṃ, bhikkhave, kammaṃ vadāmi,”“tividhā, bhikkhave, kāyasañcetanā akusalaṃ kāyakamma”ntiādivacanehi kammaṭṭhābhāvoti dīpito. Kammaṃyeva ca sugatiduggatīnaṃ taduppajjanasukhadukkhānaṃ pathabhāvena pavattaṃ kammaṭṭhābhāvoti vuccatīti pākaṭo tassā kammaṭṭhābhāvoti. Abhijjhādīnaṃ pana cetanāsamīhanabhāvena sucaritaduccaritabhāvoti, cetanājanitamaṃbandhatibhāvena sugatiduggatitaduppajjanasukhadukkhānaṃ pathabhāvoti cāti na tathā pākaṭo kammaṭṭhābhāvoti te eva kammaṭṭhābhāvoti vuttā. Atathājātiyattā vā cetanā tehi saddhiṃ na vuttā siyā. Vicāretvā gahetabbaṃ.

Pāṇātipātādīnaṃ ārammaṇāneva tabbiratiārammaṇānīti **pañca sikkhāpadā parittārammaṇā evāti** vacanena adinnādānādīnaṃ sattārammaṇatāvacaṇassa virodhaṃ codeti. Tathā hi vakkhati “vītikkamitabbatoyeva hi veramaṇī nāma hotī”ti. **Sayameva pariharissatīti sikkhāpadavibhaṅge** pañhapucchakavaṇṇanaṃ sandhāya vadati. Tattha hi “yasmā sattoti saṅkhaṃ gate saṅkhāreyeva ārammaṇaṃ karoti, tasmā parittārammaṇāti vuccanti”ti vuttāṃ.

Duggatātādīnīti ādi-saddena “aladdhālābho laddhavināso icchitānaṃ bhogaṇaṃ kicchapaṭilābho rājādīhi sādharāṇabhogaṭā dukkhavīhāro sāsaṅkavīhāro”ti evamādayo saṅgahitā. Keci pana “diṭṭheva dhamme bhogajānīdayo nissandaphala”nti vadanti.

Kusalakammaṭṭhābhāvānaṃ

Tāsaṅka viratīnaṃ cetanāsampayuttattā cetanādvārena sugatiduggatitaduppajjanasukhadukkhānaṃ pathabhāvoti yuttoti adhippāyo.

Kammaṭṭhābhāvānaṃ

Tathāti kammaṭṭhābhāvānaṃ. **Kecīti** dhammasiritheraṃ sandhāyāha. So hi kammaṭṭhābhāvānaṃ dussīlyādīnaṃ susīlyādīnaṃ kammaṭṭhābhāvānaṃ atthato nānattābhāvadassanaṃ, tesāṃ vā phassadvārādīhi avirodhabhāvānaṃ dīpanaṃ kammaṭṭhābhāvānaṃ sandananti vadati. **Kammaṭṭhābhāvānaṃ** etena yathāvuttānaṃ asaṃvarasaṃvarānaṃ tesāṃ vāde kammaṭṭhābhāvānaṃ sandane asaṅgahitamaṃ dasseti. Ye pana saṅgahaṃ labhanti, tesāṃ gahaṇe payojanābhāvamaṃ dassetuṃ “**tividhā...pe... dassanenā**”ti vuttāṃ. Evaṃ purimapakke saṅkhepato dosaṃ vatvā dutiyapakkehi vuttuṃ “**na ca duccharitāna**”ntiādimāha. Tena ye duccharitasucaritasasaṃvarasaṃvarā anucariyanti, tesāṃ kāyakammādītā vidhīyatīti dasseti. “Pañcaphassadvāravasena uppanno asaṃvaro akusalaṃ manokammameva hotī”tiādinā hi vuttanti. **Yadi cātiādinā** anavasesapariyādānābhāvamaṃ. **Uppatti na vattabbāti** kammaṭṭhābhāvānaṃ...pe... vadantehi “manokammaṃ chaphassadvāravasena upparijjati”ti na vattabbanti attho. Atha vā yadi kammaṭṭhābhāvānaṃ dussīlyādīni kāyakammādīnāmehi atṭhakathāyaṃ vuttānīti evaṃ vadantehi atṭhakathācariyehi manokammassa chaphassadvāravasena upparijjati na vattabbāti attho. **Taṃtaṃkammabhāvassa vuttattāti** “tividhamaṃ kāyaduccharitamaṃ akusalaṃ kāyakammameva hotī”tiādiṃ (vibha. 913) sandhāyāha.

Kammantarampi taṃdvārikakammameva siyāti pāṇātipātādīkassa vacīkammādībhāvānaṃsaṅkati. **Tasmāti** yasmā kesāñci asaṃvarānaṃ saṃvarānaṃ kammaṭṭhābhāvānaṃ natthi, kāyaduccharitādīnaṃ kammaṭṭhābhāvānaṃ nānattābhāvadassanena payojanaṃ natthi, na ca duccharitādīnaṃ phassadvārānaṃ vasena upparijjati dīpita, na cāyaṃ vidhī niravasesasaṅgahikā, kammānaṃ saṅkaro āpajjati, atṭhakathāyaṃ pubbāparavirodho, tasmāti attho. **Samānanāmatā** kāyakammādītā. **Sāmaññānāmāvijhanaṃ** kāyakammādībhāvāvijhanaṃ. **Ubhayesanti** kammaṭṭhābhāvānaṃ. **Uppattipariyāyavacanābhāvototi** etena phassadvārāsaṃvaradvārādīnaṃ taṃdvārikakammānaṃ atthato nānattābhāvāpepi tathā tathā pavattadesanāvasena te vicāritāti dasseti. “Akusalaṃ kāyakammaṃ pañcaphassadvāravasena na upparijjati”tiādikoti dutiyavinicchayo.

Kāye vācāya ca...pe... siddhitoti etena copanappattaṃ akusalaṃ manokammaṃ copanaṃ appattato visesetvā dassetuṃ

“**kāyavacikamma**”nti vuttaṃ, na pana kāyavacikammabhāvatoti dasseti. Tena kāyavacīgahaṇaṃ yathāvuttacopanappattaṃ eva vibhāvetīti daṭṭhabbaṃ. Tenevāha – “copanappattaṃ akusalaṃ kāyadvāre vacīdvāre ca manokammaṃ hotī”ti. **Taṃ**-sadde vutte **yaṃ**-saddo abyabhicāritasambandhatāya vuttoyeva hotīti katvā “**yaṃ uppajjati**”ti vuttaṃ. **Uppādamattaparicchinnenāti** chaphassadvārikakammenāti attho. **Matta**-saddena visesanivattiatthena manokammāvisesaṃ nivatteti. **Niyamassa eva-**saddassa **akatattā** “kāyavacikammameva hotī”ti avuttattā. Idāni niyamākaraṇena laddhaguṇaṃ dassento “**na pana sabbampī**”tiādīmāha.

“Niyamassa akatattā”tiādi **purimanayoti** adhippeto. Vattuadhippāyānurodhinī saddappavattīti samāsapade ekadesopi ākaḍḍhiyati adhiḥkāravasenāti adhippāyena “**kamma-saddamattena sambandhaṃ katvā**”ti vuttaṃ. **Yaṃ pana vadantīti**ādīnā ettha padakāramatassa ayuttataṃ dasseti. Tattha **cetanāpakkhikānanti** kāyavacikammabhūtacetanāpakkhikānaṃ. **Satanti** samānānaṃ. **Taṃtaṃdvārakammamapathānañcāti** idaṃ imassa cittassa kammamapathabhāvena pavattaṃ kālaṃ sandhāya vuttaṃ, na sabbadā, kammamapathabhāvena pavattanato. **Ca**-saddena vā akammamapathasaṅgaho daṭṭhabbo. Atha vā taṃtaṃdvārā ca taṃtaṃdvārakammamapathā ca taṃtaṃdvārakammamapathāti “taṃtaṃdvārā”ti padena akammamapathānaṃ samvārānaṃ saṅgaho daṭṭhabbo. **Tena sabhāvenāti** manokammassa dvārabhāvena, na attanoti adhippāyo. **Evamidhāpīti** cittajanito cittasampayuttassa kammassa dvārabhāvo cittepi upacaritoti attho. **Vattabbameva natthi** anantarapaccayabhūtamānoraḥitassa cittassa abhāvatoti.

Dvārakathāvaṇṇanā niṭṭhitā.

Kamābhāvanīyamābhāve **sabbārammaṇatādīti ādi**-saddena saṅgaṇhāti. **Na hi...pe... atthīti** padhāne asambhavato appadhānaṃ adhiḥkāriyattīti dasseti.

Dhammuddesavārakathā

Phassapañcamakarāsivaṇṇanā

“Tasmiṃ samaye phasso hotī”tiādīkāya pāliyā phassādīnaṃ kāmāvacaratādīdassane na tapparabhāvo, sabhāvadassane eva pana tapparabhāvoti dasseti “**na hi phassādīna**”ntiādīnā.

Cittakīriyābhāvenāti cittāyāpārābhāvena. Phassassa sampajjanamuppajjanameva. **Sannipatitappavattiyā paccayo hotīti** etena cittārammaṇasannipātakāraṇaṃ phasso cittārammaṇasannipātōti vuttoti dasseti. Phasso hi cittassa ārammaṇe phusanākāreneva pavattīto tassa ārammaṇe sannipatitappavattiyā paccayoti ca vuccati. Sā cassa phusanākārappavattīti sākhaḡe ṭhitāṃ disvā bhūmisaṅṭhitassa avīrakapurisassa jaṅghacalanāṃ, ambilaambapakkādīṃ khādantaṃ disvā mukhe kheluppattī, dayālukassa paraṃ haññamānaṃ disvā sarīrakampananti evamādīsu paribyaṭṭā hoti. **Tabbisesabhūtā rūpadhammāti** yathā paṭiḥhanavasena aññamaññaṃ āsannataraṃ uppajjamānesu rūpadhammavisesesu saṅghaṭṭanapariyāyo, evaṃ cittārammaṇaṃ visayakaraṇavisayabhāvappattī paṭiḥhanānākārena hoti. So ca cittaṇissito dhammaviseso saṅghaṭṭanapariyāyena vutto, yadāha “**eva**”ntiādi. Keci pana “saṅghaṭṭanaraso phasso pañcadvārikova, na itaro vatthārammaṇasaṅghaṭṭanābhāvato”ti vadanti, taṃ na yujjati upacārasiddhattā saṅghaṭṭanassa. Itarathā pañcadvārikassapi taṃ na sambhaveyyāti. Indriyamanasikāresu yathāpavattamānesu taṃtaṃārammaṇe viññānaṃ uppajjati, tesāṃ tathāpavattiyeva **viññānaṃ visayabhāvākaraṇaṃ**.

“Yaṃ kho, bhikkhave, ime pañca kāmāguṇe paṭicca uppajjati sukhaṃ somanassaṃ, ayaṃ vuccati kāmānaṃ assādo”tiādivacanato (a. ni. 9.34) sukhavedanāva assādoti āha “**assādabhāvato**”ti. **Phusanādībhāvena ārammaṇaggahaṇaṃ ekadesānubhavananti** anupacaritameva phassādīnaṃ anubhavanakiccamāha.

Nimittēnāti nīlādīnā dīghādīnā ca nimittēna. **Etenupāyēnāti** yathā ṇāṇappadhāne cittuppāde saññā ṇāṇamanuvattati, evaṃ samādhīppadhāne samādhīnti dasseti.

Pabandhatīti paṭṭhapeti sampayuttadhamme sakasakakicce paṭṭhapeti. Teneva hi tadatthaṃ vivaranto “**pavatteti**”ti āha.

Vijjamānatāvācī **hoti**-saddo, vijjamānatā ca saṅkhatadhammānaṃ uppajjanena vinā natthīti “cittaṃ na tathā atthato nuppajjati”ti vuttaṃ. Tena yasmā cittaṃ na nuppajjati uppajjati eva, tasmā cittaṃ hotīti vuttanti ayamettha aṭṭhakathāya attho. Evamavattṭhite **hoti-uppajjati**-saddānaṃ samānatthattena na kiñci payoṇaṃ dissati. Atha vā bhavanaṃ nāma sattā, sattā ca uppādādīnā samaṅgītāti phassādīnaṃ khaṇattayapariyāpannatā “phasso hotī”tiādīsu **hoti**-saddena vuttā. Tattha yo bhāvo uppādasamaṅgī, na so na hoti nāma, tasmā **uppajjati**-saddena vuccamānassa atthassa **hoti**-saddavacanīyatā na na sambhavati. **Uppannaṃ hotīti** ettha pana kiñcāpi **uppanna**-saddeneva uppādādisamaṅgītā vuccati, tabbhāvanativattīti pana **hoti**-saddena vuttā khaṇattayavīti vattepi **uppanna**-saddassa vattanato, tasmā na ettha **uppajjati**-saddena samānatthattāsaḡabbhāvadassanaṃ viya uppajjātīdassanampi virujjhati pākāṭakaraṇābhāvato. Itarathā “cittaṃ uppannaṃ hotī”ti imināva cittassa vijjamānābhāvo dassitoti kiṃ puna vijjamānābhāvadassanenāti na na sakkā vuttuṃ, samayavavattṭhānavasena savisesaṃ vuttampi cittaṃ phassādīhi sahuppattiyā suṭṭharaṃ nibbisesanti dassetuṃ cittassa puna vacanaṃ. Uddiṭṭhadhammānaṃyeva cettha niddesavāre vibhājanaṃ, na vibhaṅge viya pāliyā āruḥhasabbapadānanti “uddesavāre saṅgaṇhanatthaṃ niddesavāre vibhājanattha”nti ayampi attho niccalo. Tathā hi “yasmīṃ samaye rūpūpapattiyā maggaṃ bhāvetī”tiādīsu maggādayo na vibhattā. Apica adhipatībhāvena indriyesu viya phassavedanāsaññācetanāhi saha sabbacittuppādasādhāraṇarāsīyaṃ gahetabbattā samayavavattṭhāne vuttampi cittaṃ phassapañcamake vuttanti daṭṭhabbaṃ.

Jhānaṅgarāsivaṇṇanā

Vitakkanti vitakkanakiriya, sā ca vitakkassa attano paccayehi pavattimattamevāti bhāvaniddeso vasavattibhāvanivāraṇāya hoti. Yasmiṃ ārammaṇe cittaṃ abhiniropeti, taṃ tassa gahaṇayogyam karonto vitakko ākoṭento viya parivattento viya ca hotīti tassa ākoṭanalakkhaṇatā pariyāhananarasatā ca vuttā. Idañca lakkhaṇam kiccassannissitam katvā vuttam. Dhammānañhi sabhāvavinimuttā kāci kiriya nāma natthi, tathā gahetabbākāro. Bodhaneyyajānanurodhena pana paramatthato ekasabhāvopi sabhāvadhammo pariyāyavacanehi viya samāropitarūpehi bahūhi pakārehi pakāsīyati. Evañhi so suṭṭhu pakāsito hotīti.

Vipphāro nāma vitakkassa thinamiddhapaṭipakkho ārammaṇe anolīnatā asaṅkoco, so pana abhiniropanabhāvato calanam viya hotīti adhippāyena “**vipphāravāti vicalanayutto**”ti vuttam. **Upacārappanāsu santānena pavattiyanti** etena yathā apubbārammaṇe paṭhamābhiniṇipātābhūto vitakko vipphāravā hoti, na tathā ekasmiṃyeva ārammaṇe niranntaram anuppabandhavasena pavattiyam, nātivipphāravā pana tattha hoti sannisinabhāvatoṭi dasseti. Tenevāha “**niccalo hutvā**”tiādi.

“Pītisukhena abhisandeti”tiādivacanato (dī. ni. 1.226; ma. ni. 1.427) pītiyā pharaṇam kāyavisayanti yathā taṃ hoti, taṃ dassetuṃ “**paṇītarūpehi**”ti vuttam.

Visārassa byagghabhāvassa paṭipakkho sabhāvo avisāro, na visārābhāvamattam. Avisārāvikkhepanam samādhānabhāvato atthato viśesābhāvepi samukhena sampayuttamukhena ca ubhayam vuttanti dassetuṃ “**avisā...pe... vikkhepo**”ti vuttam. **Visesatoti** atisayenāti vā attho gahetabbo. Sukhañhi samādhissa viśesakāraṇam “sukhino cittaṃ samādhīyatī”ti (dī. ni. 3.359; a. ni. 3.96; 6.10; 11.12) vacanato.

Indriyarāsivaṇṇanā

Tatthāti saddahanasaṅkhāte adhimokkhalakkhaṇe. **Puggalo saddahatīti** imināpi saddhāya āhitavisesānam taṃsompayuttadhammānam saddahanakiriyaṃ kattubhāvameva vibhāveti. Avayavyāpāro hi samudāye voharīyatīti. Na kevalam pasādanīyavatthusmiṃ appasādanākārapavattameva akusalam assaddhiyam, atha kho appasādanīyavatthusmiṃ pasādanākārapavattampīti dassetuṃ “**micchādhimokkho**”ti vuttam. Tena pūraṇādīsu pasādassa assaddhiyatamāha. **Pasādabhūto** etena appasādabhūtam assaddhiyam nivatteti. **Vatthugatoti** iminā micchādhimokkham. “Pasādabhūto nicchayo”ti iminā pana vibhāvitamevattham pākātam karonto “**na yevāpanakādhimokkho**”ti āha. Akālussiyam pasādo, taṃ pana asaṅkhobhabhāvato “**anāvīlabhāvo**”ti vuttam. Tañhi sampayuttesu vidahantī saddhā akālussiyapaccupaṭṭhānā. **Evametanti** adhimuccanākārena pana gahetabbatā adhimuttipaccupaṭṭhānā. **Buddhādivatthūnīti** ettha idhalokaparalokakammaphalasambandhāpi saṅgahitāti daṭṭhabbam. “Saddhāhattho, mahānāma, ariyasāvako”ti, “saddhīdha vittaṃ purisassa seṭṭha”nti (saṃ. ni. 1.246; su. ni. 184), “saddhā bījam tapo vuṭṭhī”ti (saṃ. ni. 1.197; su. ni. 77) evamādivacanato kusaladhammānam ādānādīsu hatthādayo viya saddhā daṭṭhabbā.

“Idha bhikkhunā kammaṃ kattabbam hoti. Tassa evam hoti ‘kammaṃ kho me kattabbam bhavissati, kammaṃ kho pana me karontassa na sukaram buddhānam sāsanaṃ manasi kātum, handāham vīriyam ārabhāmi appattassa pattiya anadhigatassa adhigamāya asacchikatassa sacchikiriya’”ti (dī. ni. 3.335) –

Ādikā anurūpapaccavekkhaṇā.

Taṃmūlakānīti gantabbamaggādīmūlakāni. Ettha ca **maggo gantabbo hotīti**ādayo aṭṭhakathāyam dassanavaseneva vuttā, na pāḷiyam āgatānukkamenāti daṭṭhabbam.

Karaṇādīkāle viya cirakatādiārammaṇam vibhūtam katvā pavattanti sati taṃ upagantvā tiṭṭhanti anissajjanti ca hoti. Yam ārammaṇam sammuṭṭham, taṃ pilavitvā gataṃ viya calitam viya ca hoti, tappaṭipakkhabhāvena pana asammuṭṭhanti imamattam dassento “**udake alābu viyā**”tiādimāha. Tattha **sāraṇanti** etena “saranti tāyā”ti imamevattham vibhāveti. Saraṇakiriyaṃ hi pavattamānānam dhammānam tattha ādhīpaccabhāvena sati paccayo. Tassā hi tathā paccayabhāve sati te dhammā sārītā asammuṭṭhakatā apilāvitāhontīti. “Imehi nāma hetūhi paccayehi ca ete dhammā sambhavanti”ti **sambhavato**. “Imam nāma phalam nibbattenti”ti **phalato** dhammā uppajjanena vipaccanena ca nipphannā nāma hontīti. **Vatthubhūatīti** ārammaṇabhūatī.

Satipi sabbesam sārammaṇadhammānam ārammaṇaggahaṇe na cittaṃ viya pare paricchijjagāhinoti “**paricchinnopaladdhivasena jānāti**”ti cittaṃ vuttam. Cetasikesu hi keci visayam paricchijja gahetuṃ na sakkonti, keci pana paricchadamatteyeva tiṭṭhanti, na viññāṇam viya visayam gaṇhantīti ye āsaṅkitabbā, tesu tadabhāvam dassento “**na saññā... pe... vijjhanavasena**”ti āha.

Pītiyā ca somanassabhāvo āpajjatiti idaṃ pīti ca somanassaṇca pītisomanassanti pītisomanassānam tulyayogam sandhāya vuttam. Somanassasseva pana “ājaññaratho”ti viya pītiyuttam somanassam pītisomanassanti padhānabhāvo icchitoti na pītiyā somanassabhāvappatti. Na hi padhāne vijjamāne appadhānam upayujjati, pītiggahaṇaṇicettha pītiyuttassa somanassassa yebhuyena bhāvato paribhattakiccatto ca kataṃ, na ca nippitikasomanassassa asaṅgaho. Ruḷhisaddesu kiriyaṃ anaccantikabhāvato. Pītiyā pana upalakkhaṇabhāvena ayamatto suṭṭhu yujjati dassento āha “**pītiupalakkhitam vā**”tiādi.

Pavattaṃ upādinakkhandhaṃ. **Ciraṭṭhitikaṃ hotīti** etena na kevalaṃ anupāletabbadhammānaṃ khaṇaṭṭhitiyāyeva, atha kho pabandhānupacchedassa jīvitam kāraṇanti dasseti. Aññathā hi āyukkhayamaraṇaṃ na yujjeyyāti. **Avisesenāti** kāraṇavisesānapekkhena jīvitindriyatāsāmaññena. Yadi pi arūpāsāññābhavesu rūpārūpadhammā nappavattanti, tehi pana purimacchimabhavesu carimapaṭhamadhammā samānājatīyena abyavahitatāya nirantarāyeva nāma hontīti “**yāva parinibbānaṃ avicchinnaṃ pavattati**”ti vuttaṃ. **Anupālanādikassāti** anupālanapavattanaṭṭhapanāniyeva vadati. **Jīvamānavisesappaccayabhāvato**ti saha jātānaṃ jīvamānatāvisesassa paccayabhāvato. Indriyabaddhassa hi matarūpato kammajassa ca utujādito viseso jīvitindriyakatoti.

Maggaṅgarāsivaṇṇanā

Aviparītanīyānikabhāvenāti idaṃ **sammā-saddassa diṭṭhi-**ādisaddānañca samānādhikaraṇatāvasena diṭṭhiādīnaṃ avisesabhūtassa niyyānikabhāvassa sammā-saddena visesitabbatā vuttaṃ. Aviparītattho hi sammā-saddo, na niyyānikatthoti. Aviparītanīyānikattho eva vā sammā-saddo. Anekathā hi nipātāti. **Evamevāti** aviparītanīyānikabhāvena.

Balarāsivaṇṇanā

Patissavo vacanasampañjigahoti adhippāyena “**sappatissavaṃ patissavabhūtaṃ taṃsabhāgañca yaṃ kiñci gāra**”nti āha. **Tattha tattha pākaṭṭhabhāvenāti** ajjhatabhūtesu jātīyādīsu bahiddhābhūtesu bhikkhūādīsu hirottappānaṃ anurūpapaccavekkhaṇavasena sasambhārapathavīdīsu pathavīdhātuādīnaṃ viya vibhūtakiccabhāvenāti attho.

Mūlarāsivaṇṇanā

Evañhi upamāya sametīti yathā asucimhi patitapurisassa satipi kāyena allīyane bhāvo anallīno, evaṃ alobhopi ārammaṇakaraṇavasena gahitepi ārammaṇe alaggabhāvena anallīnabhāvo anallīnākāro eva pavattati. Evaṃsabhāvo hi so dhammoti. Kiñci dussīyaṃ dosasamuṭṭhānaṃ sabbampi dussīyaṃ dosūpanissayanti “**dosasamuṭṭhānataṃ dosūpanissayatañca**”ti vuttaṃ. Tena adoso dosasseva ujvipaccanīko, taṃmukhena dussīyassāti dasseti.

Tattha jātānaṃ dhammānaṃ anativattanaṭṭhena...pe... āsevanaṭṭhena bhāvanāti yo so ekattupagato paṭhamajjhānādiappanācittuppādo āsannūpacārāhitaviseso nīvaraṇādi paripanthavisuddhiyā visuddho, tadāvaraṇavisayavirahena ca samappavattaappanāsamādhisaṅkhātāṃ majjhimaṃ samathanimittaṃ paṭipanno, evaṃ paṭipannattā eva tathupagamanena tattha ca pakkhanda, visodhetabbassa vikkhepassa kilesasaṃsaggassa ca abhāvato visodhanasamādhānakattupaṭṭhānābyāpāravirahena visuddhisamathapaṭipattiekattupaṭṭhānākāre ajjupekkhanto abhīyattarūpāya saha jātātamajjhātupekkhāya kiccavasena upekkhānubrūhito, tasmīmyeva jātā samādhīpaññāsānkhātā yuganaddhadhammā. Te yathā aññaṃ anativattamānā hutvā pavattanti, evaṃ bhāvanā brūhanā. Tathā yāni tattha saddhādīni indriyāni nānākīlesehi vimuttattā vimuttirasena ekarasāni hutvā pavattāni. Yañca tattha tadupagaṃ, tesam anativattanaekarasabhāvānaṃ anucchavikaṃ vīriyaṃ vāhīyati pavattīyati, yā cassa tasmīṃ khaṇe pavattā paguṇabalavabhāvāpattisaṅkhātā āsevanā. Sabbesaṃ etesaṃ ākāraṇaṃ bhāvanā uppādanā vaḍḍhanā, ayaṃ **tattha jātānaṃ... pe... āsevanaṭṭhena bhāvanā** nāma.

Yasmā pañāyaṃ bhāvanākāro “paṭhamassa jhānassa paṭipadāvisuddhi ādī”tiādīnāpi (paṭi. ma. 1.158) **pāliyaṃ** āgato eva, ñāpena ca saṃkilesavodānesu taṃ taṃ ādīnaṃ ānisaṃsañca disvā tathā tathā nipphādetabbo, tasmā “**evaṃ vuttāya paññāsādhānāya bhāvanāyā**”ti vuttaṃ. **Appavattīti** yasmīṃ dhamme sati yathāvuttā bhāvanā nappavattati, so dhammo paṭipakkhabhāvanāparāmasanena abhāvanāti vuttoti adhippāyo. Na hi abhāvamattassa amoho paṭipakkhoti yujjati. **Tappaṭipakkhabhūtā akusalā** kāmacchandādayo daṭṭhabbā. Pamādaviseso vā **abhāvanā**. So hi “kusalānaṃ vā dhammānaṃ anāsevanā abhāvanā abahulīkamma”ntiādīnā niddīṭhōti.

Ekantena alabbhaneyyadassanattaṃ “**jarādhammo**”ti vuttaṃ. Tathā hi pāliyaṃ “jātidhammānaṃ, bhikkhave, sattānaṃ evaṃ icchā uppajjati”tiādīnā (ma. ni. 3.373) icchitālābho vibhatto. Alobhānubhāvena kāyānupassanāya, amohānubhāvena cittadhammānupassanāya siddhi pākaṭṭhāyevāti apākaṭṭhaṃ adosānubhāvena vedanānupassanāsiddhiṃ vibhāvanto “**sukhavipariṇāme**”tiādīnāha. Ayañca yojanā alobhādīnaṃ visesapaccayataṃ sandhāya katā, avisesena pana sabbe sabbesaṃ paccayā. Sabhāvato saṅkappato ca uppannassa dukkhassa asahanavaseneva uppajjati doso taṃdassanassa **āsanna paṭipakkho**, na rāgo viya dūrapaṭipakkho.

Kamma patharāsivaṇṇanā

Abhijjhādayo viya anabhijjhādayopi na ekantaṃ kamma pathabhūteyevāti āha “**kamma pathatāṃsabhāgatāhi**”ti. Manokamma pathabhāvena pavattanakammabhāvato hi etesaṃ kamma patharāsibhāvena saṅgaho, na sabbadā kamma pathāyevāti. Tena yo aññopi dhammo aniyato kamma pathabhāvena pākaṭṭha ca, tassapi kamma pathatāvacaṇaṃ na virujjhatīti dasseti.

Passaddhādiyugalavaṇṇanā

Samanti sammā. Cetiya vandana diatthanti cetiyavandanādi hetu. Samathacatusaccakammaṭṭhānavasena tabbhedavasena ca

sabbakammaṭṭhānabhāvanābhīyuttānaṃ mudumajjhimatikkhindriyatādibhedavasena sabbayogīnaṃ cittassa līnuddhaccādikālavasena sabbadā hitāhitadhammūpalakkhaṇabhāvato yathāsabhāvaṃ paṭivedhabhāvato ca satisampajāññānaṃ paṭibandhakaharaṇabhāvanāvaḍḍhanāni avisesato daṭṭhabbāni. Yathā appanākosallena vinā samatho samathamantarena yathābhūtavobodho ca natthīti nānākkhaṇikā samādhīpaññā aññamaññassa visesakāraṇaṃ, evaṃ paṭivedhe ekakkhaṇikāpīti dassento āha “**aññamaññam nimittabhāvenā**”ti. Paññāya hi sātisayaṃ avabhāsiyamāne visaye samādhī ekattavasena appetuṃ sakkoti, samādhimhi ca majjhimaṃ samathanimittaṃ paṭīpanne paññā ārammaṇesu visadā vahatīti. **Samam pavattāti** aññamaññānativattanena samam avisamaṃ ekarasabhāvena pavattā. Aññamaññāsahāyabhāvūpagamanena yogino manorathadhurākaḍḍhane rathadhurākaḍḍhane viya ājāneyyayugo yugalako hutvā aññamaññānativattamānena naddhā baddhā viyāti vā **yuganaddhā**. Adhicittamanuyuttehi vīriyasamādhayo samam yojetabbāti imassa visesassa dassanattaṃ pubbe gahitāpi te puna gahitāti dassetuṃ vīriyasamādhīyojanatthāyāti aṭṭhakathāyaṃ vuttaṃ. Taṃ pana samādhivīriyayogassa vibhāvanam hotīti “**yogavacanatthāyāti attho**”ti āha.

Yevāpanakavaṇṇanā

Yathā tathā vāti sammā micchā vā. **Anadhimuccantoti** “idaṃ karissāmi, etaṃ karissāmī”ti evaṃ pavattapubbabhāgasanniṭṭhānhetukena payogakālasanniṭṭhānena anicchinanto. Yattha hi anicchayo, tattha appaṭipatti evāti. **Samsappanaṃ** saṃsayo. So hi “āsappanā parisappanā”ti vutto. Asatipi byāpāre tatramajjhataṭṭhāya sati taṃsampayuttadhammā sakasakakiccavasena anūnānadhikatāya alīnaanuddhatatāya ca saṃvattantīti sā tesam tathāpavattiyā paccayabhūtā ūnādhikabhāvaṃ nivāreti viyāti **ūnādhikanivāraṇarasā** vuttā. Tathā pavattipaccayattāyeva tesu dhammesu majjhataṭṭhāti ca vuttā.

Jhānapadassāti jhānasaddassa. Tesūti pañcasu. **Pañca hi aṅgāni jhānapadassa atthoti** idaṃ saṃvaṇṇiyamānattāyeva imaṃ cittuppādaṃ sandhāya vuttaṃ. Na hi sabbasmiṃ cittuppāde pañceva jhānaṅgāni. **Padasamūho** vākyam, **padakoṭṭhāso vā** phassapañcamakādi dhammarāsi. **Vuttaṃ pūritanti** chapaṇṇāsādītāya pūraṇavasena. Phassapaccayā vedanā “phuṭṭho vedeti, phuṭṭho sañjānāti”tiādivacanato (saṃ. ni. 4.93) phasso vedanādīnaṃ paccayo. Yadipi chandādayo yathāvuttarāsikiccabhāvato tesu na vattabbā, viṣuṃ rāsiantarabhāvena pana sarūpato vattabbāti codanaṃ manasi katvā “**vuttānampi**”tiādimāha.

Dhammuddesavārakathāvaṇṇanā niṭṭhitā.

Kāmāvacarakusalaṃ

Niddesavārakathāvaṇṇanā

2. **Santeti** sabhāvato vijjāmāne. Phassassa visayavisayīnaṃ sannipatanākārena gahetabbatā phusanaṃ visaye cittassa sannipatanaṃ vuttaṃ. “Cintanaṭṭhena cittaṃ, mananaṭṭhena mano”tiādinā cittādisaddā cintanādībyāpāramukhena attano atthaṃ vibhāventīti āha “**cittaṃ manotiādīsu viya kiccavisesaṃ anapekkhitvā**”ti. Yathā loke vikatameva vekataṃ, visayo eva vesayanti vuccati, evaṃ mano eva mānasanti saddamattaviseso. **Nilādi-saddā** viya vatthādīsu cittesu parisuddhabhāvanibandhanā **paṇḍarasaddassa** pavattīti tassa **guṇavisesāpekkhatā** vuttā. Yathā kāyikaṃ sātanti ettha kāyappasādanissanti attho, evaṃ **cetasikaṃ sātanti** ettha cetanissitaṃ sātanti **nissayavisesāpekkhatā** vuttā. Ekakkhaṇikā nānākkhaṇikā ca cittassa ṭhīti nāma, tassa avatthāvisesoti **avatthāvisesāpekkho** cittassa ṭhīti evaṃpakāro niddeso. “Na lubbhatī”ti vuttassa cittassa, puggalassa vā pavattiākārabhāvena alubbhanāti alobho vuttoti **aññassa kiriyābhāvavisesāpekkho alubbhanāti** niddeso. Vuttanayeneva alubbhitassa bhāvo **alubbhitattanti** ayaṃ niddeso **aññassa bhāvabhūtāvīsesāpekkho** vutto. Kattukaraṇabhāvādayo sabhāvadhammānaṃ ajjhāropanavaseneva sijjhanti, bhāvaniddeso pana ajjhāropanānapekkho, tatoyeva ca visesantaravinimutto vinivatto visesato nijjivabhāvāgibhāvato sabhāvaniddeso nāma hotīti phassoti idaṃ phusanaṭṭhena “**dhammamattadīpanaṃ sabhāvapada**”nti vuttaṃ. Ārammaṇaṃ phusantassa cittassa pavattiākāro phusanabyāpāro hotīti “**phusanakiriyā phusanākāro**”ti vuttaṃ. Samphusanāti saṃ-saddo “samudayo”tiādīsu viya samāgamatthadīpakoti āha “**samāgamaphusana**”ti. “Phusāmi nekkhammasukha”ntiādīsu (dha. pa. 272) paṭilābhopi phusanaṃ samphusanāti ca vuccatīti āha “**na paṭilābhasamphusana**”ti.

Aparena vevacanena. Bahussutabhāvasampādīkāya paññāya **paṇḍiccapariyāyo**. Sippāyatanādīsu dakkhatābhūtāya **kosallapariyāyo**, yattha katthaci tikkhasukhumāya **nepuññapariyāyo**, sammā dhamme paññāpentiya **vebhāyāpariyāyoti** evamādinā tesu tesu paññāvisesesu te te pariyaṃvisesā visesena pavattāti tesam paññāvisesānaṃ nānākalē labbhamānāta vuttā, **itarepi anugatā honti** yebhuyyenti adhippāyo. **Atthanānattena** paññādiatthavisesena. **Kodho kujjhanā kujjhitattanti** evaṃpakāra niddesā sabhāvākārabhāvādīpanavasena byañjanavaseneva vibhāgavacanam. Paṇḍiccantiādayo paññāvisesānibandhanatā atthavasena vibhāgavacananti imamatthamāha “**atha vā**”tiādinā. **Evamākāro panāti** purimākārato viseso atthato vibhattigamanassa kāraṇaṃ vuttaṃ.

Paṭikkhipanaṃ paṭisedhanaṃ paṭikkhepo, tassa nānattaṃ viseso paṭikkhepanānattaṃ, saddhammagarutāya paṭikkhepo saddhammagarutāpaṭikkhepo, tena saddhammagarutāpaṭikkhepena nānattaṃ **saddhammagarutāpaṭikkhepanānattaṃ**. Taṃ saddhammagarutāpaṭikkhepanānattaṃ pana kodhagarutādibhedabhinnanti “**kodhagarutādivisiṭṭhena**”ti vuttaṃ. Kodhādīhi visiṭṭho bhinno saddhammagarutāya paṭikkhepo paṭisedhanaṃ kodhādivisiṭṭhapaṭikkhepo. Kodhagarutādiyeva, tassa nānattena **saddhammagarutāpaṭipakkhanānattenti** kodhagarutā saddhammagarutāya paṭipakkho. Makkhalābhasakkāragarutā saddhammagarutāya paṭipakkhoti saddhammagarutāya paṭipakkhabhāvavisesena asaddhammagarutā tabbhāvena ekībhūtāpi

nānattaṃ gatā. Yasmā pana **kodho** atthato dosoyeva. **Makko** dosappadhānā paraṇaviddhaṃsanākarappavattā akusalā khandhā. Taggarutā ca tesam sādaraabhisankharaṇavasena pavattanameva. **Lābhagarutā** catunnaṃ paccayānaṃ sakkāragarutā, tesameva susankhatānaṃ laddhakāmata. Tadubhayesu ca ādarakiriya tathāpavattā icchāyeva, tasmā “saddhammagarutāpaṭipakkhanānattena asaddhammā nānattaṃ gatā”ti vuttaṃ. Tathā hi cattāro asaddhammā icceva uddiṭṭhā. **Asaddhammagarutā**ti ettha ca purimasmiṃ vikappe “na saddhammagarutā”ti saddhammagarutā na hotīti attho. Dutiyasmiṃ saddhammagarutāya paṭipakkhoti saddhammagarutā eva vā paṭipakkho, tassa nānattena **saddhammagarutāpaṭipakkhanānattenā**ti evamettha attho daṭṭhabbo. Kodhamakkhagarutānañhi saddhammavisesā pavattibhedabhinnā mettā paṭipakkho. Lābhasakkāragarutānaṃ appicchatā santosā. Tena kodhagarutā na saddhammagarutāti kodhagarutā kāyaci saddhammagarutāya paṭipakkhoti ayamatto vutto hoti. Tathā makkhagarutādīsipi. Evañca katvā “cattāro saddhammā saddhammagarutā na kodhagarutā...pe... saddhammagarutā na sakkāragarutā”ti (a. ni. 4.44) āgatantipi samatthitā bhavati. Lobho na hotīti **alobho** lubbhanā na hotīti **alubbhanā**ti evamādiko alohotiādīnaṃ lobhādivisiṭṭho paṭikkhepo “phasso phusanā”tiādikehi visadisabhāvato “**phassādīhi nānatta**”nti vutto. **Phassādīhī** cettha alubbhanādayopi **ādi**-saddena saṅgahitāti daṭṭhabbaṃ. **Lobhādipaṭipakkhenā**ti “lobhapaṭipakkho alobho”tiādīnā yojetabbaṃ. Sesam purimasadisameva. Alobhādosāmohānaṃ vidhuratāya paṭipakkhabhāvena ca labbhamāno aññamaññavisadiso lobhādivisiṭṭhapaṭikkhepabhāvena lobhādipaṭipakkhabhāvena ca viññayatīti āha “**alobhā...pe... yojetabba**”nti. Bahūhi pakārehi dīpetabbatthā **mahatthā**. **Ādaravasena** sotūnaṃ.

3. Yadipi ekasmiṃ khaṇe ekameyeva ārammaṇaṃ hoti, chasupi pana ārammaṇesu uppattirahattā “**tehi vā**”tiādi vuttaṃ. **Tassā**ti sātassa sukhassa. **Jātā**ti etassa atthaṃ dassetuṃ “**kāraṇabhāvena phassatthaṃ pavattā**”ti vuttaṃ. Iduṃ vuttaṃ hoti – yathā cetasikasātasankhātā somanassavedanā saheva uppajjati, evaṃ tadanurūpaphassasahitā hutvā pavattā tajjati vuttā. **Sādayatī**ti adhiḡamāsīsāya anaññaninnaṃ karoti.

5. Na **tassā tajjati**ti tassā manoviññādhātuyā tassārūpā “tassa jātā”ti vā ubhayathāpi tajjati na yujjati. Yadipi phasso viññāssa visesapaccayo na hoti, tathāpi so tassa paccayo hotiyevāti tassa tajjāmanoviññādhātusamphassajātā vattabbāti codanaṃ sandhāyāha “**na ca tadevā**”tiādi. **Tehi ārammaṇehi jātā tajjati**ti imināpi atthena tajjā manoviññādhātusamphassajāti vattum na sakkā. Viññāssa pana tajjātapaññāti labbhateva. Tathā hi “kiṃ vā etenā”tiādīnā phassādīnaṃ tathā desetabbaṃ āha.

7. Cittassa ārammaṇe ānayanākarappavatto vitakko atthato ārammaṇaṃ tattha ākaḍḍhanto viya hotīti “**ārammaṇassa ākaḍḍhanaṃ vitakkana**”nti vuttaṃ.

8. Ārammaṇassa anumajjanākarappavatto vicāro tattha paribbhanto viya samantato caranto viya ca hotīti “**samantato caraṇaṃ vicaraṇa**”nti vuttaṃ.

11. **Tathā avaṭṭhānamattabhāvato**ti pāṇavadhādisādhanaavaṭṭhānamattabhāvato, na balavabhāvato adhippāyo.

14. Yena dhammena citte ārammaṇaṃ upatiṭṭhati jotati ca, so dhammo upaṭṭhānaṃ jotananti ca vuttoti āha “**upaṭṭhānaṃ jotanañca satiyevā**”ti.

16. **Saṅhaṭṭhenā**ti sukhumaṭṭhena.

30. **Bhāvoti** hiriyaṇaṃ vadati.

33. **Na byāpādetabboti abyāpajja**-saddassa kammaṭṭhatam āha.

42-43. Yadi anavajjadhammānaṃ sīghasīghaparivattanasamatthā lahutā, sāvajjadhammānaṃ kathanti āha “**avijjānīvaraṇā**”ntiādi. **Tesam bhāvo garutā**ti etena satipi sabbesam arūpadhammānaṃ samānakhāṇatte mohasampayuttānaṃ sātisayo dandho pavattīkāroti dasseti. So pana tesam dandhākāro santāne pākāṇo hoti.

44-45. Appaṭiḡhāto avilomaṇaṃ.

46-47. **Kilinnanti** avassutaṃ.

50-51. **Paccosakkaṇaṃ** māyā yā accasarātipi vuccati. **Arumakkhanaṃ** vaṇālepanaṃ. Veḷu eva dātābbabhāvena pariggaḡhito **veḷudānaṃ** nāma.

Niddesavārakathāvaṇṇanā niṭṭhitā.

Koṭṭhāsavārakathāvaṇṇanā

58-120. **Teti** phassapañcamakādayo. **Saṅgahagamanenevā**ti sādharmaṇatādīnā kenaci sadisatālesena, na phassādayo viya visum dhammabhāvenevāti attho. **Tathā avippakiṇṇattā**ti phassādayo viya sarūpena visum visum avuttattā. Yadipi chandādayo

saṅghasauññatavāresupi sarūpena na vuttā, khandhāyatanadhātūrāsīsu pana saṅgahitāyevāti dassetuṃ “**yasmā panā**”tiādīmāha. **Taṃnidde**seti saṅkhārakkhandhaniddese. Khandhānaṃ dhātāyatanabhāve byabhičārābhāvato akhandhabhāvanivāraṇena anāyatanādhātubhāvanivāraṇampi daṭṭhabbaṃ. **Na yevāpanakā ṭhapetabbāti** khandhādirāsiantogadhatam sandhāya vuttam. Uddesādīsu pana “yevāpanātveva vuttānaṃ tesam tathāyeva saṅgaho yutto”ti aṭṭhakathāyaṃ “ṭhapetvā yevāpanake”ti vuttam. Sarūpena avuttānampi cittuppādapariyāpanānaṃ khandhādibhāvo na vāretabboti na yevāpanakā ṭhapetabbāti vuttanti ubhayesampi adhippāyo veditabbo.

Āhārapaccayasāṅkhātenāti upatthambhakapaccayasāṅkhātena. So ca āhāraṇaṃ upatthambhakabhāvo pākaṭoti katvā vutto, na janakattābhāvato. Ojaṭṭhamakarūpassa hi vedanādīnaṃ āhāraṇato tesam janakattam labbhatīti. Yadi upatthambhako idha paccayoti adhippeto, kabalīkārāhārassa tāva hotu, itaresam kathanti āha “**yathā hī**”tiādi. **Sahajātādipaccayeti** sahaajātaaññamaññanissayasampayuttaatthiavigatapaccaye vadati, mahācatukkaṃ vā, **ekenākārenāti** rūpārūpanaṃ upatthambhakattena upakārābhāvamāha. So eva ca nesaṃ āharaṇakiccaṃ. “Saṅkhārapaccayā viññāṇa”nti vacanato cetanāya viññāṇassa paccayabhāvo sātisayoti āha “**viññāṇaṃ visesenā**”ti.

Yathāgatamaggoti vutto kāraṇaphalānaṃ abhedūpacārenāti daṭṭhabbaṃ, nānākkhaṇiko aṭṭhaṅgikamaggo upanissayo etassāti **aṭṭhaṅgikamaggūpanissayo**. Ariyamagassa yathāgatamaggapariyāyo vuccamāno tassa yā purimakālabhūtā abhedopacārasiddhā āgamaṇāvathā tato nātivilakkhaṇāti imamattam vibhāvetīti āha “**pubbabhāga...pe... dīpitā**”ti. Viññāṇassa cittavicittatā vijānanabhāvavisesā evāti āha “**vijānanameva cittavicittatā**”ti. **Vedanākkhandhādīnanti ādi-**saddena “dvāyatanāni hontī”tiādīsu vuttamanāyatanādayopi saṅgaṇhāti. **Tappaṭikkhepoti** tassa jātiniddesabhāvassa paṭikkhepo. **Kato hotīti** etena āhāriyāyājanamaggaṇaṃ yattakā imasmim citte labbhanti, te sabbepi “eko viññāṇāhāro hotī”tiādīna avuttāpi atthato vuttāyevāti dasseti. Esa nayo aññatthāpi.

Koṭṭhāsavārakathāvaṇṇanā niṭṭhitā.

Suññatavārādivaṇṇanā

121-145. Yathāvutte samayeti vuttapakārasamūhe.

146. Ussāhanam pesanaṃ niyojanaṃ.

156-159. Nātisamāhitāyāti nānāvajjanūpacāraṃ sandhāya vadati. **Yevāpanakehipi nibbisesatam dasseti** karuṇāmudītānampi uppajjanato.

Kāyavacīkiriya kāyavacīpavatti, viññatti eva vā. **Asamattabhāvananti** pubbabhāgabhāvanamāha.

Kāmāvacarakusalavaṇṇanā niṭṭhitā.

Rūpāvacarakusalam

Catukkanayo

Paṭhamajjhānakathāvaṇṇanā

160. Uttarapadalopam katvā “rūpabhavo rūpa”nti vutto, “rūpī rūpāni passati (ma. ni. 2.248; 3.312; dha. sa. 248; paṭi. ma. 1.209), rūparāgo”tiādīsu (dha. sa. 363) viyāti daṭṭhabbaṃ. Payogasampādītassa rūpajjhānassa rūpabhavātikkamassapi upāyabhāvato yathā rūpūpapattiyā eva maggoti ayaṃ niyamo na yujjati, evaṃ paccayantaravikalatādīhi rūpūpapattiyā anabhinipphādakassapi atthibhāvato rūpūpapattiyā maggo evāti ayampi niyamo na yujjati. Evañca sati yadeva rūpūpapattiyā nipphādakam, tasseva sampayuttassa rūpāvacarakusalabhāvo, na anabhinipphādakassāti ayamatto āpannoti codanaṃ samuṭṭhāpeti **na sabbassa kusalajjhānassāti**ādīna. Tattha sāmāññasaddopi adhikārasena visesaniddiṭṭho hotīti “**kusalajjhānassa maggabhāvo**”ti vuttam.

Rūpūpapattijanakasabhāvo rūpabhavavipaccanasabhāvoti tassapi vipākadhammabhāve satipi sabbakusalākusalasādhāraṇaṃ vipākadhammabhāvasāmāññaṃ “vipākadhammabhāvo viyā”ti udāharaṇabhāvena vuttam. Sāmāññaṃ hi visesato bhinnaṃ katvā vohariyātīti. **Sabbasamānoti** rūpūpapattiyā nipphādakassa paccayantaravikalatādīhi anipphādakassa ca sabbassa yathādhigatassa jhānassa sādāhāraṇo. Etena uttarapadāvadāhāraṇassa pariggahitānaṃ dasseti. “Ito añño maggo nāma natthī”ti imināpi sajātiyā sādāhāraṇo aññajātivinivattiyā anaññasādāhāraṇo imassa jhānassa rūpūpapattiyā upāyabhāvo vuttoti daṭṭhabbaṃ. **Itare dve** saddhā hirī ca. Yadi paṭipadāya sādhetabbato puggalapubbaṅgamāya desanāya bhāvetena samayavavattānaṃ kataṃ. Paṭipadārahitesu kathanti āha “**kesaṇcī**”tiādi. Tattha **kesaṇcīti** samathabhāvanāya katādhikāraṇaṃ. Tesāhi maggādhigamanato pubbe anadhigatajjhānaṃ paṭisambhidādayo viya maggādhigameneva tāni samijjhanti.

Aññānāti ariyamaggasiddhito aññāni. **Tesupīti** ariyamaggena siddhattā paṭipadārahitesupi. Nanu ca ariyamaggasiddhassapi āgamanavasena paṭipadā upalabbhatiyeva. Itarathā “na kāmāvacaraṃ viya vinā paṭipadāya uppajjati”ti, “bahutaraṃ

lokiyajjhānampi na vinā paṭipadāya ijhatī”ti ca vacanaṃ virujjheyāti? Na, yebhuyyena gahaṇato puggalavisesāpekkhattā ca. Ariyamaggasamijjhanakañhi jhānaṃ kassacideva hoti, tasmā itaraṃ bahutaraṃ lokiyajjhānaṃ puthujjanassa ariyassa ca akatādhikārassa na vinā paṭipadāya sijjhatīti tesam vasena vuttaṃ. Ariyamaggasiddhassapi jhānassa vipākānaṃ viya kusalena ariyamaggena sadisattābhāvato atabbipākattā ca na maggāgamanavasena paṭipadā yujjati, evamassa paṭipadāviraḥo siddho. Evañca katvā suddhikanavakadesanāpi suṭṭhu nīta hoti. Tathā ca vakkhati lokuttarakathāyaṃ “lokiyajjhānampi”tiādi (dha. sa. mūlaṭī. 277).

Vaṭṭasayassa visesapaccayabhūtāya taṇhāya tanukaraṇavasena vivatṭasayassa vaḍḍhananti āha “**taṇhāsamkilesasodhanena āsayaposana**”nti. Āsayapōsananti ca jhānabhāvanāya paccayabhūtā pubbayogādivasena siddhā ajjhāsayasampadā. Sā pana taṇhupatāpavīgamena hotīti āha “**taṇhāsamkilesasodhanenā**”ti.

Thinamiddhādīnanti thinamiddhauddhaccakukkuccavicikicchānaṃ. **Pahānanti** pahāyakaṃ.

Taṃsadisesūti mahaggatabhāvādīnā paṭhamajjhānasamādhisadesu.

Pītisukhavantaṃ jhānaṃ pītisukhanti vuttaṃ yathā arisoti dassento “**pītisukha...pe... akāro vutto**”ti āha. Maggassapi vā nibbānārammaṇato tathalakkhaṇūpanijjhānatā yojetabbā. **Asammosadhammanti** avināsabhāvaṃ.

Dutiyajjhānakathāvaṇṇanā

161-162. Diṭṭhādīnavassa taṃtaṃjhānakkhaṇe anuppajjanadhammatāpādanaṃ vūpasamaṃ virajjanaṃ pahānañcāti idhādhippetavitakkādayoyeva jhānaṅgabhūtā tathā karīyanti, na taṃsampayuttaphassādayoti vitakkādīnaṃyeva vūpasamādivacanaṃ nīyāgataṃ. Yasmā pana vitakkādayo viya taṃsampayuttadhammāpi etena etaṃ oḷārikanti diṭṭhādīnavā eva, tasmā avisesena vitakkādīnaṃ taṃsahajātānañca vūpasamādikē vattabbe vitakkavicārādīnaṃyeva vūpasamādikāṃ vuccamānaṃ “adhikavacanamaññamatthaṃ bodhetī”ti kiñci visesaṃ dīpetīti taṃ dassento “**yehi vitakkavicārehi**”tiādīmāha. Visuṃ visuṃ ṭhitāni pi vitakkavicārasamatikkamavacanādīni paheyyaṅganiddesatāsāmaññena cittaṃ samūhato gahetvā avayavena samudāyopālakkhaṇaṃ katanti dassento “**tesaṃ...pe... taṃ dīpakanti vutta**”nti āha. Idāni avayavena samudāyopālakkhaṇaṃ vinā vitakkavicārāvūpasamavacanena pītivirāgādivacanaṃ savisaye samānabyāpāraṃ dassento “**atha vā**”tiādīmāha.

Tasmiṃ dassitēti “yā saddhā saddahanā”tiādīnā jhānavibhaṅge sampasādane dassite. **Samānādhikaraṇaniddesenevāti** tattheva vibhaṅge uddesapaduddhārādīsū saddhājjhānaṃ “sampasādana”nti ekādhikaraṇatāvacaneneva.

Oḷārikaṅgamukhena “**tadanudhammatā satī**”ti vuttāya taṃtaṃjhānanikantiyā vikkhambhanaṃ vitakkavicārāvūpasamavacanādīni pakāsītanti āha “**taṇhāppahānaṃ etesaṃ vūpasamana**”nti (vibha. 799). Yato vitakkavicāresu viratṭabhāvadīpakāṃ vitakkavicārāvūpasamavacananti tadubhayābhāvadīpanaṃ puna katanti dassetuṃ “**ye cā**”tiādi vuttaṃ.

Tatīyajjhānakathāvaṇṇanā

163. Vīriyaṃ upekkhāti vuttaṃ “paggahaniggahesu byāpārākaraṇena upekkhiyati”ti. Gahaṇe majjhatabhāvena saṅkhāre upekkhatīti saṅkhārupekkhā, tathāpavattā vipassanā paññā. Tassā pana visayato pabhedo “aṭṭha saṅkhārupekkhā”tiādīnā (paṭi. ma. 1.57) yassaṃ **pāliyaṃ** vutto, taṃ pālisesaṃ dassento “**paṭhamajjhāna**”ntiādīmāha. Tattha **uppādanti** purimakammaṃpaccayā idha uppattim. **Pavattanti** tathā uppanassa pavattim. **Nimittanti** sabbampi saṅkhāragataṃ nimittabhāvena upaṭṭhānato. **Āyūhananti** āyatim paṭisandhīhetubhūtaṃ kammaṃ. **Paṭisandhīti** āyatim upapattim. **Gatinti** yāya gatiyā sā paṭisandhī hoti. **Nibbattinti** khandhānaṃ nibbattanaṃ. **Upapattinti** “samāpanassa vā upapannassa vā”ti evaṃ vuttaṃ vipākappavattim. **Jātinti** jarādīnaṃ paccayabhūtaṃ bhavapaccayā jātim. **Jarāmarañādayo** pākaṭā eva. Ettha ca uppādādayo pañceva saṅkhārupekkhāññāssa visayavasena vuttā, sesā tesam vevacanavasena. “Nibbatti jāti”ti idañhi dvayaṃ uppādassa ceva paṭisandhiyā ca vevacanaṃ. “Gati upapatti cā”ti idaṃ dvayaṃ pavattassa. Jarādayo nimittassāti.

Bhūtassāti khandhapañcakassa. **Etehi** jhānacittasamuṭṭhitarūpehi.

Catukkanayavaṇṇanā niṭṭhitā.

Pañcakanayavaṇṇanā

167. Ākārabhedanti ākāravisesaṃ. Anekākārā hi dhammā, te ca niravasesaṃ yāthāvato bhagavatā abhisambuddhā. Yathāha – “sabbe dhammā sabbākārena buddhassa bhagavato ñānamukhe āpāthaṃ āgacchantī”ti (mahāni. 156; cūḷani. mogharājamaṇāvapucchāniddeśa 85; paṭi. 3.5). **Dutiyajjhānapakkhikaṃ** na paṭhamajjhānapakkhikanti adhippāyo. Tenevāha “**paṭhamajjhānameva hi**”tiādi. Atthato hi catukkapañcakanayā aññamaññānuppavesino. Pañcakanaye dutiyajjhānaṃ kiṃ savicāratāya paṭhamajjhānapakkhikaṃ udāhu avitakkatāya dutiyajjhānapakkhikanti siyā āsaṅkāti tadāsaṅkānivattanatthamidaṃ vuttaṃ. **Kasmāti**ādīnā tattha kāraṇamāha. Suttantadesanāsu ca dutiyajjhānameva bhajantīti sambandho. Ca-saddena na kevalaṃ idheva, atha kho suttantadesanāsupīti desanantarepi yathāvuttajjhānassa paṭhamajjhānapakkhikattābhāvaṃ dasseti. Idāni

bhajanampi dassetuṃ “**vitakkavūpasamā**”tiādi vuttaṃ. Tena suttante pi pañcakanayassa labbhamānataṃ dasseti.

Nanu ca suttante cattāriyeva jhānāni vibhattānīti pañcakanayo natthiyevāti? Na, “savitakkasavicāro samādhī”tiādinā samādhittayāpadesena pañcakanayassa labbhamānataṃ. Catukkanayanissito pana katvā pañcakanayo vibhattoti tathāpi pañcakanayo niddhāretabbo. Vitakkavicārānaṃ vūpasamāti hi vitakkassa vicārassa vitakkavicārānañca vitakkavicārānanti sakkā vattuṃ. Tathā avitakkaavicārānanti ca vinā saha ca vicārena vitakkappahānena avitakkaṃ saha vinā ca vitakkena vicārappahānena avicārānti avitakkaṃ avicāraṃ avitakkaavicārāñcāti vā tividhampi sakkā saṅgaṇhituṃ.

Dutiyaṃ ca vitakkarahite vitakkavicāradvayarahite ca ñāyāgatā desanā. Dutiyaṃ adhigantabbattā vicāramattarahitepi dvayappahānādhigatasamānadharmattā. Evañca katvā pañcakanayaniddese dutiye vūpasantopi vitakko taṃsahāyavicārāvūpasamena na sammāvūpasantoti vitakkavicāradvayarahite viya vicāravūpasameneva tadupasaṃsaṃ sesadhammasamānātañca dassetena “vitakkavicārānaṃ vūpasamā ajjhataṃ sampasādanaṃ cetaso ekodibhāvaṃ avitakkaṃ avicāraṃ samādhijaṃ pītisukhaṃ tatiyaṃ jhānaṃ upasampajja viharatī”ti tatiyaṃ catukkanaye dutiyena nibbisesaṃ vibhattaṃ. Duvidhassapi sahāyavirahena aññathā ca vitakkappahānena avitakkataṃ samādhijaṃ pītisukhattaṃca samānanti samānadharmattāpi dutiyaṃ niddeso. Vicāramattampi hi vitakkavicāradvayarahitaṃ viya “yasmaṃ samaye rūpūpapattiyā maggaṃ bhāveti avitakkavicāramattaṃ samādhijaṃ pītisukhaṃ dutiyaṃ jhānaṃ upasampajja viharatī”ti avitakkaṃ samādhijaṃ pītisukhanti vibhattaṃ. Paṭhamajjhāne vā saha cārīsu vitakkavicāresu ekaṃ atikkamitvā dutiyampi tatraṭṭhameva dosato disvā ubhayampi sahātikkamantassa pañcakanaye tatiyaṃ vuttaṃ tatiyaṃ adhigantabbattā. Paṭhamato anantarabhāvena panassa dutiyabhāvo ca uppajjati. Kasmā panettha sarūpato pañcakanayo na vibhattoti? Vīneyyajjhāsayato. Yathānulomadesanā hi suttantadesanāti.

Paṭipadācatukkādivaṇṇanā

176-180. Tadanurūpatāti tassa paṭhamādi jhānassa anurūpasabhāvā. Yathā laddhajjhānaṃ santato paṇītato disvā assādayamānā nikanti taṃsāmpayuttā khandhā vā tadārakkhabhūtā satiyeva vā tassa jhānassa anucchavikatāya “tadanudhammatā satī”ti vuttāti. **Kadācīti** yadā paṭhamāṃ adhigantvā yathānisinnoyeva vinā payogantaraṃ dutiyādīni adhigacchati, Tīse kāleti attho.

186. Kusalajjhānassa adhigatattā “sekkhā”ti vuttaṃ. **Na hi te uppādentī nāmāti** ariyamaggakkhaṇe rūpāvacarajjhānānaṃ anuppajjamānataṃ sandhāyāha.

Kasiṇakathāvaṇṇanā

203. Āruppapādakatā ca dassitā vinā abhāvato. Na hi tesāṃ āruppapādakatāya vinā nirodhapādakatā atthīti. Nimminituṃ icchitassa vatthuno nimmānavasena khippaṃ nisanti nisāmaṇaṃ ālocanaṃ adhigamo etassāti khippanisanti. Tabbhāvo “khippanisantibhāvo”ti āha “**khippadassanaṃ khippābhīññatā**”ti.

Kasiṇakathāvaṇṇanā niṭṭhitā.

Abhibhāyatanakathāvaṇṇanā

204. Paṭibhāganimittabhūtaṃ kasiṇārammaṇasaṅkhātaṃ āyatanaṃ kāraṇaṃ etassāti **kasiṇāyatanaṃ**, jhānaṃ. Atha vā ārammaṇassa anavasesapharaṇaṭṭhena kasiṇānaṃ taṃ āyatanañca yogino sukhavisesānaṃ adhiṭṭhānabhāvato maṇāyatanaṃ āyatanaṃ abhāvato cāti sasāmpayuttaṃ jhānaṃ **kasiṇāyatanaṃ**. Tenevāha “satipi abhibhāyatanānaṃ kasiṇāyatanaṃ”ti. Bhāvanāya nimittaṃ bhāvanānimittaṃ, ārammaṇassa parittappamāṇatā suvisuddhanīlādītā ca, tadeva nānattaṃ. Bhāvanā eva vā pubbhāgabhūtā bhāvanānimittaṃ, tassa nānattaṃ bhāvanānimittānānattaṃ. Pubbhāgabhāvanā hi yathāvuttavisesa ārammaṇe pavattīkāravisesato nānāsabhāvāti. Kasiṇanimittassa abhibhāvanakabhāvanānimittānānattaṃ **kasiṇa...pe... nānattaṃ**, tatoti yojetabbaṃ.

Ettha ca purimāni cattāri abhibhāyatanāni bhūtakasiṇārammaṇāni, bhūtakasiṇesu ca yaṃ suvaṇṇaṃ dubbaṇṇanti ca na sakkā vattuṃ. Tattha pavattitāni sabbattha vā vaṇṇābhogarahitena pavattitāni paṭhamatatiyābhibhāyatanānīti dutiyacattutthāni vaṇṇakasiṇārammaṇāni. Yadi evaṃ dutiyacattutthehi pañcamādīnaṃ ko visesoti “pañcamādīni vaṇṇato ramaṇīyatarāni, na tathā itarāni”ti vadanti. Purimānīpi cattāri aṭṭha kasiṇārammaṇāneva, tasmā taṃ nesaṃ matimattaṃ “aṭṭhasu kasiṇesū”ti vuttattā. Vimokkhesu ca paṭhamadutiya vimokkhā aṭṭha kasiṇārammaṇā. Tatiyo vaṇṇakasiṇārammaṇo. Paṭhamadutiyaṃpi vā vaṇṇakasiṇārammaṇā eva “bahiddhā nīlakasiṇādirūpāni jhānacakkhunā passati”ti vuttattā. Ārammaṇamanuññatāya hi tattha aniggatitabhāvena tesāṃ pavattīti. Evaṃ sante tatiyassa itarehi ko visesoti? Subhākārābhogo. Tatiyo eva hi subhanti ābhujanavasena pavattati, na itareti.

Ñāṇaṃ appanāpaññā. **Vijjamānepīti** api-saddena avijjamānepīti dasseti. **Parittappamāṇatā abhibhāvanassa kāraṇaṃ** imesu catūsu abhibhāyatanesūti adhippāyo. Nanu ca sabbattha “**suvaṇṇadubbaṇṇāni**”ti vacanato vaṇṇābhogasahitāniyeva gahitānīti? Na gahitānīti dassento “**tattha cā**”tiādimāha. **Tatthāti** āgasesu. **Tathā appamāṇāni**ti vaṇṇābhogarahitāni ca sabbāni appamāṇāni suvaṇṇadubbaṇṇānīti attho. Yadi evaṃ kathaṃ visiṭṭhānaṃ vaṇṇābhogena rahiṭānaṃ sahitānañca ekajjhaṃ manasi karoti? Na ekajjhaṃ, visuṃyeva pana tesu manasikāro. Yadi visuṃ kathamekanti? Parittabhāvasāmaññato. Yadi evaṃ

“suvaṇṇadubbaṇṇaggahaṇaṃ atiricchatī”ti, nātiricchatīti dassento “**atthi hi eso pariyāyo**”tiādimāha. Tattha yadidaṃ vaṇṇābhogajanitaṃ viṣesaṃ aggahetvā parittasāmaññaena ekattaṃ netvā “parittāni abhikhuyyā”ti vatvā puna tadantogadhadhammappabhedam viṇeyyavasena dassetuṃ “tāni ce kadāci vaṇṇavasena ābhujitāni honti suvaṇṇadubbaṇṇāni abhikhuyyā”ti vattabbatāya vaṇṇābhogarahitāni sahitāni ca visuṃ manasi katvā ubhayatthāpi vaṇṇābhogarahitaparittābhivhavanena taṃ sahitaparittābhivhavanena ca parittābhivhavanassa sāmaññaṃ gahetvā ekanti vacanaṃ, eso pariyāyo vijjatīti ayamadhippāyo.

Evaṃ suttantābhidhammapāṭhavisēsato aṭṭhakathāya virodhābhāvaṃ dassetvā idāni suttantābhidhammapāṭhānaṃ avirodham adhippāyavibhāvanena dassetuṃ “**tatthacā**”tiādimāha. Evaṃ abhidhamme vaṇṇābhogarahitāni sahitāni ca visuṃ vuttāni. Suttante pana “ubhayāni ekajjha”nti vuttaṃ, taṃ kathaṃ viññāyatīti āha “**tadeta**”ntiādi. Tattha **āgatassāti** suttante āgatassa. Tattha hi “ajjhataṃ rūpasaññī”ti āgataṃ. **Avacanatotī** abhidhamme avacanato. Yadi pi vimokkhā visuṃ desitā, kasiṇāyatanabhāvo viya pana abhikhāyatanānaṃ vimokkhakicatāpi atthīti abhikhāyatanavimokkhānaṃ idhāpi saṅkaro dunnivāroti codanaṃ manasi katvā āha “**sabbavimokkhakicasādhāraṇavacanabhāvato**”ti. Tena yathā abhikhāyatanadesanāyaṃ abhikhāyatanakiccāni niravasesato vuttāni, evaṃ vimokkhadesanāyaṃ vimokkhakiccānīti idha tesam asaṅkaroyevāti dasseti.

Ye ca yathāvuttaṃ vavatthānaṃ na sampañicchanti, tehi suttantābhidhammapāṭhabhede aññaṃ kāraṇaṃ vattabbaṃ siyā. Kimettha vattabbaṃ, nanu aṭṭhakathāyaṃ “kasmā pana yathā suttante”tiādiṃ vatvā “ajjhatarūpānaṃ anabhivhavanīyato”ti kāraṇaṃ vuttanti. Na taṃ tassa kāraṇavacananti dassento “**ajjhatarūpāna**”ntiādimāha. Tattha **yanti** idha suttante ca “bahiddhā rūpāni passatī”ti (a. ni. 8.65) vuttavacanaṃ sandhāyāha. Bahiddhā rūpāniyeva hi abhivhavanīyānīti. **Aññahetukanti** desanāvīlāsato aññaṃ abhivhavanīyāhetu etassāti aññahetukaṃ. Ajjhatarūpasaññītiāya eva, na suttante viya ajjhatarūpasaññītiāya cāti attho. **Avibhūtattāti** idam ñāṇuttarānaṃ saha nimitupādānena appanānibbattaṃ ārammaṇassa abhivhavo na suṭṭhu vibhūtabhāvamantarena sambhavatīti katvā vuttaṃ. Nanu ca aṭṭhakathāyaṃ pāṭhadvayavisesassa desanāvīlāso kāraṇabhāvena vuttoti āha “**desanāvīlāso ca yathāvuttavavattānavasena veditabbo**”ti. Desanāvīlāso hi nāma viṇeyyajjhāsāyānurūpaṃ vijjāmanasseva pariyāyassa vibhāvanaṃ na yassa kassacīti. Tattha ca “pariyāyadesanattā”tiādinā vuttapakāravavattānaṃ desanāvīlāsanibandhanaṃ māha. Tathā ceva hi purato desanāvīlāso vibhāvito.

Abhikhāyatanakathāvaṇṇanā niṭṭhitā.

Vimokkhakathāvaṇṇanā

248. Tanti “sasantatipariyāpannarūpa”nti vuttakesādivaṇṇamāha. Taṃ pana yasmā khalamaṇḍalādi viya paramparāya jhānassa kāraṇaṃ, tasmā “**jhānassa hetubhāvenā**”ti āha. **Yenāti** yathāvuttarūpavisesena. **Visiṭṭhenāti** atisayappattena “rūpūpapattiyā”tiādisu (dha. sa. 160 ādayo; vibha. 625) viya uttarapadalopena “rūpa”nti vuttana rūpajhānena. “Visiṭṭhenā”ti iminā hi atisayarūpayutto rūpīti vuttoti dasseti. “Paṭhamam jhānaṃ upasampajja viharati pathavīkasiṇa”ntiādinā (dha. sa. 499) **jhānānameva kasiṇabhāvena pavattā. Sutte ārammaṇānaṃ** kasiṇabhāvena pavattā “pathavīkasiṇameko sañjānāti”tiādinā (dī. ni. 3.360; a. ni. 10.25).

Vimokkhakathāvaṇṇanā niṭṭhitā.

Brahmavihāarakathāvaṇṇanā

251. Aññāṇasampayuttāpi vā upekkhāvedanā **aññāṇupekkhā, upekkhāti** aññāṇasampayuttā upekkhāvedanā, aññāṇupekkhātīpi etāsamyeva nāmantī (vibha. aṭṭha. 947) hi **sammohavinodaniyaṃ** vakkhatīti. Appaṭibhāganimittatṭepi ekam katipaye vā satte odissa pavattā paricchinnaṃ rūpādiupādānavisāye pavattatā kathamappamāṇagocarāti āha “**na ca sammutisaccavasena**”tiādi. Evampi yathā natthi sattā opapātīkāti sattavasena pavattāyapi micchādiṭṭhiyā saṅkhārārammaṇatā vuccati upādānavasena, evaṃ sattavasena pavattānampi mettādīnaṃ saṅkhārārammaṇatāpi siyāti ce? Na, aparāmasanavasena pavattānaṃ mettādīnaṃ saupādānaggahaṇāsambhavatoti dassento āha “**aparāmāsā**”tiādi.

Brahmavihāarakathāvaṇṇanā niṭṭhitā.

Asubhakathāvaṇṇanā

263. “Ekāhamataṃ vā dvīhamataṃ vā”tiādinā (dī. ni. 2.379; ma. ni. 1.112) vuttāsu navasu sīvathikāsu vaṇṇavasena pavattajjhānaṃ **sivathikāvaṇṇajjhānaṃ**. Nanu cetassa vaṇṇakasiṇehi gahaṇaṃ yuttaṃ, na asubhehīti? Na, sīvathikāvaṇṇaṃ upamaṃ katvā attano kāye paṭikūlattaṃ amuñcivāva vaṇṇavasena pavattanato. Tenevāha “**paṭikūlamanasikārasāmañña**”ti. Ayamatto **sivathikāvaṇṇajjhāna**ssāti etthāpi yojetabboti vibhāvento “**tampi**”tiādimāha.

Asubhakathāvaṇṇanā niṭṭhitā.

Rūpāvacarakusalavaṇṇanā niṭṭhitā.

Arūpāvacarakusalakathāvaṇṇanā

265. Rūpanimittanti rūpahetu rūpādhikaraṇaṃ. **Rūpārūpanimittesūti** rūpadhammesu ca pathavīkasiṇādinimittesu ca. **Tadārammaṇajjhānesūti** ettha **taṃ**-saddena rūpanimittaṃ paccāmasati rūpampi vā rūpadhammārammaṇānampi rūpāvacarajjhānānaṃ sambhavato. **Rūpādisūti** rūpārūpanimittatadārammaṇajjhānesu rūpapaṭibaddhadhammesu ca. **Anāvajjitukāmatādināti ādi**-saddena asamāpajjitukāmatādiṃ saṅgaṇhāti.

Cutito uddhaṃ uppattirahānaṃ...pe... anuppattidhammatāpādanena samatikkamoti etena samatikkamitabbattena rūpāvacarakusalānaṃ rūpāvacaravipākakiriyeḥi visesābhāvaṃ dasseti anadhigatabhāvato. Yesañhi rūpasaññādināṃ arūpabhāvanāya samatikkamādikā labbhāti, te dassetuṃ “arūpabhāvanāya abhāve cutito uddhaṃ uppattirahāna”nti vuttanti. **Yāti** ekantarūpanissitā avasiṭṭhaparittavipākasaññādayo.

Āneñjasantasamāpattisukhānubhavanabhavavisesūpapajjanādayo āruppasamāpattīnaṃ atthāti āha “**rūpasaññā...pe... na attho**”ti.

Idha ugghāṭitakasiṇavasena parittānantatā hoti nippariyāyadesanattāti adhippāyo. Yadi evaṃ parittakasiṇugghāṭite kathamākāsānañcāyatanavacananti? Tatthāpi anantapharaṇasabbhāvato. Tenevāha “**anantapharaṇatāsabbhāve**”ti. Yadi sabbattha anantapharaṇatā atthi, atha kasmā “ananto ākāso”ti na vuttanti āha “**samayavavatthāpanā**”tiādi. Tattha **paṭipattīti** jhānabhāvanākāramāha.

266. Ugghāṭabhāvo ugghāṭimaṃ. Yathā pākimaṃ.

268. Ākāse pavattitaviññāṇātikkamato tatiyāti paduddhāraṃ katvā yuttito āgamato ca tadatthaṃ vibhāvetuṃ “**tadatikkamato hī**”tiādimāha. Āruppasamāpattīnaṃ ārammaṇātikkamena pattabbattā visesato ārammaṇe dosadassanaṃ tadeva atikkamitabbanti ayam yutti, ārammaṇe pana atikkante tadārammaṇaṃ jhānampi atikkantameva hoti. Bhāvanāya ārammaṇassa vigamanaṃ apanayanaṃ vibhāvanā. **Pāḷiyanti** vibhaṅge. Nanu ca pāḷiyaṃ “taññeva viññāṇa”nti avisesena vuttaṃ “na ākāsañcāyatanaviññāṇa”nti. “Na taññevaviññāṇanti visesavacanena ayamatto siddho”ti dassento “**viññāṇañcāyatana**”ntiādimāha.

Arūpāvacarakusalakathāvaṇṇanā niṭṭhitā.

Tebhūmakakusalavaṇṇanā

269. Sattahi mahāvāreḥīti paṭiccasahajātapaccayanissayasamsaṭṭhasampayuttapañhāvāreḥi anulomapaccanīyanulomapaccanīyanulomādinayā **anulomādinayā**. Bhāradvājagotamādayo aṭṭhacattālīsa loke gottāni mūlabhūtāni, tathā kaṭṭhakalāpādayo aṭṭhacattālīseva caraṇānīti āha “**aṭṭhacattālīsa**”ntiādi. Tattha **tesanti** bhabbābhāvanānaṃ. Dvārasīsena dvāravantāni gayhantīti adhippāyenāha “**taṃtaṃdvārāni vā kāyādīni**”ti. Acittikārena vā kataṃ **hīnaṃ**, ajjupekkhanaena kataṃ **majjhimaṃ**, sakkaccakataṃ **paṇītaṃ**. Āmisakiñjakkhādihetu vā kataṃ **hīnaṃ**, puññaphalakāmatāya kataṃ **majjhimaṃ**, kattabbamicceva ariyabhāve ṭhitena kataṃ **paṇītaṃ**. Bhavasampattilobhena vā pavattitaṃ **hīnaṃ**, alobhajjhāsāyena pavattitaṃ **majjhimaṃ**, parahitāya pavattitaṃ **paṇītaṃ**. Parittakataṃ vā **hīnaṃ**, mattaso kataṃ **majjhimaṃ**, adhimattaso kataṃ **paṇītaṃ**. Mahaggaṭesu pana paṭiladdhamattaṃ **hīnaṃ**, nātisubhāvitaṃ **majjhimaṃ**, subhāvitaṃ vasippattaṃ **paṇītaṃ**. Imesupi ekekassa hīnādikassa āyūhananānattādivasena hīnādhībhedo labbhātiyevāti daṭṭhabbaṃ. **Sampayuttadhammānaṃ vasenāti** yo cittappabhāvito cittasampayuttānaṃ cittādhipateyyabhāvo, so taṃnimitte citte upacaritoti evaṃ vā ettha attho.

Tebhūmakakusalavaṇṇanā niṭṭhitā.

Lokuttarakusalavaṇṇanā

277. “Kenatṭhena lokuttara”ntiādi paṭisambhidāvacaṇaṃ (paṭi. ma. 2.43) aṭṭhakathāya ābhatāṃ, tasmā tattha “tividhopi anuttaradhammo lokam taratī”tiādinā saṅgahitoti taṃ tīhi padehi yojetvā dassetuṃ “**lokam taratīti etenā**”tiādimāha. Ekekasmim yojetabbo lokassa antagamanāditāya maggādīsūpi labbhamaṇatā. Maggeyeva vā tividhopi attho yojetabboti sambandho. **Anativattanādīti ādi**-saddena indriyānaṃ ekarasatā tadupagavīriyavāhanaṃ āsevanāti ime tayo bhāvanāvīsesa saṅgaṇhāti. Yasmā cete bhāvanāvīsesā saṃkilesavodānesu vaṭṭavivaṭṭesu ca taṃtaṃnādināvanīsaṃsadassanabhūtāya pubbabhāgapaññāya sampādītena ṇāṇavīsesena nipphajjanti, tasmā vuttaṃ “**aññamaññaṃ...pe... vadḍheti**”ti.

Nissayo hotīti rukkho viya sākāya ādhārabhāvena vohariyatīti attho. Phalañāṇaphalaṅgānaṃ nissayavacaṇaṃ nissayapaccayattā. Tatoyeva nissayabhāvato paṭiṭṭhābhāvato. Ariyaphalasannissayena hi ariyā katakiccā suttu nibbinasabbabhāvāpi cīratarāṃ loke parahitāya tiṭṭhanti. Kilesānaṃ odhiso pajahanakāpi ariyamaggā avisesena sabbākusalānaṃ sabbakusalapaṭipakkhatāya aññamaggappahātabbesupi kenaci pahānākārena pavattantīti taṃ pahānākāraṃ dassento “**itaresaṃ vijjutobhāsena viya tamassā**”ti āha. Yena **pāḷiyaṃ** heṭṭhimamaggañāṇānaṃ vijjūpamatā dassitā. Yadi evaṃ uparimaggavajjhā kilesā itareti idhādhīpetā. Na tesam samucchadavacaṇaṃ yuttaṃ. Na hi bhāvanāya pahātabbe dassanamaggo samucchindituṃ

sakkoti. Tathā ca sati dassanena pahātabbā eva te siyuṃ. Atha tadanāgappahānaṃ adhippetam, yena ‘vijjutobhāsenā viya tamassā’ ti vuttaṃ, taṃ pubbhāgavipassanāya eva siddham na ca vuttaṃ lokuttaramaggo tadanāgavasena kilesa pajahatīti. Vikkhambhanepe eseva nayo, anulomañānena tassa sātisaṃ sādhitatā. Atha pana paṭhamamaggavajjhā eva kilesā itareti adhippetā, evaṃ sante tesam itarabhāvova na siyā, na ca anapāyagamanīyā nāma kilesā dassanena pahātabbā atthi, nāpi paṭhamamaggavajjhā kilesā tena vijjutobhāsenā viya tamo samucchinditabbāti vuttam yuttanti upaparikkhitabboyam ‘itaresam...pe... samucchedo’ ti. Lokiyajjhānampi **na vinā paṭipadāya ijjhātīti** idam adhippāyavasena netabbam neyyatthattāti tam adhippāyam vibhāvento ‘**akatādhikārassā**’ ti āha. Tena yathāvuttavacanassa ca sappadesatam dasseti. Nanu ca katādhikārassa ariyassa maggena samijjhamānampi jhānam maggaṭipadāvasena paṭipadāsahitamevāti. Na vinā paṭipadāya ijjhātīti sakkā vuttam, tenetaṃ vacanaṃ nippadesamevāti anuyogaṃ sandhāyāha ‘**katādhikārassa panā**’ tiādi. Idāni tassa vacanassa adhippāyavasena gahetabbatthā pālītopi viññāyatīti dassento āha ‘**yathāvutta...pe... katā**’ ti.

‘Yo kocīti avisesavacana’ nti tassa apavādam dassento ‘**sakiṃ dvikkhattu**’ nti ādimāha. Paricchindivā gahaṇam pariḷānaṃ. **Nāmarūpavavattthāpanādīnanti** nāmarūpavavattthāpanapaccayapariggahalakkhaṇapaṭivedhanikanti pariḷādānānam. **Kicchāsiddhīti** nāmarūpavavattthāpanādīnam kesañci sabbesampi vā kicchāsiddhito. Esa nayo dutiyavārādīsipi yathāsambhavam. **Sukhasiddhiyampīti** nāmarūpavavattthāpanādīnam kicchāsiddhi maggaṭipadāvadandhabhāvassa kāraṇabhāve anekantikā. Vipassanāsahagatindriyānam pana mandatā tassa ekantakāraṇanti dasseti.

Etadantattā paṭipadāyāti etena nippariyāyato paṭipadāñānadassanavisuddhisāṅkhātāya vipassanāpaññāya cirācirappavattivasena maggassa khippadandhābhīññatā vuttāti dasseti. **Purimānanti** purimavārānam, lakkhaṇapaṭivedhādīnamyeva vā. Heṭṭhimakoṭīyā tikkhattam kilesavikkhambhane sati dukkhāpaṭipadābhāvo, na tato heṭṭhāti nicchittatā āha ‘**tikkhattum vikkhambhānavāratāvāsena**’ ti. **Tassa sukhāpaṭipadā veditabbā** ukkaṃsavasenāti adhippāyo.

Yasmiṃ puggale viṣamvādanabhedanāniṭṭhānatthaniyojanānam pavatti, tattha sinehaviraheneva tesam pavatti, so ca puggalo asaṅgahito hotīti musāvādādīnam viṣamvādanādikkicatāya lūkhātā ca apariggahatā ca vuttā. Tappaṭipakkhāvuruddhasabhāvattā sammāvācāya siniddhabhāvātā pariggāhakasabhāvātā. Saddhāvisesayogato vā tassā siniddhabhāvo daṭṭhabbo. **Samuṭṭhāpetīti** pavatteti. Jivamāno vā satto, **sampayuttadhammā vā vodāyanti** etena sayam vā vodāyatīti vodānam.

285. Taṇhādīṭṭhīhi **paṭiṭṭhānam**. Avasesakilesābhisaṅkhārehi **āyūhanā**. Sattatadiṭṭhiyā **paṭiṭṭhānam**. Uccchedadiṭṭhiyā **āyūhanā**. Līnavasena **paṭiṭṭhānam**. Uddhaccavasena **āyūhanā**. Kāmasukhānuyogavasena **paṭiṭṭhānam**. Attakilamathānuyogavasena **āyūhanā**. Sabbākusalābhisaṅkhāravasena **paṭiṭṭhānam**. Sabbalokiyakusalābhisaṅkhāravasena **āyūhanāti** oghataraṇasuttavaṇṇānam vuttetu pakāraṇaresu idha avuttānam vasenapi paṭiṭṭhānāyūhanā veditabbā.

Atha vā kilesaggahaṇena taṇhāsattatadiṭṭhisabbākusalābhisaṅkhārā gahitā taṃsabhāgatāya tadekaṭṭhatāya ca. Tathā abhisāṅkhārāggahaṇena avasesakilesauccchedadiṭṭhisabbalokiyakusalābhisaṅkhārā. Līnuddhaccakāmasukhattakilamathānuyogānam viṣum vuttatā tehi na yojetabbanti kilesābhisaṅkhāravasena paṭiṭṭhānāyūhane vatvā taṇhādīṭṭhīnam tattha viṣesapaccayatam dīpetum tadubhayavasenapi yojanā katā. Nayadassanaṃ vā etaṃ tattha daṭṭhabbam. Evamitarepi pakārā yojetabbāti. ‘Catūhi, bhikkhave, aṅgehi samannāgato puggalo’ tiādisu (ma. ni. 4.112, 114) **aṅga**-saddassa kāraṇatthāta daṭṭhabbā.

299. Musāvādādīni bhāsamāno karoti nāma kiṃ vakkhamānam kiriyam, kā pana sāti? Musāvādādikiriyāti viditovāyamattho. Evaṃ vā ettha yojanā daṭṭhabbā.

301. **Nipphādīpaccayānanti** cīvarādīpaccayānam. **Kuhanavattthūnīti** pāpicchatam nissāya lūkhacīvarādīsevanavasena ‘yo te vihāre vasati, so arahā’ tiādinā (pārā. 224) attānam ariyaguṇasāmantam katvā bhaṇanavasena viṣesalābhino viya attano parihaṇanavasena ca pavattā akusalacittuppādā paresam vimhāpanakāraṇāni kuhanavattthūni.

343. Satipi saguṇārammaṇehi maggassa animittanāmālābhe na nippariyāyena vipassanā animittanāmikāti āgamanato maggo animittanānam na labhatīti āha ‘**na pana saguṇārammaṇehi...pe... siddham hoti**’ ti. Yasmā pana āgamanato suññatam appaṇihitanti laddhanāmassa maggassa saguṇato ārammaṇato ca taṃnāmābhāvo na kadāci pi atthi, tasmā nāmatayapāripūrihetuāgamanato nāmālābhoti adhippāyenāha ‘**paripuṇṇanāmasiddhihetuttā**’ ti. **Sabbesanti** sabbavimokkhamukhāgatānampi maggānam. **Nāmatayayogoti** suññatāpaṇihitānimittanāmayogo. **Vavattthānam** asaṅkaro.

350. Nimittadhammā saṅkhārā tehi sanimittā saviggahā viya upaṭṭhahantīti tesam abhāvitabhāvanassa bhāvitabhāvanassa ca upaṭṭhahanākāram dassento ‘**samūhādī**’ tiādimāha. Tena ca ‘vimokkheṇa saddhindriyam adhimattam hoti’ ti (dha. sa. aṭṭha. 350) vuttam, na ‘tasmiṃ vimokkhe’ ti, tasmā ‘**animittavimokkhoti aniccānupassanam āhā**’ ti vuttam. Itaratthāpi eseva nayo. Animittassa animittabhāvābhāvo natthīti kasmā vuttam, nanu ca aniccānupassanāya animittavimokkhabhāvo pariḷāyēnāti nippariyāyadesanāya tassā animittabhāvābhāvo atthi eva, evaṃca sati ‘animittassa animittanāmadānābhāvo’ ti ca na sakkā vattanti upamāsaṃsandanaṃ suṭṭhutaṃ yujjati, tathā animittena maggassa animittabhāvo na yujjatiyeva. Tenāha ‘paramatthato nāmaṃ dātum na sakkoti’ ti? Saccametam, pariḷāyasiddhamyeva pana aniccānupassanāya animittabhāvam gahetvā maggasodhanavasenāyamanuyogo kato ‘animittavimokkhasa animittabhāvābhāvo natthītiviruddham viya hoti’ ti. Evaṃca katvā ‘animittam...pe... dīpito hoti’ ti sayameva vakkhatīti. **Sāmaññanti** upamopamitabbānam sambandhamāha. **Na maggādhipatīti**

maggo adhipati maggādhipatīti chandacittānaṃ ayaṃ samañña natthīti attho. **Na ca tehi maggassāti** chandacittehi maggo adhipati etassāti maggādhipatīti ayaṃ samañña maggassa natthi. Kasmā? Tesam chandacittānaṃ amaggaṅgattā.

Jhānassa suññatādīnāmakkattāti etena indriyabalādīnampi maggasampayogato suññatādīnāmakkatā dassitāti datṭhabbaṃ. Satipi paccanīkamasane na tassa maggassa taṃ pariyyattaṃ yathā sarasatāti āha “**sarasappadhāno**”ti. **Dvīhīti** sarasapaccanīkehi. **Aññanirapekkhehīti** āgamananirapekkhehi. **Tasmāti** yasmā sarasatova nāmalābhe avavatthānāpatti sabbassa maggassa sabbānāmabhāvāpatti hoti, tasmā. **Attābhi...pe... maggāti** tena āgamanato nāmalābhassa paccanīkato nāmalābhābhavaṃ dasseti. **Sarasantareti** animittabhāvādike. **Paccanīkasahitena sarasenāti** suññatāppaṇihitabhāvehi tadāgamanehi. **Nimittaggahaṇānivāraṇāti** saṅkhāranimittaggāhassa anisedhanato. Suññatāppaṇihitasseva maggassa vuttatā aniccato vuṭṭhahantassa maggo idha asaṅgahito siyāti āsankitvā āha “**aniccānupassanā**”tiādi. Saṅkhārehi vuṭṭhānaṃ na siyā, lakkhaṇehi eva vuṭṭhānaṃ siyāti adhippāyo, lakkhaṇapaṭivedho na siyā atadārammaṇattāti attho. Saṅkhāraṇāhi hutvā abhāvādayabbayaṇāpāṭipāṇāvasavattanākāresu aniccatādīlakkhaṇavohāro.

Ākāravantesu gahitesu tadākāropi gahitoyeva hotīti āha “**lakkhaṇānīpi paṭividdhāni honti tadākārasaṅkhāraggaṇato**”ti. **Yathāvuttādhippāyena**ti “anicca”ntiādinā “saṅkhāresū”tiādināva vuttappakārādhippāyena. **Visunti** saṅkhārehi vinivattetvā.

Lokuttarakusalam

Pakiṇṇakakathāvaṇṇanā

Pañcadhā uddisati pañcupādānakkhandhe ajjhataḍḍakavasena rūpadukavasena ca bhinditvā abhinditvā ca nimittavacaneneva uddisati pavattassapi saṅkhāranimittabhāvānativattanato vuṭṭhātabbatāsāmaññato ca. Teneva upādinnānupādinnavasena pavattaṃ dvidhā katvā niddisitvāpi “ayaṃ tva nimitte vinicchayo”ti nimittavaseneva nigameti. Ettha ca nimittaṃ ajjhatabhiddhā, pavattaṃ pana ajjhattamevāti ayametesam viseso. **Bojjhaṅgādivisesanti** bojjhaṅgajhānaṅgamaggaṅgānaṃ asadisataṃ. Asamāpajjitukāmatāsaṅkhātā vitakkādivirāgabdhāvanā **asamāpajjitukāmatāvirāgabdhāvanā**. **Itarassāti** pādakajjhānādīkassa. **Atabbhāvato**ti yathāvuttavirāgabdhāvanābhāvassa abhāvato. Idaṃ vuttaṃ hoti – yathā maggāsannāya vipassanāya somanassasahagatatte maggassa paṭhamādivijjhānikatā ca upekkhāsahagatatte pañcamajjhānikatā eva ca tabbasena ca bojjhaṅgādīnaṃ visesoti tesam niyame āsannakāraṇaṃ padhānakāraṇaṃca vuṭṭhānagāminivipassanā, na evaṃ pādakajjhānādayoti.

Idāni apādakapaṭhamajjhānapādakānaṃ pakiṇṇakasaṅkhārapaṭhamajjhānāni sammāsivā nibbattitānaṃca maggānaṃ ekantaṃ paṭhamajjhānikabhāvato vipassanāniyamoyevetha ekantiko padhānañcāti imamattaṃ vibhāvento “**vipassanāniyamenevā**”tiādimāha. Tatta **itareti** dutiyajjhānikādīmagga. Pādakajjhānātikantānaṃ aṅgānaṃ asamāpajjitukāmatāvirāgabdhāvanābhūtā vuṭṭhānagāminivipassanā adhiṭṭhānabhūtena pādakajjhānena āhitavisesā maggassa jhānaṅgādivisesaniyamikā hotīti “**pādakajjhānavipassanāniyamehi**”ti vuttaṃ. Yathā ca adhiṭṭhānabhūtena pādakajjhānena, evaṃ ārammaṇabhūtena sammāsītajjhānena ubhayaṃ abhāve ajjhāsayaṃ vasena āhitavisesā vipassanā niyametīti āha “**evaṃ sesavādesupi...pe... yojetabbo**”ti.

Pādakajjhānasāṅkhāresūti paṭhamajjhānasāṅkhāresu. “Paṭhamajjhānaṃ pādakaṃ katvā”ti (dha. sa. aṭṭha. 350) hi vuttaṃ. **Taṃtaṃvirāgāvirāgabdhāvanābhāvenāti** vitakkādīnaṃ virajjanāviraṅgānabhāvanābhāvena. Tena ārammaṇajjhānassapi vipassanāya visesādīnaṃ upanissayatamāha.

Pādakajjhānasammāsītajjhānāniyeva bojjhaṅgādivisesānaṃ upanissayo kāraṇanti **pādakajjhānasammāsītajjhānupanissayo**, tassa sabbhāve. **Tadabhāvābhāvato**ti tassa ajjhāsayaṃ abhāvābhāvato.

Catutthajjhānikassa maggassa āruppe arūpajjhānameva pādakaṃ siyāti āha “**catutthajjhānikavajjāna**”nti. Ariyamaggassa oḷārikaṅgātikkanānupanissayā vipassanāya adhiṭṭhānārammaṇabhūtā dutiyajjhānādayo. **Pañcahi aṅgehīti** pañcahi jhānaṅgehi. “**Taṃtaṃvādehi** paññāpiyamānāni pādakajjhānādīni vādasahacāritāya ‘vādā’ti vuccantī”ti adhippāyena “**tayopete vāde**”ti āha. Vadanti etehīti vā vādakāraṇabhūtāni pādakajjhānādīni vādā.

Vipākasantānassa...pe... susāṅkhatattāti etena yasmim santāne kammaṃ uppajjati, tatha uppajjamānameva kiñci visesādīnaṃ karotīti dīpeti. Yato tasmimyeva santāne tassa vipāko, nāññattha.

Purimānulomaṃ viya tantī yathā gotrabhuṭṭhāne uppannānulomato purimānulomaññaṃ taṃ gotrabhuṭṭhāne uppannānulomaṃ anubandhati, evaṃ. **Tadapīti** gotrabhuṭṭhāne uppannānulomaññaṃ aṅgānaṃ anulomaññaṃ nameva anubandheyya, tassa anantaṃ uppajjeyya. **Sā bhūmīti** sā pañcupādānakkhandhasāṅkhātā kilesānaṃ uppattitṭhānatāya bhūmi. **Eko bhavoti gahetvā vuttanti** etena satta bhāve dve bhāveti idampi adhippāyavasena netabbattaṃ, na yathārutavasenāti dasseti. Tatthāyaṃ adhippāyo – ekavāraṃ kāmāvacaradevesu ekavāraṃ manussesūti evampi missitūpapattivasena tesu ekissā eva upapattiyā ayaṃ paricchedo. Yaṃ pana “na te bhavaṃ aṭṭhamādiyantī”ti (khu. pā. 6.9; su. nī. 232) vuttaṃ, tampi kāmāvacarabhāvaṃyeva sandhāyāha. Mahaggatabhāvaṃ paricchedo natthīti vadanti. Tathā “**ṭhapetvā dve bhāve**”ti etthāpi kāmāvacaradevamanussabhāvaṃ missakavaseneva, tasmā **kāmadhātuyaṃ ye dve bhāvāti** kāmāvacaradevamanussavasena ye dve bhāvāti attho. Purimavikappesu puggalabhedena paṭipadā bhinditvā kassaci calatīti, kassaci na calatīti katvā “**calati evā**”ti

avadhāraṇamantarena attho vutto. Yasmā pana **aṭṭhakathāyaṃ** (dha. sa. aṭṭha. 350 lokuttarakusalapakiṇṇakakathā) “yathā ca paṭipadā, evaṃ adhipatipi calati evā”ti vuttaṃ, tasmā sabbesampi paṭipadāsu abhedena gahitāsu ekantena calanaṃ sambhavatīti “**calaticceva vuttaṃ, na na calatī**”ti tatiyavikkappo calanāvadhāraṇo vutto.

Lokuttarakusalapakiṇṇakathāvaṇṇanā niṭṭhitā.

Paṭhamamaggavīsati mahānaya vaṇṇanā

357. Jhānamaggādi pariyaēyehi kathite bojjanakāti adhippetā, visesato pubbhāge “jhānaṃ bhāvēmi maggaṃ bhāvēmi”ti pavattajjhāsāyā hontīti adhippāyena “**yassa pubbhāge**”tiādīma.

358. Upanissayavasenāti tathā cittappavattisaṅkhātena pubbhāgābhisāṅkhārena. Tenevāha “**yassa hī**”tiādi. **Tadanurūpabalāti** adhipatipaccayalābhena sattivisesayogamāha. Yadi pubbhāgābhisāṅkhāravasena chandādināṃ adhipatibhāvo, kimatthameteyeva evaṃ vuttā, nanu saddhādīnampi pubbhāgābhisāṅkhāro labbhātīti āha “**sesadhammāna**”ntiādi. **Ataṃsabhāvattāti** sampayuttehi sātisayamanuvattitabbabhāvarahitattā. Kiñcāpi hi saddhādayopi indriyapaccayatāya sampayuttehi anuvattayanti, ekasmiṃ pana cittuppāde samadhurena aññena vinā sampayuttehi anuvattanīyabhāvo na tesam yathā chandādinanti teyeva adhipatibhāvena vuttā. Evañca katvā indriyasahajātādhipatipaccayānaṃ viseso paribyatto hoti.

Catumagganayasahassavaṇṇanā

362. Mānassa diṭṭhisadisā pavatti. Tathā hi so adhipati viya aññādhipatinā diṭṭhiyā saha nappavattatīti. **Ekadesa...pe... upamā hoti**, na sabbasāmaññena, itarathā sūriyatthaṅgamane andhakārāvattaraṇaṃ viya aggamaggatirodhāne saccapaṭicchādakatamappavattīti āpajjeyyāti adhippāyo. **Aññamaññanti** aññe aññe. “Ānītaṃ idaṃ sutta”nti vibhatti pariṇāmetabbā. **Yathāvuttanayenāti** imissā aṭṭhakathāyaṃ vuttanayena. **Na upamāya vuttattāti** imasmiṃ sutte na upamāya vuttabhāvato. **Yathāvuttanayenāti** vā etasmiṃ sutte vuttappakārena nayena imissā aṭṭhakathāyaṃ upamāya na vuttattā. **Avayavā viya honti**, yena te cetasi niyuttā, cittassa eteti ca **cetasikāti**ādīnā vuccanti, na pana “phassikā”tiādīnāti datṭhabbaṃ.

Kusalakathāvaṇṇanā niṭṭhitā.

Akusalapadaṃ

Dhammuddesavāro

Paṭhamacittavaṇṇanā

365. Khaṇattayassa akusalesu asambhavato samavāyakālahetusamūhattho **samaya-saddo**. Lobhābhībhūtāya eva iṭṭhārammaṇasmiṃ itaratra ca iṭṭhākāraggaṇavasena somanassasahagatabhāvoti evamādiṃ sandhāya “**yathānurūpa**”nti vuttaṃ. “Kilesāturatāya anārogyaṭṭhena kilesavajjasabbhāvato sāvajjaṭṭhena avijjāsambhūtāya akosalyasambhūtāṭṭhena akusala”nti ca “sāvajjadukkavipākakalakkhaṇaṃ, anattahajananasam, saṃkilesapaccupaṭṭhānaṃ, ayoniso manasikārapadaṭṭhānaṃ, gārayhabhāvato vā sāvajjalakkhaṇaṃ, saṃkilesabhāvarasaṃ, anīṭṭhavipākakapaccupaṭṭhānaṃ, yathāvuttapadaṭṭhānamevā”ti ca evamādinā vuttanayena anugantabbatāya vuttaṃ “**vuttanayaṃ anugantvā**”ti.

Gataṃ gamaṇaṃ pavattīti katvā vuttaṃ “**gatamattaṃ gatimattaṃ gahaṇamatta**”nti. Diṭṭhiyā hi gati pavatti evāti. **Āsannakāraṇattāti** padaṭṭhānatāya, yoniso manasikāro viya hi kusalassa ayoniso manasikāro akusalassa accāsannahetu. Tathā hi satipi asaddhammasavanādikāraṇe ayoniso anāvajjite avatthāpīte ca natthi akusalappavattīti. Tathā ca vakkhati **aṭṭhakathāyaṃ** “ayoniso akusala”nti. Etena ekantakāraṇatā ca vuttatthā hoti. Paṭisaṅkhā sītādikhamaṇaṃ appamādavīharoti vuttaṃ “**appamajjanaṃ khamana**”nti. Tena satisaṃvaroti idha khantisāṃvaro vuttoti adhippāyo indriyasāṃvarassa vuttattā. **Pahānasāṃvaroti vīriyasāṃvaro**. So hi “uppannaṃ kāmavitakkaṃ nādhivāseti pajahatī”tiādīnā (ma. ni. 1.26; a. ni. 4.14; 6.58) vuttoti.

Sammāpaṭipattiyā paṭipakkhabhāvena gahetabbatākāro moho **sammāpaṭipattipaṭipakkhabhāvaggahaṇākāro**. Tena hi nivūtā na sammā paṭipajjanti. Abhijjhāya visesayogo **kammappathappatti**.

Anupaparikkhā moho. So cettha diṭṭhirahito vedītabbo. Diṭṭhisahitassa pana diṭṭhiyā anuvidhāyakattā taggaṇe neva gahaṇanti. **Avatthusminti** asaddahanīye vatthusmiṃ. **Sānuno adhimokkhoti** mohadiṭṭhīnaṃ saddhāpatirūpatamāha. Ahirikānottappamohādīhi pamajjanato **ahirikādīhi** kāraṇehi. **Ārakkharahitacitteti** cittassa sativirahatāmyeva dasseti. Ārakkhapaccupaṭṭhānā hi saṭṭī. Etena “assaddhiyacitte andhabālacitte”ti padadvayaṃ vuttatthaṃ hoti. **Upanāhādīti ādi-**saddena rāgādayo saṅgayhanti. Rāgādīnaṃ pariyoṭṭhānādisabbhāvātāya “**avisesenā**”ti vuttaṃ visesassa ekaccassa asambhavato. **Idhāti**, imasmiṃ citte. **Nippādetabbe payojane bhumaṃ** “cammasmīṃ dīpīnaṃ hantī”ti (vajira. ṭī. 17-18 verañjakaṇḍavaṇṇanā) viya **ārammaṇaṃ vā avūpasamo** phalūpacārena “semho guḷo”ti viya.

Dhammuddesavārakathāvaṇṇanā niṭṭhitā.

Niddesavārakathāvaṇṇanā

390. Sabhāvapaṭicchādavasena pakatiattādiasantaggahaṇassa nissayattā nimittattā **asantam bujjhati**, niccādivisamaggahaṇassa saññādivipariyesassa nissayattā **asamam bujjhatī**ti moho vutto nimittassa kattubhāvena upacāritattā, ayañca attho diṭṭhisahitamohavasena daṭṭhabbo. Ettha ca **pakatī**ti kāpilānaṃ padhānaṃ.

Tatīyacittavaṇṇanā

400. Apaṇṇakapadaṃ viya avirajjhanakapadampi kadāci niyatabhāvaṃ dīpeyyāti aniyatataṃ dīpetuṃ “**uppattiarahaṅgānī**”ti vuttaṃ mānassa aniyatattā. Yadi hi māno niyato siyā, kāmarāgassa mānarahitā pavatti na siyā, tathā bhavarāgassa. Evaṃ sati paṭṭhāne catukkhattum kāmarāgena yojanā na siyā, tikkhattumyeva siyā, bhavarāgamūlikā ca na siyā, evañca saṃyojanānaṃ saṃyojanehi aṭṭhavidhena yojanā siyā, na dasavidhā dassitāti yathāvuttāhi yojanāhi mānassa aniyatabhāvo pakāsito. Atha vā mānena saddhiṃ pañca honti yathāvuttāni apaṇṇakaṅgāni, kiṃ pana hontīti apekkhāyaṃ yevāpanakāti viditovāyamattho. Yevāpanakānañhi pañcabhāvo idha vidhīyati, na apaṇṇakaṅgānanti so yathā hoti, tathā yojetabbaṃ. Kilesaduke paṭiccavārādīsu “kilesaṃ dhammaṃ paṭicca kilesa dhammo uppajjati hetupaccayā”tiādīsu “lobhaṃ paṭicca moho māno thināṃ uddhaccaṃ ahirikaṃ anottappaṃ. Lobhaṃ paṭicca moho māno uddhaccaṃ ahirikaṃ anottappaṃ. Lobhaṃ paṭicca moho thināṃ uddhaccaṃ ahirikaṃ anottappaṃ. Lobhaṃ paṭicca moho uddhaccaṃ ahirikaṃ anottappaṃ”nti vibhattattā “**tathā kilesadukepi**”ti vuttaṃ. Diṭṭhivippayuttasasaṅkhārikāsaṅkhārikacittavasena hi ayaṃ pāṭhabhedoti.

“Kāmarāgo catudhā ekato uppajjati, paṭigho tidhā, māno ekadhā, tathā vicikicchā bhavarāgoti uddisitvā kāmarāgo mānasamyojanaavijjāsamojanehi ceva avijjāsamojanamatteneva ca saddhiṃ māno bhavarāgāvijjāsamojanehi saddhiṃ bhavarāgo avijjāsamojanena saddhi”nti **aṭṭhakathākaṇḍavaṇṇanāyaṃ** (dha. sa. aṭṭha. 1485) vakkhamānattā “**idha ca vakkhati**”tiādī vuttaṃ. Tattheva “lobho chadhā ekato uppajjati, paṭigho dvedhā, tathā moho”ti uddisitvā “lobho asaṅkhāriko diṭṭhivippayutto mohauddhaccaahirikānottappehi, sasaṅkhāriko mohathinauddhaccaahirikānottappehi, asaṅkhāriko eva mohamānauddhaccaahirikaanottappehi, sasaṅkhāriko eva ca mohamānathinauddhaccaahirikaanottappehi”ti vakkhamānattā “**tathādasavidhā kilesāna**”nti vuttaṃ. “Aha”nti gahaṇatāya avamkatvā gahaṇampi “**sampaggaho**”ti vuttaṃ.

Catutthacittavaṇṇanā

402. **Ussāhaṃ janentā**ti ettha cittapayogasāṅkhāto saṅkhāro eva ussāho, na vīriyussāhoti.

Navamacittavaṇṇanā

413. **Visappanāniṭṭharūpasamuṭṭhānaṃ** yena kupitassa sakalasarīraṃ kampati, kupitākāro paññāyati. Etena sampattiattho raso dassito hoti, pavattīākāravasena vā visappanaraso. Tathā hi yassa kuppati, tassa amittassa sampatti yebhuyyena paṭighuppattihetu hotīti. Etena kiccatttho raso vutto hotīti.

418. **Vacanatthameva** vacanapariyāyameva.

Ekādasamacittavaṇṇanā

424. **Nicchayābhāvā**ti adhimokkhābhāvā. **Asaṅghāhanatoti** santānavasena ekasmiṃ ārammaṇe anavaṭṭhānato.

Dvādasamacittavaṇṇanā

429. Sahajātādhipati natthi “chandavato ce vicikicchā uppajjati, sā mayhaṃ uppajjeyyā”tiādippavattiyā abhāvā. **Anuddhaṭattā paṭisiddhatā**, yathādhmmaśāsane avacanampi abhāvaṃ dīpeti.

Avacanatoti a-kārassa tadaññavacanataṃ dasseti. Etena ca dassanena pahātabbesu abhāvavacanena kāraṇasiddhiyā phalasiddhīti tattha abhāvassa kāraṇameva tāva dassetuṃ “**paṭisandhiānākaḍḍhanato**”ti vuttaṃ. Tena taṃsabhāvataṃ tassa cittuppādassa vuttā hoti. Tato ca “balavaṃ paṭisandhiṃ ākaḍḍhati, dubbalaṃ nākaḍḍhati”ti idaṃ paṭisandhidānasabhāvesu. Yassa pana paṭisandhidānasabhāvo eva natthi, na tassa balavabhāvo paṭisandhiākaḍḍhane kāraṇanti ayamatttho dassito hoti. Anākaḍḍhanaṃ sādheti “yadi hi ākaḍḍheyā”tiādīnā. Yasmā ca nāgataṃ, tasmā nākaḍḍhatīti adhippāyo. “Yasmā pana taṃ paṭisandhidānaṃ natthi, tasmā nāgata”nti vuttattā “**anākaḍḍhanato anāgamaṃ sādhetu**”nti vuttaṃ.

Apāyagamanīyassāti apāyaṃ gametīti apāyagamanīyaṃ, taṃsabhāvanti attho. Paṭisandhiākaḍḍhane sati uddhaccasahagataṃ ekantena apāyagamanīyaṃ siyā. Tena vuttaṃ **aṭṭhakathāyaṃ** (dha. sa. aṭṭha. 429) “itarassāpi ettheva paṭisandhidānaṃ bhaveyyā”ti. Na hi akusalapaṭisandhi sugatiyaṃ sambhavatīti. “Catūhi apāyehi ca vipparamutto (khu. pā. 6.11; su. ni. 234) avinipātadhammo”ti (sa. ni. 2.41; 5.998, 1004) vacanato apāyagamanīyañca dassanena pahātabbaṃ. Tenāha “apāyagamanīyassa dassanena pahātabbattā”ti. Na cetam dassanena pahātabbaṃ, na so tassa apāyagamanīyo rāgo doso moho

tadekaṭṭhā ca kilesāti etena saṅghoti sakkā vattum niyogato bhāvanāya pahātabbābhāvena vuttattā. Vuttañhetam “katame dhammā bhāvanāya pahātabbā, uddhaccasahagato cittuppādo”ti (dha. sa. 1406).

“Kusalākusalam kammaṃ vipākānaṃ khandhānaṃ kaṭattā ca rūpānaṃ kammaṃ paccayena paccayo”ti (paṭṭhā. 1.1.427) vuttakammaṃ paccayabhāvo nānākkhaṇīkakaṃmapaccayabhāvo. So ca yadi uddhaccasahagataṃ paṭisandhiṃ ākaḍḍheyya, tassāpi siyā. Tathā ca sati uddhaccasahagataṃ dassanena pahātabbānaṃ siyā dassanena pahātabbānaṃ ye va nānākkhaṇīkakaṃmapaccayabhāvassa vuttattā. **Na cetam dassanena pahātabbanti** sabbaṃ pubbe viya āvattati.

Sahajātameva vibhattanti yathā dassanena pahātabbavibhaṅge “dassanena pahātabbo dhammo neva dassanena na bhāvanāya pahātabbassa dhammassa kammaṃ paccayena paccayo”ti (paṭṭhā. 2.8.86) sahajātaṃ nānākkhaṇīkanti uddisitvā “sahajātā dassanena pahātabbā cetanā cittasamuṭṭhānānaṃ rūpānaṃ kammaṃ paccayena paccayo, nānākkhaṇīkā dassanena pahātabbā cetanā vipākānaṃ khandhānaṃ kaṭattā ca rūpānaṃ kammaṃ paccayena paccayo”ti vibhattam, evaṃ avibhajitvā “bhāvanāya pahātabbā cetanā cittasamuṭṭhānānaṃ rūpānaṃ kammaṃ paccayena paccayo”ti (paṭṭhā. 2.8.89) ettakameva vuttam, na vuttam “nānākkhaṇīkā cetanā vipākānaṃ khandhānaṃ kaṭattā ca rūpānaṃ kammaṃ paccayena paccayo”ti. Tena na bhāvanāya pahātabbassa nānākkhaṇīkakaṃmapaccayabhāvoti viññāyati. **Paccanīyepi** yathāsambhavaṃ saṅgāhakapaccayānaṃ vasena paccayuddhāre kariyamāne. **Itaratta cāti** dassanena pahātabbapade. Tattha hi “dassanena pahātabbo dhammo neva dassanena na bhāvanāya pahātabbassa dhammassa ārammaṇapaccayena paccayo, sahajātaupanissayapacchājātakammaṃ paccayena paccayo”ti (paṭṭhā. 2.8.71) kammaṃ paccayopi vuttoti.

Tadabhāvāti nānākkhaṇīkakaṃmapaccayattābhāvā. Na ca nānākkhaṇīkakaṃmapaccayaṃ vinā paṭisandhiākaḍḍhanaṃ atthāti “**paṭisandhiākaḍḍhanato tattha anāgatā**”ti vuttam. **Etthāti** “ṭhapetvā uddhaccasahagataṃ sesāni ekādaseva paṭisandhiṃ ākaḍḍhanti”ti ettha. **Pavattivipākassāti** pavattiyam vipāko pavattiekadesatāya pavattibhūto vā vipāko etassāti **pavattivipākaṃ**, kammaṃ, tassa. Atha vā pavattiyam vipāko pavattivipāko. Imasmiṃ pana atthe nānākkhaṇīkakaṃmapaccayo etassāti nānā...pe... yo, **tabbhāvo...pe... tāti** evaṃ padacchedo daṭṭhabbo. **Na sakkā nivāretum** nānākkhaṇīkakaṃmapaccayaṃ vinā vipākassa anuppajjanato.

Idāni pavattivipākānaṃ nānākkhaṇīkakaṃmapaccayaḷābhītāya āhaccabhāsitaṃ dassetum “**vuttañcā**”tiādimāha. Vipākādānaṃ paṭisandhivipākadhammatāti maññamāno “**yadi bhāvanā**”tiādimāha. Itaro vipākādānābhāvepi siddho vipākadhammabhāvo tādisānaṃ aññesampi labbhamānattāti āha “**abhiññācittādīna**”nti. **Ādi**-saddena attano kāmāmatikkantaṃ diṭṭhadhammavedanīyaṃ upapajjavedanīyaṃ saṅgaṇhāti. **Vuttam siyāti** idaṃ saḷāyapaccayaḷābhato puthujjanasantānavuttino uddhaccasahagatassa vipākuppādānaṃ, tadabhāvā sekkhasantatiyaṃ tassa vipākānuppādānaṃ vuttam siyāti vuttam. Tenevāha “**idam pana jhānaṃ suṭṭhu vicāretabba**”ntiādi. Tathā ca vakkhati “puthujjanesu upajjamānānaṃ sakabhaṅge chandarāgādīnaṃ uddhaccasahagatacittuppādassa ca saṃyojanattayatadekaṭṭhakilesānaṃ anupacchinatāya aparikkhīṇasahāyānaṃ vipākuppādānaṃ na sakkā paṭikkhipitunti uddhaccasahagatadhammānaṃ vipāko vibhaṅge vutto”ti. Tassa tādisasseva sati sahāye vipākuppādānavacanānaṃ, asati vipākānuppādānavacanānaṃ virujjhatīti ca pavattivipākādāyikaṃ vā uddhaccasahagatassa manasi katvā “**vuttam siyā**”ti vuttam. “Pavattivipākāñhi sandhāya ‘tesam vipāke ñāṇa’nti **paṭisambhidāvibhaṅge** (vibha. 725-726) vutta”nti eke vaṇṇayanti. Evaṃ uddhaccacetanāpi na hoti, sāpi viññānapaccayabhāve apānetabbāti idampi paṭisandhiviññānameva sandhāya vuttanti.

Akusalapadaṇṇanā niṭṭhitā.

Abyākatapadam

Ahetukakusalavipākavaṇṇanā

431. Kāmāvacara...pe... ādi vuttanti ettha **ādi**-saddena “upacittatā”ti padaṃ saṅgayhati “asādhāraṇakammaṃ paccayavasena”ti vuttattā. “**Upacittatāti** laddhāsevanattā”ti keci vadanti, taṃ paṭhamajavanassa na yujjati anāsevanattā. Tathā ca sati tassa vipākādānameva na siyāti tato aññathā atthaṃ dassento “**yathā**”tiādimāha. Tattha **vipākābhīmukhanti** vipākādānābhīmukhaṃ katokāsaṃ. Katokāsatā ca anādimhi saṃsāre anekesaṃ kammānaṃ katānaṃ atthitāya parassa paṭibāhanena hotīti “**aññassa vipākaṃ paṭibāhitvā**”tiādi vuttam. **Vaḍḍhitatā** ca sakamassa baladānasamatthātasena attano kāraṇehi abhisankhatatā. **Asādhāraṇena nāmaṃ uddhaṭam** “bherisaddo yavaṅkuro”ti yathā. **Viññāṇanti** cakkhuvīññāḍīnaṃ. **Visesapaccayattāti** adhikapaccayattā.

Cakkhusannissitaṃ taṃ rūpavijānanañcāti etena samānādhikaraṇataṃ samāsassa dassento tattha ca “**cakkhusannissita**”ntiādi padadavayassa nīluppalasaddādīnaṃ viya aññamaññāvisesanavisesitabbābhāvamāha. **Aññaviññāṇanti** rūpārammaṇaṃ manovīññāṇaṃ. Rūpaṃ yevārammaṇanti pana atthe dibbacakkhuvīññāṇaṃ daṭṭhabbaṃ taṃsādisānaṃ tadupacāraṃ katvā yathā “sā eva tittirī tāni eva osadhānī”ti. **Jhānapaccayattābhāve na jhānaṅgatā natthīti** pañcaviññāṇesu upekkhādīnaṃ upacaritajhānaṅgataṃ sādheti. Na hi jhānaṅgānaṃ jhānapaccayataṃ vatvā tesam jhānapaccayabhāvo paṭikkhittoti. Yadi evaṃ pañcaviññāṇesu upekkhādayo jhānarāsīṭṭhāne na vattabbā siyunti āha “**jhānapaccayattābhāve**”tiādi. **Upekkhādibhāvototi** upekkhāsukhadukkhekaggatābhāvato. **Aññāṭṭhānābhāvototi** cittaṭṭhitim eva sandhāya vuttam.

436. Akusalam bhavaṅganissandena “**paṇḍara**”nti vuccati, bhavaṅge apaṇḍare taṃmūlikā kuto akusalassa paṇḍaratāti “**akusalassa cā**”ti vuttam. **Paṇḍaratāya kāraṇaṃ vattabbaṃ**, yadi aññakāraṇā paṇḍaratā, **sabhāvovāyanti** cittassa

akilesasabhāvātāya vuttaṃ, na cettha phassādīnampi paṇḍaratāpatti. Yato dhammānaṃ sabhāvakkiccvisesaññunā bhagavatā viññāṇaṃyeva tathā niddiṭṭhanti.

439. Anatikkamanena bhāvanāya. Pasādaghāṭṭanaṃ visayassa yogyadese avatṭhānanti “**pasādaṃ ghaṭṭetvā āpāthaṃ gantvā**”ti vuttaṃ. **Mahābhūtesu paṭihaññatī** ettha na sayāṃ kiñci paṭihaññati, nāpi kenaci paṭihaññiyati aphoṭṭhabbasabhāvattā. Visayavisayībhūtaṃ pana abhimukhabhāvappattiyā viññāṇuppattiyā hetutāya visiṭṭhabhāvappattaṃ paṭihatapaṭiḡhātākabhāvena vohariyati, tasmā tesu sappaṭiḡhavohāro. “Upādārūpaṃ ghaṭṭetīti evamādi ca upacāravaseneva veditabbaṃ. Mahābhūtārammaṇena pana kāyappasādānissayabhūtesu mahābhūtesu ghaṭṭiyamānesu pasādopi ghaṭṭito eva nāma hotīti vatvā vīmaṃsitabba”nti vadanti. Yathādhippetena ekadesasāmaññena upamāvacaṇato nissitanissayaghaṭṭānaṃ satipi pubbāparabhāve upamatte upamābhāvena gahetabbabhāvaṃ dassento “**ubhayaghaṭṭānadassanatta**”nti āha.

445. Dassanādippavattibhāvatoti manodhātumanoviññāṇadhātūnaṃ adassanādītāya sā etesaṃ eva viseso. **Anaññanissayamanopubbaṅgamatāyā**ti aññanissayamanopubbaṅgamattābhāvato. **Aññanissayaviññāṇassa anantarapaccayattābhāvenā**ti iminā kiriyāmanodhātutopi visesassa vuttattā “**manodvāraniggamanamukhabhāvābhāvato**”ti vuttaṃ, na vuttaṃ “**niggamanapavesamukhabhāvābhāvato**”ti. Tividhenapi hi manodhātuviniññāṇadhātūhi manoviññāṇadhātuyā viseso dassitoti. **Tato eva** vijānavisesavirahato yeva. Yadi manodhātu “**manoviññāṇa**”nti na vuccati, chaviññāṇakāyāti kathaṃ manodhātuyā tatha saṅgaho hotīti? Saṅgaho eva pariyaḡadesanattā. Atthi hi esa pariyaḡo “**mananamattaṃ viññāṇaṃ manoviññāṇa**”nti yathā “**mananamattā dhātu manodhātu**”ti. Apica vatthukiccehi manoviññāṇasabhāgattā tassa uparamuppādabhāvato antādi bhāvato ca manoviññāṇakāyasaṅgahitā manodhātu, na sesaviññāṇakāyasaṅgahitā atāmsabhāgattā, idha pana nippariyaḡakatattā manaso sambhūya visiṭṭhamanokiccayuttaṃ manoviññāṇanti tadabhāvato “**manoviññāṇanti pa na vuccati**”ti imamevatthaṃ sādhetuṃ “**na hi taṃ viññāṇaṃ manato**”tiādi vuttaṃ. Tena manodhātuyā nippariyaḡato manoviññāṇakiccavirahaṃyeva dasseti. **Dassanādīnaṃ paṇāti**ādīnā aññaviññāṇavidhuraṃ manodhātuyā ca sabhāvaṃ dasseti.

Yadi janakasadisatā nāma mahāvīpākesu vitakkādīnaṃ sammāsaṅkappādītā, tihetukato nibbattānaṃ tihetukānaṃ, duhetukato nibbattānaṃ duhetukānaṃ bhavatu sammāsaṅkappādītā, tihetukato pana nibbattaduhetukānaṃ kathaṃ tathā “**tattha hi**”tiādi. **Tāmsotapatitā na siyā** tassā anānantarattā. **Tato eva hīti**ādīnā vuttasotapatitaṃ evānantarena vacanena samatthayati. Yadi vijānānānaṃ manodhātuādisu vitakkādīnaṃ pañcaviññāṇesu viya aḡaṇanūpagabhāvo, evaṃ sante paṭṭhāne kathaṃ tesāṃ jhānapaccayatāvacaṇaṃ. “Abyākato dhammo abyākatassa dhammassa jhānapaccayena paccayo”ti (paṭṭhā. 1.1.431), “vipākābyākatāni kiriyābyākatāni jhānaḡāni sampayuttakānaṃ khandhānaṃ cittasamuṭṭhānānaṃ rūpānaṃ jhānapaccayena paccayo”ti (paṭṭhā. 1.1.431) hi vuttaṃ. Paccānīyepi “**abyākataṃ dhammaṃ paṭicca abyākato dhammo uppajjati na jhānapaccayā, pañcaviññāṇasahitaṃ ekaṃ khandhaṃ paṭicca tayo khandhā**”tiādinā (paṭṭhā. 1.1.98) pañcaviññāṇāni eva uddhaṭṭāni, na manodhātuādinīti āha “**jhānapaccayakiccamattato**”tiādi. Na hettha jhānaḡānaṃ balavadubbalabhāvo adhikato, atha kho jhānapaccayabhāvamattanti adhippāyo.

469. Samānavatthukaṃ anantarapaccayaṃ labhivāti dassanādīto manodhātuyā ca balavabhāve kāraṇavacaṇaṃ. **Yathārammaṇanti** ārammaṇanurūpaṃ. Yadi samānanissayatāya manodhātuto balavatarattaṃ vipākamanoviññāṇadhātuyā somanassasahagatāya, voṭṭhabbaṃ kathaṃ majjhattedananti anuyogaṃ manasi katvā tassa balavabhāvaṃ sampaṭicchitvā santatipariṇāmanabyāpāravisesā na somanassavedananti parihāraṃ vadanto “**voṭṭhabbana**”ntiādimāha. **Vipāko viya anubhavanameva na hotīti** sati samatthātāya vipākānaṃ ekantena ārammaṇarasānubhavanatāya vuttaṃ.

Ahetukakusalavīpākavaṇṇanā niṭṭhitā.

Aṭṭhamahāvīpākacittavaṇṇanā

498. Vipākadharmānaṃ kammadvāraṃ vuttaṃ **dvārakathāyaṃ** “tebhūmakakusalākusalo ekunātiṃsavido mano”ti (dha. sa. aṭṭha. manokammadvārakathā). **Payogenā**ti attanā parehi vā katena ussāhanapayogena. **Kusalākusalāni viya** yesaṃ taṃ tadārammaṇaṃ anubandhabhūtaṃ. Paṭhamapañcamacittānaṃ aññamaññabalavadubbalabhāvavicārena dutyachattādhānampi so vicārito hotīti “**etesu balavaṃ dubbalaṃ vicāretu**”nti vuttaṃ. Yathā sāliādīnaṃ thaddhamudubhūmivasena tiṇādīnaṃ aññaraṇāññaraṇavasena utuādivasesapaccayānaṃ vipattisampattivasena ca phalavisesayogo, evaṃ kammassa sugatiduggativasena avisuddhavisuddhapayogavasena upapattiyā vipattisampattivasena ca visiṭṭhaphalatāya pariṇāmanānaṃ, evameva gimhavassakālādisu bījānaṃ phalavisesayogo viya taṃtaṃkālavisesena kammassa phalavisesayogo hotīti āha “**kālavasena pariṇāmatī**”ti. **Sukkasoṇitapaccayānanti** kammavisesaparibhāvitasantānuppannaṃtāya sukkasoṇitānaṃ āyuvisesahetubhāvamāha sukkasoṇitavasenaṃ viññādivisesadassanato, yena “**pitūnaṃ ākāraṃ putto anuvīdhatī**”ti vuccati. **Taṃmūlakānanti** appāyukasaṃvattaniyakammamūlakānaṃ. **Āhārādīti ādi**-saddena visamūpakkamādayo pariggaṇhāti.

Vipākuddhārakathāvaṇṇanā

Yato tihetukādikammato. **Yasmiṃca thāneti** paṭisandhiādiṭṭhāne, sugatiduggatiyaṃ vā. **Tihetukato duhetukaṃ anicchanto** paṭisandhanti adhippāyo. Pavattivīpākaṃ pana tihetukato duhetukampi icchati eva. Tathā hi vakkhati **aṭṭhakathāyaṃ** “yaṃ purimāya hetukittanaladdhiyā na yujjati”ti (dha. sa. aṭṭha. 498).

Ye “tasseva kammassa vipākāvasesenā”ti, “ekapupphaṃ yajitvāna, asīti kappakoṭiyo (theragā. 96). Duggatiṃ nābhijānāmī”ti (apa. therā 2.46.64) ca evamādivacaṇassa adhippāyaṃ ajānantā “**kiṃ nu kho ekenapi kammāna anekā paṭisandhi**

hoti”ti, “disvā kumāraṃ satapuññalakkhaṇa”ntiādivacanassa (dī. ni. 3.205) atthaṃ asallakkhetvā “kinnu kho nānākammehi ekā paṭisandhi hoti”ti saṃsayapakkhanda, tesam bījaṅkuropamāya “ekasmā ekā, anekasmā ca anekā paṭisandhi hoti”ti vinicchitattā kammaṭṭisandhivavathānato sāketapañhe vipākuddhārakathāya ussakittanagahaṇassa sambandhaṃ āha “**kammavasena...pe... dassetu**”nti. Paṭisandhijanakakammavasena paṭisandhivipāko eva alobhalobhādiguṇadosātirekabhāvahetūti attho daṭṭhabbo. Tathā hi vuttaṃ “so tena kammena dinnapaṭisandhivasena nibbatto luddho hoti”tiādi. Ettha ca lobhavasena, dosa, moha, lobhadosa, lobhamoha, dosamoha, lobhadosaṃhavasenaṭi tayo ekakā, tayo dvikā, eko tikoti lobhādidassanavasena akusalapakkeheva satta vārā. Tathā kusalapakkhe alobhādidassanavasenaṭi cuddasa vārā labbhanti.

Tattha “alobhadosaṃhā, alobhādosamohā, lobhadosaṃhā balavanto”ti āgatehi kusalapakkhe tatiyadutiyaṭṭhamavārehi dosussadamohussadadosamohussadavārā gahitā. Tathā akusalapakke “lobhādosamohā, lobhadosaṃhā, lobhādosamohā balavanto”ti āgatehi tatiyadutiyaṭṭhamavārehi adosussadaamohussadaadosamohussadavārā gahitāyevāti akusalakusalapakke tayo tayo vāre antogadhe katvā aṭṭheva vārā dassitā. Ye pana ubhayesaṃ vomissatāvaseṇeva lobhālobhussadavārādayo apare ekūnapaññāsa vārā dassetabbā, te asambhavato eva na dassitā. Na hi ekasmiṃ santāne antarena avatthantaraṃ lobho balavā alobho cāti yujjati. Paṭipakkhatoyeva hi etesaṃ balavadubbalabhāvo, saḥajātadhammato vā. Tesu lobhassa tāva paṭipakkhato alobhena anabhibhūtaṭāya balavabhāvo, tathā dosamohānaṃ adosaṃhāhehi. Alobhādināṃ pana lobhādiabhibhavanato sabbesaṇca samānājātiyaṃ samabhibhūya pavattivaseneva saḥajātadhammato balavabhāvo. Tena vuttaṃ **aṭṭhakathāyaṃ** “lobho balavā, alobho mando, adosaṃhā balavanto, dosamohā mandā”ti. So ca tesam mandabalavabhāvo purimūpanissayato āsayassa pariabhāvitāya veditabbo. Ettha ca paṭṭhamadutiyeḥi, sattapaṭṭhamameḥi vā vārehi tihetukakammato paṭisandhipavattivasena tihetukavipāko, itareḥi tihetukaduhetukakammato yathāsambhavaṃ paṭisandhipavattivasena duhetukāhetukavipākā dassitāti ayampi viseso veditabbo.

Idhāti vipākuddhāramātikāyaṃ. Tena hetukittanaṃ viseseti. **Jaccandhādivipattinimittaṃ** moho, sabbākusalaṃ vā. Yaṃ pana vuttanti sambandho. **Tena** paṭisambhidāmagavacanena. **Gatisampattiyā** sati **ñāṇasampayutte** paṭisandhimhi nipphādetabbe. **Aññatthāti** nikanṭipāṭisandhikkhaṇesu. **Kammasarikkhakoti** idha sātisayo sarikkhabhāvo adhippetoti daṭṭhabbo. Itarathā tihetukaduhetukāpi aññamaññaṃ sarikkhāyevāti dassitametanti. **Cakkhuvīññādinīti** ettha pañcaviññāṇāni viya apubbanissayapavattinī vījanānavisesarāhitā ca manodhātu itthādibhāgaggahaṇe na samatthāti “pākaṭāyevā”ti na vuttā, **ādi-**saddena vā saṅgahitā. **Tadārammaṇapaccayasabbajavanavatāti** tadārammaṇassa paccayabhūtasakalajavanappavattisāhitena. Yaṃ sandhāya “idha paripakkattā āyatanāna”nti vuttaṃ. **Aññakāleti** abuddhipavattikāle.

Anulometi dhammānulome. **Āsevanapaccayāti** āsevanabhūtaṃ paccayā. **Na magge** amaggapaccaye. **Sopi moghavāro labbheyāti** yadi voṭṭhabbanampi āsevanapaccayo siyā, yathā “sukhāya vedanāya sampayuttaṃ dhammaṃ paṭicca sukhāya vedanāya sampayutto dhammo uppajjati āsevanapaccayā na (paṭṭhā. 1.2.3) maggapaccayā”ti (paṭṭhā. 1.2.14) anulomapaccanīye, paccanīyānulome ca “sukhā...pe... na maggapaccayā āsevanapaccayā”ti ca vuttaṃ hasituppādacittavasena, evaṃ voṭṭhabbanavasena “adukkhamasukhāya vedanāya sampayuttaṃ dhammaṃ paṭiccā”tiādinā pubbe vuttanayena pāṭho siyā, tathā ca sati vāradvayavasena gaṇanāyaṃ “āsevanapaccayā na magge dve. Na maggapaccayā āsevane dve”ti ca vattabbaṃ siyā, na pana vuttaṃ, tasmā na labbheyāyaṃ moghavāroti adhippāyo.

Voṭṭhabbanampi yadi āsevanapaccayo siyā, dūtiyamoghavāre attano viya tatiyacatutthavāresupi siyā, tathā sati attanāpi kusalākusalānaṃ siyā. **Na hi...pe... avutto atthi** “purimā purimā kusalā dhammā”tiādinā anavasesato vuttattā. **Voṭṭhabbanassa...pe... avutto** “abyākato dhammo kusalassa dhammassa āsevanapaccayena paccayo. Akusalassa...pe... paccayo”ti vacanābhāvato. Na kevalaṃ avutto, atha kho **kusalaṃ...pe... paṭikkhittova. Athāpi siyātiādi** maggasodhanatthameva vuccati. Samānavedanānaṃ eva āsevanapaccayabhāvassa dassanato “**asamānavedanānaṃ vasenā**”ti vuttaṃ. **Evaṃ “āsevana paccayena paccayo”tipi vattabbaṃ siyā**, samānavedanāvasenāti adhippāyo. **Abhinnañātikassa cāti ca-saddo** abhinnañātikassa cāti sampiṇḍanatto. Vedanāttikepi voṭṭhabbanassa āsevanapaccayattassa abhāvāti yojanā. Kusalattikādīsū yathā dāssitapāḷippadesesupīti sampiṇḍanatto **pi-saddo**. **Gaṇanāya** kāraṇabhūtaṭāya gaṇanāya **niddhāriyamānāya** sati gaṇanāya vā abbhantare. **Dutiyo moghavāro vimamsitabboti** āsevanapaccayattābhāvā javanaṭṭhāne ṭhātuṃ na yujjati. Na hi vinā āsevanaṃ javanappavatti atthīti adhippāyo.

Apicettha “yaṃ javanabhāvappattaṃ, taṃ chinnaṃulakarukkhapupphaṃ viyā”ti (dha. sa. aṭṭha. 566) vakkhamānattā anupacchinnavāpavattānaṃ pavattānaṃ voṭṭhabbanassa kiriyabhāvo na siyā, vutto ca “yasmīṃ samaye manovīññādhātu uppannā hoti kiriyā neva kusalā nākusalā na ca kammavipākā upekkhāsahagatā”ti, tasmā “javanaṭṭhāne ṭhatvāti javanassa uppajjanaṭṭhāne dvikkhattuṃ pavattitvā, na javanabhāvenā”ti, “āsevanaṃ labhivāti ca āsevanaṃ viya āsevana”nti vuccamāne na koci virodho, vipphārikassa pana sato dvikkhattuṃ pavattiyevettha āsevanasādisatā. Vipphārikatāya hi viññāttisamūṭṭhāpakattaṇca vuccati. Vipphārikampi javanaṃ viya anekakkhattuṃ appavattiyā dubbalattā na nippariyāyato āsevanapaccayabhāvena pavatteyyāti na imassa pāṭhe āsevanatthaṃ vuttaṃ, aṭṭhakathāyaṃ pana pariyaṭto vuttaṃ yathā “phalacittesu maggaṅgaṃ maggapariyāpanna”nti. Ayamettha attanomatī. Ayampi porāṇakehi asaṃvaṇṇitattā sādhuṃ upaparikkhitabbo.

Evaṇca katvāti voṭṭhabbanāvajjanānaṃ anattantārabhāvato “**āvajjanā**”iceva **vuttaṃ**, voṭṭhabbanatṭhānepīti adhippāyo. **Tasmāti** yasmā voṭṭhabbanāṃ āvajjanāyeva atthato upekkhāsahagatāhetukakiriyamanovīññādhātubhāvato, tasmā. Taṃ āvajjanā viya sati uppattiyāṃ kāmāvacarakusalākusalakiriyājavānaṃ ekantato anantarapaccayabhāveneva vatteyya, no aññatthāti adhippāyena “**voṭṭhabbanato**”tiādimāha. **Catunnanti** muñchāmarāṇāsannavelādīsū mandībhūtavegatāya cattāripi

javanāni uppajjeyyunti adhippāyena vuttaṃ. **Ayametassa sabhāvoti** ārammaṇamukhenapi cittaniyāmaṃyeva dasseti. Yadi **“javanāpāripūriyā...pe... yutto”**ti vuttaṃ, **“āvajjanādīnaṃ paccayo bhavituṃ na sakkoti”**ti pana vuttatā cittappavattivasena paṭhamamoghavārato etassa na koci viseso. Tenevāha **“ayampi...pe... retabbo”**ti. Paṭisandhicittēyeva pavattiyāṃ **“bhavaṅga”**nti vuccamāne na tassa hetuvasena bhedoti **“sahetukaṃ bhavaṅgaṃ ahetukassa bhavaṅgassa anantarapaccayena paccayo”**ti (paṭṭhā. 3.1.102) na sakkā vattum, vuttañca, tasmā **sahetukaṃ bhavaṅganti** tadārammaṇaṃ vuttanti viññāyati.

Sabhāvakiccehi attano phalassa paccayabhāvo, sabhāvakiccānaṃ vā phalabhūtānaṃ paccayabhāvo **sabhāvakiccapaccayabhāvo. Appaṭisiddhaṃ daṭṭhabbanti** **“duhetukasomanassasahagataasaṅkhārikajavanāvasāne evā”**ti imassa atthassa anadhippetatā. Yathā ca ahetukaduhetukapaṭisandhikānaṃ tihetukajavanāvasāne ahetukaduhetukatadārammaṇaṃ appaṭisiddhaṃ, evaṃ tihetukapaṭisandhikassa tihetukajavanānantaraṃ duhetukatadārammaṇaṃ, duhetukapaṭisandhikassa ca duhetukānantaraṃ ahetukatadārammaṇaṃ appaṭisiddhaṃ daṭṭhabbanti. **“Tihetukakammaṃ tihetukampi duhetukampi ahetukampi vipākaṃ deti”**ti (dha. sa. aṭṭha. 498) hi vuttaṃ. **Paripuṇṇavipākassāti** imināpi tihetukajavanato yathāvuttatadārammaṇassa appaṭisiddhaṃyeva sādheti. Na hi paccayantarasāmaggiyā asati tadārammaṇaṃ sabbam avipaccantaṃ kammaṃ paripuṇṇavipākaṃ hotīti. **Mukhanidassanamattameva** yathāvuttatadārammaṇappavattiyā avibhāvitattā. Tihetukādikammaṃ hi ukkaṭṭhassa tihetukakammaṃ soḷasa, itarassa dvādasa, ukkaṭṭhasseva duhetukakammaṃ dvādasa, itarassa aṭṭhāti evaṃ soḷasavipākacittādiṃ yojetabbāni. **Tasmāti** yasmā paripuṇṇavipākassa paṭisandhijanakakammaṃ vasena vipākavibhāvanāya mukhanidassanamattamevetam, tasmā.

Evañca katvāti nānākammato tadārammaṇuppattiyāṃ ito aññathāpi sambhavatoti attho. **“Upekkhā...pe... uppajjati”**ti ettha kena kiccena uppajjati? Tadārammaṇakiccaṃ tāva na hoti javanārammaṇassa anālamānato, nāpi santīraṇakiccaṃ tathā appavattanato, paṭisandhicuṭṭisu vattabbameva natthi, pārisesato bhavaṅgakiccanti yuttaṃ siyā. Na hi paṭisandhibhūtaṃyeva cittam **“bhavaṅga”**nti vuccatīti.

Tanninnanti āpāthagatavisayaninnaṃ āvajjananti sambandho. **Aññassa viya** paṭhamajjhānādikassa viya. Etassapi sāvajjanatāya bhavitabbanti adhippāyo. **Atadatthāti** ettha **taṃ**-saddena nirodhaṃ paccāmasati. **Uppattiyāti** uppattito. **Tanti** nevasaññānāsaññāyatanam. **Tassa** nirodhassa. **Tathā ca uppajjati** **“anantarapaccayo hoti”**ti padassa atthaṃ vivarati. **Yathāvuttā** vuttappakārā. **Vodānaṃ** dutyamaggādīnaṃ purecārikaññaṃ. **Etesanti** ariyamaggacittamaggānantaraphalacittānaṃ. **Etassāti** yathāvuttavipākacittassa.

Upanissayato tasseva cakkhuvīññādivipākassa dassanattaṃ **cakkhādīnaṃ dassanādiatthato** dassanādiphalaṃ, dassanādippayojanato vā. **Purimacittāni** āvajjanādīni. Vatthantararahitatte dassetabbe vatthantare viya ārammaṇantarepi na vattaṭṭi **“vatthārammaṇantararahita”**nti vuttaṃ.

Yadi vipākena kamma sarikkheneva bhavitabbaṃ, evaṃ sati imasmiṃ vāre ahetukavipākānaṃ asamabhavo eva siyā tesam akammasarikkhakattāti imamattaṃ manasi katvā āha **“ahetukānaṃ panā”**ti. **Abhinipātamattanti** pañcannaṃ viññāṇaṃ kiccamaḥa. Te hi āpāthagatesu rūpādīsū abhinipātanamatteneva vattanti. **Ādi**-saddena sampañcchanādīni saṅgaṇhāti. Kusalesu kusalākusalakiriyesupi vā vijjamānā sasaṅkhārikāsaṅkhārikatā aññamaññaṃ asarikkhattā pahānāvattānato ca viruddhā viyāti vipākesu sā tadanukūla siyā, sā pana mūlābhāvena na suppatiṭṭhitānaṃ savisayābhinipatanamattādivuttīnaṃ natthīti vuttaṃ **“na sasaṅkhārikaviruddho”**tiādi. **Ubhayenapi tesam nibbattiṃ anujānāti** yathā **“kaṭattārūpāna”**nti adhippāyo. **“Vipākadhammadhammo vipākassa dhammassa ārammaṇapaccayena paccayo. Vipākadhammadhamme khandhe aniccato dukkhato anattato vipassati, assādeti abhinandati, taṃ ārabba rāgo uppajjati, domanassaṃ uppajjati, kusalākusale niruddhe”**tiādinā (paṭṭhā. 1.3.93) vipākattike viya siyā kusalattikepi pālīti katvā **“kusalattike cā”**tiādi vuttaṃ. Tattha hi **“kusalo dhammo abyākatassa dhammassa ārammaṇapaccayena paccayo”**ti uddisitvā **“sekkhā vā puthujjanā vā kusalaṃ aniccato dukkhato anattato vipassanti, kusale niruddhe vipāko tadārammaṇatā uppajjati, kusalaṃ assādeti abhinandati, taṃ ārabba rāgo uppajjati, diṭṭhi, vicikicchā, uddhaccaṃ, domanassaṃ uppajjati, akusale niruddhe vipāko tadārammaṇatā uppajjati”**ti vuttaṃ. Avijjamānattā eva avacananti adhippāyena tattha yuttim dasseti **“vipphārikañhi”**tiādinā.

Ettha keci **“chaṅgupekkhāvato**pi kiriyamayacittatāya kiriyajavanassa vipphārikakiriyabhāvo na sakkā nisedhetunti nidassanabhāvena paṇṇapuṭamupanītaṃ asamānaṃ. Kiriyajavanānantaraṃ tadārammaṇābhāvassa pālīyam avacanampi akāraṇaṃ labbhamānassapi katthaci kenaci adhippāyena avacanato. Tathā hi dhammasaṅgahe akusalaniddese labbhamānapi adhipati na vutto, tasmā kiriyajavanānantaraṃ tadārammaṇābhāvo vīmaṃsitabbo”ti vadanti. Satipi kiriyamayatte sabbattha tādibhāvappattānaṃ khīṇāsavānaṃ javanacittaṃ na itaresaṃ viya vipphārikaṃ, santasabhāvātāya pana sannisinnarasaṃ siyāti tassa paṇṇapuṭaṃ dassitaṃ. Dhammasaṅgahe akusalaniddese adhipatino viya paṭṭhāne kiriyajavanānantaraṃ tadārammaṇassa labbhamānassa avacane na kiñci kāraṇaṃ dissati. Tathā hi vuttaṃ tattha aṭṭhakathāyaṃ **“hetṭhā dassitanayattā”**ti (dha. sa. aṭṭha. 429). Na cettha dassitanayattāti sakkā vattum vipākadhammadhammehi kusalākusalehi atamsabhāvānaṃ nayadassanassa ayujjamānakattā. Apica tattha vīmaṃsāya kesuci sabbesaṅga adhipatīnaṃ abhāvato ekarasaṃ desanaṃ dassetuṃ **“uddhaṭo”**ti ca sakkā vattum, idha pana na tādīsaṃ avacane kāraṇaṃ labbhatīti **“avacane kāraṇaṃ natthi”**ti vuttaṃ.

Adhippāyenāti akusalānantaraṃ sahetukatadārammaṇaṃ natthīti tassa therassa matimattanti dasseti. **“Kusalākusale niruddhe sahetuko vipāko tadārammaṇatā uppajjati”**ti (paṭṭhā. 3.1.98) vacanato pana akusalānantaraṃ sahetukatadārammaṇampi vijjatiyevāti uppattim vadantassa yuttaḅḅaḅḅavāsenaṅti adhippāyo.

Na ettha kāraṇaṃ dissatīti etena tihetukajavanānantaraṃ tividhampi tadārammaṇaṃ yuttanti dasseti. **Yena adhippāyēnāti** paṭhamatherena tāva ekena kammaṇā anekataḍārammaṇaṃ nibbattamānaṃ kammavisesābhāvaṃ taṃtaṃjavanasāṅkhātapaccayavisesena viṣiṭṭhaṃ hotīti iminā adhippāyena javanavasena tadārammaṇassa sasaṅkhārādividhānaṃ vuttaṃ, vipākena nāma kammaṣarikkhena bhavitabbaṃ, na kammaviruddhasabhāvena. Aññathā aniṭṭhappasaṅgo siyāti evamadhippāyena dutiyatthero kammavaseneva tadārammaṇavisesaṃ āha. Ñāṇassa jaccandhādiduggativipattinimittapaṭipakkhatā viya sugativipattinimittapaṭipakkhatāpi siyāti maññamāno tatiyatthero “tihetukakammato duhetukapaṭisandhimpī nānujānāti”ti iminā nayena tesu vādesu adhippāyāvirodhavasena yuttaṃ gahetabbaṃ. **Mahāpakaraṇe āgatapāliyāti** “sahetuko dhammo ahētukassa dhammassa anantarapaccayena paccayo”ti (paṭṭhā. 3.1.102) imassa vibhaṅge “sahetukaṃ bhavaṅgaṃ ahētukassa bhavaṅgassa anantarapaccayena paccayo, sahetukā khandhā vuṭṭhānassa anantarapaccayena paccayo”ti evamādinā paṭṭhāne sahetukadukādīsu āgatapāliyāti attho.

Kāmāvacarakusalavipākavaṇṇanā niṭṭhitā.

Rūpāvacarārūpāvacaravipākakathāvaṇṇanā

499. Tasmim̐ khaṇe vijjāmānānaṃ chandādīnanti etena vipākajjhāne dukkhāpaṭipadādibhāvassa avijjāmānataṃ dasseti. Na hi kusalajjhānaṃ viya vipākajjhānaṃ parikkammavasena nibbattatīti. Na cettha paṭipadābhedo viya kusalānurūpo vipākassa ārammaṇabhedo pi na paramatthiko siyāti sakkā vattuṃ ekantena sārammaṇattā arūpadhammānaṃ vipākassa ca kammanimittārammaṇatāya aññatrāpi vijjāmānattā. **Nānākkhaṇesu nānādhipateyyanti** “yasmim̐ khaṇe yaṃ jhānaṃ yadadhipatikaṃ, tato aññasim̐ khaṇe taṃ jhānaṃ ekantena tadadhipatikaṃ na hotī”ti katvā vuttaṃ. **Catutthajjhānassevāti** ca paṭipadā viya adhipatayo na ekantikāti imamevatthaṃ dasseti.

Rūpāvacarārūpāvacaravipākakathāvaṇṇanā niṭṭhitā.

Lokuttaravipākakathāvaṇṇanā

505. Taṇhāvijjādīhi āhitavisesaṃ lokiyakammaṃ vipākuppādanasamattaṃ hoti, na aññathāti vuttaṃ “**taṇhādīhi abhisāṅkhata**”nti. **Itarassāti** suññatāppaṇihitaṇāmarahitassa. Yo suddhikaṭipadāya vibhāvito, yo ca suttantapariyāyena animittoti vuccati. Tenevāha “**aniccānupassanānantarassapi maggassā**”tiādi. **Vaḷaṅjana...pe... bhedo hoti** maggāgamanavasenāti adhippāyo. “Maggānantaraphalacittasim̐ yevā”ti vacanaṃ apekkhitvā “**suññatādīnāmālābhe sati**”ti sāsāṅkaṃ āha. **Animittanāmañca labhati** maggāgamanato phalassa nāmālābhe visesābhāvato adhippāyo. **Tādisāya evāti** yādisā magge saddhā, tādisāya eva phale saddhāya.

555. “Katame dhammā niyyānikā? Cattāro maggā”ti vacanato (dha. sa. 1295, 1609) aniyāyānikapadaniddese ca “catūsu bhūmisu vipāko”ti (dha. sa. 1610) vuttattā na nippariyāyena phalaṃ niyyānasabhāvaṃ, niyyānasabhāvassa pana vipāko kilesānaṃ paṭippassaddhippāhānavasena pavattamāno pariyaṃyato tathā vuccatīti āha “**niyyānikasabhāvassā**”tiādi. **Pañcaṅgiko cāti** etena maggavibhaṅge sabbavāresupi phalassa maggāpariyāyo āgatoti dasseti. Tattha hi ariyamaggakkhaṇe vijjāmānāsūpi viratīsu tadavasīṭṭhānaṃ pañcannaṃ kārapakaṅgānaṃ atirekakiccatādassanattaṃ pāliyaṃ pañcaṅgikopi maggo uddhaṭoti. **Evaṃ bojjaṅgāpīti** yathā maggo, evaṃ maggābojjaṅgāvibhaṅgesu phalesu ca bojjaṅgā uddhaṭāti attho.

Lokuttaravipākakathāvaṇṇanā niṭṭhitā.

Kiriyābyākatakathāvaṇṇanā

568. Purimā pavattīti mahākiriyaṭṭappavattim̐ āha. Tāya hi khīṇāsavo evaṃ paccavekkhatī. Tenevāha “**idaṃ pana cittaṃ vicāraṇapaññārahita**”nti. **Evanti** yathā sotadvāre, evaṃ ghānavārādīsūpi mahākiriyaṭṭehi tasmim̐ tasmim̐ visaye idamatthikatāya paricchināya idaṃ cittaṃ vattatīti dasseti. **Pañcadvārānugataṃ hutvā labbhamānanti** pañcadvāre pavattamahākiriyaṭṭānaṃ piṭṭhivaṭṭakabhāvena imassa cittassa pavattim̐ sandhāya vuttaṃ, pañcadvāre eva vā idameva pavattanti sambandho. “**Loluppa...pe... bhūta**”nti vuttattā pañcadvāre paṭhamaṃ iminā cittena somanassito hutvā pacchā mahākiriyaṭṭehi taṃ taṃ atthaṃ vicinofīti ayamattho vutto viya dissatī. Pubbeyeva pana manodvārikacittena padhānasārūpaṭṭhānādīm̐ paricchindantassa pañcadvāre tādisasseva tādisesu rūpādīsū idaṃ cittaṃ pavattatīti vadanti. Ayampi attho pañcadvāre eva pavattaṃ loluppatāṇhāpāhānādīpaccavekkhaṇāhetu yathāvuttakāraṇabhūtaṃ jātanti evaṃ yojetvā sakkā vattuṃ. Evañca sati imassa cittassa paccayabhūtā purimā pavattīti idampi vacanaṃ samatthitaṃ hoti.

Ettha ca pañcadvāre iminā cittena somanassuppādanamattaṃ daṭṭhabbaṃ, na hāsuppādanaṃ pañcadvārikacittānaṃ avīññattijjanakattā, manodvāre pana hāsuppādanaṃ hoti. Teneva hi **aṭṭhakathāyaṃ** pañcadvāre “somanassito hotī”ti ettakameva vuttaṃ, manodvāre ca “hāsāyamaṇa”nti. Iminā hasituppādacittena pavattiyamānampi bhagavato sitakaraṇaṃ pubbenivāsaṇāgatamaṣabbāññānānaṃ anuvattakattā ñāṇānuparivattiyevāti. Evaṃ pana ñāṇānuparivattibhāve sati na koci pāliyaṭṭhakathānaṃ virodho, evaṃ katvā **aṭṭhakathāyaṃ** “tesaṃ ñāṇānaṃ ciṅṅaparivante idaṃ cittaṃ uppajjati”ti vuttaṃ. Avassañca etaṃ evaṃ icchitabbaṃ, aññathā āvajjanacittassapi bhagavato pavatti na yujjeyya. Tassapi hi viññattisamuṭṭhāpakabhāvassa nicchitattā, na ca viññattisamuṭṭhāpakatte taṃsamuṭṭhitāya viññattiyā kāyakammādibhāvaṃ āvajjanabhāvo vibandhatīti.

Tato evāti mūlābhāvena na suppatiṭṭhitattā eva. “Ahetukānaṃ jhānaṅgāni balāni cā”ti sampiṇḍanatto **jhānaṅgāni cāti ca-**saddo. Yadi aparipuṇṇattā balābhāvassa imasmiṃ ahetukadvaye balāni anuddiṭṭhāni asaṅgahitāni ca, atha kasmā niddiṭṭhānīti āha “**yasmā panā**”tiādi. Sammā niyyānikasabhāvānaṃ kusalanāṃ paṭibhāgabhūto vipākopi phalaṃ viya taṃsabhāvo siyāti sahetukavipākacittāni aggahetvā kiriyacittakatattā vā “**mahākiriya-**cittesū”ti vuttaṃ. Atha vā **mahākiriya-**cittesucāti ca-saddena sahetukavipākacittānīpi gahitānīti veditabbāni.

574. “Indriya ...pe... imassānantaraṃ uppajjamānāni”ti vuttaṃ tesam ṇāṇānaṃ kāmāvacarattā. Itaresaṃ mahagattattā “**parikammānantarāni**”ti vuttaṃ.

577. Āhito ahaṃ māno etthāti attā, so eva bhavati uppajjati, na paraparikkappito viya niccoti **attabhāvo**. Attāti vā diṭṭhigatikehi gahetabbākārena bhavati pavattatīti **attabhāvo**.

Kiriyābyākatakathāvaṇṇanā niṭṭhitā.

Cittuppādakaṇḍavaṇṇanā niṭṭhitā.

2. Rūpakaṇḍaṃ

Uddesavaṇṇanā

Kenacīti rūpena vā arūpena vā. Cittuppādena tāva rūpassa samayavavattānaṃ na sakkā kātuṃ abyāpitāya anekantikātāya cāti imamatthaṃ dassento “**acittasamuṭṭhānasabbhāvato**”tiādimāha. Tattha acittasamuṭṭhānaṃ rūpaṃ cittassa tīsu khaṇesu uppajjatīti imasmiṃ tāva vāde cittuppattisamayena rūpūpapattisamayassa vavattānaṃ mā hotu, cittassa uppādakkhaṇeyeva sabbampi rūpaṃ uppajjatīti imasmiṃ pana vāde kathanti? Etthāpi acittasamuṭṭhānaṃ rūpaṃ cittaena sahuṃpādepi anindriyabaddharūpaṃ viya acittapaṭi bandhuppādātāya na cittaena vavattāpetabbasamayanti vuttaṃ “**acittasamuṭṭhānasabbhāvato**”ti. Tena cittuppādena rūpassa samayavavattānaṃ na byāpīti dasseti. Anekacittasamuṭṭhānatāya vavattānābhāvato sambandho. Niyate hi samuṭṭhāpakacitte cittasamuṭṭhānarūpassa siyā vavattānanti.

Kesañcīti kāmāvacarakusalādīnaṃ. **Katthacīti** āruppe. **Kesañcīti** vā kesañci pañcavokāravipākānaṃ. **Katthacīti** paṭisandhikkhaṇe carimakkhaṇe ca. “Tasmiṃ samaye phasso hoti”tiādinā (dha. sa. 1) cittasahabhāvīnaṃ eva cittaena samayavavattānaṃ katanti vuttaṃ “**acittasahabhūbhāvato**”ti. **Tesanti** upādārūpānaṃ. Yo yassa sahabhāvena upakārako, so eva tassa samayavavattāpakabhāvena vuttoti āha “**sahajāta...pe... ttanato**”ti. **Nāpi mahābhūte**hītiādinā vavattānābhāvameva dasseti. **Kesañcīti** akammajādināṃ. **Kehicīti** kammajādihi. **Pavattitoti** pavattanato. **Sahāti** ekasmiṃ kāle. **Abhāvāti** niyogato abhāvā.

Viññattī ...pe... na sakkā vattum mahābhūtehi samayavavattāne kariyamāne tehi ayāvabhāvitātāyāti adhippāyo. **Ekasmiṃ kāleti**ādināpi mahābhūtehi samānyamane vavattānābhāvameva vibhāveti. “Tathā vibhajanattha”nti, “avibhattaṃ abyākataṃ atthīti dassetu”nti ca imesaṃ padānaṃ “vibhattaṃ avibhattaṃca sabbam saṅgaṇhanto āhā”ti iminā sambandho. Samayavavattānaṃ katvā niddisīyamānassa nippadesatāya asaṃbhavato ekadesaṃ niddisītvā sāmāñiṇa nigamaṇaṃ yuttaṃ, akatvā pana samayavavattānaṃ sarūpato niddisanena tathāti imamatthaṃ āha “**samayavavattānenā**”tiādinā. **Avibhatteti** vipākakiriyābyākataṃ viya na pubbe vibhatte. **Vibhajitabbeti** bhedavantatāya vibhajanārahe. **Dassiteti** uddisanavasena dassite. Vuttamevatthaṃ vitthāratarena dassetuṃ “**ettha panā**”tiādimāha.

Vipākādiddhammānaṃ nayanāṃ nayo, sova dassananti nayadassanaṃ. “Desanā”ti vuttaṃ **heṭṭhā gahaṇameva nayadassananti**. Dutiyavikappe pana kāmāvacarādibhāvena nīyatīti nayo, kiriyābyākataṃ. Tassa dassanaṃ nayadassananti yojetabbam. Dukādīsu niddesavāre ca hadayavattuno anāgatattā taṃ aggahetvā paṭhamavikappo vutto, ekake pana vatthupi gahitanti “**hadayavattuñcā**”ti dutiyavikappe vuttaṃ. Kiṃ pana kāraṇaṃ dukādīsu niddesavāre ca hadayavattu na gahitanti? Itaravattūhi asamānagatikattā desanābhedato ca. Yathā hi cakkhuvīññāpādīni ekantato cakkhādīnissayāni, na evaṃ manovīññānaṃ ekantato hadayavattunissayaṃ, nissitamukhena ca vatthudukādīdesanā pavattā. Yampi ekantato hadayavattunissayaṃ, tassa vasena “atthi rūpaṃ manovīññānaṃ vattū”tiādinā dukādīsu vuccamānesupi tadanukūlaārammaṇadukādayo na sambhavanti. Na hi “atthi rūpaṃ manovīññānaṃ ārammaṇaṃ, atthi rūpaṃ na manovīññānaṃ ārammaṇa”ntiādinā sakkā vattuntī vatthārammaṇadukādesanā bhinnagatikā siyūṃ, samānagatikā ca tā desetuṃ bhagavato ajjhāsayo. Esā hi bhagavato desanā pakati. Teneva hi **nikkhepakaṇḍe** cittuppādavibhāgena avuccamānattā avitakkāvicārapadavissajjane vicāroti vattum na sakkāti avitakkāvicāramattapadavissajjane labbhamānopi vitakko na uddhaṭo, aññathā vitakko cāti vattabbaṃ siyāti. Evaṃ itaravattūhi asamānagatikattā desanābhedato ca dukādīsu uddese na gahitaṃ. Uddiṭṭhasseva hi niddisanato niddesepe na gahitaṃ hadayavattūti vadanti.

Cakkhādīdasakā sattāti cakkhusotaghānāvīhākāyāitthibhāvapurisabhāvadasakā satta, ekasantānavasena vā cakkhusotaghānāvīhākāyābhāvavattudāsakā satta. Nibbānassa asatīpi paramatthato bhede parikkappitabhedopi bhedoyeva vohāravīsayeti katvā **sopādisesādibhedo** vutto.

584. Kiñcāpi aññattha kukkuṭaṇḍasaṅḥāne parimaṇḍala-saddo dissati, cakkasaṅḥānatā pana vaṭṭasaṅḥāne cakkavāle vuccamāno parimaṇḍala-saddo vaṭṭapariyāyo siyā. Anekatthā hi saddāti adhippāyenāha “**vaṭṭaṃ parimaṇḍala**”nti. Ettha ca sineruyugandharādīnaṃ samuddato upariadhobhāgānaṃ vasena ubbedho vutto, āyāmaṅḍalārehi sineru caturāsītiyojanasahassaparimāṇova. Yathāha “sineru, bhikkhave, pabbatarājā caturāsītiyojanasahassāni āyāmena, caturāsītiyojanasahassāni vitthārenā”ti (a. ni. 7.66). Sineruṃ pākāraparikkhepavasena parikkhipitvā ʒhitā yugandharādayo, sineruyugandharādīnaṃ antarepi sītasamuddā nāma. “Te visālatō yathākkamaṃ sineruādīnaṃ accuggamanasamānaparimāṇā”ti vadanti.

Koṭisatasahassacakkavāḷasseva āṇākhettabhāvo dasasahassacakkavāḷassa jātikhettabhāvo viya dhammatāvaseneva veditabbo. Vikappasamānasamuccayavibhāvanesu viya avadhāraṇe aniyame ca vā-saddo vattatīti tathā yojanā katā. Anekatthā hi nipātīti. Tattha anekantikatho **aniyamatto**.

Sīlādivisuddhisampādanena, catudhātuvavattānāvaseneva vā mahākiccatāya **mahantena vāyāmena**. Satipi lakkhaṇādibhede ekasmiṃ eva kāle ekasmiṃ santāne anekasatasahassakalāpavuttito mahantāni bahūni bhūtāni paramatthato vijjāmānānti vā **mahābhūtāni** yathā “mahājano”ti. Evanti “upādāya pavatta”nti atthe sati **paṭiccasamuppannatā vuttā hoti** paccayasambhūtatādīpanato. **Upādāyatīti** upādāyati evāti adhippāyo. Tenevāha “**ekantanissitassā**”ti. “**Bhavati hi nissayarūpānaṃ sāmibhāvo**”ti ādhārādheyyasambandhavacanicchāya abhāve ādhārābhūtopi attho saṃsāmisambandhavacanicchāya sāmibhāvena vuccati yathā “rukkhassa sākā”ti adhippāyo.

Tividharūpasāṅgahavaṇṇanā

585. Viññāttiduko cāti ca-saddena cittasahabhucittānuparivattidukāpi saṅgahitāti veditabbā. Sakkā hi etena nayena... pe... viññātuntī ettha pañcavīsāya tāva vatthudukesu paṭhamadukapañcakādayo cuddasahipi pakiṇṇakadukehi avasiṭṭhehi vatthudukehi pañcavīsāya ārammaṇadukehi pañcahi bāhirāyatanadukehi rūpadhātudukādīhi pañcahi dhātudukehi pacchimakehi tīhi indriyadukehi dvādasahipi sukhmarūpadukehi paṭhamādivajjehi avasiṭṭhehi āyatanadhātuindriyadukehi ca yojanaṃ gacchantī. Pañcavīsāya pana ārammaṇadukesu purimako dukapañcako upādinnaupādinnupādāniyasānidassanacittasamuṭṭhānacittasahabhucittānuparivattidukavajjehi pakiṇṇakadukehi sabbehipi vatthudukehi rūpāyatanarūpadhātudukavajjehi āyatanadhātudukehi sabbehipi indriyadukasukhumarūpadukehi yojanaṃ gacchati. Dutiyadukapañcakādīsū yathākkamaṃ saddāyatanasaddadhātudukādayo yojanaṃ na gacchanti, rūpāyatanarūpadhātudukādayo gacchanti. Pakiṇṇakadukesu sanidassanadukañcāti ayameva vireso. Yathā ca vatthudukesu, evaṃ cakkhāyatanacakkhūdhātucakkhundriyādidukapañcakesu. Yathā ca ārammaṇadukesu, evaṃ rūpāyatanarūpadhātūdidukapañcakesu tikayojanā. Itthindriyapurisindriyājīvitindriyadukā sukhmarūpadukā ca sabbehipi dukehi yojanaṃ gacchantīti evaṃ tāva tikayojanā veditabbā. Nanu cāyampi yojanā bhagavatā na desitāti na kātābātī? Nayidaṃ ekantikam. Kasmā? Bhagavatā dinnanayena yojanāpi bhagavatoyeva desanā. Tathā hi vuttaṃ **mātikāvavaṇṇanāyaṃ** (dha. sa. aṭṭha. 1-6) “hetū ceva dhammā ahetukā cāti idampi sambhavatī”tiādi. Sambhavo hi gahaṇassa kāraṇanti ca.

Tividharūpasāṅgahavaṇṇanā niṭṭhitā.

Catubbidhādirūpasāṅgahavaṇṇanā

586. Cittato eva samuṭṭhātīti cittasamuṭṭhānanti imameva atthaṃ gahetvā “**viññāttidukādīhi samānagatiko cittasamuṭṭhānaduko**”ti vuttaṃ. Vinivattite hi sāmāññe yaṃ rūpaṃ janakapaccayesu cittato samuṭṭhātī, taṃ cittato eva samuṭṭhātīti. **Viññāttidukādīhīti ādi-saddena** cittasahabhucittānuparivattiduke saṅgahātī. **Labbbhamānoti** yaṃ taṃ rūpaṃ upādā, taṃ atthi cittasamuṭṭhānaṃ, atthi na cittasamuṭṭhānaṃ. Yaṃ taṃ rūpaṃ nupādā, taṃ atthi cittasamuṭṭhānaṃ, atthi na cittasamuṭṭhānanti evaṃ labbbhamāno. **Sanidassanadukādīnanti ādi-saddena** sappaṭiṅghamahābhūtadukādayo saṅgahātī. **Tenāti** cittasamuṭṭhānadukena. **Tassāti** cittasamuṭṭhānadukasseva. **Aññe panāti** viññātticittasamuṭṭhānacittasahabhucittānuparivattidukehi aññeipi pakiṇṇakadukā.

Saddāyatanassa ekantato anupādinnatā “**sotasamphassārammaṇadukādayo vajjetvā**”ti vuttaṃ. **Catukkā labbbhantīti** yaṃ taṃ rūpaṃ upādinnaṃ, taṃ atthi cakkhusamphassassa ārammaṇaṃ, atthi cakkhusamphassassa nārammaṇaṃ. Yaṃ taṃ rūpaṃ anupādinnaṃ, taṃ atthi cakkhusamphassassa ārammaṇaṃ, atthi cakkhusamphassassa nārammaṇanti evamādayo sabbārammaṇabāhirāyatanādīlabbbhamānadukehi yojanāyaṃ catukkā labbbhantīti sambandho. **Avasesehīti** ārammaṇabāhirāyatanarūpadhātudukādīto labbbhamānadukehīti vuttadukarāsito avasesehī. **Tesanti** upādinnaupādinnupādāniyasācittasamuṭṭhānadukānaṃ. **Aññesanti** upādinnadukādīto aññesaṃ upādādudukādīnaṃ. **Vatthudukādīhīti ādi-saddena** cakkhāyatanadukādayo saṅgahātī. Etthāpi avasesehi tesam aññesaṃca yojanāya catukkā na labbbhantīti sambandho.

Catubbidhādirūpasāṅgahavaṇṇanā niṭṭhitā.

Uddesavaṇṇanā niṭṭhitā.

Rūpavibhatti

Ekakaniddesavaṇṇanā

594. Pathavādināṃ dhammānaṃ ruppanasabhāvo viya na hetuādibhāvopi sādharāṇoti na hetūsu vibhajitabboti vuttaṃ “**avijjamānavibhāgassā**”ti. Tassa pana vibhāgābhāvadassanasarūpadassanameva niddeso. Evañca katvā nibbānassapi vibhāgarahitattā “**asāṅkhatā dhātū**”ti ettakameva niddesavasena vuttaṃ.

Yadipi hinoti etena paṭiṭṭhāti kusalādiko dhammoti alobhādayo kevalaṃ hetupadavacanīyā, kāraṇabhāvasāmaññato pana mahābhūṭādayopi hetu-saddābhidheyāti mūlaṭṭhavācinā dutiyena **hetu**-saddena visesetvā āha “**hetuhetū**”ti. Suppatiṭṭhitabhāvasādhanato kusalādidhammānaṃ mūlatthena upakāradhammā “**tayo kusalahetū**”tiādinā (dha. sa. 1059-1060) paṭṭhāne ca teyeva “**hetupaccayo**”ti vuttāti āha “**mūlahetu paccayahetūti vā ayamattho**”ti. Hinoti etena, etasmā vā phalaṃ pavattatīti hetu, paṭicca etasmā eti pavattatīti paccayoti evaṃ **hetupaccaya**-saddānaṃ anānatthataṃ sandhāya hetusaddapariyāyabhāvena **paccaya**-saddo vuttoti āha “**hetupaccayasaddānaṃ samānatthattā**”ti. Bhūṭattayanissitāni ca mahābhūṭāni catumahābhūtanissitaṃ upādārūpanti sabbampi rūpaṃ sabbadā sabbattha sabbākāraṃ catumahābhūtahetukaṃ mahābhūṭāni ca anāmatṭhabhedāni sāmāññato gahitānti vuttaṃ “**rūpakkhandhassa hetū**”ti.

Kammasamādānānanti samādānānaṃ kammānaṃ, samādiyitvā katakammānaṃ vā. Aññesu paccayesu vipākassa taṇhāvijjādīsu.

“**Aṭṭhānametaṃ, bhikkhave, anavakāso, yaṃ kāyaduccaritassa iṭṭho kanto manāpo vipāko nibbatteyya, netam thānaṃ vijjati. Thānañca kho etaṃ, bhikkhave, vijjati, yaṃ kāyaduccaritassa anīṭṭho akanto amanāpo vipāko nibbatteyya. Thānametaṃ vijjati. Vacī...pe... mano...pe... vijjati...pe... aṭṭhānametaṃ, bhikkhave, anavakāso, yaṃ kāyasucaritassa anīṭṭho akanto amanāpo vipāko nibbatteyyā**”ti (ma. ni. 3.131; vibha. 809),

“**Kammaṃ satte vibhajati, yadidaṃ hīnapanītatāyā**”ti (ma. ni. 3.289) – evamādivacanato kammaṃ vipākassa iṭṭhāniṭṭhatam niyameṭīti āha “**iṭṭhāniṭṭhavipākaniyāmakattā**”ti. **Gatiupadhikālapayogasampattivipattiyoyeva thānaṃ** vipākassa okāsabhāvato. Na hi tehi vinā koci vipāko nibbatatīti. Yathāvuttaṭṭhāne sati adhigantabbam iṭṭhāniṭṭharammaṇaṃ “**gati...pe... nippādita**”nti vuttaṃ. Vipākassa ārammaṇena vinā abhāvato ārammaṇampi tassa padhānaṃ kāraṇaṃ. **Anāññasabhāvatoti** hetuādisabhāvābhāvato.

Ruppanaṃ rūpaṃ. Taṃ assa atthīti ettha “**assā**”ti vuccamāno pathavādiatthoyeva ruppatīpi vuccatīti āha “**ruppanalakkhaṇayuttasseva rūpīrūpabhāvato**”ti. **Etaṃ sabhāvanti** etaṃ uppanabhāve sati chahi viññāṇehi viññeyyasabhāvaṃ rūpe niyameṭi rūpasseva taṃsabhāvattā. **Na rūpaṃ etasminti** kālabhedavasena atāmsabhāvassapi rūpassa atthitāya na rūpaṃ tattha niyantabbanti dasseti. **Atthi hītiādinā** tattha rūpasseva niyantabbatābhāvameyeva vivarati. **Etamevātiādinā** uddesena niddesaṃ saṃsandeti. Ettha etameva rūpe yathāvuttasabhāvaṃ niyameṭabbaṃ niddese **eva**-saddena niyameṭi avadhāreṭīti attho. **Yathāvutto niyamoti** uppanabhāve sati chahi viññāṇehi viññeyyabhāvo niyantabbatāya “**niyamo**”ti vutto, so rūpe atthi eva rūpasseva taṃsabhāvattā. Visiṭṭhakālassa vuttapakāraṃ avadhāraṇameyeva vā yathāvutto niyamo, so rūpe atthiyeva sambhavatiyeva, na arūpe viya na sambhavatīti attho daṭṭhabbo. **Kālabhedanti** kālavisesaṃ. **Anāmasitvāti** aggahetvā. **Taṃ sabbanti** anāmatṭhakālabhedam tatoyeva arūpehi samānaviññeyyasabhāvaṃ sabbam rūpaṃ. **Uppannanti** etena kālabhedāmasanena viseseti “**uppannaṃ...pe... mevā**”ti.

Vattamānakālikam sabbam rūpaṃ diṭṭhasutamutaviññātasabhāvaṃ, taṃ yathāsakaṃ chahi viññāṇehi viññeyyasabhāvameva, na tehi aviññeyyaṃ. Nāpi uppannameva chahi viññāṇehi viññeyyasabhāvaṃ ekantalakkhaṇaniyamābhāvāpattitoti evaṃ aviparīte atthe vibhāvitepi codako adhippāyaṃ ajānanto “**nanu eva**”ntiādinā sabbassa sabbārammaṇatāpattim codeti. Itaro “**rūpaṃ sabbam sampiṇḍetvā**”tiādinā attano adhippāyaṃ vibhāveti. Ettha **ekībhāvena gahetvāti** idaṃ “**sampiṇḍetvā**”ti etassa atthavacanāṃ. Ekantalakkhaṇaṃ chahi viññāṇehi viññeyyasabhāvoyeva. Idaṃ vuttaṃ hoti – kiñcāpi pañcannaṃ viññāṇānaṃ visayantare appavattanato na sabbassa sabbārammaṇatā, sabbassapi pana rūpassa chaviññāṇarammaṇabhāvato yathāsakaṃ chahi viññāṇehi viññeyyatāya chahi viññāṇehi viññeyyatāva atthi, taṃ ekato saṅgahaṇavasena gahetvā “**uppannaṃ sabbam rūpaṃ chahi viññāṇehi viññeyya**”nti vuttaṃ yathā “**abhiññāppattaṃ pañcamajjhānaṃ chaḷārammaṇaṃ hotī**”ti. Yathā hi dibbacakkhudibbasotādiabhiññāppattassa pañcamajjhānassa visum asabbārammaṇatēpi ekantalakkhaṇavasena ekībhāvena gahetvā ārammaṇavasena paṭhamajjhānādito visesaṃ dassetuṃ “**abhiññāppattaṃ pañcamajjhānaṃ chaḷārammaṇaṃ hotī**”ti vuccati, evaṃ arūpato rūpassa visayavasena visesaṃ dassetuṃ “**uppa ...pe... viññeyya**”nti vuttanti. Chahi viññāṇehi viññeyyabhāvo rūpe niyameṭabbo, na pana rūpaṃ tasmim niyameṭabbaṃ, aniyatadeso ca eva-saddoti **aṭṭhakathāyaṃ** (dha. sa. aṭṭha. 594) “**paccuppannarūpameva cakkhuvīññāṇādīhi** chahi veditabba”nti vuttaṃ. “**Paccuppannarūpamevā**”tiādinā tattha dosamāha. **Tasmāti** yasmā pālīyaṃ viññeyyamevāti eva-saddo vutto, na ca tassa aṭṭhānayojanena kāci iṭṭhasiddhi, atha kho anīṭṭhasiddhiyeva sabbarūpassa ekantalakkhaṇaniyamādasanato, tasmā. Yathārutavaseneva niyame gayhamāne uppa...pe... patti natthi, tato ca sotapatitāyapi payojanaṃ natthīti. **Vuttanayenāti** “**arūpato vidhura**”ntiādinā vuttanayena.

Nāṇassa vā uttarassa purimaññaṃ vatthukāraṇanti **ñāṇavatthu**. “**Sajāti**”ti ettha sa-kāro samānasaddatthoti dassetuṃ “**samānajātikāna**”nti vuttaṃ. Samānajātita ca sammāvācādināṃ sīlanattho eva. Etena samānasabhāvatā sajātisāṅgahoti veditabbo. **Ārammaṇe** cetaso avikkhepappavattiyā upaṭṭhānussāhanāni viya tesam avikkhepopi atisayena upakārakoti “**aññamaññōpakāravasena**”ti vuttaṃ. Teneva vijjamānesupi aññesu sahaṇatadhammesu etesaṃyeva samādhikkhandhasaṅgaho dassito. Yaṃ pana **saccavibhaṅgavaṇṇanāyaṃ** (vibha. aṭṭha. 189) **visuddhimaggādīsu** (visuddhi. 2.568) ca “**vāyāmasatiyo** kiriyato saṅgahitā”ti vuttaṃ, taṃ asamādhisabhāvataṃ tesam samādhissa upakārakattañca sandhāya vuttaṃ. Teneva ca tattha “**samādhiyevetha sajātito samādhikkhandhena saṅgahito**”ti (visuddhi. 2.568; vibha. aṭṭha. 189) vuttaṃ. Idha pana

sajātisaṅgahoti samādhitadupakāradhammānaṃ uppattidesavasena saṅgaho vuttoti. Avirādetvā visayasabhāvāvaggahaṇaṃ **paṭivedho**, **appanā** ca ārammaṇe dāhanipāto tadavagāhoyevāti “**paṭivedhasadisam kicca**”nti vuttaṃ. Atha vā ārammaṇapaṭivedhassa tadāhananapariyāhananamanugūṇatāya samānanti paññāvitakkānaṃ kiccasarikkhatā vuttā.

Ekakaniddesavaṇṇanā niṭṭhitā.

Dukaniddeso

Upādābhājanīyavaṇṇanā

596. Samantato sabbaso dassanaṭṭhena cakkhu **samantacakkhūti** imamatthaṃ dassetuṃ “**sabbasaṅkhatāsaṅkhatadassana**”nti vuttaṃ. **Evamādināti** ettha **ādi**-saddo “dukkhaṃ pariññeyyaṃ pariññāta”nti tīsupi padesu paccekkaṃ yojetabbo. “Idaṃ dukkhanti me, bhikkhave, pubbe ananussutesu dhammesu cakkhuṃ udapādi, ñāṇaṃ udapādi”tiādinaṃ (mahāva. 15; paṭi. ma. 2,30) hi pālī pavattāti. **Ākārenāti** dvādasavidhena ākārena. **Tampi kāmāvacaraṃ** vipassanāpaccavekkhaṇañābhāvato. “Ñāṇacakkhu sahaariyamaggaṃ vipassanāñāntipi yujjati”ti vadanti. Aggamaggena pana saha vipassanā paccavekkhaṇañānti vuttaṃ viya dissati.

Yathāvutte maṃsapiṇḍe sasambhāre cakkhuvohāro santānavasena pavattamāne catusamuṭṭhānikarūpadhamme upādāya pavattoti “**catu...pe... sambhāra**”ti vuttaṃ. **Sanṭhānanti vaṇṇāyatana**evāti tena tena ākārena sanniviṭṭhesu mahābhūtesu taṃsaṃsaṅghānavasena vaṇṇāyatanaṃ viññāyamānattā vuttaṃ, na vaṇṇāyatanaṃseva saṅghānapaññattiyā upādānattā. Tathā hi andhakāre phusitvāpi saṅghānaṃ viññāyatīti. Tathā ca vakkhati “dīghādīni phusitvāpi sakkā jānitu”nti, (dha. sa. aṭṭa. 616) “dīghādisannivesaṃ bhūtasamudāyaṃ nissāyā”ti (dha. sa. mūlaṭṭi. 616) ca. **Tesaṃ** sambhavasasaṅghānānaṃ āpodhātuvavaṇṇāyatanehi anattantārahāvepi tehi **visuṃ vacanaṃ tathābhūtānaṃ** sambhāvabhūtānaṃ saṅghānabhūtānaṃca. Etena āpodhātuvavaṇṇāyatanaṃ vasena vattamānavatthāviseso sambhavo saṅghānañcāti ayamatto dassito hoti. Tattha sambhavo catusamuṭṭhāniko soḷasavassakāle uppajjati. Tassa rāgavasena ṭhānā vacanaṃ hotīti vadanti. **Atathābhūtānaṃ** tato aññāthābhūtānaṃ. **Yathāvutte** sambhāravatthusāṅkhāte. **Vijjāmānattāti** bhīyovuttivasena vuttaṃ. Tathā hi khīṇāsavānaṃ brahmānaṃca sambhavo natthīti. āpodhātuvisesattā sambhavo āpodhātusambandhī āpodhātutannissayanissitopi hotīti tassa catudhātunissitatāya avirodho vutto.

Utucittāhārehi upatthambhīyamānanti ettha “kalāpantaragatā utuāhārā adhippetā”ti vadanti. **Anekakalāpagatabhāvaṃ cakkhussa dasseti** yato uppaddutapaṭale nirākaraṇepi cakkhu vijjati. **Paṭighaṭṭanaṃ** visayābhīmukhabhāvo nighaṃsapaccayattā. **Nighaṃso** nissayabhāvāpatti. Yato cakkhādiniṣṭā saññā “**paṭighasaññā**”ti vuccati.

Anekattāti idaṃ avacanassa kāraṇaṃ, na hetukiriyāya viññāyamānabhāvassa. So pana apekkhāsiddhito eva veditabbo. Hetukiriyāpekkhā hi phalakiriyāti. **Cakkhuṃ saṅgaṇhātīti** cakkhuvīññāṇassa nissayabhāvānupagamanepi taṃsabhāvānavatthanato tassā samaññāya tattha niruḷhabhāvaṃ dasseti. Dassanapariyāyakaṭṭho cakkhussa indaṭṭhoyevāti “**yathā hi issaro**”tiādinaṃ issaropamā vuttā. Cakkhuvīññāṇaṃ dassanakicce pariñāyantaṃ cakkhu taṃsahajāte cakkhusamphassādayopi tattha pariñāyatīti vuccati “**te dhamme...pe... pariñāyati**”ti vuttaṃ, na pana cakkhusamphassādīnaṃ dassanakiccattā. Atha vā cakkhusamphassādīnaṃ indriyapaccayabhāvena upakāraṃ cakkhuvīññāṇaṃ dassanakicce pariñāyantaṃ cakkhu tattha cakkhusamphassādayopi tadanuvattake pariñāyatīti atthāyaṃ pariñāyoti dassento āha “**te dhamme...pe... ṇāyati**”ti. Anekattattā dhātūnaṃ **cakkhatīti** imassa “pariñāyati pakāseti”ti ca atthā vuttā. Saṅghānampi rūpāyatanaevāti “**samavisamāni rūpāni cakkhatīti cakkhū**”ti vuttaṃ. Taṃdvārikānaṃ phassādīnaṃ upanissayapaccayabhāvo eva **vaḷaṇṇanatto**.

599. Taṃdvārikā...pe... uppatti vuttāti cakkhuvīññāṇe upanne sampaṭicchanaḍḍīni balavārammaṇe javanaṃ ekantena uppajjati katvā vuttaṃ. Tathā ceva hi antarā cakkhuvīññāṇe vā sampaṭicchane vā santīraṇe vā ṭhatvā nivattissati netam ṭhānaṃ vijjati nicchitaṃ. **Tena paccayenāti** taṃpakārena paccayena. **Taṃsadisānanti** garuṃ katvā assādanādippavattivisesarahitatāya dassanasadisānaṃ manodhātusantīraṇavoṭṭhabbanānaṃ. Pañcadvārikajavanānaṃ assādanādito aññāthā garuṃ katvā pavatti natthi rūpadhammavisayattāti “**assādanābhinandanabhūtāni**”ti ettakameva vuttaṃ. Manodvārikajavanapitthivattakānaṃpi hi pañcadvārikajavanānaṃ assādanābhinandanabhāvena rūpaṃ garuṃ katvā pavatti natthīti na sakkā vattunti. Rūpaṃ ārammaṇādhīpati akusalasseva hoti. Tathā hi **paṭṭhāne** “abyākato dhammo akusalassa dhammassa adhipatipaccayena paccayo. ārammaṇādhīpati cakkhuṃ garuṃ katvā assādeti abhinandati”tiādinaṃ (paṭṭhā. 1.1.416) rūpadhammopi ārammaṇādhīpati vibhatto. “Abyākato dhammo abyākatassa dhammassa abyākato dhammo kusalassā”ti ettha pana phalanibbānāneva ārammaṇādhīpatibhāvena vibhattānīti. Gaṇanāya ca “ārammaṇārammaṇādhīpatiupanissayapurejātaatthiavigatanti eka”nti (paṭṭhā. 1.1.445) vuttaṃ. Yadi kusalassapi siyā, dveti vattabbaṃ siyāti. **Tānīti** yathāvuttajavanāni paṭiniddiṭṭhāni. **Taṃsampayuttāni** cāti javanasampayuttāni. **Aññāni** cakkhusamphassādīni. Yadi rūpassa ārammaṇapaccayabhāvamattaṃ adhippetam, “taṃ rūpārammaṇeti eteneva sījheyā”ti ettakameva vadeyya. Yasmā pana rūpaṃ taṃdvārikajavanānaṃ paccayavisesopi hoti, tasmā tassa visesassa dīpanatthaṃ “ārabbhā”ti vacanaṃ vuttaṃ siyāti āha “**ārammaṇapaccayato aññāpaccayabhāvassapi dīpaka**”nti.

600. Sotaviññāṇappavattiyam savanakiriyāvohāroti sotassa savanakiriyāya kattubhāvo sotaviññāṇassa paccayabhāvenāti vuttaṃ “**sotaviññāṇassa nissayabhāvena suṇāti**”ti. Jivitanimittamāhārāraso jivitaṃ, tasmīṃ ninnaṭṭāya taṃ avhāyatīti jivhāti

evaṃ siddhena jivhā-saddena pakāsiyamānā rasāvahāyanaśākhātā sāyanakiriya labbhatīti katvā vuttaṃ “**jivhāsaddena viññāyamānā kiriyāsāyana**”nti. Tathā ca vakkhati “jivītamavhāyatīti jivhā”ti (vibha. aṭṭha. 154). **Āyoti** uppattideso. Pasādakāyassa kāyikānaṃ dukkhasukhānaṃ nissayabhāvato itaresaṃ upanissayabhāvato “**dukkhadukkhavipariṇāmadukkhānaṃ āyo**”ti vuttaṃ. **Byāpitāyati** byāpibhāve, byāpibhāvena vā. **Kāyappasādabhāvoti** kāyappasādasabbhāvo. **Anuviddhattāti** anuyuttabhāvato, saṃsaṭṭhabhāvato attho. **Tasmāti** yasmā yāvataḥ imasmiṃ kāye upādinna kapavattaṃ nāma atthi, sabbattha kāyāyatanaṃ kappāsapaṭale sneho viyāti vuttaṃ, tasmā. Paṇḍarasabhāvā pasādā āpāthagataṃ visayaṃ viññānuppattihetubhāvena pakāsentā viya hotīti tesāṃ visayābhāsanaṃ iccatā vuttā. **Samānanissayānanti** ekanissayānaṃ. Avinibbhutesu hi rūparasādīsu yaṃnissayaṃ rūpaṃ, taṃnissayo eva rasādīti. **Aññamaññasabhāvānupagamenāti** lakkhaṇasaṅkarābhāvamāha.

Yasmā paccayantarasaṃhitoyeva cakkhuppasādo rūpābhīhanavasena pavattati, na paccayantararāhito, tasmā rūpābhīghāto hotu vā mā vā hotu, evaṃsabhāvo so rūpadhammoti dassetuṃ “**rūpābhīghātāraho**”ti vuttaṃ yathā “vipākārahasabhāvā kusalākusalā”ti. Visayavisayīnaṃ aññamaññaṃ abhimukkhābhāvo abhīghāto viyāti abhīghāto, so rūpe cakkhussa, cakkhumhi vā rūpassa hotīti vuttaṃ “**rūpe, rūpassa vā abhīghāto**”ti. Tenevāha “yamhi cakkhumhi anidassanāmi sappaṭighamhi rūpaṃ sanidassanaṃ sappaṭighaṃ paṭihaññi vā”ti (dha. sa. 597), “cakkhu anidassanaṃ sappaṭighaṃ rūpaṃ sanidassanāmi sappaṭighaṃ paṭihaññi vā”ti (dha. sa. 598) ca ādi. Ettha ca taṃtaṃbhavapattānāvasena cakkhādīsu avigatārāgassa attabhāvānippāhādakasādhāraṇakammavasena purimaṃ cakkhulakkhaṇaṃ vuttaṃ, sudūrasukhumādībhedassapī rūpassa gahaṇasamatthameva cakkhu hotūti evaṃ nibbattitāveṇīkammavasena dutiyaṃ. Esa nayo sesesupī. Atha vā satipi pañcannaṃ pasādabhāvasāmaññe savisayābhāsanaśākhātassa pasādāyāpārassa dassanavasena purimaṃ vuttaṃ, pasādakāraṇassa satipi kammabhāvasāmaññe attano kāraṇābhedenā bhedaḍḍassanavasena dutiyaṃ.

Kāmatāṇhāti kāmaḥ bhavati taṇhā. Tathā rūpāṇhā daṭṭhabbā. Tassa tassa bhavassa mūlakāraṇābhūtā taṇhā tasmīṃ tasmīṃ bhavati uppajjanārāhāyatanaṃ visayāpi nāma hotīti **kāmatāṇhādīnaṃ daṭṭhukāmatādivohārārahata** vuttā. **Daṭṭhukāmatāti** hi daṭṭhumicchā rūpāṇhāti attho. Tathā sesāsupīti. Ettha ca daṭṭhukāmatādīnaṃ taṃtaṃbhavapattānāvasena purimaṃ nibbattiyaṃ vattaḅbaṃ natthi. Asatipi tassa maggena asamugghātābhāveneva kāraṇānti daṭṭhabbaṃ. Yato maggena asamucchinnaṃ kāraṇālabhe satī uppajjitvā attano phalassa kāraṇābhāvūpagamaṇato vijjāmaṇamevāti uppannaatthitāpariyāyehi vuccati “ariyaṃ aṭṭhaṅgikaṃ maggaṃ bhāvento ariyaṃ aṭṭhaṅgikaṃ maggaṃ bahulīkaronto uppānuppanne pāpake akusale dhamme antarāyeva antaradhāpeti” (saṃ. ni. 5.157), “santaṃ vā ajjhattaṃ kāmacchandaṃ atthi me ajjhattaṃ kāmacchandaṃ pajānāti”ti (dī. ni. 2.382; ma. ni. 1.115) ca evamādīsu.

Etthāha – cakkhādīnaṃ indriyānaṃ kiṃ ekakammunā uppatti, udāhu nānākammunāti? Ubhayaṭṭhāpīti porāṇā. Tattha nānākammunā tāva uppattiyaṃ cakkhādīnaṃ visese vattaḅbaṃ natthi kāraṇassa bhinnattā. Ekakammunā pana uppattiyaṃ tesāṃ kathaṃ visesoti? Kāraṇassa bhinnattāyeva. Taṃtaṃbhavapattānābhūtā hi taṇhā taṃtaṃbhavapariyāpannāyatanaḥ bhīlāsātāya sayāṃ vicittarūpā upanissayabhāvena taṃtaṃbhavapattānābhūtā vicittābhedaṭṭhaṃ vidahati. Yato tadāhitavisesaṃ taṃ tathārūpasamatthāyogena anekarūpāpannaṃ viya anekāṃ viṣiṭṭhasabhāvaṃ phalaṃ nibbatteti. Tathā ca vakkhati “kammameva nesāṃ visesakāraṇa”nti. Na cettha samattatābhāvato aññaṃ vedittābaṃ kāraṇavisesenāhitavisesassa viṣiṭṭhaphalanippādanayogātābhāvato. Tathā hi satī ekassapī kammassa anekindriyāhetutāvisesayogaṃ ekampi kammantiādīnā yuttito āgamatopi parato sayameva vakkhati. Tathā ca ekasseva kusalcittassa soḷasādivipākacittānibbattihetubhāvo vuccati. Lokapi ekasseva sālibhījassa paripunnāparipunnāṇḍulaphalanibbattihetutā dissati. Kiṃ vā etāya yutticintāya, na cintitabbamevetā. Yato kammavipāko cakkhādīni kammavipāko ca sabbākārato buddhānaṃyeva kammavipākañānaphalayuttānaṃ visayo, na aññesaṃ atakkāvacarātāya. Teneva ca bhagavatā “kammavipāko acinteyyo na cintetabbo, yo cinteyya ummādasā viḡhātassa bhāḡī assā”ti (a. ni. 4.77) ādīnaṃ dassetvā paṭikkhittaṃ. **Āviñchanaṃ puggalassa viññānaṃ vā taṃninnabhāvappattiyā** hetubhāvo.

Sabbesanti padassa pakaraṇato pārisesato vā labbhamānaṃ atthavisesaṃ ajānanto yathārutavaseneva atthaṃ gahetvā “**ko ettha viseso**”tiādīnā codeti. Itaro tejādīnaṃ paccekaṃ adhikābhāve viya dvinnaṃ tiṇṇaṃ vā adhikābhāvepi yathāvuttādhikābhāveneva ekakādivasena labbhamānāya omattatāyapi kāyappasādo na hotīti viññāyamānattā pakaraṇato pārisesato vā catunnampi bhūtānaṃ samabhāvena kāyo hotīti ayamattho siddhoti sabba-saddo idha samabhāvādivipakoti dassetuṃ “**idaṃ panā**”tiādīmāha. **Imamatthaṃ dīpetīti** ca yathāvuttena ñāyena “sabbesa”nti vacanato ayamattho labbhati, na tassa vācakattāti dasseti. Tenevāha “**anuvatta...pe... vasena vuttattā**”ti. Ekadesādhikābhāvanivāraṇeneva hi ekadesomattānīvaraṇampi viññāyatīti. **Ekadeso** avayavo. Catudhātusamudāyanissayassa hi pasādassa tadekadhātudhikātā avayāvadhikātā hotīti.

“Purimā cettha dvepi vādino nikāyantariyā”ti vadanti. Ālokādisahakārīkāraṇasahitānaṃyeva cakkhādīnaṃ rūpādivabhāsanaśākhātā vivarassa ca sotaviññānupanissayabhāvo guṇoti tesāṃ laddhīti adhippāyena “**taṃtaṃbhūtāguṇehi**”tiādī vuttaṃ. Tejādīnaṃ viya vivarassa bhūtābhāvābhāvato “**yathāyoga**”nti vuttaṃ. Atha vā rūpādayo viya vivarampi bhūtāguṇoti parādhippāyaṃ dassento “**taṃtaṃbhūtāguṇehi**”ti āha. Tejassa pana ālokarūpena, ākāśasaṅkhātassa vivarassa saddena, vāyussa gandhena, udakassa rasena, pathaviyā phoṭṭhabbenāti imamatthaṃ sandhāya “**yathāyogaṃ taṃtaṃbhūtāguṇehi**”ti vuttaṃ siyā. **Rūpādiggahaṇeti** rūpādivisaye cakkhuvīññāṇāḍike nipphādetabbeti attho. **Upakaritabbatoti** sahakārīkāraṇābhūtā yathāvuttābhūtāguṇehi cakkhādīnaṃ sakiccakaraṇe upakaritabbato. **Sabhāvena suyyamānassāti** kenaci anuccāriyamānasseva labbhamānattā vuttaṃ. Ghaṭṭanaṃ pana vinā vāyusaddopi natthīti. Atha vā vāyumiṃ saddo sabhāvena suyyatīti āpe raso madhuroti ca tassa laddhiyevāti daṭṭhabbaṃ. **Dutiyaṃ vādissapi niggaho hoti** tassapi tejādiguṇā rūpādayoti evaṃladdhikattā.

Rūpādivisesagūnehīti rūpādivisesagūnayuttehi. **Teja...pe...vāyūhīti** saḥākāsehi tejādīparamānūhi. **Kappāsato visadisāyāti** kappāsapathavito visesayuttāya tato adhiḥkāsamatthiyayuttāyāti adhippāyo. **Tassāyevāti** kappāsapathaviyāyeva. Yasmā sā vijjānānīpi avisesabhūtāni atthīti gahetum asakkuṇeyyabhāvena abhibhavitvā tḥitā, tasmā tassāyeva gandho adhiḥkataro bhaveyyāti attho. Ayañca sabbo uttaro “tassa tassa bhūtassa adhiḥkāṭāyā”tiādīnā **aṭṭhakathāyaṃ** (dha. sa. aṭṭha. 600) vuttattā tathāgatānaṃ vādaṃ sampāṭicchitvā vadantassa kaṇādasassa vasena vutto. “Attano pana matena kaṇādakapilādāyo kevalaṃ pathavādirabyamevātiādi laddhi. Kaṇādasāsānāya adhimuttānaṃ sāsane anavagāḥhānaṃ kesañci ayaṃ vādo”ti ca vadanti. **Etassubhayassāti** āsavagandhato kappāsagandho adhiḥko sītudakavaṇṇato uṇhodakavaṇṇo ca adhiḥkoti etassa ubhayassa. Tejādīadhiḥkesu ca sambhāresu rūpādīnaṃ visesassa adassanato na rūpādayo tejādīnaṃ visesagūnoti siddhanti āha “**tadabhā...pe...tḥitā**”ti. Tena na rūpaṃ tejassa visesagūṇo ekantato tejādīke sambhāre visesena adassanato, yo yassa visesagūṇo, na so tadadhike sambhāre ekantato visesena dissati yathā pathavādirādhiḥke sambhāre āpodhātūti dasseti. Evaṃ sesesupi yathāyogaṃ yojettabbaṃ. **Ko pana vādo nānākalāpeti** sabhāvato nānāttābhāvepi mūlakāraṇānānattavasena atthi koci viseso asaṅghātehi dasseti, yato paramaraṇādikiriyāsamatthatā nesaṃ kesañciyeva dissattīti.

Ekampīti pi-saddena anekasmiṃ vattabbameva natthīti dasseti. Pañcāyatanikattabhāve patthanā yā daṭṭhukāmatādibhāvena vuttā, tāya nipphanāṃ. Etena kāraṇavisesena phalavisesamāha. **Na hīti**ādīnā vuttamevatthaṃ samatthayati. **Tanti** kammaṃ. **Visesenāti** attano kāraṇena āhitātisayena. Teneva sotassa na hoti paccayo, tato aññeneva pana hotīti adhippāyo. Tena anekasabhāvena kāraṇena āhitavisesaṃ ekampi kammaṃ anekasabhāvaṃ phalaṃ nipphādetum samatthaṃ hotīti dasseti. Idāni kammaṃ vuttappakāravisesābhāve dosamāha “**indriyantarābhāvappattito**”ti. Tassattho – kāraṇavisesābhāve phalavisesassa asambhavato yaṃ visesayuttaṃ kammaṃ cakkhussa kāraṇaṃ, tassa tato aññavisesābhāve tadaññindriyuppādakatāpi na siyāti sotindriyādīnaṃ tato anuppatti eva siyā. Evamitaratthāpi. **Visesoti** cettha kammaṃ tamtaṃindriyuppādanasamatthatā adhippetā, sā ca pubbe dassitasabhāvova.

Anekāhi mahaggatācetanāhi ekāya vā parittācetanāsaḥitāya paṭisandhikkhaṇe kaṭattārūpānaṃ nibbatḥīti na sakkā viññātunti “**sabbesaṃ...pe...viññāyati**”ti vuttaṃ. Idāni tameva asakkuṇeyyattaṃ vitthārato dassetum “**nānācetanāyā**”tiādi vuttaṃ. Tassāyaṃ saṅkhepattho – “**paṭisa...pe...paccayo**”ti ettha yadi nānākamavasena indriyānaṃ uppatti adhippetā, evaṃ sati mahaggatakammaṃ ca kāmāvacarakammaṃ ca tamtaṃpaṭisandhikkhaṇe kaṭattārūpaṃ uppannaṃ siyā, na cetāṃ yuttaṃ “mahaggatācetanā kammaṃpaccayo”ti (paṭṭhā. 2.12.78) vuttattā. Nāpi tamtaṃbhavanīyatarūpindriyehi vikalindriyatā gatisampattiyā opapātikayoniyā paṭisandhikkhaṇe yuttā. Atha mahaggatāhi eva nānācetanāhi nibbatāṃ, na cekā paṭisandhi anekakammaṃnibbatā hoti. Nicchitaññhetāṃ sāketaññhetā. Evaṃ ekena mahaggatakammaṃ cakkhundriyasotindriyahadayaṃvattānaṃ uppattiñāpakena iminā vacanena parittakammaṃnāpi ekena yathārahaṃ anekesaṃ indriyānaṃ uppatti siddhāvāti vuttaṃ “**siddhamekena kammaṃ anekindriyuppatti hoti**”ti.

Sampattoyeva nāma sampattikiccakāraṇatoti imamatthaṃ dassetum “**paṭi...pe...nakato**”ti vuttaṃ. Atisukhumabhāvato maṃsacakkhuagocarena rūpāyatanena samannāgatasāṅghātāvuttitāya ca “**vāyu viyā**”ti vuttaṃ. **Cittasamuṭṭhānaṃ saddāyatanāṃ sotaviññāṇassa kadācīpi ārammaṇapaccayo na siyā** dhātuparamparāya ghaṭṭentassa utusamuṭṭhānattā. Tenāha “**na hi...pe...pajjati**”ti. **Paṭṭhāne** (paṭṭhā. 1.1.2) ca “saddāyatanāṃ sotaviññāṇassa ārammaṇapaccayena paccayo”ti avisesena vuttaṃ.

Nanu cirena suyyantīti dūre tḥitānaṃ lahukaṃ savanaṃ natthi, tesampi vā lahukaṃ savanena dūrāsannabhāvānaṃ viseso na siyāti adhippāyo. **Na, dū...pe...toti** na dūre tḥitehi rajakādisaddā cirena sotaviññāṇena suyyanti, sace savanūpacāre so saddo dūre āsanne ca tḥitānaṃ yathābhūte āpāthagate sadde manoviññāṇasaṅkhātato gahaṇavisesato cirena suto sīghaṃ sutoti abhimānoti attho. Etamevatthaṃ vitthārato dassento “**yathā hī**”tiādīmāha. **Nicchaya...pe...abhimāno hoti**, sotaviññāṇappavattī pana ubhayatthāpi samānā, yasmā **so pana saddo...pe...āgacchatīti**. Yadi dhātuparamparāya saddo nappavattati, kathaṃ paṭighosādīnaṃ uppattīti āha “**dūre...pe...paccayo hoti**”ti. **Uppattivāsena āgatānīti** etena rūpadhammāpi yattha uppajjanti, tattheva bhijjanti, na desantaraṃ saṅkamantīti dasseti. **Ghaṭṭanasabhāvānevāti** tesāṃ bhūtānaṃ saddasamuppattihetubhāvamāha. **Sotapadesassāti** sotadesassa, sotadesa tḥitassāti attho.

Cakkhumato puggalassa ajjhāsayaṃvasenāti citravicitrarūpāyatane yebhuyena sattānaṃ cakkhudvārikajavanassa anukaḍḍhanavasena pavattim sandhāya vuttaṃ. **Kaṇṇakūpacchiddeyeva pavattanatoti** etena adhiṭṭhānato bahiddhā indriyaṃ pavattīti vādaṃ paṭisedheti. Adhiṭṭhānadese eva hi indriyaṃ vattati tattha kiccāḍippayogadassanato. Satipi panassa bahiddhā vuttīyaṃ na visayaggahaṇe samatthatā, aññāthā adhiṭṭhānapidahanepi visayaggahaṇaṃ bhaveyyāti. **Ārammaṇaggahaṇaḥetuto cāti** kaṇṇakūpacchiddeyeva tḥatvā ārammaṇakāraṇassa viññāṇassa vā hetubhāvato.

Tabbohārenāti gandhagandhaggahaṇassa saḥacaritāya gandhōpi tathā vuttoti adhippāyo. **Gandho paccayoti** gandho saḥakāripaccayoti attho. Khelādiko paccayoti yojettabbaṃ. **Tathā pathavīti** saḥakāripaccayantarabhūtā ajjhattikabāhīrā pathavī ārammaṇaggahaṇe paccayoti attho. **Adhārābhūtāti** tejovāyodhātūnaṃ ādhārābhūtā. **Nissayābhūtānanti** nissayamahābhūtānaṃ āpotejovāyodhātūnaṃ. **Sabbadāti** uppīlanakāle ca anuppīlanakāle ca. **Tatthāti** caturāsītīpabhede uparimakāyasaṅkhāte rūpasamūhe. **Vinibbhujjituṃ asakkuṇeyyānanti** idaṃ cakkhudasakaṃ idaṃ kāyadasakaṃ idaṃ bhāvadasakanti evaṃ kalāpatopi vinibbhujjituṃ asakkuṇeyyānaṃ.

16. Dīghādīnaṃ phusitvā jānitabbatoti idaṃ dīghādīnaṃ na kāyaviññāṇagocarattā vuttaṃ, dīghādivohārarūpādīnaṃ pana phoṭṭhabbaṃ phusitvā kāyaviññāṇavīthiyā parato pavattena manoviññāṇenapi jānitabbattā vuttaṃ. **Dīghādisannivesanti** dīghādisannivesavantaṃ. **Ekasmiṃ itarassa abhāvāti** chāyātapānaṃ ālokanthakārānañca asaḥatṭhāyitaṃ āha. Kathaṃ pana

āloko andhakāraṃ vidhamatī? “Ālokappavattisamānakālaṃ andhakārasabhāvena pavattamānaṃ vaṇṇāyatanaṃ bhijjati. Andhakāraṃ nissayo hutvā pavattamānāni bhūtāni kamena tathārūpassa vaṇṇāyatanaṃ nissayabhāvaṃ gacchantī”ti keci. Saha andhakārena tannissayabhūtānaṃ nirodhasamanantaraṃ taṃsantatiyaṃ tādise paccayasannipāte ālokanissayabhūtānaṃ uppattīti veditabbaṃ. Na hi nissayamahābhūtehi vinā ālokappavatti atthi, nāpi andhakārasaṅkhātaṃ vaṇṇāyatanaṃ nirujjhati taṃnissayehi payujjamānakaekakalāpabhūtopādārūpānaṃ saheva nirujjhanato. Padīpasikhāmaṇiraṃsiyo viya pathavīpākārarukkhādīni muñcitvāpi andhakāro pavattatīti vadanti. Mandaṃ pana pākārādiadhārahitaṃ na suṭṭhu paññāyati, bahalaṃ ādhāraṃ nissāya pavattatīti yuttanti ca vadanti.

620. “Amanussasaddo”ti ettha a-kāro na manussatāmattanivattiattho sadisabhāvādiṇānāyā anadhippetattā, manussato pana anaññatānivattiattho dassetuṃ “amanussa...pe... tṭhādayopi”ti āha. **Tathā kittetabboti** “vaṃsaphālanasaddo”tiādinā vatthuvāsena kittetabbo.

632. Kammacittādināti ādi-saddena utuāhāre saṅgaṇhāti. **Taṃtadākārānāti** itthilingādiākārāni. **Itthindriyaṃ paṭicca samuṭṭhahantīti** aññamaññapaccayānipi itthilingādīni yebhuyena itthindriyasahite eva santāne sabbhāvā itaratta ca abhāvā indriyahetukāni vuttāni. **Aññathāti** itthilingādiākārato aññathā, itthindriyābhāve vā. **Itthiggahaṇassa cāti** itthīti cittappavattiyā. **Tesaṃ rūpānanti** itthilingādiākārārūpānaṃ. Yadi itthindriyaṃ itthilingādiākārārūpānaṃ sahakārīkāraṇaṃ, atha kasmā tassa indriyādiṇāpaccayabhāvo tesaṃ na vuttoti? Neva taṃ sahakārīkāraṇaṃ, atha kho tesaṃ tabbhāvabhāvitāmattena taṃ kāraṇanti vuccatīti dassetuṃ āha “**yasmā panā**”tiādi.

633. Liṅgaṃ parivattamānaṃ purimaliṅgādhārajātianurūpameva hutvā parivattatīti katvā vuttaṃ “**paṭisandhiyaṃ viya pavattepi**”ti. **Yassa...pe... notī ādivacanatoti ādi-saddena** “yassa vā pana purisindriyaṃ uppajjati, tassa itthindriyaṃ uppajjati no”ti (yama. 3.indriyayamaka.188) saṅgaṇhāti.

635. Dvārabhāvena kucchitānaṃ āsavadhamaṇaṃ pavattitṭhānatāya pasādavisese viya viññattivisesepi kāyavohārapavatti daṭṭhabbā. Vitthambhanasabhāvātāya vāyodhātuyā thambhanaṃ “**vāyodhātukicca**”nti vuttaṃ. Kiccampi hi dhammaṇaṃ sabbhāvovēvāti. Pathavīdhātuyā ākāro vacīviññattīti vattum vaṭṭatīti yojanā.

636. Vitakka...pe... gahitāti yathādhippetatthābhīyañjikāya vācāya samuṭṭhāpanādhippāyappavattiṃ sandhāya vuttaṃ. Tada hi sā tehi pariggahitā nāma hoṭṭi. Ekassapi akkharassa anekehi javanehi nibbattetabbattā tathā nibbattiyamānatāya asamattasabhāvātā na viññātavisesā na bhinnā evāti āha “**sava...pe... bhinnā**”ti. **Abbokiṇṇeti** antarantārā uppajjamānehi asaṃsaṭṭhe. “Pacchīmacitta”nti avisesena cuticittaṃ vuttanti adhippāyena “**aññesampi cuticittaṃ...pe... ñāyati**”ti vuttaṃ.

Atha vā “ye ca rūpāvacaraṃ arūpāvacaraṃ upapajjitvā parinibbāyissanti, tesaṃ cavantānaṃ tesaṃ vacīsaṅkhāro nirujjhissatī, no ca tesaṃ kāyasaṅkhāro nirujjhissatī”ti (yama. 2.saṅkhārayamaka.88) rūpārūpabhāvūpapajjanakānaṃ kāmāvacaracuticittasāpi kāyasaṅkhārāsamuṭṭhāpanavacanena khīṇāsavehi **aññesampi...pe... ñāyati**”ti vuttaṃ. Yasmā ca –

“Yassa kāyasaṅkhāro nirujjhati, tassa vacīsaṅkhāro nirujjhissatīti āmantā”ti (yama. 2.saṅkhārayamaka.108),

“Yassa kāyasaṅkhāro nirujjhati, tassa cittasaṅkhāro nirujjhissatīti āmantā”ti (yama. 2.saṅkhārayamaka.108) ca,

“Pacchīmacittassa bhaṅgakkhaṇe tesaṃ kāyasaṅkhāro ca na nirujjhati cittasaṅkhāro ca na nirujjhissatī”ti (yama. 2.saṅkhārayamaka.113) –

Ādivacanatō ca pacchīmacittassa purato soḷasamena cittena tato orimena vā saddhiṃ assāsapassāsā na uppajjantīti siddham. Yadi uppajjeyyūṃ, “pacchīmacittassa bhaṅgakkhaṇe tesaṃ kāyasaṅkhāro na nirujjhati”ti na vadeyya, vuttaṃcetaṃ, tasmā heṭṭhimakoṭṭiyā cutito purimena sattarasamena uppānā assāsapassāsā cutiyā heṭṭhā dutiyena cittena saddhiṃ nirujjhanti. Tena “yassa cittassa anantarā kāmāvacarānaṃ pacchīmacittaṃ uppajjissatī”ti cuticittasānantarapaccayabhūtassāpi cittassa kāyasaṅkhārāsamuṭṭhāpanatā vuttā.

Atha vā **yassa cittasāti** yena cittena sabbapacchīmo kāyasaṅkhāro uppajjati. Taṃ cittaṃ vuttanti gahetabbaṃ, na pacchīmacittassa anantarapaccayabhūtaṃ. **Anantarāti** hi kāyasaṅkhārūppādanāṃ antaraṃ vinā, yato pacchā kāyasaṅkhārūppādanena anantaritaṃ hutvā pacchīmacittaṃ uppajjissatīti attho. Kasmā? “Itaresaṃ vacīsaṅkhāro ca nirujjhissati kāyasaṅkhāro ca nirujjhissatī”ti (yama. 2.saṅkhārayamaka.88) vuttattā. Aññathāpacchīmacittato purimatatiyacittasamaṅgaṇaṃ kāyasaṅkhāro uppajjati āpajjati. Evaṃ sabbesampi cuticittassa rūpajanakatābhāve āgamaṃ dassetvā idāni yuttiṃ dassetuṃ “**na hi**”tiādimāha. Tattha **gabbhagamanādīti ādi-saddena** udakanimuggaasaññībhūtākālakatācatutthajjhānasamāpannarūpārūpabhāvāsamaṅgīnirodhasamāpannabhāve saṅgaṇhāti.

637. Anekesaṃ kalāpānaṃ ekato hutvā ekaghanapiṇḍabhāvena pavattanato kalāpantarabhūtānaṃ kalāpantarabhūtehi samphuṭṭhabhāvo vutto. Yato tesaṃ duviññeyyanānattaṃ, na pana avinibbhattabhāvato. **Taṃtambhūtāvittatīti** tesaṃ tesaṃ bhūtānaṃ vibhattabhāvo kalāpantarabhūtehi vibhattasabhāvātā asaṃkiṇṇatāti attho. Yasmā pana yathāvuttā vivittatā rūpānaṃ osānaṃ hoti, tasmā “**rūpapariyanto**”ti vuttaṃ. Atha vā taṃtambhūtasuññatā. Yesañhi paricchedo ākāso, tesaṃ pariyaṇatāya tehi suññabhāvoti lakkhitabbo. Tatoyeva ca so bhūtantarehi viya tehi asamphuṭṭhoti vuccatīti. **Aññathāti** paricchinditabbehi asamphuṭṭhabhāvābhāve.

638. Taṃtaṃvikārādhikarūpehī ettha kathaṃ cammasuvaṇṇesu mudutākammaññatā labbhanti, nanu lahutādivikārā ekantato indriyabaddharūpe eva pavattanato anindriyabaddhe na labbhanti? Saccametaṃ, idha pana taṃsadisesu tabbhārasena vuttaṃ. Tathā hi tūlapicuādisu garubhāvādihetūnaṃ bhūtānaṃ adhikabhāvābhāvato lahuādivohāro. Niddisittabbadhammanissayarūpe eva vā sandhāya **“taṃtaṃvikārādhikarūpehī”**ti vuttanti daṭṭhabbaṃ. **Sabbe sabbesaṃ paccayā** lahutādīnaṃ aññamaññāvijahanatoti adhippāyo.

641. Ācayasaddenevāti niddese vuttaācayasaddeneva. Yo āyatanānaṃ ādicayattā ācayo punappunaṃ nibbattamānānaṃ, sova rūpassa uparicayattā upacayoti adhippettaṃ atthaṃ pāliyaṃ yojetvā dassetaṃ **“pāliyaṃ panā”**tiādi vuttaṃ. **Upa-saddo paṭhamattho** “dānaṃ, bhikkhave, paṇḍitupaññatta”ntiādisu (a. ni. 3.45) viya. **Upariatthoca** “sammatthe upasitte ca, te nisīdimṣu maṇḍape”tiādisu viya. **Aññathāti** upa-saddassa upariatthasseva gahaṇe.

643. Phalavipaccanapakatiyāti phalavipaccanasabhāvena. **Phalameva vā pakati**ti āyusamhānādīnaṃ phalasabhāvena jarāniddesoti attho. Tathā hi “phalūpacārena vuttā”ti vuttaṃ. **Supariṇatarūpaparipākakāle** hānidasakādisu.

645. Kattabbasabhāvatoti mūlaphalādīnaṃ idhādhippetaāhāravatthūnaṃ mukhena asanādikattabbasabhāvato. Visabhūte saṅghāte oḷā mandā hotīti **savisattābhāvato sukhumatā vuttā. Aṅgamaññānūsārino rasassa sāroti** rasaharañidhamanijālānusārena sarīrāvayave anuppaviṭṭhassa āhārarasassa abhantarāhārapaccayo sneho, yo loke rasadhātūti vuccati.

Upādābhājanīyakathāvaṇṇanā niṭṭhitā.

Noupādābhājanīyakathāvaṇṇanā

646. “Ekaṃ mahābhūtaṃ paṭicca tayo mahābhūtā tayo mahābhūte paṭicca ekaṃ mahābhūta”ntiādivacanato (paṭṭhā. 1.1.53) ekaṃ mahābhūtaṃ avasesamahābhūte nissayati, tehi upādārūpena ca nissīyatīti āha **“nissayati ca nissīyati cā”**ti.

647. Mahābhūtānaṃ aññamaññāvijahanato ekasmimpi kalāpe anekaṃ phoṭṭhabbaṃ atthīti phoṭṭhabbasabhāvesuyeva anekesupi ārammaṇesu āpāthagatesu ābhogādivasena ekaṃyeva viññānuppattihetu hotīti ayaṃ vicāro dassito. Itaresupi pana yathāyogaṃ dassetabbo. Tattha rasārammaṇaṃ tāva indriyanissayaṃ allīyitvā viññānuppattihetubhāvato satipi anekesaṃ rasānaṃ āpāthagamaṇe ekasmiṃ khaṇe ekappakāraṃyeva yathāvuttanayena jivhāvīññānuppattihetu hoti, tathā gandhārammaṇaṃ. Rūpasaddārammaṇāni pana indriyanissayaṃ asampatvāva viññānuppattihetubhāvato yogyadesse avatṭhitāni yattakāni sahakārīpaccayantaragataṃ upakāraṃ labhanti, tattakāni ekasmiṃ khaṇe ekajjhaṃ ārammaṇaṃ na hotīti na vattabbāni. Tathā hi saddo nigghosādiko anekakalāpagato tathā vaṇṇopi sivikubbahananiyāmena ekajjhaṃ ārammaṇaṃ hotīti. Etthāpi ca ābhujitavasena ārammaṇādhimattatāvasena anekakalāpasannipātepi katthaci viññānuppatti hotīyeva. **Pasādādhimattatā** pittādivibandhābhāvena pasādassa tikkhatā. **Kathaṃ pana cittassāti** cittaśāmaññāto ekattanayavasena pucchati.

651. Tādisīyāti yā pacurajanassa atthītipi na gahitā. **Santi** samānā. **Evanti** yathāsasambhārudakaṃ sasambhārapathaviyā ābandhakaṃ, evaṃ paramatthudakaṃ paramatthapathaviyāti dasseti. **Tadanurūpapaccayehīti** attano ābandhanānugūṇehi ābandhiyamānehi sandhāraṇādīkiccehi purimehi ca pathaviādihi. **Aphusitvā paṭiṭṭhā hoti, aphusitvā ābandhatīti** iminā phusitabbaphusanakabhāvo āpodhātuyaṃ natthīti phoṭṭhabbavasena ubhayadhammataṃ āha. Aññamaññānaṃ nissayatā **aññamaññānissayatā**. Atha vā aññamaññānatā ca nissayatā ca **aññamaññānissayatā**. Yadi phoṭṭhabbāphoṭṭhabbadhātūnaṃ phoṭṭhabbābhāvena vinā aññamaññānissayatā, pathaviādiṇaṃ kakkhalādisabhāvo eva phoṭṭhabbābhāvoti tabbiraḥena kathaṃ tesam āpodhātuyā nissayādiḥbhāvoti āha **“avinibbhogavuttīsū”**tiādi. **Aññamaññāpaccayabhūtesūti** etena upādārūpaṃ nivatteti. Atha vā pubbe atṭhakathādhippāye thatvā phoṭṭhabbāphoṭṭhabbadhātūnaṃ visiṭṭhaṃ aññamaññānissayatāṃ vatvā idāni attano adhippāye thatvā avisesena taṃ dassento āha **“avinibbhogavuttīsū”**tiādi. Taṃyeva avisiṭṭhaṃ aññamaññānissayatāṃ daḷhaṃ katvā dassento **“nāpi sahajātesū”**tiādimāha. Tattha aphanānaṃ tāva ekakalāpagatattā na vicāretabbaṃ, phusanaṃ pana kathanti? Ekakalāpagatattā eva. Viṣuṃ siddhānaṃyeva hi visayamahābhūtānaṃ kāyappasādanissayabhūtesu phusanaṃ dissati.

Jhāyatīti paripaccati. **Na uṇhā hutvāti** etassa uṇhasabhāvā hutvāti ayamattthoti katvā **“tejosabhāvataṃyeva paṭikkhipati”**ti vuttaṃ. Uṇhapaṭipakkhattā sītassa uṇhatāya paṭikkhepe sītāsankā siyāti āha **“na sītattaṃ anujānāti”**ti. Tejosabhāgatāyeva vā sītātāyapi dassetaṃ **“na sītattaṃ anujānāti”**ti vuttaṃ. Tenevāha **“tejo eva hi sīta”**nti. Mande hi uṇhabhāve sītābuddhīti **tejo eva hi sītaṃ**. Kathaṃ panetaṃ viññāyatīti? Sītābuddhiyā avatṭhitabhāvato pārāpāraṃ viya. Tathā hi ātape thatvā chāyaṃ pavīṭṭhānaṃ sītābuddhi hoti, tattheva pathavīgabbhato niggaṭānaṃ uṇhabuddhīti. Yadi tejoyeva sītaṃ, uṇhabhāvena saddhiṃ sītābhāvopi ekasmiṃ kalāpe upalabbhēyāti āha **“sītūphānañcā”**tiādi. Uṇhasītākalāpesu sītūphānaṃ appavatti. **Dvinnā...pe... yujjati**, na āpodhātuvāyodhātūnaṃ sītābhāveti adhippāyo. Āpodhātuyā hi vāyodhātuyā sītābhāve uṇhabhāvena saddhiṃ ekasmiṃ kalāpe sītābhāvo labbheyya, na pana labbhati. Na cettha āpodhātūadhike vāyodhātūadhike vā kalāpe sītābhāvoti sakkā viññātuṃ tādisēpi katthaci kalāpe alabbhamānattā sītābhāvassāti. Kharatādisabhāvādhikassa bhūtasāṅghātassa davatādisabhāvādhikatāpatti **bhāvāññāthattaṃ**. Taṃ pana yathā hoti, taṃ dassetaṃ **“paccā...pe... ppatti”**ti āha.

652. Ekantanacittasamuṭṭhānādīti ādi-saddena ekantaanupādinnupādāniyādiṃ saṅgaṇhāti. **Purimānampīti** “yaṃ vā panaññampī”ti etasmā vacanato purimānaṃ anupādinnānaṃ saddāyatanakāyaviññātiādiṇaṃ nacittasamuṭṭhānānañca

cakkhāyatanasotāyatanādīnaṃ. **Nakammassakatattābhāvādikanti** nakammassakatattābhāvāvaṃ nacittasamuṭṭhānabhāvanti evamādikāṃ. **Ekantākammajādisūti ādi**-saddena ekantācittajaṃ gayhati. **Tā** jaratāaniccatā. **Anekantesu na gahitāti** ekantato akammajesu saddāyatanādīsu acittajesu ca cakkhāyatanādīsu gahetvā catusamuṭṭhānikattā anekantesu rūpāyatanādīsu na gahitāti attho.

666. Anipphannattāti aññaṃ anapekkhitvā sabhāvato asiddhattaṃ. **Tassāti** viññattidvayassa.

Noupādābhājanīyakathāvaṇṇanā niṭṭhitā.

Dukaniddesavaṇṇanā niṭṭhitā.

Catukkaniddesavaṇṇanā

966. “Sabbāṃ rūpaṃ manasā viññāta”nti vacanato yadi viññātato aññaṃ diṭṭhādi na hotīti “katamaṃ taṃ rūpaṃ diṭṭha”ntiādīnā pucchā na katā, evaṃ sante catukkabhāvo kathantī anuyogaṃ manasi katvā āha “**dassanādiggaṇaṇvisesato**”ti. Dassanaṃ savanaṃ minivā jānanaṃ vijānanañcāti etasmā **dassanādiggaṇaṇvisesato**. Etena gāhakabhedenā gahetabbabhedoti dasseti. Idāni samukhenapi gahetabbabhedo labbhatīti dassetuṃ “**diṭṭhā...pe... bhāvato**”ti vuttaṃ.

Pañcakaniddesavaṇṇanā

969. Tadiḍaṃ nayakaraṇaṃ chabbidhādīsu tīsu saṅgahesu yojitaṃ.

Pakiṇṇakakathāvaṇṇanā

975. Ekantato nīvaraṇattā middhassa “natthi nīvaraṇā”ti vacanena gahaṇanti dassetuṃ “**middhassapi nīvaraṇassā**”ti vuttaṃ. **Na ca rūpaṃ pahāttabbaṃ** nippariyāyappahānassa idha adhippetattā. Ettha keci “nāmakāyarūpakāyagelaññasabhāvato duvidhaṃ middhaṃ. Tattha purimaṃ ‘nīvaraṇā’ti vacanena vuttaṃ, itaraṃ rūpasabhāva”nti vadanti. Tattha yaṃ taṃ arūpato aññaṃ middhaṃ parikappitaṃ, tampi nīvaraṇaṃ middhasabhāvato itaraṃ middhaṃ viyāti parikappitamiddhassapi na sakkā nīvaraṇabhāvāvaṃ nivattetunti tesāṃ vacanassa nīvaraṇappahānavacanena virodhaṃ dassento “**na ca rūpakāya**”ntiādīmāha. Atha vā khīṇāsavānaṃ soppanasabhāvato soppassa ca middhahetukattā atthi middharūpanti vādaṃ sandhāya uttaramāha “**na ca rūpakāyagelañña**”ntiādīnā. Tattha middhameva soppahetūti nāyaṃ avadhāraṇā icchitā, soppahetu eva middhanti pana icchitāti middhato aññopi soppahetu atthi, ko pana so? Rūpakāyagelaññaṃ. Na ca rūpa...pe... vacanatoti yojanā daṭṭhabbā.

Vacīghosādīti ādi-saddena huṃkāradīsaddo saṅgayhati. Aṅguliphoṭādisaddo utusamuṭṭhānoyeva, cittaṃpaccayo pana hoti. **Rūpabhāvamattānīti** jarāmarāṇasabhāvānaṃ rūpaṇaṃ taṃdhammamattāni, tato eva na jātiādiddhammavantānīti āha “**na sayāṃ sabhāvavantānī**”ti. Yathā jarā aniccatā ca rūpabhāvamattaṃ, evaṃ jātipīti jātiyā rūpabhāvamattatāya upasaṃharaṇattho **tathā**-saddo.

Tesaṃ rūpadhammānaṃ. Saṅkhātādi-saddo viya **abhinibbattita**-saddopi vattamānakālikopi hotīti “**abhinibbattiyamānadhammakkaṇṇasmi**”nti vuttaṃ. **Evamapīti** yadipi jiraṇabhijjanabhāvā jiraṇādisabhāvānaṃ dhammānaṃ janakapaccayakiccānubhāvakkhaṇe abhāvato tappaccayabhāvavohāraṃ abhinibbattivohāraṇa na labhanti, evamapi tesāṃ upādinnatā vattabbātī sambandho. “Jarāmarāṇaṃ paṭiccasamuppanna”nti vacanato tassa pariyāyataṃ vivaratī “**tesaṃ uppāde sati**”tiādīnā.

Yadi evanti yadi nissayaṇṇābaddhavuttikā jātiādayo, evaṃ sati. “Mahābhūtānaṃ upādāyarūpa”nti vacanato bhūtanissitesu kevalo upādāyavohāroti upādāye nissitāpi aparena upādāya-saddena visesetvā vattabbātī adhippāyena “**upādāyupādāyabhāvo āpajjati**”ti āha. Kāraṇakāraṇepi kāraṇe viya vohāro hoti “corehi gāmo daḍḍho”ti yathāti dassento “**bhūta...pe... ttanato**”ti āha. Idāni paramparā vinā nippariyāyato uppādādīnaṃ bhūtaṇṇābaddhabhāvānaṃ saha nidassanena dassetuṃ “**api eā**”tiādīmavoca. Vikāraparicchedāpi upādāyarūpavikārādibhāve bhūtaṇṇābaddhabhāvāvinivattito ekasmiṃ kalāpe ekekāva vikārādayoti jīvitindriyaṃ viya kalāpānupālakaṃ kalāpavikārādibhāvato ca “upādāyarūpāni”iceva vuccantīti āha “**evaṃ vikā...pe... yojetabbānī**”ti.

Asaṅkhatabhāvanivāraṇatthaṃ parinipphannatā vuttāti idaṃ aparinipphannasabhāvavato anupalabbhamānatāya sasavīsāṇaṃ viya kenaci na saṅkhatanti asaṅkhatāṃ nāma siyāti imissā āsaṅkāya nivattanavasena vuttaṃ. Atha vā rūpavikārādibhāvato rūpabhāvo viya rūpe sati santi, asati na santīti siddhāya paṭiccasamuppannatāya sādhitā parinipphannatā tesāṃ saṅkhatabhāvāvaṃ sādhenā asaṅkhatabhāvāvaṃ nivāraṇatthaṃ jāyatīti vuttaṃ “**asaṅkhatabhāvanivāraṇatthaṃ parinipphannatā vuttā**”ti.

Pakiṇṇakakathāvaṇṇanā niṭṭhitā.

Rūpakaṇḍavaṇṇanā niṭṭhitā.

3. Nikkhepaṇḍaṃ

Tikanikkhepakathāvaṇṇanā

985. Yathāvuttaphassapañcamakādirāsikiccarahittā keci dhamme visuṃ ṭhapetvā sovacassatādiavuttavisesasaṅgaṇhanatthañca, veneyyajjhāsayaavasena vā chandādayo “yevāpanā”ti vuttāti yevāpanakānaṃ paduddhārena niddesānarahaṭṭhāya kāraṇaṃ vuttanti hadayaavatthussa tathā niddesānarahaṭṭhāya kāraṇaṃ vadanto “**sukhumupā... pe... hitassā**”ti āha. Sukhumabhāvepi indriyādisabhāvāni upādāyarūpāni ādhipaccādivasena pākaṭṭhāni honti, na ataṃsabhāvaṃ sukhumupādāyarūpanti hadayaavatthussa paduddhārena kusallattikapadabhājane niddesānarahaṭṭhā vuttā. Sukhumabhāvato yeva hi taṃ **mahāpakaraṇepi** “yaṃ rūpaṃ nissāya manodhātu ca manoviññāṇadhātu ca vattanti”ti (paṭṭhā. 1.1.8) nissittadhammamukhena dassitanti. Veneyyajjhāsayaavasena vā hadayaavatthu paduddhārena na dassitanti daṭṭhabbaṃ. Yena pana adhippāyena rūpaṇḍe hadayaavatthu duvidhena rūpaṇḍaṅgahādisu na vuttaṃ, so rūpaṇḍavaṇṇanāya vibhāvito evāti. **Nikkhipitvāti** padassa pakkhipitvāti atthoti adhippāyena “**vitthāradesanaṃ antogadhaṃ katvā**”ti vuttaṃ. Mūlādivasena hi desitā kusallādidhammā taṃtaṃcittuppādādivasenapi desitā eva nāma honti taṃsabhāvānativattanototi.

Mūlavasenāti suppatiṭṭhitabhāvasādhanavasena. Etāni hetupadādīni hinoti phalaṃ etasmā pavattatīti **hetu**, paṭicca etasmā etīti **paccayo**, janeṭīti **janako**, nibbatteṭīti **nibbattakoti** sesānaṃ vacanattho. “**Mūlaṭṭhassa...pe... vutta**”nti kasmā vuttaṃ, nanu “pīlanaṭṭho”tiādisu viya mūlabhāvo mūlaṭṭho, tiṇi kusalamūlāniṭi ayañca mūlato nikkhepoti? Na, mūlassa attho mūlaṭṭho, so eva mūlaṭṭhoti suppatiṭṭhitabhāvasādhanatthena mūlasabhāvānaṃ alobhādidhammānaṃ kusalladhammesu kiccavisesassa adhippetattā. Tenevāha “**atthoti dhammakicca**”nti. Atha vā **atthavasenaṭi** “tiṇi kusalamūlāni”ti vuttānaṃ tesam mūlānaṃ sabhāvasaṅkhātaatthavasena, na gāthāya vuttaatthavasena. Yasmā pana so mūlaṭṭhoyeva ca hoti, tasmā vuttaṃ “**alobhādīna**”ntiādi. Alobhādayo viya vedanākkhandhādayopi adhikatattā **taṃ**-saddena paṭiniddisatābātī vuttaṃ “**te kusalamūlā taṃsampayuttā**”ti. **Tehi alobhādīhīti** ettha **ādi**-saddena vā vedanākkhandhādayopi saṅgahitāti dassetuṃ “**te kusalamūlā taṃsampayuttā**”ti vuttaṃ.

“Katame dhammā kusalā”ti pucchitvā phassādibhedato cattāro khandhe dassetvā “ime dhammā kusalā”ti (dha. sa. 1) vuttatā khandhā ca kusalanti vuttaṃ “**khandhehi sabhāvato kusale pariyaḍiyati**”ti. **Vedanākkhandho** vāti kusalaṃ...pe... viññāṇakkhandho vāti. **Aññassa** attano phalassa. **Mūlehi kusalānaṃ anavajjatāya hetuṃ dassetīti** idaṃ na mūlānaṃ kusalassa anavajjabhāvasādhakattā vuttaṃ, atha kho tassa anavajjatāya suppatiṭṭhitabhāvasādhakattā. Yadi hi mūlehi kato kusalānaṃ anavajjabhāvo bhaveyya, taṃsamuttānārūpassapi so bhaveyya, mūlānaṃ vā tesam paccayabhāvo na siyā, hoti ca so. Vuttañhetuṃ “hetū hetu...pe... paccayo”ti (paṭṭhā. 1.1.1.). Kiñca bhiyyo kusalānaṃ viya akusalābyākatānaṃpi tabbhāvo mūlapaṭibaddho bhaveyya, tathā satī ahetukānaṃ akusalābyākatānaṃ tabbhāvo na siyā, tasmā kusalādināṃ yonisomanasikārādiṭṭhitābaddho kusalādiṭṭhitā, na mūlapaṭibaddho, mūlāni pana kusalādināṃ suppatiṭṭhitabhāvasādhanānti veditabbaṃ. Sahetukā hi dhammā viruḷhamūlā viya pādapā suppatiṭṭhitā thirā honti, na tathā ahetukāti. **Taṃsampayogakataṃ anavajjasabhāvanti** idampi na anavajjasabhāvassa taṃsampayogena nippahāditattā vuttaṃ, anavajjasabhāvaṃ pana visesetvā dassetuṃ vuttaṃ. Alobhādisampayogato hi kusalādināṃ khandhānaṃ anavajjabhāvo suppatiṭṭhito jāyati, na ahetukābyākatānaṃ viya na suppatiṭṭhitoti. Yadi evaṃ na tesam khandhānaṃ kusalādiṭṭhitābaddho dassito siyā? Na, adhikārato kusalabhāvassa viññāyamaṇattā. **Kamma**-saddo viya vipākadhammatāvācino na mūlakkhandhasaddā, so ca idha avisesato vuttoti āha “**kammehi sukhavipākatānaṃ dassetīti**”ti. Ādikalyāṇataṃ kusalānaṃ dassetīti yojanā. Anavajjahetusabhāvasukhavipākabhāvanidānādisampattiyo daṭṭhabbā, yonisomanasikāraavajjapaṭipakkhatāiṭṭhavipākatāvasenapi nidānādisampattiyo yojetabbā. Yonisomanasikārato hi kusalā alobhādimūlakā, alobhādisampayogato ca lobhādiṭṭhitapakhasukhavipākāva jātāti.

986. “**Kasmā vutta**”nti anuyūñjitvā codako “**nanū**”tiādinā attano adhippāyaṃ vivarati. Itaro yathāvuttamohassa idha **sampayutta**-saddena avuccamānataṃ “**saccameta**”nti sampaṭicchitvā “**tenā**”tiādinā parihāramāha. Tassattho – “taṃsampayuttā”tipadena kiñcāpi yathāvuttamoho padhānabhāvena na gahito, nānantariyakatāya pana guṇabhāvena gahitoti. **Aññattha abhāvāti** yathāvuttasampayuttato aññattha abhāvā. Na hi vicikicchuddhaccasahagato moho vicikicchuddhaccādidhammehi vinā hotīti.

987. Uppādādisaṅkhatalakkhaṇavinivattanattham “**aniccadukkhānattatā**”ti vuttaṃ. Uppādādayo pana tadavatthadhammavikārabhāvato taṃtaṃdhammaggaṇaṇa gahitāyeva. Tathā hi vuttaṃ “jarāmaṇaṃ dvīhi khandhehi saṅgahita”nti (dhātu. 71), “rūpassa upacayo”ti ca ādi. Kesakumbhādi sabbaṃ nāmaṃ **nāmapaññatti**, rūpavedanādiupādānā brahmavihārādigocārā upādāpaññatti **sattapaññatti**, taṃtaṃbhūtanimittaṃ bhāvanāvisesaṅga upādāya gahetabbo jhānagocaraviseso **kaṣiṇapaññatti**. **Paramatthe amuñcitvā vohariyamānāti** iminā vihāramañcādiṭṭhitānaṃ sattapaññattisadisatānaṃ dassetīti, yato tā sattapaññattiggahaṇaṇa gayhanti. Hutvā abhāvapaṭipīlānaavasavattanākārabhāvato saṅkhatadhammānaṃ ākārabhāvato saṅkhatadhammānaṃ ākāravisesabhūtāni lakkhaṇāni viññattīdayo viya vattabbāni siyūṃ, tāni pana nissayānekkhaṃ na labbhantīti paññattisabhāvāneva tajjapaññattibhāvato na vuttāni, sattaḡhaḍidito visesadassanattamā pana aṭṭhakathāyaṃ visuṃ vuttāntīti. **Na hi ko...pe... vattum yuttaṃ** kusallattikassa nippadesattā.

988. Bhavati etthāti bhūmi, nissayapaccayabhāvato sukhasa bhūmi **sukhabhūmi**. Sukhavedanāsahitaṃ cittaṃ. Tassa bhūmibhedena niddhāraṇattham taṃnissayabhūtā sampayuttadhammā “**kāmāvacare**”ti vuttā. Tassa vā ekadesabhūtassa samudāyabhāvato ādhāraṇabhāvena apekkhitvā taṃsamānabhūmi “**kāmāvacare**”ti vuttā. Tattha “sukhabhūmiyaṃ

kāmavacare”ti dvepi bhummavacanāni bhinnādhikaraṇabhāvena aṭṭhakathāyaṃ vuttānīti ubhayesampi samānādhikaraṇabhāvena atthayogaṃ dassetuṃ “**sukhabhūmīti kāmavacarādayopi yujjanti**”ti vuttaṃ. Yatheva hi cittaṃ, evaṃ sabbepe parittasukhena sampayuttā dhammā tassa nissayabhāvato bhūmi kāmavacarāti. Aṭṭhakathāyaṃpi vā ayamattho vuttoyevāti daṭṭhabbaṃ. “Citta”nti hi cittuppādopi vuccati. Tena vuttaṃ “cittaṃ uppannanti ettha cittameva aggahetvā paropaññāsakusaladhammehi saddhimyeva cittaṃ gahita”nti. **Evañca katvāti** sukhabhūmiyanti cittuppādassa viññāyamānattā. **Vibhāgadassanaṃ** visesadassanaṃ. Bhāsitaṃ vā bhāsitaṃ, tadeva atthoti **bhāsitaṃ**. Abhidheyattho. **Tadatthaviññāpanenāti** tikadukānaṃ kucchitānaṃ salanādiatthadīpakena.

994. Ko pana vādo khandhārammaṇassāti pubbāparabhāvena vattamāne arahato khandhe ekattanayavasena santānato “amhākaṃ mātulatthero”tiādīnā ālambitvā pavattamānaṃ upādānaṃ tassa upādānakkhandheyeva gaṇhāti. Satipi taṃsantatipariyāpanne lokuttarakkhandhe tattha pavattitūṃ asamatthabhāvato kā pana kathā khandhe ārabha pavattamāne. Etena natthi maggo visuddhiyā, natthi nibbānanti evamādivasena pavattā micchādīṭṭhiādayo na maggādivisayā taṃtaṃpaññattivisyāti dīpitaṃ hoti.

998. Evaṃ saṃ...pe... lesikāti anupādāniyehi asaṃkilesikānaṃ bhedaḥbhāvamāha.

1006. Avijjamāno ca so niccādivipariyāsākāro cāti **avi...pe... sākāro**ti padacchedo. Diṭṭhiyā niccādivijjamānākārena gayhamānattepi na tadākāro viya paramatthato avijjamāno, atha kho vijjamāno kāyo sakkāyoti avijjamānāniccādivipariyāsākārato visesananti **lokuttarā na idaṃ visesanaṃ arahanti** “santo vijjamāno kāyo sakkāyo”ti. **Vatthu avisesitaṃ hotīti** idaṃ “satī kāye”ti ettha kāya-saddo samūhatthātāya anāmasitavisesaṃ khandhapañcakaṃ vadatīti adhippāyena vuttaṃ. Pasādakāyo viya kucchitānaṃ rāgādīnaṃ uppattiṭṭhānatāya kāyoti vuccatīti evaṃ pana atthe sati diṭṭhiyā vatthu visesitameva hotīti lokuttarāpi apanīṭā. Na hi lokuttarā khandhā uppattiṭṭhānatāya “kāyo”ti vuccantīti. **Suddhiyā ahetubhūtenāti** gosīlādīnā, lokiyasīlena vā lokuttarasīlassa apadaṭṭhānena. “Avītikkaṃamanīyatāsataṃcaritabbatāhi vā **sīlaṃ**, tapocaraṇabhāvena samādinatāya **vataṃ**. Attano gavādiḥbhāvādhiṭṭhānaṃ **sīlaṃ**, gacchantoyeva bhakkhanādigavādikiriyākaraṇaṃ **vataṃ**. Akattabbābhimatato nivattanaṃ vā **sīlaṃ**, taṃsamādānavato vesabhojanakiccacaraṇādivisesapaṭipatti **vata**”nti ca sīlabbatānaṃ visesaṃ vadanti.

1007. Imassuppādā idaṃ uppajjati uppādoti na jananaṃvattaṃ adhippettaṃ, atha kho anirodhopīti “**avighātaṃ janasaddo vadati**”ti āha. Tatthāyaṃ **jana**-saddo nayo, janitāti **janā**, avihatāti attho. **Puthū janā etesanti puthujjanti** puthusatthamānino sattā. **Abhisankharaṇādiattho vā jana-saddo** anekatthattā dhātūnaṃ. Khandhāyatanaḍḍīnaṃ savanādhinattā paññācakkhupaṭilābhassa tesam savanābhāvādīpakam “assutavā”ti idaṃ padaṃ andhataṃ vadati.

Kataṃ jānantīti attanā parehi ca kataṃ kusalākusalaṃ tehi nipphāditaṃ sukhadukkhāyaṃ yāthāvato jānanti. Paresaṃ attanā, attano ca parehi kataṃ upakāraṃ yathāvuttākārena **pākaṃ karonti**. Byādhiādīhi dukkhitassa upaṭṭhānādikātabbaṃ, saṃsāradukkhadukkhitasseva vā yathāvuttākārena **kātabbaṃ karonti**. Ariyakaradhammā ariyasaccānīti purimasaccadvayavasena vuttaṃ “**vipassiyamānā aniccādayo**”ti. Pariññādivisesena vā passiyamānāti atthe sati **aniccādayoti ādi**-saddena niccāpi nibbānaṃ gahitanti catusaccavasenaṃ yojetabbaṃ, aniccādayo vā “**aniccādayo**”ti vuttatī daṭṭhabbaṃ.

Avasesakilesā **kilesasotaṃ**. **Ñānanti** yāthāvato jānanaṃ. Yathābhūtāvabodhena hi tassa tāni anuppattidhammataṃ āpāditatāya santāne appavesārahāni “saṃvutāni pihitāni”ti ca vuccanti. **Tathāti** sabbasaṅkhārānaṃ vipakāraṃ khamanākārena. Aviparītadhammā etāya nijjhāyaṃ khamantīti **paññā khantīti**. Aduṭṭhasseva titikkhābhāvato tathāpavattā khandhāti adosappadhānā khandhā vuttatī “**adoso eva vā**”ti tatiyo vikappo vutto. Satipaṭipakkhattā abhijjhādomanassānaṃ “muṭṭhasacca”nti vuttā. **Akkhanti** doso. Sattādiāntavinimuttā dhammaṭṭhiṭīti **sassatucchēdādigāho tappaṭilomabhāvo** vutto. Diṭṭhadhammanibbānavādo **nibbāne paṭilomabhāvo**. Carimānulomañāṇavajjhataṇhādīko kilesoti vutto, paṭipadāñāṇadassanañāṇadassanāni viya gotrabhuñāṇaṃ kilesānaṃ appavattikaraṇabhāvena vattati, kilesavisayātīlanghanabhāvena pana pavattatīti katvā vuttaṃ “**saṅkhāra...pe... pahāna**”nti.

Diṭṭhiyādīnaṃ samudayasabhāgatā kammaṃsa vikuppādane saḥkārīkaraṇabhāvo, dassanādivyāpāraṃ vā attānañca dassanādikiccam cakkhādīnanti evaṃhi yathātakkaṃ attānaṃ rūpanti gaṇhāti. **Yathādiṭṭhanti** takkadassanena yathopaladdhanti adhippāyo. Na hi diṭṭhigatiko rūpāyatanaṃvattaṃ attāti gaṇhātīti. **Imissāpavattiyāti** sāmāññena rūpaṃ attāti sabbasaṅgāhakabhūtāya pavattiyā. **Rūpe...pe... mānanti** cakkhādīsū taṃsabhāvo attāti pavattamānaṃ attaggahaṇaṃ. **Anaññattādiggaḥaṇanti** anaññattaṃ attaniyaattaniṣṣaattādhāratāgahaṇaṃ. **Vaṇṇādīnanti** vaṇṇarukkhapupphamaññaṃ. Nanu ca rukkhapupphamañño paramatthato na vijjanti? Saccam na vijjanti, tadupādānaṃ pana vijjati taṃ samuditāpakkāraṃ idha rukkhādivipariyāyena vuttanti rukkhādīnidassanepi na doso chāyārukkhādīnaṃ viya rūpassa attano ca saṃsāribhāvādimattassa adhippetattā.

1008. Jātiādisabhāvanti jātibhavādīnaṃ nibbattinibbattanādisabhāvaṃ, **uppādanasamatthattā** paccayabhāvo.

1009. Sāmāññena “tadekaṭṭhā kilesā”ti (dha. sa. 1010), parato “avaseso lobho”tiādivacanato (dha. sa. 1011) pārisesato sāmattiyato vā labbhamānatāya satipi āgatatte sarīpena pabhedena vā diṭṭhiādayo viya anāgatattā lobhādayo “anāgatā”ti vuttatī āha “**idha ...pe... ssetu**”nti. **Atthato viññāyati** lobhādīhi saḥajātaṃ hutvā diṭṭhiyā eva pāliyaṃ vuttakilesabhāvato. **Itipi attho yujjati** saṃyojanakilesānampi paṇiniddesārahattā sampayuttasamuṭṭhānabhāvato ca. **Saṃyojanarahitehīti** saṃyojanabhāvarahitehi thinauddhaccaahirikānottappehi, thinaahirikānottappehi vā.

1013. Ekade...pe... vadati avayavenapi samudāyo vuccatīti. Hetu etesaṃ atthīti vā **hetukā. Aniyatoti** na avadhārito. Purimapaḍāvadhāraṇavasena gahetabbhattā **vivaraṇīyatthavā. Atthato nikkhipitunti** “tayo kusalahetū alobho adoso amoho” tiādīsu (dha. sa. 1060) viya purimanayena dassitadhammeyeva hetupahātabbahetukabhedato atthadassanavasena niddisitunti attho.

1029. Abhiññāyuttavajjānaṃ mahaggatānaṃ parittārammaṇattābhāvā **“mahaggatā vā iddhividhādayo”**ti vuttaṃ. Atītaṃsaññaṇassa kāmāvacarattā **“ceto...pe... ñāṇasampayuttā”**ti āha.

1035. Anantare niyuttānīti cutianantaraṃ phalaṃ anantaraṃ, tasmim̄ niyuttāni taṃ ekantena nipphādanato anaticcamaṇānīti attho. Vuttappakāraṃ anantaraṃ karaṇaṃ anantaraṃ, taṃ sīlānīti yojetabbaṃ. Anekesu ānantariyesu katesu kiñcāpi balavatoyeva paṭisandhidānaṃ, na itaresaṃ, attanā pāna kātābbakiccassa teneva katattā tassa vipākassa upatthambhanavasena pavattanato na itarāni tena nivāritaphalāni nāma honti, ko pana vādo paṭipakkhesu kusalesūti vuttaṃ **“paṭipakkhena anivāraṇīyaphalattā”**ti. **“Anekaṃmipi...pe... natthī”**ti kasmā vuttaṃ, nanu anekesu ānantariyesu katesu balavaṇṇeyeva paṭisandhidāyakanti tena itaresaṃ vipāko paṭibāhito hotīti āha **“na ca tesa”**ntiādi. Tañca tesam̄ aññaṃaññaṃ appaṭibāhakatam̄ mātīkāvaṇṇanāyaṃ vitthārena vicāritameva.

Atthato āpannaṃ aggahetvā yathārutavaseneva pāliyaṃ atthaṃ gahetvā tesam̄ vādānaṃ tapparabhāvena pavattiṃ sandhāya ahetukavādādīnaṃ viśesaṃ dassetuṃ **“purimavādo”**tiādi vuttaṃ. Aniyānikaniyānikabhedam̄ pana sambhārakammaṃ bandhamokkhaḥetūti bandhamokkhaḥetum̄ paṭisedhentopi kammaṃ paṭisedheti. **Sumaṅgalavilāsiniyaṃ** pana vipākassa kammakilesasamādhīpaññaṃ hetubhāvato vipākopi bandhamokkhaḥetūti **“natthi hetūti vadanto ubhayaṃ paṭibāhātī”**ti (dī. ni. atṭha. 1.170-172) vuttaṃ. Tattha kammaṃ paṭisedhentenapi vipāko paṭisedhito hoti, vipākaṃ paṭisedhentenapi kammanti tayopi ete vādā atthato ubhayaṃ paṭisedhakāti veditabbā. **Niyatamicchādīṭṭhi**ti ahetukavādādīpaṭisaṃyutte asadhamme ugghaparipucchāvinicchayapasutassa **“natthi hetū”**tiādinā raho nisīditvā cintentassa tasmim̄ ārammaṇe micchāsati santiṭṭhati, cittaṃ ekaggaṃ hoti, javanāni javanti. Paṭhamajavane satekiccho hoti, tathā dutiyādīsu. Sattame atekicchabhāvam̄ patto nāma hoti. Yā evaṃ pavattā dīṭṭhi, taṃ sandhāya vuttaṃ **“niyatamicchādīṭṭhi”**nti. Tato purimabhāvā aniyatā.

1039. Sahajāta aññaṃañña nissaya atthi avigatādivisiṭṭhabhāvepi maggapaccayassa sampayogavisiṭṭhatādīpaneneva saḥajātādivisiṭṭhatāpi viññāyatīti pāliyaṃ **“sampayutto”**ti vuttanti **“sampayogavisiṭṭhenā”**ti vuttaṃ. **Magga...pe... dassetuṃ**, na pana maggaṅgānaṃ aññaṃaññaṃ maggapaccayabhāvābhāvato adhippāyo. **Evaṃ satīti** yaḍi maggaṅgānaṃ maggapaccayalābhītiya pakāsano paṭhamanayo, evaṃ sante. Maggaṅgānīpi vedanādayo viya maggaḥetukabhāvena vattabbattā amaggaḥetukabhāvānaṃ alobhādīnaṃ tadaññesaṃ tadubhayaḥetukabhāvānaṃ dhammānaṃ paccayabhāvādīpane tatiyanaye viya na ṭhapetabbānīti āha **“ṭhapetvāti na vattabbaṃ siyā”**ti. **Pubbeti** purimanaye.

Dutianayepīti pi-saddena paṭhamanayaṃ sampiṇḍeti. Tena sammādiṭṭhiyā purimasim̄ nayadvaye ṭhapitattā tassa saḥetukabhāvadassano tatiyanayo āradhoti dasseti. Tatiyanaye sammādiṭṭhiyā saḥetukabhāvadassanaṃ anicchanto codako **“kathaṃ dassito”**ti codetvā **“nanū”**tiādinā attano adhippāyaṃ vivarati. Itaro **“yathā hī”**tiādinā dassanena pahātabbahetubhāvena vuttānampi lobhādīnaṃ aññaṃaññaṃ saḥajekattasampayuttasaṅkhārakkhandhāpariyāpannato dassanena pahātabbahetukasāṅgaho viya maggaḥetubhāvena vuttāyapi sammādiṭṭhiyā maggaḥetukabhāvopi yujjati maggaḥetusampayuttasaṅkhārakkhandhāpariyāpannabhāvato dasseti.

Tato aññassevāti tato sammādiṭṭhisāṅkhātaḥetuto aññaṃ alobhādosasseva. **Aññenāti** “maggo hetū”ti ito añña. Alobhādosānaṃyeva adhippetattā tesam̄yeva āveṇikena maggaḥetūti iminā **pariyāyena. Sādhāraṇena pariyāyēnāti** tiṇṇampi hetūnaṃ adhippetattā maggāmaggaḥetubhāvānaṃ sādhāraṇena maggaḥetumaggahetūti iminā pariyāyena. **Tesanti** hetūnaṃ. **Aññesanti** hetusampayuttānaṃ. **Atthavisesavasēnāti** “maggaḥetukā”ti pāliyaṃ atthavisesavasena. Amohena alobhādosāmohehi ca sesadhammānaṃ saḥetukabhāvadassanavasena pavattā dutiyatatiyanayā **“sarūpato hetuhetumantadassana”**nti vuttā. **Tathādadassanatoti** sarūpena adassanato. **Atthēna...pe... gamanatoti** “maggaṅgāni ṭhapetvā taṃsāmpayutto”ti (dha. sa. 1039) vacanato maggaḥetubhāvānaṃ dhammānaṃ maggapaccayatāsaṅkhāto sampayuttānaṃ hetubhāvo sarūpato dassito. Maggaḥetubhūtāya pana sammādiṭṭhiyā sampayuttānaṃ hetuhetubhāvo atthato ñāpito hotīti attho.

1040. Asabhāvadhammo garukātabbo na hotīti **“sabhāvadhammo”**ti vuttaṃ. Teneva **paṭṭhānavaṇṇanāyaṃ** (paṭṭhā. atṭha. 1.3) “ārammaṇādhipatī jātibhedato kusalākusalavipākakiriyarūpanibbānavasena chabbidho”ti vakkhati. **Maggaḍīni ṭhapetvāti** maggaḍīni pahāya. **Aññesanti** maggaḍīto aññesaṃ. **Adhi...pe... vassāti** ārammaṇādhipatīpaccayabhāvassa. Paññuttarattā kusalānaṃ lokuttarakathāya ca paññādthurattā vīmaṃsādhipatissa sesādhipatīnaṃ padhānatā veditabbā.

1041. Padesasattavisayattā paṭhamavikappassa sakalasattavasena dassetuṃ **“kappasahassātikamepi vā”**tiādi vuttaṃ. **Laddhokāsaṃ yaṃ bhavissatīti** laddhokāsaṃ yaṃ kammaṃ pāpuṇissati. Kappasahassātikame avassaṃ uppajjanavipākattā **tadapi...pe... vuccatīti.** Aladdhattalābhatāya uppādādikkhaṇaṃ appattassa vipākassa anuppannabhāvo natthibhāvo pākātabhāvābhāvato vuttaṃ **“natthi nāma na hotīti anuppanno nāma na hotī”**ti. **Tatthāti** arūpabhavaṅge.

Avipakkavipākam̄ kammaṃ saḥakārīkāraṇasamavāyālābhena akatokāsaṃ vipākābhīmukhabhāvābhāvato vipakkavipākakammaṃsarikkhanti vuttaṃ **“aladdho...pe... deyyā”**ti. Kiccanipphattiyā asati uppannampi kammaṃ anuppannasamānanti **“okāso na bhavēyyā”**ti etassa **samatthāta na siyāti** atthamāha. Tena apacayagāmikammakiccassa okāsābhāvo dassito. Pubbe niratthakattā uppattiyā okāso na bhavēyyāti payoḥānābhāvato kammuppattiyā okāsābhāvo vutto.

“**Vipākato aññassa pavattiokāso na bhaveyyā**”ti iminā asambhavatoti ayametesam viseso. **Dhuvavipākassa** kammassa **vipākena** nidassanamattabhūtenāti adhippāyo. Ariyamaggañantariyakammānaṃ viya mahaggatakammānaṃ niyatasabhāvatābhāvā aṭṭhasamāpatīnaṃ “**balavavirahe**”tiādinā savisesanadhuvavipākatā vuttā. Ettha ca “pañca ānantariyakammāni”ti nidassanamattaṃ daṭṭhabbaṃ niyatamicchādīṭṭhiyāpi dhuvavipākattā. Yassa kammassa katattā yo vipāko niyogato uppajjisati, so tassa anāgatakālepi uppādivohāraṃ labhati. So ca uppādivohāro āyūhitakammavasena vuccamāno bhāvinā āyūhitabhāvena maggo anuppannoti ettha vuttoti dassetuṃ “**yaṃ āyūhitam bhavissati**”tiādi vuttaṃ.

1050. Upādānehi ādinnāti sambandho. **Aññeti** upādānārammaṇehi aññe anupādāniyāti attho. **Ādikenā gahaṇenāti** “ahaṃ phalaṃ sacchākāsi”nti evaṃ paccavekkhaṇāññasaṅkhātena gahaṇena. Idāni upetattadīpakassa upa-saddassa vasena **upādinna-**saddassa atthaṃ vattuṃ “**upādinna-**saddena vā”tiādi vuttaṃ. Tattha nibbānassa anajjhatabhāvato “**amaggaphaladhammāyeva vuttā**”ti āha. **Itarehīti** ajjhatapadādīhi.

Tikanikkhepakathāvaṇṇanā niṭṭhitā.

Dukanikkhepakathāvaṇṇanā

1062. Mettāya ayaṇaṃ upagamaṇaṃ mettāyaṇaṃ, tañca attano santāne mettāya lābho uppādanam sattaṇaṃ anupagamo atthato majjanamevāti “mettā, medana”nti vatvā “**sinehana**”nti āha.

1065. Tasmim tasmim visaye cittaṃ samrañjatīti **cittassa samrañjanaṃ. Taṇhāvicarītādīti ādi-**saddena esanādayo saṅgahitā. Taṇhāya vipulatā visayavasena pavattivasena vā veditabbā. Aniccādisabhāvassa rūpādikassa niccādito gahaṇaṃ abhiniveso visesato taṇhāvasena hoti taṇhārahitāya diṭṭhiyā abhāvāti upacārasena nimittassa kattubhāvamāha “**niccādito gaṇhanti visamvādikā hoti**”ti. Pākaṭena saddena labbhamañattā yathārutaviññāyamāñattā ca **visattikāsaddassa** visatasabhāvo “**padhāno attho**”ti vutto. “Antalikkhacaro pāso, yvāyaṃ carati mānaso. Tena taṃ bādhayissāmi”tiādivasena (saṃ. ni. 1.151; mahāva. 33) **mārena gahitatāya.**

1066. Anattacaraṇādiānabhisandhānakatāya aṭṭhānabhūtesu ca vassavātādisaṅkhāresu uppannakopo viya sattesu atthācaraṇādinā āropanādhīpāyesuyeva tadajjhāropanavasena pavatto yadipi anāyatanuppattiyā aṭṭhānāghātoyeva hoti, sattavisayattā pana satī cittassa ekantabyāpattiyam kammaṭṭhabhedo hotiyevāti sakkā viññātuṃ, aṭṭhānuppattiyam panassa na siyā kammaṭṭhabhedoti āha “**sattesu uppanno aṭṭhānakopo karoti**”ti. Paṭighādiṭṭhānaṃ ghaṭṭanāpurimayānavikārupattisamaññādisupi dassanato “**paṭivirodhādiṭṭhāni tesam visesanatthāni**”ti vuttaṃ.

1091. Dve dhammā tayo dhammāti saddantarassannidhānena paricchedavato bahuvacanassa dassanato “**aparicchadena bahuvacanena**”ti vuttaṃ. **Uddeso katoti iti-**saddo hetuattho. Tena bahuvacanena uddesakaraṇaṃ bahuvacanena pucchāya kāraṇanti dīpeti. Uddesānuvidhāyini hi pucchāti. Tathā hi saṅkhāparicchinne uddese “katame vā tayo”ti saṅkhāparicchinnaṃ pucchā karīyatīti. Uddesena dhammānaṃ atthitāmatavacanicchāyaṃ sabhāvabhūmikāraṇaphalādiṭṭhānaṃ viya saṅkhāparicchedopi na kātabboti adhippāyena “**aniddhāritaparicchede**”tiādi vuttaṃ. “Apaccayā dhammā”ti padato pana heṭṭhā anekabhedabhinnā dhammā aparicchadena bahuvacanena uddiṭṭhā, uddhañca tathā uddisīyantīti taṃ sotapatitāya bhedaḍḍhāvepi paramatthato appaccayadhammassa asaṅkhatadhammassa ca sopādisesanirupādisesarāgakkhayādiāsaṅkhatādivacanavacaniyabhāvena upacaritabhedegahite padadvayena atthi kāci bhedaḍḍhāvepi **aparicchadena bahuvacanena uddeso katoti** yuttaṃ siyā. Uddesānusārīni pucchānigamanānti tānīpi tathā pavattāni. Niddeso pana yathādhīpetasabhāvādiṭṭhānaṃ vibhāvanavasena kātabboti asaṅkhatā dhātu icceva kato paramatthato bhedaḍḍhādiṭṭhānaṃ daṭṭhabbaṃ. Kathetukāmatāvasena pucchanto yassa katheti, tena kātabbapucchāya kāraṇato taggataṃ ajānaṇaṃ saṃsayam vā anuvidhāyayaṃ pucchati “**sabhāva...pe... ajānantassa vasena pucchā karīyati**”ti vuttaṃ. **Niddeso pubbeti**tiādinā aṭṭhakathāyaṃ vuttaṃ pucchānusandhiyeva vibhāveti.

1101. Bhanditvāti vibhajivā. **Rūpāva...pe... viññeyyāti** kāmāvacarakusalamahākīriyaviññāṇena mahaggatadhammānaṃ sammasanavasena yathāyogaṃ mahaggatappamāñadhammānaṃ paccavekkhaṇādivasena rūparāgārūparāgasampayuttāna akusalamanovīññāṇena mahaggatadhammānaṃ abhinivesanaassādanavasena taṃtaṃpaññattiyāñca taṃtaṃvohārasena pavattāna āvajjanena ca yathāvuttaviññāṇaṃ purecārikena kāmāvacaradhammā na viññeyyā. **Itarenāti** parittārammaṇena. **Kāmāvacarānameva ārammaṇānanti** niddhāraṇe sāmivacanaṃ. Rūpārammaṇādīhi viññāṇehi tatha rūpārammaṇena viññāṇenapi saddādīnaṃ aviññeyyatā rūpassa ca viññeyyatā. Evaṃ sesesupi yojanā daṭṭhabbā. Cakkhudvārikena saddādīnaṃ aviññeyyatā rūpassa viññeyyatātiādinā **dvārabhedavasena** yojetabbaṃ. **Itaranti** iṭṭhamajjhataṃ anīṭṭhamajjhataṃ anīṭṭhamajjhataṃ. **Rūpāvacarādayo kāmāvacaravipākādīhi** rūpāvacarārūpāvacaralokuttarapaññattiyō kāmāvacaravipākehi lokuttarā kāmāvacarato ṇānavippayuttakusalakīriyehi akusalehi ca aviññeyyāti yojetabbaṃ. Nibbānassa avijānanasabhāvo eva **attasambhavo.**

1102. Rūpārūpāvacarakammūpapattibhave diṭṭhirahito lobho bhavāsavoti yathāvuttavisayo diṭṭhisahito sabbakāmāvacaradhammavisayo ca lobho kāmāsavo bhavitum yuttoti vuttaṃ “**bhavāsavaṃ...pe... siyā**”ti. Kāmāsavabhavāsavavinimuttassa hi lobhassa abhāvaṃ sayameva vakkhatīti. **Pāliyaṇti** aṭṭhakathākaṇḍapāliyaṃ. Tattha yathā “kāmāsavo aṭṭhasu lobhasahagatacittuppādesu uppajjati”ti vuttaṃ, evaṃ “bhavāsavo aṭṭhasu lobhasahagatacittuppādesu uppajjati”ti avatvā “catūsudīṭṭhigatavippayuttalobhasahagatacittuppādesu uppajjati”ti (dha. sa. 1465) vuttattā “bhavāsavo... pe... yuttasu eva uppajjati”ti pāliyaṃ vuttoti sāvadhāraṇaṃ vuttaṃ. Tathā ca vakkhati “bhavāsavo catūsu diṭṭhigatavippayuttasu

avijjāsavena saddhīm ekadhāva ekato uppajjati”ti (dha. sa. aṭṭha. 1473). **Sopi rāgoti** sassatadiṭṭhisahagato rāgo. Kāmabhavapatthanā viya kāmāsavoti yuttaṃ vattum. Sassatadiṭṭhisahagatarāgakāmabhavapatthanānampi hi bhavāsavoti vattabbapariyāyo atthīti “sassatadiṭṭhisahagato rāgo bhavarāgavasena patthanā bhavāsavo nāmā”ti vuttaṃ, na tesam idha adhippetabhavāsavabhāvadassanattanti **aṭṭhakathāyaṃ** adhippāyo daṭṭhabbo. Tathā hi “rūpārūpasāṅkhāte kammato ca upapattito ca duvidhepi bhavē āsavo bhavāsavo”ti vuttanti. Tattha kāmabhavapatthanāya tāva kāmāsavabhāvo hotu, rūpārūpabhavesu sassatābhinivesasahagatarāgassa kathanti? Sopi yathāvuttavisaye kāmanavasena pavattito kāmāsavoyeva nāma. Sabbepi hi tebhūmakā dhammā kamaṇiyatṭhena kāmāti. Na cettha anīṭṭhappasaṅgo diṭṭhivippayuttalobhassa bhavāsavabhāvena visum uddhaṭṭā. Avassaṅcetamevaṃ viññātabbaṃ, itarathā rūpārūpabhavesu ucchedadiṭṭhisahagatassapi lobhassa bhavāsavabhāvo āpajjeyyāti. Kāmāsavādayo eva diṭṭhadhammikasamparāyikāsavabhāvena dvidhā vuttā.

1103. Idha pāliyāpi bhavāsavavinimuttalobhassa kāmāsavabhāvo na na sakkā yojetunti dassetuṃ “**kāmāsavaniddese cā**”tiādi vuttaṃ. “Dhammacchando saddhā”ti keci.

1105. Upādānakkhandhesveva pavattati tabbinimuttassa dhammassa jīvaggaṇaṇavisayassa paramatthato abhāvā. **Rūpe... pe... viññāṇe vā pana na patiṭṭhāti** rūpādīnaṃ aviparītasabhāvamatte aṭṭhatvā sayam samāropitassa tesu parikkappanāmettasiddhassa kassaci ākārasa abhinivesanato. Tenevāha “tato aññaṃ katvā”ti. **Tato** upādānakkhandhato. Vedanādayopi hi keci diṭṭhigatikā aniccāti passantīti. **Tatoti** vā sarīrasāṅkhātarūpakkhandhato. “Aññaṃ jīvaṃ aññaṃ sarīra”nti hi vuttaṃ. **Hotīti** bhavati sassataṃ attāti attho. **Aññanti** brahmaissarādīto aññaṃ.

Arūpabhavo viya rūpārāgappahānena rūpabhavo kāmārāgappahānena pattabbo. Rūpībrahmānaṅca pañcakāmaguṇiko rāgo pahīyati, na vimānādīsu rāgoti so akāmārāgoti katvā kāmāsavo na hotīti aṭṭhakathāyaṃ paṭikkhittaṃ. Tīkārehi pana kāmāsavabhavāsavavinimuttalobhābhāvadassanena rūpībrahmānaṃ vimānādirāgassapi kāmaccandādībhāvato diṭṭhivippayuttarūpārūpabhavarāgavinimutto sabbo lobho kāmāsavoti dassito. Tattha yuttaṃ vicāretvā gahetabbaṃ. Siyā āsavasampayutto kāmārāgena bhavarāgena vā sahuppattiyam, siyā āsavavippayutto tadaññārāgena sahuppattiyam, “catūsu diṭṭhigatā”tiādi pāliyā bhāvadassanena kāmāsavabhavāsavavinimuttalobhābhāvaṃ dassetvā “kāmāsavo”tiādi pāli dāssanena diṭṭhirāgassa kāmāsavabhāvaṃ sādheti. **Pahātabbadassanattanti** pahātabbatādassanattam. **Pahāneti** pahānanimittaṃ.

1121. Jātiyāti khattiyasabhāvādi jātisampattiyā. **Gottenāti** gotamagottādi ukkaṭṭhagottena. **Kolaputtiyenāti** mahākulabhāvena. **Vaṇṇapokkharatāyāti** vaṇṇasampannasarīratāya. “Pokkhara”nti hi sarīraṃ vuccatīti. **Mānaṃ jappetīti** mānaṃ pavatteti karoti. Pavatto māno **pavattamāno**. **Puggalavisesanti** seyyassa seyyotiādi bhedaṃ puggalavisesaṃ. Seyyaṃ bhinditvā pavattamāno **seyyamāno**. **Tiṇṇanti** seyyassa seyyādīnaṃ tiṇṇaṃ “seyyohamasmi”tiādinā aññaṃ puggalaṃ anissāya vuttānaṃ. Seyyādivasena attano mananaṃ paggaḥo māno, tassa karaṇaṃ seyyohamasmitiādi pavattiyevāti vuttaṃ “**seyyoti ādikiccakaraṇa**”nti.

1140. Sabbopi lobho abhijjhāsabhāvoti abhijjhā āsavadvayasabhāvā, kāmārāgo kāmāsavasabhāvo evāti **āsavadvayaekāsavabhāvo** abhijjhākāmārāgānaṃ viseso vutto. Na abhijjhā ca dhammā ṭhapetvā diṭṭhiṃ avijjānaṃ noāsavasabhāvā. Abhijjhā ca āsavadvayasabhāvā eva, na abhijjhāsabhāvō ca lobho natthīti adhippāyena “**noāsavalobhassa sabbhāvo vicāretabbo**”ti āha. **Gaṇānāya hetuyā sattāti vuttanti** pañhāvārapāṭhaṃ sandhāya vuttaṃ. Tattha hi “āsavo dhammo āsavassa dhammassa hetupaccayena paccayo. Āsavo dhammo noāsavassa dhammassa. Āsavo dhammo āsavassa ca noāsavassa ca. Noāsavo dhammo noāsavassa. Noāsavo dhammo āsavassa. Noāsavo dhammo āsavassa ca noāsavassa ca. Āsavo ca noāsavo ca dhammā noāsavassa hetupaccayena paccayo”ti (paṭṭhā. 3.3.16) imesaṃ vārānaṃ vasena “gaṇānāya sattā”ti vuttaṃ. Tattha yadi noāsavasabhāvopi lobho siyā, diṭṭhisampayuttacittassa vasena “āsavo ca noāsavo ca dhammā mohayathāvuttalobhā āsavassa dhammassa diṭṭhiyā hetupaccayena paccayo”ti sattamo, pāliyaṃ āgataṃ sattamaṃ aṭṭhamaṃ katvā “āsavo ca noāsavo ca dhammā āsavassa ca noāsavassa ca dhammassa hetupaccayena paccayo”ti navamo pañho vuccēyya, na pana vuttoti. Evaṃ diṭṭhisampayuttalobhassa noāsavabhāvābhāvaṃ dassetvā itarassapi taṃ dassetuṃ “**diṭṭhivippayutte cā**”tiādi vuttaṃ.

1162. Yathārūpe rūpappabandhe vattamāne puggalo gacchati tiṭṭhati nisīdatīti vuccati, tathā visadarūpassa uppādaṃ cittaṃ **iriyāpathūpatthambhakaṃ**. Taṃ pana kusalato kiriyato ca pañcamajjhānaccittaṃ abhiññāppattaṃ appattaṅca bhinditvā sattapaññāsa javanāni voṭṭhabbanañcāti **aṭṭhapaññāsavidhaṃ**. Sahajātadhammānaṃ akammaññābhāvakarattā thinamiddhasahagatacittaṃ visadāni rūpāni na samuṭṭhapeti na upatthambheti cāti vuttaṃ “**iriyāpathaṃ sandhāretuṃ asakkonta**”nti.

1163. Vipakkhepi bhāvato anekantikattā **rūpattāsādhakattaṃ**. **Garubhāvappatti** lahutāviraḥo daṭṭhabbo. Satipi aññesampi akusalādīnaṃ lahutāviraḥe thinamiddhānaṃ ekantato lahutāpaṭipakkhattā kāraṇānurūpattā ca phalassa “**thinamiddhasamuṭṭhitarūpehi**”ti vuttaṃ. **Na jāgara...pe... santatinti** etena nāmakāye supanassa asiddhataṃ dasseti. **Middhassa phalattāti** ettha middhamyeva niddākāraṇanti nāyaṃ niyamo icchito, niddākāraṇameva pana middhanti niyamo icchitoti daṭṭhabbo. Tathā hi khīṇāsavānaṃ niddāya middhato aññaṃ kāraṇaṃ karajakāyassa dubbalabhāvo aṭṭhakathāyaṃ dassitoti.

Chādanaṃ, avattharaṇaṃ vā onāho, so rūpasseva sabhāvoti parassa āsaṅkaṃ manasi katvā āha “**tena saha vuttā onāhapariyonāhā cā**”ti. Asāṅkocavasena visadā pavatti **vipphārikabhāvo**. **Āvaraṇabhāvo viyāti** etena āvaraṇasabhāvattepi middhassa tabbidhuro anaññāsādhāraṇattā onahanādībhāvoti dasseti. Sāmaññañhi pañcannampi kāmaccandādīnaṃ

āvaraṇasabhāvoti āvaraṇabhāvasadisassa onahanādhāvassa nāmakāye labbhamānassa gahitatāti etthāhippāyo.

Pānanti anuyogoti ca taṃkiriyāsādhikā cetanā adhippetāti surāpānassa surā...pe... yogassa ca akusalabhāvena upakkilesadubbalīkaraṇabhāvo yuttoti vutto. “Surāmerayassa ajjhoharaṇaṃ pānaṃ pamādaṭṭhānūyogo cā”ti **parassa adhippāyo. Nīvaraṇaṃ hutvā** vātiadinā idaṃ dasseti “nīvaraṇasabhāvānaṃ nīvaraṇasampayuttabhāvadassanaparāya codanāya nīvaraṇanti katthaci adīṭṭhapayogassa asampayuttassa rūpassa yathālābhato gahaṇaṃ nīyoyeva na hoti, siddhanīvaraṇabhāvasampayuttasabhāvānaṃyeva pana gahaṇanti taṃsabhāvā arūpadhammāyeva dassitā, na rūpanti thinaṃ viya middhampi arūpamevāti viññāyati”ti. **Yanti** yena vacanena. **Asambhavavacanatotī** asambhavavacanabhāvato.

Tenāti tena rūpārammaṇassa chandarāgassa pahānavacanena. Rūpappahānato aññoti katvā rūpe chandarāgappahānaṃ “**añño kāro**”ti vuttaṃ. Yaṃ aṭṭhakathāyaṃ “aññathā”ti vuttaṃ. **Idanti**adinā “taṃ pajahathā”ti pāliyaṃ na nippariyāyappahānaṃ adhippetanti dasseti. **Arūpasseva yujjati**ti sududdasaṃ dūraṅgamādippavattakaṃ cittaṃ taṃsampayutto arūpadhammoyeva vibandhituṃ samatthoti dasseti. **Cetaso pariyuṭṭhānanti** kusalacittassa gahaṇaṃ. Nīvaraṇāni hi uppajjamānāni uppajjituṃ appadānena kusalavāraṃ gaṇhantīti vuccanti. Gahaṇācetha **pariyuṭṭhānaṃ** “corā magge pariyuṭṭhimsū”tiādīsu viya.

1176. Uddhaccaṃ kukkuccaṅca saha vuttanti uddesapucchānigamane sandhāya vuttaṃ. Yaṃ pana aṭṭhakathāyaṃ uddhaccassa kukkucena viñbhāvākāraṇaṃ vatvā “bhinditvā vutta”nti vuttaṃ, taṃ “nīvaraṇā ceva nīvaraṇasampayuttā cā”ti padassa niddese uddhaccakukkuccānaṃ visuṃ niddiṭṭhataṃ sandhāya vuttaṃ. Kāmacchandassa ukkaṭṭhanīvaraṇatā orambhāgiyabhāvo. So hi rūparāgārūparāgappakāraṃkāmacchandaṃ upādāya tato tibbakiccatāya “ukkaṭṭhanīvaraṇa”nti vuccati. Kāmacchandanīvaraṇantveva lobho vutto, na bhinditvā. Kāmacchandanīvaraṇassa ca anavesato anāgāmimaggena pahāne vuccamāne catutthamaggavajjho lobho anīvaraṇasabhāvo āpajjati āha “**yadi...pe... siyā**”ti. **Nonīvaraṇo** rūparāgārūparāgappakāro lobhadhammo **nīvaraṇassa** avijjādikassa. **Ādi**-saddena “nonīvaraṇo dhammo nīvaraṇassa ca nonīvaraṇassa ca dhammassa. Nīvaraṇo ca nonīvaraṇo ca dhammā nīvaraṇassa dhammassa. Nīvaraṇo ca nonīvaraṇo ca dhammā nonīvaraṇassa dhammassa. Nīvaraṇo ca nonīvaraṇo ca dhammā nīvaraṇassa ca nonīvaraṇassa ca dhammassa hetupaccayena paccayo”ti (paṭṭhā. 3.8.25) ime pañhe saṅgaṇhāti. **Cattārīti vuttaṃ** nīvaraṇapadamūlakānaṃ tiṇṇaṃ nonīvaraṇamūlakassa ekassa vasena. Nīvaraṇanonīvaraṇatadubhayamūlakānaṃ pana tiṇṇaṃ tiṇṇaṃ vasena **navāti vuttaṃ. Tasmāti** yathādasitanāyāya pāliyaṃ abhāvā nonīvaraṇalobhābhāvā.

1219. Tenevāti purimadīṭṭhiākārenea uppajjamānena. Diṭṭhigatikehi vuccamānānaṃ “niccaṃ subha”nti evamādivacanānaṃ, diṭṭhirahitehi vuccamānānaṃ gaganakusumādīlokavohāravacanānaṃca vatthūni vācāvattumattānīti āha “**vācā...pe... vā**”ti.

1221. Cittena paraloke ṭhitoti yasmim loke nibbattivasena sayam ṭhito, tato aññaṃ lokaṃ paralokoti cittena gahetvā ṭhito.

1236. Na hi purimehītiadinā paṭṭhamamaggādīhi samugghāṭṭitaapāyagamanīyabhāvādikā eva rāgādayo dutiyamaggādīhi pahīyantīti dasseti.

1287. Upaṭṭhitepi duggatinimittādike na tathā tibbo lobho uppajjati, yathā sugatinimittādiketī āha “**balavanikantivirahena**”ti.

1301. Ekasmiṃ cittuppāde uppannānaṃ viya ekasmiṃ santāne uppannānampi sahapavattipariyāyo atthīti pahānekaṭṭhena rāgaraṇena vicikicchuddhaccasahagatamohassa saraṇatā vuttā. Uddhaccavicikicchāhi yo moho saha jāto bhava, sopi rāgena saraṇo pahānekaṭṭhabhāvato. Lobhadosaṃhatadekaṭṭhakīlesataṃsampayuttakkhandhatamāsamuṭṭhānakammabhedato sabbassapi akusalassa saṅgahaṇavasena pavatto saraṇapadaniddeso araṇavibhaṅgasuttēnapi aññadattu saṃsandatīti dassetuṃ “**araṇavibhaṅgasutte**”tiādīmāha. Yaṃ pana aṭṭhakathāyaṃ sampayogappahānekaṭṭhabhāvādīpanena rāgādīnaṃ sabbesaṃ vā akusaladhammānaṃ saraṇabhāvadassanaṃ, taṃ pāliyaṃ yathādasitadhammānaṃ aññamaññāsaraṇabhāvadassanaparaṃ, tadaññadhammānaṃ saraṇabhāvapaṭisedhanaparanti **araṇavibhaṅgasuttavirodhoti** daṭṭhabbaṃ. Suttantadesanāya vā pariyāyakathābhāvato nippariyāyato saraṇabhāvo viya araṇabhāvopi akusaladhammānaṃyevāti tathāpavattāya **aṭṭhakathāya** na koci suttavirodhoti daṭṭhabbaṃ.

Suttantikadukanikkhepakathāvaṇṇanā

1313. Ahaṃ-saddena hetubhūtena yo atthoti ettha **ahaṃ**-saddo atthoti adhippeto. Atthāvabodhanattho hi saddappayogo. Atthaparādhiṇo kevalo atthapadattako, so padattavipariyēsakārīnā pana iti-saddena parato payuttēna saddapadattako jāyati yathā gāvīti ayamāhāti go-saddaṃ āhāti viññāyati. Tena viññattavikārasahito saddo paññattīti dasseti. Tathā hi “buddhassa bhagavato vohāro lokiyasote paṭihaññati”tiadinā (kathā. 347) paññattiyā vacanabhāvaṃ sādhyati. **Aññathāti**adinā paññattiyā asaddasabhāvatte dosamāha. **Adhivacanādītā siyā**, tathā ca adhivacanādīnaṃ adhivacanapathādito viseso na siyāti dukoyeva na sambhaveyyāti adhippāyo. Aṭṭhakathāyaṃ pana sakasantatipariyāpanne rūpādayo dhamme samūhato santānato ca ekattavasena gahetvā ahanti vohariyamānā upādāpaññati saṅkhāyati vohariyati saṅkhāti adhippetā. Tathā sesesu yathāsambhavaṃ daṭṭhabbaṃ. Tenevāha “**dattoti ettavātā sattapaññattim dassetvā aññampi upādāpaññattim dassetu**”ntiadi. **Padatthassāti** ahaṃ-saddātipadābhidheyyassa, paramatthassa vā. Adhivacanaṃ saddoti adhippāyena “**vadantenā**”tiadi vuttaṃ. So hi attanā ñāpetabbamattham sayam ñāto eva ñāpetīti aggahitasambandhassa na saddo atthappakāsanamatthoti vuttaṃ “**pubbe**

gahitasaññenā”ti. **Visesena nāyafīti samaññāti sam**-saddassa visesatthataṃ āha.

Karīyafīti idam imassatthassa adhivacananti evaṃ nikkhipīyati. Nāmbhūtaṃ vacanameva taṃ taṃ atthaṃ niddhāretvā sahetukaṃ katvā vadati byañjayati cāti āha “**nāmicceva vuttaṃ hoti**”ti. Tenevāha “**na hi pathavī**”tiādi. **Pathavīsāṅkhātanti** pathavī-saddābhidheyyaṃ.

Ācariyāti aṭṭhakathāya samvaṇṇanakā ācariyā, na aṭṭhakathācariyāti adhippāyena vadati. **Mātikāyanti** mātikāvaṇṇanāyaṃ. **Tenāti** mātikāvaṇṇanāvacaṇena. Imissā pāliyā aṭṭhakathāya ca atthadassanassa etassa yathāvuttassa ācariyāvādassa virodho siyā, tameva virodhaṃ “**na hi**”tiādinā vivarati. Tattha adhivacanapathādibhāvena vuttānaṃ dhammānaṃ pakāsakassa sabhāvassa viññattivikārasahitasaddasseva vacanamattaṃ adhikāraṃ katvā pavattīdi yujjati, na asabhāvassāti adhippāyena “**uppādavayakiccarahitassā**”tiādi vuttaṃ. Tattha **aniddhāritasabhāvassāti** paramatthato anupaladdhasabhāvassa.

Duvidhāti paññāpanapaññāpitabbhedato duvidhā. **Yathāvuttappakārāti** uppādavayakiccarahitātiādiṃpakārā. **Aṭṭhakathāyaṃ** puggalapaññātivāṇṇanāyaṃ. Nanu ca tattha upanidhāpaññātiādayo aparāpi paññātiyo vuttā, aha kasmā “**cha paññātiyova vuttā**”ti vuttaṃ? Saccam vuttā, tā pana vijjānāpaññātiādisu chasu eva antogadhāti “**aṭṭhakathāyaṃ vijjānāpaññātiādayo cha paññātiyova vuttā**”ti vuttaṃ.

Tattha rūpādi viya avijjānānattā paññāpitabbatā ca avijjānāpaññāti, avijjānānassa ca sattarathādiatthassa paññāpanato avijjānāpaññāti evaṃ avijjānāpaññātivācānena yathāvuttā duvidhāpi paññāti saṅgahitāti āha “**avijjānāna...pe... vuttā**”ti. **Itarehīti** vijjānāpaññātiādihi avasesehi pañcahi, rūpavedanādīnaṃ sattarathādīnaṃca atthānaṃ pakārehi nāpanato taṃtaṃvācako saddoyeva visayabhedato vijjānāpaññātiādiḥhedā paññāti saṅkhādīhi dasahi padehi vuttāti ayaṃ purimo attho, so ca yathārutavaseneva pāliyā viññāyamānattā “**pāliyanugato ujuko**”ti ca vutto. **Yadi cātiādisu** sattādikā yathāvuttappakārā upādāpaññāti yadi avijjānāpaññāti, **sā atthīti na vattabbā**. Avijjānā ca sā paññāpitabbato paññāti cāti tesam ācariyānaṃ laddhīti adhippāyo. Idāni tassā laddhīyā vasena paññātipathāti vuttadhammānampi vijjānāpaññātibhāvāpatticodanena tattha dosam dasseti “**yathā cā**”tiādinā. **Tatoti** yasmā avijjānānattā paññāpitabbatā ca sattarathādīnaṃ avijjānāpaññātibhāvo viya vijjānānattā paññāpitabbatā ca sabbesaṃ sabhāvadhāmmānaṃ vijjānāpaññātibhāvo āpajjati, tasmāti attho.

“**Athā**”tiādinā paññātipathaniddesato viṣiṭṭhassa paññātidhammaniddesassa sayameva kāraṇamāsaṅkati. “**Nāpi**”tiādinā tassa kāraṇassa asiddhataṃ dasseti. “**Purisoti saṅkhā**”tiādisu saṅkhādayopi nāmādihi atthato aviṣiṭṭhā vuttāti āha “**saṅkhādisaddānaṃ samānatthattā**”ti. **Vacanaggahaṇaṃ** vacanuccāraṇaṃ. **Aññassāti** nāmapaññātiṃ sandhāyāha. **Tesanti** saṅketaggahaṇavācānaggahaṇānaṃ. Asamatthatā na sambhavatīti yojanā. Tameva asambhavaṃ “**yadi hi**”tiādinā vivarati. **Paññātiyāti** nāmapaññātiyā. **Paññātipaññāpaneti** yāya nāmapaññātiyā upādāyapaññāti rūpādayo ca paññāpiyanti, yā ca sotadvāraviññāsanāntānantaramuppānena gahitapubbasāṅketena manodvāraviññāsanāntānena gayhāti, sā ayaṃ nāmāti tassā paññāpane asaṅkarato ṭhapane. Atha vā sotadvāraviññāsanāntānantaramuppānena manodvāraviññāsanāntānena paññātiyā gāhāpane paricchindane. **Tassā aññā paññāti vattabbā siyāti** tassā nāmapaññātiyā nāpane saṅketaggahaṇavācānaggahaṇānaṃ saṅketāgāraṇabhūtā aññā nāmapaññāti atthīti vattabbā anuññātabbā siyā. **Tato atthavijānānameva na siyāti** kevalāni saṅketaggahaṇavācānaggahaṇāni atthapaññāpane viya paññātipaññāpanepi asamatthāni, paññāti ca nātāyeva tesam saṅketāgāraṇaṃ taṃjānanatthaṃ paññātipānāntaraparikkappane ca anavatthānāpattīti atthādhigamassa sambhavo eva na bhavyeya.

Saṅketo rūpādisu na kiñci hoti, bhūtādinimittaṃ bhāvanāvisesaṅka upādāya vohariyamānā kasinādiḥpaññāti viya taṃ taṃ saṅketitabbā saṅketakāraṇānaṃ upādāya vohāramatto, tassa ca paññāpikā nāmapaññātiyā yathāvuttadosāpattīti dassento “**nāpi saṅketaggahaṇa**”nti avoca. Nanu ca atthavijānānāsambhavācodaneneva saṅketaggahaṇābhavopi dassitoti? Saccametaṃ, saṅkete pana ācariyānaṃ matibhedo vijjati. Tattha ekapakkhiko ayaṃ dosoti dassanatthaṃ tassa viṣuṃ vacanaṃ vuccamānā rūpādayo dhammāvācānatthā paññāpitabbā ca, tadabhidhāyako saddo paññāti. Ettavatā sabbavohāro sījhatīti adhippāyena “**vacana...pe... janam natthi**”ti āha. **Paññātiyā vacanabhāvo siddho** paṭihanānāsotabbatādiḥpakattā tesam pāṭhananti adhippāyo. **Ādi**-saddena “**atthi keci buddhassa bhagavato vohāraṃ suṇanti, niruttapaṭisambhidā paccuppanārammaṇā**”ti evamādiṃ saṅgaṇhāti. **Tasmāti** yasmā “**paññātidhammā**”ti padassa yathāvuttapaññātiyo atthoti etasmim pakkhe mātikāvaṇṇāyā virodho, **aṭṭhakathāyaṃ** avuttatā, imissā pāliyā ananugamo, sabbe dhammā paññātiḥti niddisitatabbatā, paññātipathapadassa navattabbatā, anavatthānāpattito atthavijānānāsambhavoti aneke dosā, viññattivikārasahitassa pana saddassa paññātibhāve yathāvuttadosābhāvo anekesaṃ pāṭhappadesānaṃca anulomanāṃ, tasmā. Tattha yuttaṃ gahetabbanti adhippāyenaṃ “**pāli...pe... tabbo**”ti.

Yadi sattātiādinā saddassa paññātibhāve aṭṭhakathāya virodhamāha. Evaṃ paññātibhāve yadi saddassa paññātibhāvo, tassa paramatthato vijjānānattā rūpādiatthassa ca paññāpanato vijjānāpaññātibhāvo eva siyā, na avijjānāpaññātibhāvo. Na hi te sattādayo paññāti. Evaṃca avijjānāpaññātiyā bhāvo eva siyā. Vuttā ca **aṭṭhakathāyaṃ** (pa. pa. aṭṭha. 1 mātikāvaṇṇā) “**avijjānāpaññāti**”ti. Itaro visayassa avijjānānattā tassa avijjānāpaññātibhāvoti yathāvuttavirodhābhāvaṃ dassento “**avijjānāna**”ntiādimāha. Idāni sattādivisayassa kenacipi pariyaṇena atthitāya abhāvācānānena tabbisayāya paññātiyā avijjānāpaññātibhāvāyeva vavatthapeti “**ayaṅca vādo**”ti. Vijjānā eva sattādayo rūpādisabhāvābhāvavasena “**avijjānā**”ti vuccanti, na sabbathā abhāvato. Tathā hi tathā tathā paññāpiyamānābhāvena viññāntīti yathāvuttarūpo vādo “**rūpaṃ atthīti?** Hevatthi heva natthīti. Sevatti seva natthīti. Na hevaṃ vattabbe. Sevatti seva natthīti. Āmantā. Atthaṭṭho natthaṭṭho”ti (kathā. 306) evaṃ pavattāya **hevattikathāya**. Tattha hi

rūpādayo dhammā rūpādisabhāvena atthi, vedanādisabhāvena natthi, tasmā sabbamevidam evam atthi evam natthīti evam laddhike sandhāya “rūpaṃ atthi”ti pucchā sakavādissa. “Hevatthi heva natthi”ti vissajjanam paravādissa. Atha nam sakavādī yadi rūpameva evam atthi evam natthīti laddhi, evam sante so eva atthi so eva natthi nāmāti pucchanto “sevatthi”ti āha. Itaro teneva sabhāvena atthitam, teneva natthitam sandhāya paṭikkhipati. Dutiyam puṭṭho sakabhāvena atthitam, parabhāvena natthitam sandhāya paṭijānāti. Tato sakavādī “atthattṭho natthattṭho”tiādinā atthitā vā natthitā vā aññamaññāviroddhā ekasmiṃ dhamme vinā kālabhedena asambhavattāti kiṃ ekattam āpajjati dassento paravādiṃ niggaṇhātīti. **Paṭisiddhoti** ca “rūpaṃ ‘rūpa’nti hevatti, rūpaṃ ‘vedanā’nti heva natthi”tiādinā (kathā. 306) vuttāya rūpavedanāsaññāsaṅkhāraviññānaṃ sakabhāvena atthitāya parabhāvena natthitāya ca paṭisedhanena sattādinampi tathābhāvo paṭisedhito hotīti katvā vuttam.

Rūpādayo na hontīti rūpādisabhāvā na honti. **Tathā tathāti** samūhasantānādivasena. **Vicittasaññā** parikkappavasena uppajjati. Yadi sattarathādisaññāvalambito vacanatto vijjamaṇo na hoti, nanu sattarathādiabhilāpā anariyavohārā jāyantīti āha “**na ca te abhilāpā**”tiādi. Attano vasena kiñci ahontaṃ paññāpakassa vacanasseva vasena paññāpitabbattā **paññattivohāram labhati**. **Imināva adhippāyēnāti**tiādi “sayam avijjamaṇo”tiādinā vuttamevattham sandhāyāha. **Tanti** sattādiggaṇam. “Brahmavihāracatukkam sattapaññattim ārabha pavattatā navattabbārammaṇam nāma hoti”tiādinā **aṭṭhakathāyam** (dha. sa. aṭṭha. 1421) tattha tattha **na vattabbanti vuttam**. Yadi parittādiabhāvena na vattabbam, katham avijjamaṇassa sattādikassa paccayabhāvoti āha “**khandhasamūhasantāna**”tiādi. **Tanti** khandhasamūhasantānam. **Tadupādānabhūtanti** puggaloti gahaṇapaññattīnam kāraṇabhūtam. Yadi puggalasaññāya sevamānassa kusalādiuppatti hoti, katham puggaladassanam micchādassananti paṭisiddhanti āha “**yasmā panā**”tiādi. **Pathavīdhātu upalabbhatīti** puggalābhāve vipakkhavasena nidassanamāha. Idañhettha anumānam. **Na rūpādayo vivecētvā puggalo upalabbhati** tesam aggahaṇe tathārūpāya buddhiyā abhāvato sevādayo viyāti. Puggalo upalabbhati sacchikatṭhaparamatthena yo chaviññānaviññeyyoti saṃsarati muccati cāti evam diṭṭhiyā parikkappitapuggalova paṭisedhito, na vohārapuggaloti dassento “**paṭise...pe... diṭṭhi**”ti āha.

Gāthāya pañcasu khandhesu rūpaṃ vedanā saññā cetanā viññānanti etesu kam nāma dhammam sattoti jānāsi nu, etesu ekampi sattoti gaṇhitum nārahatīti dasseti. Atha etehi añño eko satto atthīti paccesi. Evampi māra diṭṭhigatam nu te. Nu-saddo diṭṭhigatameveti avadhāraṇatto. Kasmā? Yasmā **suddhasaṅkhārapuñjoyam**. Tamevattham vīvarati “**na yidha sattūpalabbhati**”ti. Yasmā paccakkhato vā anumānato vā anupaladdhito natthi ettha koci satto nāmāti adhippāyo. Yadi satto natthi, katham satto saṃsāramāpādītiādi nīyatīti. Kimettha netabbam, sattoti vohārasatto adhippeto, yasmā satta-saddo vohāre pavattatīti. Dutiyagāthāya sambandham dassento “**satto panā**”tiādimāha. **Āngasambhārāti** āngasambhārato akkhacakkāsaṅkādiāngasambhāramupādāyāti attho. **Sattoti** vohāro.

Avijjamaṇassāti accantaṃ avijjamaṇassa sasavisāṇādikassa. Yadi accantaṃ avijjamaṇam, katham tam gayhatīti āha “**parikkappita**”nti. **Lokasaññātam** ghaṭādi. Ettha pana yathā attānam ārabha uppajjamaṇakadhammānam taṃsantatipatitānañca kilesupatāpābhāvena assatthabhāvapaccayatāya uppādādirahitampi nibbānam “**assāsanakarasa**”nti vuccati, evam attānam ārabha pavattanakadhammavasena uppādādirahitāpi paññatti pavattatīti vuttā. Hetuatto vā antonītoti pavattitā vohāritāti attho daṭṭhabbo. Tathā nāmapaññatti paññāpetabbamattham gahitāyeva paññāpeti, viññatti viya adhippāyam viññāpetīti sā gahetabbābhāvato vuccamānattadvārena vuccamānāti vuttā. Paññāpitabbapaññattiyā pana vuccamānabhāve vattabbameva natthi. Tathā pakāro nāpanabhāvena nāpetabbañpananti katvā gahetabbattāyeva ca tassā aniddhāritasabhāvātā paṭikkhittā daṭṭhabbā. Na hi sabhāvadharmānam kakkhāḷaphusanādi sarūpato saddena vacanīyabhāvam bhajati, apica kho nesaṃ kāladesādiḷbhedabhinnaṃ vinivattāññāyati ako sajātiyasādhāraṇo pubbasāṅketānurūpaṃ ajjhāropasiddho sāmāññākāro vacanīyo. Tatthāpi na vinā kenaci pavattinimittena saddo pavattatīti tassa pavattinimittabhūto lokasaṅketasiddho taṃtamvacanattaniyato sāmāññākāraviseso nāma paññattīti pubbācariyā. So hi tasmim tasmim atthe saddam nāmeti, tassa tassa vā atthassa nāmasaññam karotīti nāmam, pakārehi nāpanato paññatti cāti.

Kassa pana so ākāravisesoti? Paññāpetabbatthassāti veditabbam. Anekākārā hi atthāti. Evañca katvā tassā paññattiyā gahetabbatāvacañca samatthitam bhavati, avassañca etamevam sampaṭicchitabbam. Aññathā vacanavacanīyabhedānam saṅkaro siyā, sabbopi attho sabbassa saddassa vacanīyo, sabbo ca saddo sabbassa atthassa vācakoti na cettha saṅketaggaṇeṇeva tesam pavattatīti sakkā vattum vavattitesu eva tesu saṅketaggaṇassa pavattito.

Apare pana “yathā dhūmato aggianumāne na kevalena dhūmeneva aggi viññāyati, dhūmassa pana agginā avinābhāvasaṅkhāto sambandho viññāyamāno dhūmena aggi viññāyati, evam saddena atthavijjānane na kevalena saddena tadattho viññāyati. Taṃtam saddassa pana tena tena atthena avinābhāvasaṅkhāto sambandho viññāyamāno tena tena saddena attham nāpetīti veditabbam. Aññathā aggaḷhasambandhenapi saddasavanamattena tadattho viññāyeyyāti. Yo yamettha yathāvuttarūpo sambandho, so tassa tassa atthassa saññāpanabhāvena nāmanti paramatthato abhāvā lokasaṅketavasena lokasaṅketoti vā siddho nātōti lokasaṅketasiddhoti, saddena pakāsiyamānaṃ atthappakāraṇam adhihamahetutāya pakāro nāpanato paññattīti ca vutto”ti vaṇṇayanti.

Saṅkhatasaṅkhatavinimuttassapi ñeyyavisesassa abhāve ghaṭādisaddābhidheyyā viya pathavīphassādisaddavacanīyopi na labbhatīyevāti sabbavohāralopo siyā. Yasmā ca rūpārūpadhammā pabandhasaṅkhātataṃtamvīsesākāravaseneva pavattanti, na kevalā, tasmā tesam te saññānasamūhaavattāhāvisesākārā yadipi paramatthato kiñci na hontī, paramatthato pana vijjamaṇam rūpādinam upādānaṃ vasena vijjamaṇabhāvam labhivā taṃtamgahaṇānurūpaṃ taṃtamabhilāpādhikaraṇam bhavati. Upādāyapaññatti hi upādānato yathā aññā anaññāti ca na vattabbā, evam sabbathā atthi natthīti ca na vattabbā. Tayopi hi ete santāyevāti evam tāva mātīkavaṇṇanāya na koci virodho. Saṅkhāyati saṅkhatīyatīti saṅkhāti ayamattho kathetabbābhāvena

vacanatttheyeva niruḷho, na vacanasminti vacanapakkhassa ujukatā sambhavati. Vacanapakkhoyeva pāḷianugato, na paramparāgato yathāvutto atthoti kuto panetaṃ labbhā. Na hi añito attho pāḷiananugato, nāpi sabbā pāḷīnitattā evāti yathāvuttā duvidhā paññattiyo aṭṭhakathāyaṃ chahi paññattīhi yathāsambhavaṃ vuttāyevāti siddhametaṃ atthīti na vattabbāti.

Yadi paramatthato atthitāpaṭisedho, iṭṭhametaṃ. Atha vohārato, sattarathaghaṭādihi sattarathādivacanappayogoyeva na sambhaveyyāti. Na hi vacanīarahito vacanappayogo atthīti. Paramatthadhammānaṃ asabhāvadhammabhūtāya paññattiyā vibhāgaddassanattā adhivacanādīdikkattayadesanāti na paramatthadhammānaṃ rūpādīnaṃ paññattibhāvāpattīti. Na ca paññattipathapaññattidhammaniddesānaṃ avisesavacanaṃ yuttaṃ, saddasseva pana paññattibhāve siyā kāci tesam visesamattā. Paññāpitabbassa aparamatthasabhāvasseva paññattibhāvo adhippetoti na sabbo paññattipatho paññattisaddena vutto, paññatti ca paññāpetabbabhāvena vuttāti paññattipathapadaṃ vattabbameva. Evañcetaṃ icchitabbam. Itarathā saddassa ca paññāpitabbatāya paññattipathabhāvoti paññattipadaṃ na vattabbam siyāti ca sakkā vattum, nikkhepakaṇḍe vibhattāyeva paññatti ‘puriso māgaṇḍiyo’ ti etthāpi dassitāti na na sakkā vattum. Tathāpi hi yathāvuttaupādāyapaññattināmapaññattinaṃ sabhāvasambhavoti saṅkhādisaddanaṃ samānatthāpi tesam matimattameva, viññatti viya adhippāyaṃ viññāpentā sayam nātāyeva nāmapaññatti paññāpetabbamattham paññāpeti gahitasarūpatāya padīpo viya rūpagatavidhamsaneti na paññattiantaraparikkappanena payojanaṃ atthi paññāpetabbatthapaññāpane, nāmapaññattipaññāpane pana upādānabhedabhinnā upādāyapaññatti viya taṃtaṃvacanavacanattahabhedabhinnā nāmapaññattīti aññā paññatti icchitā eva. Na ca anavatthānadoso taṃtaṃvacanassa tadatthavibhāvane sahakārīkāraṇabhāvena paṇiniyatarūpatā. Etena saṅketaggaṇabhāvopi paṭisiddho daṭṭhabbo, tathā nāmapaññattiyā payojanābhāvo. Dassitappayojanā hi sā pubbeti.

“Vohāro lokiyasote paṭihaññatī” tiādīso sotabbassa saddassa vasena tabbisayabhūtā vohārādayo paṭihananasotabbatāpariyāyena vuttāti daṭṭhabbā. Saddoyeva vā tatha vohārādisahacāritāya tathā vutto. Na hi sakkā sabbattha ekarasā desanā pavattīti vattum. Tathā hi katthaci sukhā dukkhā, sukhāpi vedanā dukkhāti vuccanti, dukkhā sukhā, dukkhāpi sukhāti, evaṃ yathāvuttā duvidhāpi paññatti adhivacanādīpāṭhassa atthabhāvena aṭṭhakathāyaṃ vuttāyevāti. Ayaṃ saṅkhatāsāṅkhatavinimuttaṃ ñeyyavisesam icchantānaṃ vasena vinicchayo.

1316. Satipi paresam sāmāññādināmakarakānaṃ nāmakaraṇabhāve parānapekkhatāya tato ativiya yutto idha nāmakaraṇasabhāvo ukkaṃsaparicchedena nāmakaraṇatthoti adhippetoti dassetuṃ “**aññaṃ anapekkhitvā**” tiādīmāha. **Nāmakaraṇasabhāvatā na hoti** asabhāvikatāya kadācīdeva pavattito cāti adhippāyo. **Sabhāvasiddhattāti** vedanādīnaṃ vedanādīnāmakaraṇadhammataṃ āha. Yadi vedanādīnaṃ kenaci akataṃ sakanāmaṃ ādāyayeva pavattanato opapāṭikanāmānaṃ nāmakaraṇatthena nāmabhāvo, evaṃ satī pathavīādīnampi nāmabhāvo āpajjati, aññāthā pathavīādīnidassanameva na siyāti anuyogaṃ manasi katvā āha “**pathavīādīnidassanena**” tiādī. Ekadesasāmāññena hi yathādhīpetena upamā hoti, na sabbasāmāññenāti. Evampi yadi sabhāvasiddhanāmattā vedanādayo nāmaṃ, pathavīādīnampi anivattanīyo nāmabhāvoti āha “**nirūḷhattā**” tiādī. Tena yaṃnimittaṃ vedanādīso nāmasaddappavatti, satipi tadanñesaṃ taṃnimittayoge go-saddo viya kukkuṭādisattapiṇḍe nirūḷhato vedanādīso nāma-saddo pavattoti dasseti. Tathā hi anekesu suttapadesesu tesamyeva nāmavohāro dissati. **Nāmatānāpatti vuttā** kesakumbhādīnāmantarāpajjanato. Etamevatthaṃ nidassanabhāvena “**na hi**” tiādīnā vivarati. Yadi samūhādīghanavinibbhogaḅbhāvato vedanādiarūpadhammesupi piṇḍākārena gahaṇaṃ pavattati, taṃ pana yebhuyyena atthātiparikappamukhena ekadhammasaseneva, na samūhavasenevāti vuttaṃ “**aññena...pe... natthī**” ti.

Pakāsakapakāsītabbabhāvo visayivisayabhāvo eva. **Adhivacanasamphasso** manosamphasso. So nāmamantarena gahetuṃ asakkuṇeyyatāya pākaṭoti nidassanabhāvena vutto. “Adhivacanasamphasso viyā” ti vacanena manosamphassatappakārānameva nāmabhāvo siyā, na paṭighasamphassatappakārānanti āsaṅkāya nivattanatthaṃ “**paṭighasamphasso**” tiādīmāha. Tatha pañcaviññāṇasahagato phasso paṭighasamphasso. **Pi-saddo** sambhāvane. Iduṃ vuttaṃ hoti – visayivisayasaṅghaṭṭanasamuppattiyā aññāphassato oḷārikopi paṭighasamphasso na rūpadhammā viya vibhūtākāro, tato nāmāyattagahaṇiyabhāvo nāmassevāti. **Arūpatāya vā** tiādīnā sāmāññato visesato ca paṭighasamphassassa upacāravasena nāmabhāvamāha. **Pacchimapurimānanti** “nāmañca rūpañca” ti imaṃ anupubbim sandhāya vuttaṃ. **Satipi rūpassā** tiādīnā nāmavohārahetuṃ anaññasādhāraṇaṃ nibbānassa adhipatipaccayabhāvaṃ eva vibhāveti, yato ariyānaṃ aññāvisayavinissaṭṭaṃ ninnapoṇapabbhārābhāvena asaṅkhatadhātuyam eva cittaṃ pavattatīti.

1318. Vaṭṭasmim ādīnavapaṭicchādanato tadassādanābhinandanato ca vaṭṭassa mūlaṃ padhānakaraṇanti **vaṭṭamūlaṃ**.

1320. Ekekasmim rūpādike yathābhiniṅṅhe vatthusmim ahaṃmānādhāranimittataṃ kusalākusalatābbipākālokādhāratañca samāropetvā **pavattaggaṇaviseso**. Yā kāci diṭṭhi nivisamānā dhammasabhāvaṃ aticcaparāmasanākārekena nivisatīti vuttaṃ “**parāmasantīti attho**” ti.

1332. Cetanāppadhāno saṅkhārakkhandhoti katvā “**yāya cetanāyā**” tiādī vuttaṃ.

1333. Dunnāmaṃ gārayhanāmaṃ. **Anupasaṅkamantassā** tiādīnā sevanabhajanānaṃ visesamāha.

1336. Āpattiāpattivuttānāparicchedajānanūpāyadassanaṃ saha vatthunā saha kammavācāyādivacananti imamattaṃ dassento “**vatthuvūṭikkamato**” tiādīmāha. “Āpattikusalatā āpattivuttānakusalatā” ti (dha. sa. dukamātikā 119) hi vuttanti. Kāraṇajānanena phalaṃ suṭṭhu nātāṃ hotīti taṃ dassetuṃ “**āpattiyā vā**” tiādīmāha.

1342. Tassāti manasikārusalatāya.

1344. Anuppajjamānāneva anuppajjantāneva.

1348. Akaraṇena anādaravasenāti adhippāyo.

1350. Pheggurukkhassa sigguādikassa.

1352. Cakkhundriyāsaṃvarassāti cakkhundriyāsaṃvaraṇassa. Asaṃvutacakkhundriyasēva hetūti cakkhudvārikassa abhijjhādiānvāssavanassa taṃdvārikaviññāṇassa viya cakkhundriyaṃ padhānakāraṇaṃ. Sati hi asaṃvutatte cakkhundriyassa te te anvāssavanti asaṃvāriyamānacakkhundriyahetuko so asaṃvaro tathāvuttoti atthakathāya adhippāyaṃ dasseti. Idāni yathāvutte adhippāye thatvā “yatvādhikaraṇanti hi”tiādinā pāliyaṃ yojanaṃ dasseti. Kassa cāti pakāraṃ pucchati, kathaṃvidhassa kathaṃsaṅghitassāti attho. Na hi sarūpe vutte puna sarūpapucchāya payojanaṃ atthi. Anvāssavanti abhijjhādayo. Tadupalakkhitanti anvāssavūpalakkhitaṃ cakkhundriyaṃ asaṃvutanti yojanā.

Yathāsambhavanti dussīlyāsaṃvaro manodvāravasena, sesāsaṃvaro chadvāravasena yojetabbo. Muṭṭhassaccādīnaṃ satipaṭipakkhākusalaḍḍhammādi bhāvato siyā pañcadvāre uppatti, na tveva kāyikavācasikavītikamabhūtaṃ dussīlyassa tattha uppatti pañcadvārikajavanānaṃ aviññattijjanakattāti tameva yathāsambhavaṃ “na hi pañcadvāre”tiādinā vivarati.

Yathā kinti yena pakārena javane uppajjamāno asaṃvaro “cakkhundriye asaṃvaro”ti vuccati, taṃ nidassanaṃ kinti attho. Tatthāyaṃ pavattikkamo – pañcadvāre rūpādīraṃmaṇe āpāthagate niyamitādivasena kusalākusalajavane uppajjitvā bhavaṅgaṃ otiṇṇe manodvārikajavanaṃ taṃyevāraṃmaṇaṃ katvā bhavaṅgaṃ otarati, puna tasmīyeva dvāre “itthipuriso”tiādinā vavattapetvā javanaṃ bhavaṅgaṃ otarati. Puna vāre pasādarajjanādivasena javanaṃ javati. Puna yadi taṃ āraṃmaṇaṃ āpāthaṃ āgacchati, taṃsadisameva pañcadvārādīsu javanaṃ tadā uppajjamānaṃ sandhāya “evameva javane dussīlyādīsu uppannesu tasmīṃ asaṃvare sati dvārampi agutta”ntiādi vuttaṃ. Ayaṃ pana ukkaṭṭhanayo paricīṭāraṃmaṇaṃ sandhāya vutto, aparicīte antarantārā pañcadvāre uppajjitvā tadanurūpaṃ manodvārepi uppajjati. Dvārabhavaṅgādīnaṃ javanena sambandho ekasantatipariyāpannato daṭṭhabbo.

Sati dvārabhavaṅgādiketī paccayabhāvena purimanipphannaṃ javanākāle asantampi bhavaṅgādi cakkhādi viya phalanipphattiyā santaññeva nāmāti vuttaṃ. Na hi dharamānaṃyeva santanti vuccatīti. Bāhiraṃ viya katvāti paramatthato javanassa bāhirabhāve itarassa ca abbhantarabhāve asatipi “pabhassaramidaṃ, bhikkhave, cittaṃ, tañca kho āgantukehi upakkīlesehi upakkīlīṭṭha”ntiādivacanato (a. ni. 1.49) āgantukabhūtaṃ kadāci kadāci uppajjamānaṃ javanassa bāhirabhāvo tabbidhurasabhāvassa itarassa abbhantarabhāvo pariyaṃyato vuttoti dasseti. Asaṃvarahetubhāvāpattitoti dvārādīnaṃ asaṃvarahetubhāvāpajjanassa pākāṭabhāvaṃ sandhāyāha. Uppanne hi asaṃvare dvārādīnaṃ tassa hetubhāvo paññāyatīti. Dvārabhavaṅgādīmūsananti dvārabhavaṅgādīsu mūsaṇaṃ. Yasmiñhi dvāre asaṃvaro uppajjati, so tattha dvārādīnaṃ saṃvarūpanissayabhāvaṃ upacchindantoyeva pavattatīti. Tenevāha “kusalabhaṅḍavināsana”nti.

Ettha ca “cakkhunā rūpaṃ disvā”tiādi pāliyaṃ saṃvaro, saṃvaritabbaṃ, saṃvaraṇupāyo, yato ca so saṃvaro, yattha ca so saṃvaroti imaṃ pabhedam dassetvā yojetabbā. Kathaṃ? “Rakkhati...pe... saṃvaram āpajjati”ti etena saṃvaro vutto. Satim paccuṭṭhapetīti ayañhettha atthoti. Cakkhādi saṃvaritabbaṃ. Na nimittagāhī hoti nānubyañjanaggāhīti saṃvaraṇupāyo. “Yatvādhikaraṇa”ntiādinā saṃvaraṇāvadhī. Rūpādayo saṃvaravisayoti. Kiñca paṭisaṅkhābhāvanābalasaṅghatibhāvena duvidhopi indriyasaṃvaro? Tattha purimena visayesu ādinavadassanaṃ, itarena ādinavappahānaṃ. Tathā purimena pariyaṭṭhānappahānaṃ, itarena anusayappahānaṃ. Tathā purimo lokiyamaggasaṅghahito, dutiyo lokuttaramaggasaṅghahitoti ayampi viseso veditabbo.

1353. Davatthādiabhiḷāsoti davo eva attho payojananti davattho, so ādi yesaṃ te davatthādayo. Tesu, tesam vā abhiḷāso, davo vā attho etassāti davattho, tadādiko davatthādi, ko pana soti āha “abhiḷāso”ti. Āhāraparibhoge asantussanāti āhāraparibhoge atitti. Bahuno uḷārassa ca patthanāvasena pavattā bhīyokamyatā asantussanāti evamettha attho yujjati.

1355. Majjanākārena pavatti mānassevāti katvā “mānova mānamado”ti vuttaṃ. Tathā hi jātimadādayo “māno maññanā”tiādinā mānabhāveneva vibhattatīti. Khudā nāma kammajatejo. Taṃ pana abhutte bhutte ca uppajjatiṭi yaṃ tattha āmasayasāṅkhātassa sarīradesassa pīḷanato vihiṃsāsaddavacāniyaṃ, tadeva dassetabbam, itarañca nivattetabbanti abhuttapaccayā uppajjanakattena khudā visesitāti āha “khudāya visesana”nti. Ye pana “kammajatejapaccayā dukkhā vedanā khudā”ti vadanti, tesam abhuttapaccayā uppajjanakāti visesanameva na yujjati. Satipi tasmīṃ bhūtatthakathane vihiṃsūparatipurāṇavedanāpāṭihanānaṃ visesābhāvo āpajjatiṭi purimoyevettha attho. Etasaṃ ko visesoti abhuttapaccayā uppajjanakavedanā, bhuttapaccayā na uppajjanakavedanāti dvepi cetā vedanā yāvatā anāgatāyevāti adhippāyo. Satipi anāgatatte purimā uppannasadisī, itarā pana atamsadisī accantaṃ anuppannāvāti ayamettha viseso. Teneva “yathāpavattā”ti purimāyaṃ vuttaṃ, itarattha ca “appavattā”ti. Atha vā abhuttapaccayā uppajjanakavedanā pubbe katakammaṃ vipākattā purāṇavedanā nāma. Appaccavekkhaṇādiyuttaparibhogapaccayā paccavekkhaṇādiyuttaparibhogato āyatim na uppajjissatīti bhuttapaccayā na uppajjanakavedanā navavedanā nāma. Vihiṃsānimittatā vihiṃsāniabbattatā.

Yāpenti etenāti yāpanāti vuttassa sarīrayāpanakāraṇassa jīvitindriyassapiyāpanakāraṇanti imassa visesassadassanattam “jīvitindriyayāpanatthāyā”ti vatvā na kevalam jīvitindriyasēva yāpanakāraṇamāhāro, atha kho ṭhānādīpavattīkāravisesayuttassa sakalasarīrassapi yāpanakāraṇanti taṃdīpanattam yātrāti vacananti yāpanā me bhavissatīti avisesena vuttanti dassento “catunnaṃ iriyāpāthānaṃ avicchedasaṅkhātā yāpanā yātrā”ti āha.

Atthānayojanaparibhogadupparibhogādivasena saddhādeyyassa vināsanam **saddhādeyyavinipātanam**. **Yenāti** gaṇabhojanalakkaṇappattassa thūpīkatādīkassa vā paṭiggahaṇena. Sāvajjam sanīdam paribhogam karotīti vā attho.

Iriyā...pe... vuttanti sukham pavattamānehi iriyāpathehi tesam tathāpavattiyā kāraṇanti gahitattā viditattā yathāvuttabhūñjanapivanāni pubbakālakiriyābhāvena vuccamānāni iriyāpathakattukāni viya vuttānīti attho. Yathā hi “paññāya cassa disvā āsavā parikkhīṇā hontī”ti (ma. ni. 1.271; 2.182) dassanassa khayahetutā, “ghatam pivivā balam bhavati, sīham disvā bhayam bhavati”ti ca pānadassanānam balabhayahetutā vuccati, evam bhūñjanapivanānam iriyāpathasukhappavattihetubhāvo vuttoti evamettha attho daṭṭhabbo. Sulabhānavajjabhāvo viya appabhāvopi paccayānam paramasallekhavuttīnam sukhavihārāya pariyattoti cīvarasenāsanānam appabhāvukkamsānujānanavasena pavattāhi anantaragāthāhi idhāpi dhammasenāpatinā sukhavihārāya pariyatto appabhāvukkamsō anuññatoti viññāyatīti “**punapī**”tiadinā “bhutvānā”ti pātham samatthayati.

1368. Satiādidhammāti satipaññāsamādhivīriyasammāvācādidhammā, ye chahi dukehi pariggahitā.

1373. Paṭivijjhitabbehi paṭivedho vutto. Visayenapi hi visayī vuccati sahacarahāvato. Yathā –

“Uppādetvāna samvegam, dukkhenassa ca hetunā;
Vaḍḍhayitvā sammāsivā, muttiyā maggabravī”ti

“Saccapariyosāne”ti ca.

Yathā dukkhādīnam pariññādivasena pavattamānam paṭivedhaññam asammohato te avilometvā avirodhetvā pavattati nāma, evam tadupanissayabhāvam vipassanāññampi yathābalaṃ te avilometvā pavattatīti **catunnam saccānam anulomanti vuttanti** dutiyo atthavikkappo vutto. Ettha ca “catunnam saccāna”nti padaṃ vinā upacārena vuttam, purimasmiṃ upacārenāti daṭṭhabbam. Sammādiṭṭhippadhānattā vā sesamaggaṅgānam maggasaccekadesassa paṭivedhassa anulomam samudāyanulomam vuttam, catusaccekadesassa maggassa vā.

1380. Khayasamayeti khayasamūhe. “Kilesānam khayavasena pavattadhammapuñje”ti ca vadanti.

1381. Aparibandhabhāvena nirāsaṅkā, ārammaṇe abhiritibhāvena ca pavatti adhimuccanaṭṭhoti āha “**ani...pe... tanaṭṭhenā**”ti.

1382. Ariyamaggappavattiyā uttarakālam pavattamānam phalaññam taṃtamaggavajjhakilesānam khayapariyosāne pavattattā “khīṇante ñāṇa”nti vuttam. Yasmā pana tam maggānantaram uppajjati, tasmā maggena thānaso khīṇesu kilesesu tesam khīṇabhāvānantaram pavattamānam khīṇabhāvānam paṭhamakāle pavattantīpi vuccatīti dutiyo vikappo vutto.

Dukanikkhepakathāvaṇṇanā niṭṭhitā.

Nikkhepakaṇḍavaṇṇanā niṭṭhitā.

4. Atthakathākaṇḍam

Tikaatthuddhāraṇṇanā

1384. Nayagamananti nīyati, neti, nīyanti vā etenāti nayo, gammati etenāti gamanam, nayova, nayassa vā gamanam nayagamanam. Gati eva vā gamanam. Paṭhamena **ādi**-saddena abhidhammabhājanīyādisaṅgahāsaṅgahādiekakādisuddhikasacchi kaṭṭhādīmulāmulādīkā pañcapakaraṇīkā nayagati saṅgayhati. **Anulomādīti** pana paccanīyaanulomapaccanīyapaccanīyanulomapakārā ekamulādippakārā ca. **Ettha atthesu nicchitesūti** etasmim atthakathākaṇḍe cīttuppādasena bhūmantaravisesayogato sabbesam mātīkāpadānam atthesu saṅkhepato vavattāpitesu.

Pañhuddhāraṇṇādi “siyā kusalam dhammam paṭicca kusalo dhammo uppajjeyya hetupaccayā”tiadinā (paṭṭhā. 1.1.25) kusalapadam ādiṃ katvā kusalākusalābyākatantā tisso kusalādīkā, kusalābyākataakusalābyākatakusalākusalantā tisso, kusalākusalābyākatantā ekāti kusalādīkā satta pucchā, tathā akusalādīkā, abyākatādīkā, kusalābyākatādīkā, akusalābyākatādīkā, kusalākusalādīkā, kusalākusalābyākatādīkāti sattannaṃ sattakānam vasena dhammānulome kusalattikam nissāya hetupaccaye ekūnapaññāsa pucchā, tathā sesapaccayesu sesatikesu dhammapaccanīyādisu ca. Tam sandhāya “**ekūnapaññāsāya ekūnapaññāsāya**”ti vuttam. “Siyā hetum dhammam paṭicca hetudhammo uppajjeyya hetupaccayā”tiadinā (paṭṭhā. 3.1.1) “hetum paṭicca hetu, hetum paṭicca nahetu, hetum paṭicca hetu ca nahetu ca. Nahetum paṭicca nahetu, nahetum paṭicca hetu, nahetum paṭicca hetu ca nahetu ca. Hetuṇca nahetuṇca paṭicca hetu, hetuṇca nahetuṇca paṭicca nahetu, hetuṇca nahetuṇca paṭicca hetu ca nahetu cā”ti ekekasmim duke hetupaccayādisu ekamekasmim paccaye nava nava pucchā honti. Tā sandhāya “**navasu navasu pañhesū**”ti vuttam.

Labhamānassāti kusalattike tāva paṭiccvāre hetupaccaye “kusalam dhammam paṭicca kusalo dhammo uppajjati

hetupaccayā, kusalaṃ ekaṃ khandhaṃ paṭicca tayo khandhā”tiādīnā (paṭṭhā. 1.1.53) kusalena kusalaṃ, kusalena abyākataṃ, kusalena kusalābyākataṃ, akusalena akusalaṃ, akusalena abyākataṃ, akusalena akusalābyākataṃ, abyākatenā abyākataṃ, kusalābyākatenā abyākataṃ, akusalābyākatenā abyākataṃ navannaṃ navannaṃ pañhānaṃ atthato sambhavantaṃ pañhassa viissajjanavasena **uddharaṇaṃ**, tathā sesapaccayavārattikādīsu. **Tesuyevāti** yathāvuttesu eva pañhesu atthasambhavato yathāvihattānaṃ pañhavissajjanānaṃ “hetuyā navā”tiādīnā **gaṇanāṭṭhapaṇaṃ**. **Pasaṭe dhammeti** yathā heṭṭhā kaṇḍadvaye “yasmim̐ samaye kāmāvacaraṃ kusalaṃ citta”ntiādīnā (dha. sa. 1) vipākāṇe muttapupphē viya phassādayo dhamme. Avisiṭṭhaniddeso sāmaññaniddeso. **Viññātadhammassa** puggalassāti adhippāyo.

Yadi cittuppādarūpakaṇḍesu catubhūmicittuppādādivasena viññātadhammassa atthuddhāradesanā āradhā, evaṃ sante idha kasmā kusalattikaniddeso vuttoti āha “**yadipi kusalattikavittāro**”tiādi. **Dhammavisesanabhāvatoti** “dhammā”ti padassa padhānabhāvaṃ dasseti. Ato hi tadabhidheyyā pucchitabbā jātā. **Viññātāhīti** bhūmīnaṃ viśesanalakkhaṇayogamāha. **Ettha padhānanti** kiñcāpi uddese kusalapadena dhammā viśesitabbā, “catūsu bhūmīsū kusala”nti imasmim̐ pana niddese bhūmīhi viśesitabbatā kusalapadaṃ padhānanti viśesanabhāvena vacanicchāya abhāvato satipi viśesitabbadhammānaṃ kāmāvacarādiphassādibhede tadanapekkhaṃ anavajjasukhavipākātāsāṅkhātāṃ attano kusalākārameva gahetvā pavattamānattā “**ekattameva upādāya pavattati**”ti vuttaṃ. Sabbepi hi kusalā dhammā anavajjasukhavipākātāya ekasabhāvēyevāti.

1385. Yathāyogaṃ yojetabbanti catūhi bhūmīhi ādhārabhūtāhi viśesetvā samayaphassādibhedaṃ anāmasitvā vipākabhāvena ekattaṃ netvā “catūsu bhūmīsū vipāko”ti vuttanti yojetabbaṃ. Esa nayo “tīsu bhūmīsū kiriyābyākata”ntiādīsūpi.

Uppajjati etthāti uppādo, cetasikā. Te hi cittassa sabbathāpi nissayādipaccayabhāvato ettha ca uppattiyā ādhārabhāvena apekkhitā. Yathā ca cetasikā cittassa, evaṃ cittampi cetasikānaṃ nissayādipaccayabhāvato ādhārabhāvena vattabbaṃ arahatīti yathāvuttaṃ uppādasaddābhidheyyataṃ na vinivattati. Idaṃ vuttaṃ hoti – “cittuppādo”ti ettha uppādassa viśesanabhāvena pavattamānampi cittaṃ attani yathāvuttauppādaatthasambhavato apariccattavisesitabbabhāvameva hutvā tassa viśesanabhāvaṃ paṭipajjati. Yadāha “**avayavena samudāyopalakkhaṇavasena attho sambhavati**”ti. Cittasamānagatikassa idha cittaggahaṇena gahetabbatāya “dvepañcaviññānāni”ti nidassanena vakkhamānattā “**citta...pe... gahaṇaṃ kata**”nti vuttaṃ. Tattha aññassāti rūpassa.

1420. Pañcadvāre vattabbameva natthi ekantaparittārammaṇatā pañcadvārikacittānaṃ. **Iṭṭhāniṭṭhārammaṇānubhavananti** vipākassa pakappetvā ārammaṇaggahaṇābhāvamāha. Tato kammānurūpaṃ pavattamāno vipāko parittakammavipākātāya parittārammaṇeyeva pavattitumarahati, na mahaggaṭappamāṇārammaṇeti adhippāyo. Samādhippadhānassapi kassaci kammassa appanāppattassa ekantena sadisavipākātābhāvato “**appanāppattassā**”ti kammaṃ viśesitaṃ. Vaṇṇalakkhaṇādīṃ aggahetvā lokasaññānurodheneva gahite pathavādike parikkammaññāya samuppāditattā paṭibhāganimittasāṅkhātāṃ saññāvasaṃ ārammaṇaṃ assāti **saññāvasārammaṇaṃ**. **Tādisenevāti** samādhippadhānatāya appanāppattīhi viya saññāvasārammaṇatāya ca nibbiseseneva. **Sopīti pi**-saddo sampiṇḍanattho. Tenetaṃ dasseti “attano kammassa samānabhūmikadhammārammaṇatāya viya tassa ārammaṇārammaṇatāyapi vipāko kammānurūpoyeva nāma hoti”ti.

Yadi evaṃ kasmā mahaggaṭappamāṇārammaṇassa parittakammassa vipāko tadārammaṇārammaṇo na hotīti? Appanāppattakammavipākassa viya tassa kammārammaṇārammaṇatāya niyamābhāvato kammānurūpatāya ca anekarūpatā. Yathā attano kammāsadisassa mahaggaṭajavanassa parittārammaṇassapi tadārammaṇaṃ nānubandhakaṃ paricayābhāvato, evaṃ attano kammassa nimittabhūtepi tassa sahakārikāraññāhi aparivyādinne mahaggaṭappamāṇe ārammaṇe paricayābhāvato parittavipāko na pavattati, kammanimittārammaṇo pana jāyamāno paritteneva tena hotīti āha “**paṭisandhiābhūto**”tiādi. **Yasmā panātiādīnā** pāliyāva yathāvuttamatthaṃ nicchinoti. Nānākkaṇṭhikakammaṇapaccayo hi ettha adhippeto paccayapaccayuppannaṃ bhinnārammaṇatāya vuttattā. **Na cātiādīnā** parittavipākā eva idha paccayuppannabhāvena vuttāti dasseti. **Idhāti** imasmim̐ atthuddhāraṇḍe.

Sativepullappattānaṃ sativirahitassa kāyakammassa sambhavaṃ dassetuṃ “**vāsanāvasenā**”ti vuttaṃ. Avītarāgānaṃ aparitṭepi katthaci ārammaṇe siyā cetaso upplāvitattanti “**kilesavirahe**”ti viśesetvā vuttaṃ. **Ādarākaraṇavasenevāti** ādarākaraṇamattavasenevāti viśesanivattiattho **eva**-saddo tameva nivattetabbaṃ viśesaṃ dasseti, nāññathā. **Kosajjādīti** ādi-saddena dosādayo saṅgañhāti. **Ādarākaraṇaṃ nirussukkatā evāti** ādaraṃ karontā nirussukkabhāveneva na hontī, na pana ādaraṃ na karontiyevāti daṭṭhabbaṃ. Ekacce pana “akammaññasarīratāya aññāvihitatāya ca khīṇāsāvānaṃ asakkaccadānādivavatti na anādaravasenā”ti vadanti.

1421. Atipaguṇānanti subhāvitānaṃ suṭṭharaṃ vasippattānaṃ. **Evaṃ paguṇajjhānesupī pavatti hoti** tattha vicāraṇussāhassa mandabhāvatoti adhippāyo. **Pubbe dassitanti** “tīṇi lakkhaṇānīti ahanti vā”tiādīnā pubbe dassitaṃ. “**Avijjamāno** aparamatthabhāvato, **vijjamāno ca** lokasaṅketasiddhiyā sammutisaccabhāvato **attho** arīyati cittena gammati ñāyatī”ti ācariyā vadanti. Yato tabbisayā cittuppādā **navattabbaṃ ārammaṇaṃ etesanti navattabbārammaṇāti** aññāpadatthasamāsavasena vuccanti. Ayaṃ pana vādo hevatthikavādo viya hotīti tassa accantaṃ avijjamānataṃ maññanto ito ca aññathā avijjamānapaññattim̐ dassetuṃ “**sammutisacce panā**”tiādimāha. Kathaṃ pana tassa accantamavijjamānate tabbisayānaṃ dhammānaṃ pavatti navattabbārammaṇabhāvo cāti āha “**avijjamānampi**”tiādi. **Parittādiārammaṇāti na vattabbāti vuttāti** parittādayo viya tassa viṣuṃ vavattitabhāvaṃ nisedheti.

Vikkhipanaṃ nānārammaṇesu cittassa pavattanaṃ. **Anavattāhānaṃ** ekasmiṃyeva pavattitūṃ appadānaṃ.

Dutiyādimaggapurecārikam phalasaṃpattipurecārikaṇca kāmāvacarañāṇaṃ nibbānārammaṇatāya lokuttaracittassa āvajjanaṭṭhāniyatāya ca paṭhamamaggapurecārikañāṇena samānanti katvā vuttaṃ “**gotrabhuvodāne gotrabhūti gahetvā**”ti.

Sabbatthapādakanti nipphādetabbe, payojane vā bhumbaṃ “cetaso avūpasame”tiādīsu viya. Tena sabbesu vipassanādīsu nipphādetabbesūti attho. Tenevāha “**sabbesu**”tiādi. Atītaṃsañāṇassa kāmāvacarattā iddhividhādīsu tassa aggahaṇaṃ daṭṭhabbaṃ. Tassa pana atītasattadivasato heṭṭhā yāva paccuppannapaṭisandhi, tāva visayoti vadanti. Atītasattadivasesupi khandhapaṭibaddhānaṃ tassa visayabhāvo yutto viya dissati.

Pādakajjhānacittaṃ parikkammehi gahetvāti pādakajjhānaṃ samāpajjitvā vuṭṭhāya “idaṃ cittaṃ viya ayaṃ kāyo sīghagamaṇo hotū”ti pubbabhāgaparikkammehi rūpakāyassa viya pādakajjhānacittassapi gahettabbaṃ sandhāya vuttaṃ. Idaṃ pana adhiṭṭhānaṃ evaṃ pavattatīti vedittabbaṃ. Adhippetatṭhānapūpanattham gantukāmatam purakkhatvā pādakajjhānaṃ samāpajjitvā vuṭṭhāya “idaṃ cittaṃ viya ayaṃ kāyo sīghagamaṇo hotū”ti karajakāyārammaṇaṃ parikkammaṃ katvā bhavaṅgaṃ otarivā vuṭṭhāya pādakajjhānaṃ samāpajjitvā puna bhavaṅge otiṇṇe manodvārāvajjanaṃ rūpakāyaṃ ārammaṇaṃ katvā uppajjati anulomāni ca. Tato adhiṭṭhānacittampi tamevārammaṇaṃ katvā uppajjati. Tassānubhāvena yathādhippetatṭhānaṃ gatoyeva hoti. Evaṃ adissamānena kāyena gacchanto panāyaṃ kiṃ tassa adhiṭṭhānacittassa uppādakkhaṇe gacchati, udāhu ṭhitikkhaṇe bhaṅgakkhaṇe vā? Tīsu khaṇesu gacchatīti icchanti. **Citteti** pādakajjhānacitte. **Samodahatīti** cittānugatikaṃ cittaṃ viya sīghagamaṇaṃ karotīti attho. Yathā hi cittaṃ icchitakkhaṇe atidūrepi visayaṃ ārabha pavattati, evaṃ rūpakāyassapi lahuparivattibhāvāpādanaṃ cittavasena kāyapariñāmanaṃ. Na cettha rūpadhammānaṃ dandhaparivattibhāvato ekacittakkhaṇena desantaruppatti na yujjati vattabbā adhiṭṭhānacittena rūpakāyassa lahuparivattibhāvassa āpāditattā. Tenevāha “cittavasena kāyaṃ adhiṭṭhahitvā sukhasaññaṇca lahusaññaṇca okkamitvā adissamānena kāyena brahmalokaṃ gacchatī”ti (visuddhi. 2.397). Acinteyyo hi iddhimantānaṃ iddhivisayoti.

Cittasantānaṃ rūpakāye samodahitanti yattakehi cittehi dissamānena kāyena yathādhippetatṭhānappatti, tattakānaṃ cittānaṃ pabandhassa dandhagamanakaraṇato imassa adhiṭṭhānaṃ karajakāye āropitaṃ tadanugūṇanti attho. Idampi adhiṭṭhānapādakajjhānaṃ samāpajjitvā vuṭṭhāya “ayaṃ kāyo viya idaṃ cittaṃ dandhagamaṇaṃ hotū”ti samāpajjitvā vuṭṭhitajjhānacittārammaṇaṃ parikkammaṃ katvā bhavaṅgaṃ otarivā bhavaṅgato vuṭṭhāya pādakajjhānaṃ samāpajjitvā puna bhavaṅge otiṇṇe manodvārāvajjanaṃ pādakajjhānaṃ ārammaṇaṃ katvā uppajjati anulomāni ca. Tato adhiṭṭhānacittampi tamevārammaṇaṃ katvā uppajjati. Tassānubhāvena antarā pañcaviññāṇādīsu uppannesupi apatanto icchitattānaṃ gacchati. Evaṃ gacchanto ca sace icchati, pathavīkasiṇavasena ākāse maggaṃ nimminivā padasā gacchati. Sace icchati, vāyokasiṇavasena vāyūṃ adhiṭṭhahitvā tūlapicu viya vāyūnā gacchati. Apica gantukāmatāva ettha pamānaṃ. Sati hi gantukāmatāya evaṃ katādhiṭṭhāno adhiṭṭhānavagakkhittoveso issāsapakkhito saro viya dissamāno gacchati. Tattha ākāse maggaṃ nimminivā gacchanto vināpi abhiññāṇaṇa pakatipathaviyaṃ viya gacchati. Teneva “padasā gacchati”ti vuttaṃ. Vāyūṃ adhiṭṭhahitvā gacchanto abhiññāṇasamuṭṭhitavāyodhātuparamparāya gacchati. Ubhayatthāpi antarā vanarāmaṇīyakādīni pekkhamāno āpāthagate sadde ca suṇamāno gacchati vadanti. Keci pana “adissamānena kāyena ekacittakkhaṇeneva icchitattānaṃ gamane dissamānena kāyena padasā vāyūnā ca gamane abhiññācittasamuṭṭhitakāyaviññattivipphārena gamana”nti vadanti. Apare “abhiññācittassa viññattinibbattanakkiccaṃ natth”ti vadanti.

Adhiṭṭhānadvayanti cittakāyavasena kāyacittapariñāmanabhūtaṃ rūpakāyapādakajjhānacittārammaṇaṃ ubhayaṃ adhiṭṭhānaṃ. **Taṃsampayuttāyāti** yathāvuttaadhiṭṭhānadvayasampayuttāya. **Sukhasaññālahusaññābhāvato**ti sukhasaññālahusaññāsabbhāvato, tabbhāvaṃ āpajjanatoti attho. **Sukhasaññāti** cettha upekkhāsampayuttā sañña. Upekkhā hi “santaṃ sukha”nti vuttā. Sāyeva ca sañña nīvaraṇehi ceva vitakkādīhi paccanīkehi ca vimuttattā “lahusañña”tipi vedittabbā. Tāhi samokkantāhi rūpakāyopi tūlapicu viya sallahuko hoti. So evaṃ vātakkhittatūlapicunā viya sallahukena ekacittakkhaṇena adissamānena ca kāyena yathāruci gacchati.

“Mutto vatamhi tāya anattasamhitāya dukkarakārikāya, sādhu vatamhi sammāsambodhiṃ sambujjha”nti (saṃ. ni. 1.137) pavattaṃ bhagavato cetoparivittakamaññāya māro “amuttabhāvamassa karissāmi”ti,

“Tapokammā apakkamma, yaṃ na sujjhanti māṇavā;

Asuddho maññasi suddho, suddhimaggā aparaddho”ti. (saṃ. ni. 1.137) –

Āhāti evamādiṃ sandhāya “**mārādīnampi bhagavato cittajānaṃ vutta**”nti vuttaṃ. Nibbānapaccavekkhaṇaṇca pubbenivāsānussatiñāṇena nibbānā...pe...ñātesu pavattatīti sambandho. **Nibbānā...pe...ñātesūti** idaṃ abhiññāṇaṇassa parato pavattamānaṃ paccavekkhaṇaṃ abhiññāṇaṇassa visaye viya abhiññāṇavisayavisayepi kadāci pavattituṃ arahatīti katvā vuttaṃ. **Appamāṇārammaṇatanti** appamāṇakhandhārammaṇatanti attho. **Tasmāti** yasmā pubbenivāsānussatiñāṇassa nibbānārammaṇabhāvāpāpako koci pāṭho natthi, tasmā. **Paccavekkhaṇakicce vuccamāneti** ruḷhiṃ aggahetvā maggādīnaṃ atītaṇaṃ pati pati avekkhaṇaṃ anussaraṇaṃ paccavekkhaṇanti pubbenivāsānussatiñāṇassa kiccaṃyeva paccavekkhaṇanti vuccamāneti attho. **Anuññātīti dissatīti** “maggaphalanibbānapaccavekkhaṇato”ti idameva sandhāya vuttaṃ. Ayañhettha attho – pubbenivāsānussatiñāṇena nibbānārammaṇe khandhe disvā “ime dhammā kiṃ nu kho ārabha pavattā”ti āvajjantassa pubbenivāsānussatiñāṇaṃ nibbānārammaṇe pavattatīti. Anāgataṃsaññaṇepi eseva nayo.

Yadi evaṃ kasmā parittattike “appamāṇo dhammo mahagatassa dhammassa ārammaṇapaccayena paccayo”ti (paṭṭhā. 2.12.58) ettha “appamāṇā khandhā cetopariyaññaṇassa pubbenivāsānāgataṃsaññaṇassa ārammaṇapaccayena paccayo”ti

ajjhattattike ca “bahiddhādhammo bahiddhādhammassa, bahiddhādhammo ajjhattassa dhammassa ārammaṇapaccayena paccayo”ti etesaṃ vibhaṅgesu “bahiddhā khandhā iddhiividhañāṇassa cetopariyapubbenivāsayaṭṭhākamūpagaanāgatamaṣaāvajjanāya ārammaṇapaccayena paccayo”ti (paṭṭhā. 2.20.29) ettakameva vuttaṃ, na vuttaṃ nibbānanti. Cetopariyaiddividhādhiñāṇehi saha vuttattāti ce, evampi visuṃ vibhajitabbaṃ siyā. Na hi visuṃ vibhajanārahaṃ saha vibhajatīti? Na, avacanassa aññakāraṇattā. Yāni hi puthujjanānaṃ pubbenivāsaanāgatamaṣaāñāṇāni, tesam avisayo eva nibbānaṃ. Ariyānaṃ pana maggaphalappaccavekkhaṇehi sacchikatanibbānānaṃ imehi ñāṇehi paccakkhakarāṇe payoṇaṃ natthīti sādharāṇena iddhiividhañāṇādīnaṃ gahitattā nibbānaṃ na vuttanti daṭṭhabbaṃ. **Nibbattakkhandhajānanamāha**, na nibbattakkhandhajānaṃ. Yathākamūpagañāṇakiccañhi tanti. **Attho sambhavatīti** idaṃ anāgatamaṣaāñāṇassapi anibbānārammaṇataṃ sandhāya vuttaṃ.

1429. Maggārammaṇattike yasmā cittuppādakaṇḍe bodhitesu cittuppādesu ekantato maggārammaṇāyeva keci natthi, maggārammaṇāyeva pana kadāci maggādhipatino hontī, tasmā “katame dhammā maggārammaṇā”ti ekameva puccham katvā tayopi koṭṭhāsā labbhamānavasena vibhattā. Iminā nayena paratopi evarūpesu ṭhānesu attho veditabbo. “Cittuppādā”ti, “maggārammaṇā”ti ca vuttadhammānaṃyeva maggahetukattābhāvaṃ sādhetuṃ “**asahajātattā**”ti idaṃ hetuvacananti “**asampayuttattāti attho**”ti vuttaṃ. Tenevāha “**na hi arūpadhammāna**”ntiādi. “Aññadhammārammaṇakāle evā”ti avadhāraṇassa aggahitattā garuṃ akatvā maggārammaṇakālepi maggādhipatibhāvena na vattabbāti ayampi attho aṭṭhakathāyaṃ pariggahitoyevāti daṭṭhabbaṃ. “Garuṃ katvā paccavekkhaṇakāle”ti hi vuttattā garuṃ akatvā paccavekkhaṇakālepi atthi eva. Tadā ca maggādhipatibhāvena na vattabbā te dhammāti bhiyyopi siddhovāyamatto.

1434. Atītārammaṇāvāti uddhaṭaṃ, “atītārammaṇā”ti pana aṭṭhakathāpāṭho bahūsu potthakesu dissati. **Tasmāti** yasmā **paṭiccasamuppādavibhaṅgavaṇṇanāyaṃ** (vibha. a. 227) “maraṇasamaye ñātakā ‘ayaṃ, tāta, tavatthāya buddhapūjā karīyati, cittaṃ pasādehi”ti vatvā”tiādīnaṃ pañcadvāre rūpādīrammaṇūpasamaḥaraṇaṃ tattha tadārammaṇapariyosānānaṃ cuddasannaṃ cittānaṃ pavattīnaṃ vatvā tasmīmyeva ekacittakkhaṇaṭṭhitike ārammaṇe paṭisandhicittaṃ uppajjati paccuppannārammaṇabhāvaṃ paṭisandhiyā vakkhati, tasmāti attho. Dve bhavaṅgāni āvajjanaṃ maraṇasāsannabhāvena mandībhūtavegattā pañca javanāni dve tadārammaṇāni cuticittanti ekādasa cittaṃkhaṇā atītāti āha “**pañcaccittakkhaṇāvasiṭṭhāyuke**”ti. **Itaratthāti** aññatadārammaṇāya cutiyā. Idāni tameva “itaratthā”ti saṅkhepatō vuttamatthaṃ vitthārato dassetuṃ “**yadā hī**”tiādīmāha. Cutiyā tadārammaṇarahitattā paṭisandhiyā ca paccuppannārammaṇattā “**rūpā...pe...jjantassā**”ti udāhaṭaṃ. **Cha bhavaṅgāni paccuppannārammaṇāni honti**, nava cittaṃkhaṇā atītāti sattaccittakkhaṇāvasiṭṭhāyuke gatinimutte paṭisandhiyā pavattattāti daṭṭhabbaṃ.

Vijjamānameva kāyaṃ ārammaṇaṃ karotīti etena sukhalahusaññokkamanena paccuppannasseva bhūtopādāyarūpasanḥātassa lahuparivattibhāvāpādanaṃ, na bhāvinoti dasseti.

Etthantareti apākaṭakālatō paṭṭhāya yāva pākaṭakālo, etasmīṃ antare. Yasmā pana kassaci kiñci sīghaṃ pākaṭaṃ hoti, kassaci dandhaṃ, tasmā “**ekadvesantivārā**”ti aniyamētvā vuttaṃ. “Vacanasiliṭṭhatāvasena vutta”nti eke, keci pana “etthantare pavattā rūpadhammā arūpadhammā ca paccuppannāti gahite eko santativāro hoti, taṃ pana dvidhā vibhajitvā apākaṭakālaṃ ādiṃ katvā yebhuyyena pākaṭakālatō orabhāvo eko koṭṭhāso yebhuyyena pākaṭakālaṃ ādiṃ katvā yāva supākaṭakālo ekoti ete dve santativārā. Iminā nayena sesasantativārabhedāpi veditabbā. Tattha kālavasena sabbesaṃ samānabhāvaṃ aggahētvā dhammānaṃ sadisappavattivasena santatiparicchedo dīpitabbo”ti vadanti. Kiñci kiñci kālaṃ sadisaṃ pavattamānāpi hi utucittādisamuṭṭhānā rūpadhammā santativārāti vuccanti. Yādāha “**atiparittā**”tiādīnaṃ, arūpasantatīpi cettha yathāvuttarūpasantatiparicchinā saṅgahitāyevāti daṭṭhabbaṃ. **Paccuppannesu dhammesu samhīratīti** taṇhādīṭṭhīhi ākaḍḍhanīyatṭhānabhāvena vuttaṃ. “Yo cāvuso, mano ye ca dhammā”ti visayivisayabhūtā ekabhavabhūtā ca ekasantatipariyāpannā dhammā vibhāgaṃ akatvā gayhamānā addhāpaccuppannaṃ hoti, sati pana vibhāgakarāṇe khaṇasantatipaccuppannatā labbhatīti āha “**addhāpaccuppannaṃ hontāṃ etaṃ ubhayaṃ hotī**”ti.

Tassāti mahājanassa. **Atītādivibhāgaṃ akatvāti** āvajjanādīnaṃ samānākārapavattiyā upāyaṃ dasseti. **Siddhaṃ hotīti** khaṇapaccuppannārammaṇatēpi parikammacetopariyāñāṇaṃ ayaṃ pāḷi sutṭhu nīti hotīti attho. **Atītattiko ca evaṃ abhinno hotīti** evaṃ khaṇapaccuppanneyeva dhamme idha paccuppannoti gayhamāne aññapadasaṅgahitasseva anantarapaccayabhāvaṃ pakāsento atītattiko ca paṭṭhāne abhedato sammā atthassa uddhaṭattā avināsito hoti. Atha vā **atītattikoti** paṭṭhāne atītattikapāḷi, imāya atītattikapāḷiyā yathāvuttakāraṇatoyeva abhinno avasiṭṭho aññadatthu saṃsandati sametīti attho.

Yathāsambhavanti āvajjanāya anāgatārammaṇatā, javanānaṃ paccuppannāatītārammaṇatā anāgatapaccuppannāatītārammaṇatāti yojetabbaṃ. **Nānārammaṇatā na siyā** addhāvasena paccuppannārammaṇatāti adhippāyo. Ayañca attho ekissā javanāvīthiyā ekasmīmyeva citte pavattiyā āvajjanādīnaṃ anāgatādiārammaṇatā sambhavatīti sambhavadassanavasena vuttoti yathādhippetassa abhiññācittassa khaṇapaccuppanne pavattim yojētvā dassetuṃ “**tenā**”tiādīmāha. **Tīṇīti** “atītārammaṇo dhammo atītārammaṇassa dhammassa āsevanapaccayena paccayo, anāgatārammaṇo dhammo anāgatārammaṇassa dhammassa, paccuppannārammaṇo dhammo paccuppannārammaṇassa dhammassa āsevanapaccayena paccayo”ti (paṭṭhā. 2.19.34) padantarasaṅgahitadhammānaṃpekkhā dhammā tīni pañhavissajjanānīti attho. **Anāsevanam natthīti** āsevanalābhe sati yathādhammasāsane avacanassa kāraṇaṃ natthīti avacanena tattha itaresaṃ pañhānaṃ paṭisedho viññāyatīti adhippāyo.

Etassa vādassāti “āvajjanajavanānaṃ anāgatapaccuppannārammaṇatēpi cetopariyāñāṇaṃ siddha”nti vādassa. **Nissayabhāvoti** atthasambhavato yathāvuttanayassa jotakabhāvo. **Yanti** cittaṃ. **Tassāti** āvajjanajavanānaṃ

khaṇapaccuppanniruddhārammaṇatāvacaṇassa. Ettha ca kālavisesaṃ āmasati, anāgatāyeva ca āvajjanā pavattatīti nayidam yujjamaṇakaṃ. Atha “yaṃ imassa cittaṃ bhavissati, taṃ jānāmi”ti ābhogaṃ karoti, evaṃ sati parikammābhīññācittānampi anāgatārammaṇattamevāti sabbattha āvajjanajavanānaṃ anāgatapaccuppannārammaṇatā na sijaḥḥatī āha “**pavatti...pe... vuttattā**”ti. **Dosāpattiyā**ti dosāpajjanena, dosāpattito vā. **Rāsiekadesāvajjanapaṭivedheti** yathārutavaseneva purimavādīpakkhamaḥa, **sampattasampattāvajjanajānāneti** attanā niddhāritapakkhamaṃ. **Purimavādino nānujāneyyunti** addhāsantatipaccuppannapadatthā abhidhammātikāyaṃ āgatapaccuppannapadassa natthīti adhippāye ṭhatvā nānujāneyyumaṃ. Ettha ca satīpi sabhāvabhede ākārabhedābhāvato ekattanayavasena āvajjanaparikammābhīññācittānaṃ nānārammaṇatādosō natthīti khaṇapaccuppannārammaṇatā cetopariyaññaṇassa purimavādīnaṃ adhippāyavibhāvanamukhena dassitā. **Aṭṭhakathāyaṃ** pana “sabhāvabhede sati nānārammaṇatādosābhāvo natthi evāti ekasmiṃ eva citte addhāsantativasena paccuppannārammaṇatā vibhāvītā”ti dvīsūpi vādesu yaṃ yuttaṃ, taṃ vicāretvā gahetabbaṃ.

Tenevāti yasmā atīttatike uppanattike ca cetopariyaññaṇassa vattamānadhammārammaṇabhāvajotano pāṭho na dissati, teneva kāraṇena. **Dvīsū nāpesūti** pubbenivāsacetopariyaññaṇesu. **Kammamukhena gayhantīti** satīpi ārammaṇabhāve cattāro khandhā yathākammūpagaññaṇena kammadvārena kusalākusalā icceva gayhanti, na pana vibhāgasoti dasseti. Lobbhādisampayogavisesena ducaritabhāvo, alobhādisampayogavisesena ca sucaritabhāvo lakkhīyatīti ducaritasucaritāni vibhāventam lobbhādayopi vibhāvetīyeva nāma hotīti āha “**duccarita...pe... bhāvanam hoti**”ti.

1435. Asabhāvadhammassa “aha”ntīdīpaññattiyā ajjhattadhammupādānatāya siyā koci ajjhattapariyāyo, na pana sabhāvadhammassa asattasantāneva tassāti vuttaṃ “**sabhāva...pe... ahonta**”nti. Tathā hi “attano khandhādīni paccavekkhantassā”ti ettha “ajjhattārammaṇā”ti padassa atthavivaraṇavasena “ajjhattam gayhamānaṃ ahanti paññattim ādi-saddena gaṇhātī”ti vakkhati. Yadi evaṃ tassa ajjhattattikepi ajjhattabhāvo vattabbo siyā? Na, bahiddhābhāvassa viya ajjhattabhāvassapi ajjhattattike nipariyāyavasena adhippetatīti. Yadhā “**asabhā...pe... na vutta**”nti. **Ākiñcaññāyatanādīti ādi-saddena** sāvajjanāni tassa purecārikaupacārācittāni tassa ārammaṇa pavattanakapaccavekkhānaassādanādicittāni ca saṅgaṇhātī.

Ākiñcaññāyatanam taṃ-saddena ākaḍḍhitvā vadati, na pana taṃ sabbanti vuttaṃ, yañca tassa purecārikanti attho. **Lesavacananti** ekadesasārūppena samānārammaṇabhāvena ekadesasseva vacanaṃ. Lissati silissati ekadesena allīyatīti hi **leso**. **Yesanti** kāmāvacarakusalākusalamahākīriyāvajjanacittānaṃ kusalkīriyābhedassa rūpāvacaracattutthassa ca. **Evaṃ upekkhāsahagataniddesādīsūti** yesaṃ adukkhamasukhāya vedanāya sampayuttatā vuttā, tesu ekameva upekkhāsahagataniddesaṃ vatvā itaraṃ na vattabbaṃ siyāti attho. **Ādi-saddena** hetusampayuttakāmāvacarādiniddese saṅgaṇhātī. Tatthāpi hi parittasahetukādībhāvena vuttasu dhammesu ekameva vatvā itaraṃ na vattabbaṃ siyāti. **Abhāvanāniṭṭhappavattiyāti** abhāvanāniṭṭhappavattiyā abhāvanākāraṇassa ukkaṃsappavattiyāti attho, abhāvassa vā ukkaṃsappavattiyā. **Navattabbaṃ jātam** ajjhattārammaṇādībhāvenāti adhippāyo. **Tānīti** ākiñcaññāyatanena samānārammaṇāni āvajjanādīni. Yadi evaṃ “abhāvanāsāmaññe”ti kasmā vuttaṃ. Na hi ākiñcaññāyatanārammaṇassa paccavekkhānaassādanādivasena pavattacittānaṃ abhāvanākāreṇa pavatti atthīti? Na, abhāvetabbatāya adhippetatā. Na bhāvīyatīti hi abhāvanam, na na bhāvetīti.

Gahaṇavisesanimmitānītiādīsū ayamadhippāyo – yadipi bhāvanāññānimmitākāramattesu sabhāvato avijjamānesu viyāyesu yebhuyena mahaggatā dhammā pavattanti, bahiddhākāragahaṇavasena pana kasiṇādīnaṃ bahiddhābhāvoti tadārammaṇadhammā bahiddhārammaṇāti vuttaṃ. Kasiṇānañhi santānaṃ muñcivā upaṭṭhānaṃ viyāyesato vaḍḍhitakasiṇavasena viññāyati, paṭhamārūppaviññābhāvassa pana na bahiddhākāro, nāpi ajjhattākāroti ubhayākāravīdhure tasmīṃ anaññāsādhāraṇa pavattiyākāreṇa pavattamānaṃ ākiñcaññāyatanameva navattabārammaṇam vuttaṃ, na itare itarākārapavattitoti. **Kāmāvacarakusalānanti** nidassanamattaṃ daṭṭhabbaṃ.

Ākiñcaññāyatanavīpākam nevasaññānāsāññāyatanassa vīpākādīkassāti atthavasena vibhatti pariṇāmetabbā. **Abhinīhārāsambhavatoti** samāpatticittassa abhinīhāraṇāsambhavato. Kusalameva vīpākassa ārammaṇanti katvā “**vīpākassā**”tiādī vuttaṃ.

Asabhāvadhammattepi bahiddhākāreṇa gahaṇīyabhāvato kasiṇānaṃ bahiddhābhāvo viya ekantato idha ajjhattadhammupādānatāya ahanti paññattiyā siyā ajjhattabhāvoti vuttaṃ “**ajjhatta**”ntīādī. “**Khandhādīti ādi-saddena** dhātuāyatanādī saṅgayatī”ti ca vadanti. **Esa nayoti** “arūpakkhāndhe khandhāti gahetvā”tiādīkaṃ vaṇṇanānītiṃ āha. **Paresam khandhādiggahaṇeti** paresam khandhādīti imassa padassa kathāne uccāraṇe. Sabbaṃ upādāpaññattim āha ādisaddenāti sambandho.

Tikaatthuddhāraṇaṇā niṭṭhitā.

Dukaatthuddhāraṇaṇā

1473. Aññathāti vuttappakāraṇassa dassane. Vuttappakāraṇassa dassanato eva hi aṭṭhakathāyaṃ saṅkhārikānaṃ thinamiddhavirahe asaṅkhārikasadisī yojanā na dassitā. **Bhavarāgādīsūti** bhavarāgamūlikādīsū yojanāsu.

1511. Dveti uddhaccāvijjānīvaraṇāni. **Tiṇīti** kāmācchāndabyāpādvicikicchāsu ekekena uddhaccāvijjānīvaraṇāni. **Dve vā tiṇi vāti** pāḷiyam vā-saddassa luttaniddīṭṭhatam āha. Atha vā nipātasaddasannidhānēpi nāmapadādīhi eva samuccayādiattho

vuccati, na nipātapadehi tesam avācakattāti antarenapi nipātapadam ayamatto labbhati. Tathā vacanicchāya sambhavo eva hettha pamāṇanti pāḷiyam “dve tīṇī”ti vuttaṃ. **Yattha saḥupattī**tiādīnā “dve tīṇī”ti lakkhaṇavacananti sabbasādhāraṇamatthamāha. Tathā hi “**evaṇca katvā kilesagocchake cā**”ti vuttaṃ. Tassāyamadhippāyo – kilesadvayasahitasseva cittuppādassa abhāvepi pāḷiyam dviggahaṇaṃ kataṃ, kilesānaṇca sambhavantānaṃ sabbesaṃ sarūpeṇa gahaṇaṃ na katanti dve tayoti lakkhaṇakaraṇanti viññāyatīti.

Yadi sabbākusale uppajjanakassapi uddhaccassa eko eva cittuppādo visayabhāvena vuccati, avijjānīvaraṇassapi tathā vattabbanti adhippāyena “**kasmā vutta**”ntiādīnā codeti. Itaro uddhaccanīvaraṇasseva tathā vattabbataṃ avijjānīvaraṇassa tathā vattabbatābhāvaṇca dassetuṃ “**suttante**”tiādīmāha. Tattha **suttante vuttasu pañcasu nīvaraṇesūti** uddhaccasahagata uddhaccassa avijjānīvaraṇena nīvaraṇasahitataṃ āsankitvā vuttaṃ. Nanu ca suttante “avijjānīvaraṇānaṃ sattāna”ntiādīsū (saṃ. ni. 2.124) avijjā “nīvaraṇa”nti vuttāti? Saccametaṃ, jhānaṅgānaṃ paṭipakkhabhāvena pana suttante bahulaṃ kāmaccchandādayo pañceva nīvaraṇāni vuttānti yebhuyyavuttivasena etaṃ vuttanti daṭṭhabbaṃ.

Keci pana “yathā nikkhepakaṇḍe kusalaṭipakkhabhūtāni dubbalānīpi nīvaraṇāni paṭṭhāne viya dassitāni. Tathā hi **paṭṭhāne** (paṭṭhā. 3.8.1) ‘nīvaraṇaṃ dhammaṃ paṭicca nīvaraṇo dhammo uppajjati na purejātapaccayā. Arūpe kāmaccchandānīvaraṇaṃ paṭicca thinamiddhanīvaraṇaṃ uddhaccanīvaraṇa’ntiādi vuttaṃ, na evaṃ aṭṭhakathākaṇḍe. Aṭṭhakathākaṇḍe pana jhānaṭipakkhabhūtāniyeva nīvaraṇāni niddiṭṭhānti ‘uddhaccanīvaraṇaṃ uddhaccasahagata cittuppāde uppajjati’ti vuttaṃ. Aṭṭhakathāyaṃ pana uddhaccanīvaraṇassa kāmaccchandādīhi ekato uppattidassanaṃ nikkhepakaṇḍānusāreṇa kataṃ ekato uppattiyā pabhedadassanattaṃ. Tattha hi pāḷiyāyeva tāni vitthārato vuttānti”ti vadanti. Ayaṇca vādo “uddhaccanīvaraṇaṃ uddhaccasahagata cittuppāde uppajjati”ti idameva vacanaṃ nāpakanti katvā vutto. Aññathā avijjānīvaraṇaṃ viya vattabbaṃ siyā. Na ti ito aññaṃ pariyuṭṭhānaṭṭhāyīniyeva nīvaraṇāni atthuddhārakaṇḍe adhippetānti imassa atthassa sādhaṃ vacanaṃ atthi, idaṃ vacanaṃ dveṭṭhivacanassa sāmāññena sabbānīvaraṇasaṅgāhakattā yathāvuttavacanassa visayavisesappakāsanasaṅkhātena payoṇantarena vuttabhāvassa dassitā ca nāpakaṃ na bhavati dissati, tasmā vicāretvā gahetabbaṃ.

Aggahetvāti yathārutavaseneva atthaṃ aggahetvā yathā nikkhepakaṇḍapaṭṭhānādīhi na imissā pāḷiyā virodho hoti, evaṃ adhippāyo gavesitabboti yathāvuttamevatthaṃ nigameti.

1577. Tesanti lobhādito aññesaṃ. **Dassitāti** kathaṃ dassitā? Māno tāva lobhamohauddhaccaahirikānottappehi, lobhamohathinauddhaccaahirikānottappehi, tathā diṭṭhi, vicikicchā mohauddhaccaahirikānottappehi, thinam lobhamohadiṭṭhiuddhaccaahirikānottappehi, lobhamohamānauddhaccaahirikānottappehi, lobhamohauddhaccaahirikānottappehi, dosamohauddhaccaahirikānottappehi, uddhaccaṃ lobhamohadiṭṭhiahirikānottappehi, lobhamohadiṭṭhithinaahirikānottappehi, lobhamohamānaahirikānottappehi, lobhamohamānathinaahirikānottappehi, lobhamohathinaahirikānottappehi, lobhamohaahirikānottappehi, dosamohaahirikānottappehi, dosamohathinaahirikānottappehi, mohavicikicchāahirikānottappehi, mohaahirikānottappehi ekato uppajjati.

Yathā ca uddhaccaṃ, evaṃ ahirikānottappāni ca yojetvā veditabbāni. Kathaṃ? Ahirikaṃ lobhamohadiṭṭhiuddhaccānottappehi, lobhamohadiṭṭhithinauddhaccānottappehi, lobhamohamānauddhaccānottappehi, lobhamohamānathinauddhaccānottappehi, lobhamohathinauddhaccānottappehi, lobhamohauddhaccānottappehi, dosamohauddhaccānottappehi, dosamohathinauddhaccānottappehi, mohavicikicchāuddhaccānottappehi, mohauddhaccānottappehi ca ekato uppajjati. Anottappaṃ lobhamohadiṭṭhiuddhaccāhirikehi, lobhamohadiṭṭhithinauddhaccāhirikehi, lobhamohamānauddhaccāhirikehi, lobhamohamānathinauddhaccāhirikehi, lobhamohathinauddhaccāhirikehi, lobhamohauddhaccāhirikehi, dosamohauddhaccāhirikehi, dosamohathinauddhaccāhirikehi, mohavicikicchāuddhaccāhirikehi, mohauddhaccāhirikehi ca ekato uppajjati evamettha mānādīnampi ekato uppatti veditabbā. Sesam uttānatthameva.

Aṭṭhakathākaṇḍavaṇṇanā niṭṭhitā.

Iti dhammasaṅgaṇīmūlaṭīkāya līnatthapadavaṇṇanā

Dhammasaṅgaṇī-anuṭīkā samattā.